

Pali Text Society

---

# SADDHAMMAPPAKĀSINĪ

COMMENTARY ON THE  
PAṬISAMBHIDĀMAGGA

VOL. II.

EDITED BY

C. V. JOSHI, M.A.

PROFESSOR OF PALI, STATE COLLEGE, AND  
KEEPER OF STATE RECORDS, BARODA

London

HUMPHREY MILFORD  
OXFORD UNIVERSITY PRESS  
AMEN HOUSE, E.C. 4


1940

PRINTED IN GREAT BRITAIN




### NOTE BY GENERAL EDITOR

IN view of slow postal transport under war conditions I have taken on myself to pass Professor Joshi's proofs through press, and these conditions have compelled me to do so separated from my library. Hence any uncorrected errors should not be imputed to him. One more volume will complete his edition.



## CONTENTS

	PAGE
Saccaññācatukkadvaya-niddesa-vañṇanā - -	387
Suddhikapāṭisambhidāññāna-niddesa-vañṇanā - -	390
Indriyaparopariyattaññāna-niddesa-vañṇanā - -	391
Āsayānusayaññāna-niddesa-vañṇanā - -	395
Sabbaññūtaññāna-niddesa-vañṇanā - -	429
Assādaditṭhi-vañṇanā - - - -	435
Attānuditṭhi-vañṇanā - - - -	445
Ānāpānassatikathā-vañṇanā - - - -	467



# Saddhammappakāsini

PAṬISAMBHIDĀMAGGATTHAKATHĀ

## [SACCAÑĀNACATUKKADVAYA NIDDESA-VANĀNĀ.]

Saccañānacatukkadvaya-niddese: Dukkhasa *pīlanattho* ādini vuttaṭṭhān' eva.

[119]<sup>1</sup> *Maggasamaṅgissa ñāṇaṇ dukkhe p' etaṇ ñāṇaṇ* 'ti ādi ānantaracatukke viya ekābhisamayavasena vuttaṇ. Duvidhaṇ hi saccañāṇaṇ: lokiyaṇ,<sup>2</sup> lokuttaraṇ ca. Lokiyaṇ<sup>2</sup> duvidhaṇ: anubodhañāṇaṇ, paccavekkhaṇañāṇaṇ ca. Anubodhañāṇaṇ ādikammikassa anussavādivasena nirodhe magge ca pavattati, dukkhe samudaye ca ārammaṇakaraṇavasena paccavekkhaṇañāṇaṇ. Paṭividdhasaccassa catūsu 'pi saccesu ārammaṇakaraṇavasena lokuttaraṇ paṭivedhañāṇaṇ nirodham ārammaṇaṇ katvā kiccato cattāri saccāni paṭivijjhati. Yath' āha: "Yo bhikkhave dukkhaṇ passati, dukkhasamudayaṇ 'pi so passati, dukkhanirodham 'pi passati, dukkhanirodhagāmini-paṭipadam 'pi passatī 'ti," sabbhaṇ vattabbaṇ. Idhā-pi iminā vārena idam eva vuttaṇ. Tam pana lokuttaram 'pi dukkhe ñāṇaṇ 'ti ādini nāmāni labhatī, 'ti dassana-tthaṇ vuttaṇ.<sup>3</sup> Idha pana lokikañāṇam eva adhippetāṇ.

2. Tasmā yeva ca *Tattha katamaṇ dukkhe ñāṇaṇ?* 'ti ādim āha. Tattha: *Dukkhaṇ ārabbhā* 'ti dukkhasaccaṇ ālambitvā, ārammaṇaṇ katvā 'ti attho. *Paññā* 'ti ādisu tassa tassa atthassa pākāṭakarāṇa-saṅkhātena paññāpana-tṭhena paññā; tena vā aniccādinā pakārena dhamme pajānāti 'ti paññā. Idam assa sabhāvapadaṇ. Pajānanākāro *pajānanā*. Aniccādini vijānāti 'ti *vicayo*. *Pavicayo* 'ti upasaggena padaṇ vaḍḍhitaṇ, pakārena vicayo 'ti attho. Catu-saccadhammaṇ<sup>4</sup> vicināti 'ti *dharmavicayo*. Aniccādināṇ

<sup>1</sup> These bracketed figures refer to page in *Paṭisambhidāmagga* text, vol. i.

<sup>2</sup> K -kaṇ.

<sup>3</sup> K omits vuttaṇ.

<sup>4</sup> K saccadhammaṇ.

sammā lakkhaṇavasena *sallakkhaṇā*. Sā eva upasaggaṇā-nattena *upalakkhaṇā*, *paccūpalakkhaṇā*, 'ti vuttā; bhusaṇ lakkhaṇā. Te te aniccādi-dhamme paṭicca upalakkhaṇā 'ti attho. Paṇḍitabhāvo *paṇḍiccaṇ*. Kusalabhāvo *kosallaṇ*. Nipuṇabhāvo *nepuṇṇaṇ*. Aniccādinaṇ vibhāvanavasena vebhavyā. Aniccādinaṇ cintanakavasena *cintā*, yassa uppa-jjati taṇ aniccādini cintapeti 'ti 'pi cintā. Aniccādini upa-parikkhati 'ti *upaparikkhā*. *Bhūrī* 'ti paṭhavi. Ayam 'pi saṇhaṭṭhena ca vitthataṭṭhena ca bhūri viyā 'ti bhūri; athavā paññā yeva bhūte atthe ramati 'ti bhūri 'ti vuccati. Asani viya siluccaye, kilese medhati hiṇṣati 'ti *medhā*; khi-ppaṇ gahaṇadhāraṇaṭṭhena vā medhā. Yassa uppajjati taṇ sattahitaṇṇapattiyaṇ sampayuttadhamme ca yathāvalakkha-ṇapaṭivedhe pariṇāmeti 'ti *pariṇāyikā*. Dhamme aniccādi-vasena vividhā passati 'ti *vipassanā*. Sammā pakārehi aniccādini<sup>1</sup> jānāti 'ti sampajāno. Tassa bhāvo *sampajāṇaṇ*. Uppathaṇṇaṇne sindhave vīthiṇ<sup>2</sup> āropaṇaṭṭhaṇ patodo viya, uppathe dhāvanakaṇ kūṭacittaṇ vīthiṇ<sup>2</sup> āropaṇaṭṭhaṇ vijjhati 'ti patodo viya *patodo*. Dassanallakkhaṇe Indaṭṭhaṇ karoti 'ti indriyaṇ.<sup>3</sup> Paññāsaṇkhātaṇ indriyaṇ *paññindriyaṇ*. (Kiṇ vuttaṇ hoti? Na idaṇ purisassa indriyaṇ purisindri-yaṇ 'ti ādi viya paññāya indriyaṇ paññindriyaṇ! Atha kho paññā eva paññindriyaṇ 'ti vuttaṇ hoti.) Avijjāya na kampaṭi 'ti *paññābalaṇ*. Kilesacchedanaṭṭhena paññā 'va satthaṇ *paññāsatthaṇ*. Accuggataṭṭhena paññā 'va pāsādo *paññāpāsādo*. Ālokaṇaṭṭhena paññā 'va āloko *paññā-āloko*. Obhāsaṇaṭṭhena paññā 'va obhāso *paññā-obhāso*. Pajjo-tanaṭṭhena paññā 'va pajjoto *paññāpajjoto*.

Paññāvato hi ekapallaṇkena nisinnassa dasasahassī loka-dhātu ekālokā, ekobhāsā ekapajjotā hoti, tena taṇ vuttaṇ. Imesu pana tīsu padesu ekapadenā-pi ekasmiṇ atthe siddhe —yāni pan' etāni Bhagavatā, "Cattāro 'me bhikkhave ālokā. Katame cattāro? Candāloko, suriyāloko, aggāloko, paññāloko; ime kho bhikkhave cattāro ālokā. Etad-aggaṇ bhikkhave imesaṇ catunnaṇ ālokānaṇ yad-idaṇ paññāloko,"

<sup>1</sup> K -dinaṇ.<sup>2</sup> B, SH vīthi-.<sup>3</sup> B, K paññindriyaṇ.

tathā, “Cattāro ‘me bhikkhave obhāsā,” “Cattāro ‘me bhikkhave pajjotā,” ‘ti sattānaṃ ajjhāsayavasena suttāni desitāni—tadanurūpen’ eva idha-pi therena desanā katā. Attho hi anekehi ākārehi vibhajjamāno suvibhatto hoti; aññathā ca añño bujjhati, aññathā añño ‘ti.

Ratikaraṇaṭṭhena pana ratidāyakaṭṭhena ratijanaṇaṭṭhena cittikataṭṭhena dullabhapaṭubhāvaṭṭhena atulaṭṭhena anomasattaparibhogatṭhena ca paññā ‘va ratanaṃ *paññāratanā*. Na tena sattā muyhanti, sayāṃ vā ārammaṇe na muyhatī ‘ti *amoho*. *Dhammavicaya*padāṃ vuttattham eva. Kasmā pan’ etaṃ vuttan? ‘ti: Amohassa mohapaṭipakkhabhāva-dīpana-tthaṃ. Ten’ etaṃ dipeti, “Yvā-yaṃ amoho so na kevalaṃ mohato añño dhammo, mohassa pana paṭipakkho dhamma-vicaya-saṅkhāto amoho nāma idha adhippeto,” ‘ti. *Sammā-ditṭhi*<sup>1</sup> ‘ti yāthāva-niyyānika-kusaladitṭhi.<sup>2</sup>

3. “Tattha katamaṃ dukkhasamudaye ñāṇaṃ? Tattha katamaṃ dukkhanirodhe ñāṇaṃ? Tattha katamaṃ dukkhanirodhagāminiyā paṭipadāya ñāṇaṃ?” ‘ti pucchāvacaṇāni saṅkhepavasena vuttāni ‘ti.

Saccañāṇacatukkadvaya-Niddesa-Vañṇanā Niṭṭhitā.

<sup>1</sup> K Tāsmā ditṭhi ‘ti.

<sup>2</sup> SH yāthāvaditṭhi niyyānikā kusaladitṭhi.

## [SUDDHIKAPAṬISAMBHIDĀÑĀṆA- NIDDESA-VANṆANĀ.]

Suddhikapaṭisambhidāñāṇaniddese: Imesaṃ ñāṇaṃ pa-  
bhedābhāvato yeva heṭṭhā viya pabhedan adassetvā 'va  
*Atthesu ñāṇaṃ atthapaṭisambhidā* 'ti ādi vuttaṃ. Paññāpa-  
bhedābhāve 'pi attanā paṭividdha-catusaccadhammamatta-  
vasena nānattasabbhāvato *Atthanānatte paññā atthapaṭi-*  
*sambhidāñāṇaṃ* 'ti ādi vuttaṃ. Tattha: *Nānatte* 'ti atthā-  
dīnaṃ anekabhāve. *Vavatthāne* 'ti atthādīnaṃ nicchayane.  
[120] *Sallakkhane* 'ti atthādīnaṃ sammā dassane. *Upala-*  
*kkhane* 'ti atthādīnaṃ bhusaṃ dassane. *Pabhede* 'ti atthā-  
dīnaṃ nānābhede. *Pabhāvane* 'ti atthādīnaṃ pākāṭikaraṇena  
uppādane. *Jotane* 'ti atthādīnaṃ dīpane. *Virocane* 'ti atthā-  
dīnaṃ vividhaṃ<sup>1</sup> dīpane. *Pakāsane* 'ti atthādīnaṃ pabhāsane.

'Nānatte' 'ti mūlapadaṃ katvā sabbasādhāraṇavasena  
vuttaṃ; vavatthāne 'ti sotāpannassa vasena; sallakkhane,  
upalakkhane 'ti sakadāgāmissa vasena; pabhede, pabhāva-  
ne' 'ti anāgāmissa vasena; jotane, virocane, pakāsane, 'ti  
arahato vasena vuttan 'ti evam 'p' ettha yojanā kātābbā 'ti.

Suddhikapaṭisambhidāñāṇa-Niddesa-Vanṇanā Niṭṭhitā.

---

<sup>1</sup> B vividha-; K, SM vividhā.



## [INDRIYAPAROPARIYATTANĀṆA- NIDDESA-VANṆANĀ.]

[121] Indriyaparopariyattañāṇa-niddese: *Tathāgatassū* 'ti vacane Uddese sarūpato avijjamāne 'pi, "Cha ñāṇāni asādhāraṇāni sāvakehi," 'ti vuttattā, "Tathāgatassā," 'ti vuttam eva hoti. Tasmā Uddese atthato siddhassa Tathāgata-vacanassa Niddese gahaṇaṇ katan. *Satte passatī* 'ti rūpādīsu chandarāgena sattatāya laggatāya sattā. Te satte indriyaparopariyattañāṇena cakkhunā passati oloketi. *Apparajakke* 'ti paññāmaye akkhiṃhi appaṇ rāgādiraḷo etesan 'ti vā<sup>1</sup> apparajakkhā, appaṇ rāgādiraḷo etesan 'ti vā apparajakkhā. Te apparajakke. *Mahārajakkhe* 'ti paññāmaye akkhiṃhi mahantaṇ rāgādiraḷo etesan 'ti mahārajakkhā, mahantaṇ rāgādiraḷo etesan 'ti vā mahārajakkhā. *Tikkhindriye mudindriye* 'ti tikkhāni saddhādīni indriyāni etesan 'ti tikkhindriyā, mudūni saddhādīni indriyāni etesan 'ti mudindriyā. *Svākāre dvākāre* 'ti sundarā saddhādayo ākāra koṭṭhāsā etesan 'ti svākārā. Kucchitā garahitā saddhādayo ākāra koṭṭhāsā etesan 'ti dvākārā. *Suviññāpaye dviññāpaye* 'ti ye kathitaṇ kāraṇaṇ sallakkhenti, sukhena sakkā honti viññāpetuṇ te suviññāpayā. Tabbi-paritā dubiññāpayā. *Appekacce paralokavajja-bhayadassāvino* 'ti api eke paralokaṇ c' eva rāgādivajjaṇ ca bhayato passante. Imassa pana padassa niddese lokass' eva vuttattā,<sup>2</sup> khandhādiloke ca rāgādivajje ca paraṇ bālhaṇ bhayaṇ passanasilā 'ti vā paralokavajja-bhayadassāvino, te paralokavajja-bhayadassāvino 'ti evam attho gaḷetabbo. *Appekacce na paralokavajja-bhayadassāvino* 'ti tabbiparite. Loko 'ti ca lujjanīyaṭṭhena,<sup>3</sup> vajjan 'ti ca vajjanīyaṭṭhena. Ettāvatā uddesassa<sup>4</sup> niddeso<sup>5</sup> kato hoti.

<sup>1</sup> K, SM *omit* vā.

<sup>2</sup> K paralokass' eva na vuttattā.

<sup>3</sup> K palujjanatṭhena.

<sup>4</sup> K *omits*.

<sup>5</sup> K uddeso.

2. Puna niddesassa paṭiniddesaṇ karonto *Apparajakke mahārajjakkhe* 'ti ādim āha. Tattha tīsu ratanesu okappaṇa-saṅkhātā saddhā assa atthi 'ti *saddho*. So saddhā-sampanno *puggalo* asaddhiyarajassa<sup>1</sup> c' eva assaddhiyamūlakassa sesākusalarajassa ca appakattā *apparajakkho*. N' atthi etassa saddhā 'ti assaddho. So vuttappakārassa rajassa mahantattā *mahārajjakkho*. Āraddhaṇ viriyam anenā 'ti *āraddhaviriyo*. So kosajja-rajassa c' eva kosajjamūlakassa sesākusala-rajassa ca appakattā *apparajakkho*. Hīnaviriyattā kucchitena ākārena sīdati 'ti kusīdo. Kusīdo 'va *kusīto*. So vuttappakārassa rajassa<sup>2</sup> mahantattā *mahārajjakkho*. Ārammaṇaṇ upecca ṭhitā sati assā 'ti *upatthitasati*. So muṭṭhasacca-rajassa c' eva muṭṭhasaccamūlakassa sesākusala-rajassa ca appakattā *apparajakkho*. Muṭṭhā natthā sati assā 'ti *muṭṭhasati*. So vuttappakārassa rajassa mahantattā *mahārajjakkho*. Appaṇāsamādhinā, upacārasamādhinā vā, ārammaṇe samaṇ sammā āhito ṭhito 'ti *samāhito*, samāhitacitto 'ti vā samāhito. So uddhacca-rajassa c' eva uddhaccamūlakassa sesākusala-rajassa ca appakattā *apparajakkho*. Na samāhito *asamāhito*. So vuttappakārassa rajassa mahantattā *mahārajjakkho*. Udayatthagāminī paññā assa atthi 'ti *paññavā*. So moha-rajassa c' eva mohamūlakassa sesākusala-rajassa ca appakattā *apparajakkho*. Mohamūlhattā duṭṭhā paññā assā 'ti *duppañño*. So vuttappakārassa rajassa mahantattā *mahārajjakkho*.

3. *Saddho puggalo tikkhindriyo* 'ti bahulaṇ uppajjamānāya balavatiyā saddhāya saddho. Ten' eva saddhindriyena tikkhindriyo. *Assaddho puggalo mudindriyo* 'ti bahulaṇ uppajjamānena assaddhiyena assaddho. Antarantarā uppajjamānena dubbalena saddhindriyena mudindriyo. Esa nayo sesesu 'pi.

4. *Saddho puggalo svākāro* 'ti tāya eva saddhāya sobhanākāro. *Assaddho puggalo dvākāro* 'ti ten' eva assaddhiyena virūpākāro. Esa nayo sesesu 'pi.

<sup>1</sup> K assaddhiyassa.

<sup>2</sup> K sīdarajassa.

5. *Suviññāpayo* 'ti sukhena viññāpetuṇ sakkuṇeyyo. *Duviññāpayo* 'ti dukkhena viññāpetuṇ sakkuṇeyyo.

[122] 6. *Paralokavajjabhayadassāvī* 'ti ettha yasmā paññā-sampannass' eva saddhādīni suparisuddhāni honti, tasmā suparisuddhasaddhādi-sampanno taṇsampayuttāya suparisuddhasaddhādi-sampanno 'pi vā tappaccayāya paññāya paralokavajjabhayadassāvī hoti. Tasmā eva hi saddhādayo 'pi cattāro paralokavajjabhayadassāvī 'ti vuttā.

7. Idāni 'Paralokavajjabhayadassāvī' 'ti ettha vuttaṇ lokaṇ ca bhayañ<sup>1</sup> ca dassetuṇ *Loko* 'ti ādim āha. Tattha khandhā eva lujjanaṭṭhena loko 'ti<sup>2</sup> *khandhaloko*. Sesadvaye pi es' eva nayo. *Vipattibhavaloko* 'ti apāyaloko. So hi anīṭṭhaphalattā virūpo lābho<sup>3</sup> 'ti vipatti, bhavatī 'ti bhavo; vipatti eva bhavo vipattibhavo; vipattibhavo eva loko vipattibhavaloko. *Vipattisambhavaloko* 'ti apāyūpagaṇ kammaṇ. Taṇ hi sambhavati etasmā phalan' ti Sambhavo; vipattiyā sambhavo vipattisambhavo; vipattisambhavo eva loko vipattisambhavaloko. *Sampattibhavaloko* 'ti sugatiloko. So hi iṭṭhaphalattā sundaro lābho<sup>3</sup> 'ti sampatti; bhavatī 'ti bhavo; sampatti eva bhavo sampattibhavo; sampattibhavo eva loko sampattibhavaloko. *Sampattisambhavaloko* 'ti sugatūpagaṇ kammaṇ. Taṇ hi sambhavati etasmā phalan<sup>4</sup> 'ti sambhavo; sampattiyā sambhavo sampattisambhavo; sampattisambhavo eva loko sampattisambhavaloko. *Eko loko* 'ti ādīni heṭṭhā vuttatthān' eva.

8. *Vajjan* 'ti napuṇsakavacanaṇ asuko 'ti aniddiṭṭhattā kataṇ. *Kilesā* 'ti rāgādayo. *Duccaritā* 'ti pāṇātipātādayo. *Abhisankhārā* 'ti puññābhisankhārādayo. *Bhavaḡāmikammā* 'ti attano vipākādānavasena bhavaṇ gacchantī 'ti bhavaḡāmino; abhisankhāresu 'pi vipākajanakān' eva kammāni vuttānī. *Itī* 'ti vuttappakāraṇidassanaṇ. *Imasmiṇ ca loke imasmiṇ ca vajje* 'ti vuttappakāre loke ca vajje ca. *Tibbā*

<sup>1</sup> B, K, SM vajjaṇ.

<sup>2</sup> K omits Loko 'ti.

<sup>3</sup> K loko,

<sup>4</sup> K omits phalan,

*bhayaśaṇṇā* 'ti balavatī bhayaśaṇṇā. Tibbā 'ti pana<sup>1</sup> saddassa attho vutto, Bhayaśaṇṇā 'ti bhaya-saddassa; lokavajja-dvayam 'pi hi bhayavatthuttā 'bhayañ ca. Bhayattā<sup>b</sup> 'bhayaṇ bhayam' iti saṇṇā bhayaśaṇṇā. *Paccupaṭṭhitā hotī* 'ti taṇ taṇ paṭicca upecca ṭhitā hoti. *Seyyathā 'pi ukkhiṭṭāsike vadhake* 'ti yathā nāma paharituṇ uccāritakhagge paccāmitte tibbā bhayaśaṇṇā paccupaṭṭhitā hoti, evam eva loke ca vajje ca tibbā bhayaśaṇṇā paccupaṭṭhitā hoti. *Imehi paññāsāya ākārehi* 'ti apparajakkha-pañcakādisu dasasu pañcakesu ekekasmiṇ pañcannaṇ pañcannaṇ ākāraṇaṇ vasena paññāsāya ākārehi. *Imāni pañcendriyāni* 'ti saddhindriyādīni pañcendriyāni. *Jānāti* 'ti Tathāgato paññāya pajānāti. *Passati* 'ti dibbacakkhunā diṭṭhaṇ viya karoti. *Aññāti* 'ti sabbākāra-mariyādāhi jānāti. *Paṭivijjhati* 'ti ekadesaṇ ase-setvā niravasesadassanavasena<sup>2</sup> paññāya padāletī 'ti.

Indriyaparopariyattañāṇa-Niddesa-Vaṇṇanā Niṭṭhitā.<sup>3</sup>

<sup>1</sup> B bhaya-; SH para.

<sup>2</sup> K nissesa-.

<sup>a to b</sup> B, K Sayañ ca bhayattā.

<sup>3</sup> Volume I of K ends here.

## [ĀSAYĀNUSAYAÑĀNA-NIDDESA- VAÑÑANĀ]

[123] 1. Āsayānusayañānaniddese: *Idha Tathāgato* 'ti ādi pañcadhā t̥hapito niddeso. Tattha *āsayānusayā* vuttat̥thā eva. *Caritan* 'ti pubbe katar̥ kusalākusala-kammaṇ. *Adhimuttin* 'ti sampati kusale akusale vā cittavossaggaṇ. *Bhābbābhabbe* 'ti bhabbe ca abhabbe ca. Ariyāya jātiyā sambhavanti jāyanti 'ti bhabbā, vattamānasamīpe vattamānavacanaṇ. Bhavissanti jāyissanti vā 'ti bhabbā, bhājanabhūtā 'ti attho. Ye ariyamaggapaṭivedhassa anucchavikā upanissayasampannā te bhabbā. Vuttapaṭipakkhā abhabbā.

2. *Katamo ca sattānaṇ āsayo ?* 'ti ādi niddesassa paṭiniddeso. Tattha: *sassato* 'ti nicco loko 'ti attho. *Idha sarīraṇ* yeva nassati, attā pana *idha parattha*<sup>1</sup> ca so yevā 'ti maññanti. So hi sayāṇ yeva āloketi 'ti katvā *loko* 'ti maññanti. *Assato* 'ti anicco attā. *Sarīren* eva saha nassati 'ti maññanti. *Antavā* 'ti paritte kaṣiṇe jhānaṇ uppādetvā taṇ parittakasiṇārammaṇaṇ cittaṇ sapariyanto attā 'ti maññanti. *Anantavā* 'ti appamāṇe kaṣiṇe jhānaṇ uppādetvā taṇ appamāṇakasiṇārammaṇaṇ cittaṇ apariyanto attā 'ti maññanti. *Taṇ jīvaṇ taṇ sarīran* 'ti jīvo ca sarīraṇ ca taṇ yeva. Jīvo 'ti attā, līṅgavipallāsena napaṇsakavacanaṇ katar̥. *Sarīran* 'ti rāsatt̥hena khandhapañcakaṇ. *Aññaṇ jīvaṇ aññaṇ sarīran* 'ti añño jīvo, aññaṇ khandhapañcakaṇ. *Hoti Tathāgato param maraṇā* 'ti khandhā idh' eva vinassanti, satto maraṇato paraṇ hoti, vijjati, na nassati. *Tathāgato* 'ti c' ettha *sattādhivacana*<sup>2</sup> 'ti keci. Keci pana, '*Tathāgato* 'ti *arabā*,' 'ti vadanti. Ime '*na hoti*' 'ti pakkhe dosaṇ disvā evaṇ gaṇhanti. *Na hoti Tathāgato param maraṇā* 'ti khandhā 'pi idh' eva nassanti, *Tathāgato* ca maraṇato paraṇ na hoti, ucchijjati vinassati. Ime '*hoti*' 'ti pakkhe dosaṇ disvā

<sup>1</sup> SH parassa.

<sup>2</sup> SH Sattāhā.

evaṃ gaṇhanti. *Hoti ca na hoti cā* 'ti ime ekekapakkhapa-  
riggahe dosaṃ disvā ubhayapakkhaṃ gaṇhanti. *N' eva hoti  
na na hoti* 'ti ime ubhayapakkhapa-riggahe ubhayadosāpattiṃ  
disvā, "Hoti 'ti ca na hoti, n' eva hoti 'ti ca na hoti," 'ti  
amarāvikkhepapakkaṃ gaṇhanti.

Ayam paṇ' ettha aṭṭhakathānayo: Sassato loko 'ti cā 'ti  
ādimhi<sup>1</sup> dasa<sup>2</sup> ākārehi diṭṭhipabbhedo 'va vutto. Tattha:  
Sassato loko 'ti ca khandhapañcakaṃ 'loko' 'ti gahetvā  
ayaṃ loko nicco dhuvo sabbakāliko 'ti gaṇhantassa 'sassa-  
tan' 'ti gahaṇākārappavattā diṭṭhi. Asassato 'ti tam eva  
lokaṃ ucchijjati vinassatī 'ti gaṇhantassa ucchedagahaṇākā-  
rappavattā diṭṭhi. Antavā 'ti parittakasiṇalābhino suppa-  
matte vā sarāva-matte vā kasiṇe samāpannassa antosamā-  
pattiyaṃ pavattita-rūpārūpadhamme 'loko' 'ti ca kasiṇa-  
paricchedantena 'antavā' 'ti ca gaṇhantassa 'antavā loko'  
'ti gahaṇākārappavattā diṭṭhi. Sā sassatadiṭṭhi 'pi hoti,  
ucchedadiṭṭhi 'pi. Vipulakasiṇalābhino pana tasmiṃ kasiṇe  
samāpannassa antosamāpattiyaṃ pavattita-rūpārūpadhamme  
loko 'ti ca, kasiṇaparicchedānantena<sup>2</sup> ca 'Na antavā<sup>3</sup> 'ti ga-  
hantassa anantavā loko 'ti gahaṇākārappavattā diṭṭhi. Sā  
sassatadiṭṭhi 'pi hoti, ucchedadiṭṭhi 'pi. Taṃ jīvaṃ taṃ sarīraṃ  
'ti bhedanadhammassa sarīrass' eva jīvaṃ 'ti gahitattā sarīre  
ucchijjamāne jīvaṃ 'pi ucchijjati 'ti uccheda-gahaṇākārappa-  
vatta diṭṭhi. Dutiyapade sarīrato aññassa jīvassa gahitattā  
sarīre ucchijjamāne 'pi jīvaṃ na ucchijjati 'ti sassata-gahaṇā-  
karāppavattā diṭṭhi. Hoti Tathāgato 'ti ādisu satto Tathā-  
gato nāma. So param maraṇā hoti 'ti gaṇhato dutiyā ucche-  
dadiṭṭhi. Hoti ca na ca hoti 'ti gaṇhato tatiyā ekaccasassatā  
diṭṭhi. N' eva hoti na na hoti 'ti gaṇhato catutthā vikkhe-  
padiṭṭhi<sup>4</sup> 'ti.

*Iti* 'ti vuttappakāra-diṭṭhinissayanidassanaṃ. *Bhavaditṭhi-  
sannissitā vā sattā honti vibhavaditṭhisannissitā vā* 'ti: bhavo  
vuccati sassato, sassatavasena uppajjamānā diṭṭhi bhava-  
diṭṭhi. 'Bhavo 'ti diṭṭhi' 'ti vuttaṃ hoti. Vibhavo vuccati

<sup>1</sup> B ādīhi.

<sup>2</sup> B, SH *v.l.* -chedantena.

<sup>3</sup> B Anantavā for Na antavā.

<sup>4</sup> B amarāvikkhapa-.





Idāni 'Sassato loko' 'ti ādihi micchādīṭṭhiparibhāvitāṇ, 'Ete vā panā' 'ti ādihi sammādīṭṭhiparibhāvitāṇ satta-santānaṇ dassetvā *Kāmaṇ sevantañ ñevā* 'ti ādihi sesākusalehi, sesakusalehi ca, paribhāvitāṇ sattasantānaṇ dasseti. Tattha: 'Kāmaṇ sevantaṇ yeva puggalaṇ tathāgato *jānāti*' 'ti yojanā katabbā. Sevantaṇ 'ti ca abhiñhasamudācārasena sevamānaṇ. Pubbe asevitavasena kilesakāmo garu assā 'ti *kāmagaruko*. Tath' eva kāmo āsaye santāne assā 'ti *kāmāsayo*. Santānavasen' eva kāme adhimutto laggo 'ti *kāmādhimutto*. Sesusu 'pi es' eva nayo. *Nekkhammā*dini vuttatṭhān' eva. Kāmādihi ca tīhi sesākusalā, nekkhammādihi tīhi sesakusalā gahitā vā honti 'ti veditabbā. *Ayaṇ sattānaṇ āsayo* 'ti tidhā vuttaṇ santānam eva dasseti.

Ayam pan' ettha Atṭhakathānayo: "Iti bhavadīṭṭhisannissitā vā 'ti evaṇ sassatadīṭṭhiṇ vā sannissitā, sassatadīṭṭhi hi ettha bhavadīṭṭhi 'ti vuttā, ucchedadīṭṭhi ca vibhavadīṭṭhi 'ti. Sabbadīṭṭhiṇaṇ hi sassat-ucchedadīṭṭhihi saṅghatattā sabbe 'pi 'me dīṭṭhigatikā sattā imā 'va dve dīṭṭhiyo sannissitā honti. Vuttam 'pi c' etaṇ, 'Dvayanissito khvāyaṇ, Kaccāna! loko yebhuyyena. Atthitaṇ c' eva, natthitañ cā,' 'ti. Ettha hi atthitā 'ti sassataṇ, natthitā 'ti ucchedo. Ayaṇ tāva vaṭṭanissitānaṇ āsayo. Idāni vivaṭṭanissitānaṇ suddhasattānaṇ āsayāṇ dassetaṇ, 'Ete vā pana ubho ante anupagammā,' 'ti ādi vuttaṇ. Tattha: Ete vā panā 'ti ete yeva. Ubho ante 'ti. Sassat-Uccheda-saṅkhāte dve ante. Anupagammā 'ti na alliyivā. Idappaccayatā-paṭiccasamuppannesu dhammesu 'ti idappaccayatāya c' eva paṭiccasamuppannesu dhammesu<sup>1</sup> ca. Anulomikā khantī 'ti vipassanānaṇ. Yathābhūtañ ñānaṇ 'ti maggañānaṇ. Idaṇ vuttaṇ hoti: 'Yā paṭiccasamuppāde c' eva paṭiccasamuppannadhammesu ca ete ubho sassatuccheda-ante anupagantvā vipassanā paṭiladdhā, yaṇ ca tato uttariṇ maggañānaṇ, ayaṇ sattānaṇ āsayo. Ayaṇ vaṭṭanissitānañ ca sabbesam 'pi sattānaṇ āsayo, idaṇ vasanaṭṭhānaṇ,'<sup>2</sup> 'ti. Ayaṇ ācariyānaṇ samānaṭṭhakathā.

<sup>1</sup> B -ppanne dhamme.

<sup>2</sup> B ṭhapaṇa-.



Vitaṇḍavādī pan' āha: "Maggo nāma vasaṇ viddhaṇsento gacchati. Tvaṇ, 'Maggo vāso,' 'ti vadesi?" 'ti.

So vattabbo, "Tvaṇ Ariyavāsabhāṇako hosi? na hosi?" 'ti.

Sace, "Na homī," 'ti vadati; "Tvaṇ abhāṇakatāya na jānāsī," 'ti vattabbo. Sace, "Bhāṇako 'smi," 'ti vadati; "Suttaṇ āharā," 'ti vattabbo. Sace āharati, icc-etaṇ kusa-laṇ. No ce āharati, sayāṇ āharitabbaṇ: "Dasa yime, bhikkhave, ariyavāsā yad<sup>1</sup> ariyā āvasiṇsu vā, āvasanti vā, āvasissanti vā," 'ti. Etaṇ hi suttaṇ maggassa vāsabhāvaṇ dīpeti, tasmā sukathitam ev' etaṇ 'ti. Imam pana Bhāgavā sattānaṇ āsayāṇ jānanto imesaṇ ca dīṭṭhigatānaṇ imesaṇ ca vipassanāñāṇa-maggañāṇānaṇ appavattikkhaṇe 'pi jānāti eva, tasmā yeva ca, "Kāmaṇ sevantaṇ yeva jānāti," 'ti ādi vuttan 'ti.

3. Anusayaniddese anusayā 'ti: Ken' atṭhena anusayā? Anusayanatṭhena. Ko esa Anusayanatṭho nāmā? 'ti. Appahīnatṭho. Ete hi appahīnatṭhena tassa tassa santāne anusenti nāma. Tasmā anusayā 'ti vuccanti. Anusenti 'ti anurūpaṇ kāraṇaṇ labhitvā uppajjanti 'ti attho.

Athā-pi siyā: "Anusayanatṭho nāma appahīnākāro. So ca uppajjati 'ti vattuṇ na yujjati. Tasmā na anusayā uppajjanti?" 'ti.

Tatr' idam paṭivacanaṇ: Na<sup>2</sup> appahīnākāro. Anusayo 'ti pana appahīnatṭhena thāmagatakilesa vaccati. So citta-sampayutto sārammaṇo sappaccayatṭhena sahetuko ekantā-kusalo atito 'pi hoti, anāgato 'pi, paccuppanno 'pi. Tasmā Uppajjati 'ti vattuṇ yujjati. Tatr' idaṇ pamāṇaṇ,<sup>3</sup> Idh' eva tāva Abhisamayakathāya: "Paccuppanne kilese pajahati?" 'ti pucchaṇ katvā anusayānaṇ paccuppannabhāvassa atthitāya, "Thāmagato<sup>4</sup> anusayaṇ pajahati," 'ti vuttaṇ. Dhammasaṅgaṇiyaṇ mohassa padabhājane, "Avijjānusayo

<sup>1</sup> B yāya ca.

<sup>3</sup> B dhammappamāṇaṇ.

<sup>2</sup> B omits Na.

<sup>4</sup> B -gataṇ.

avijjāpariyutthānaṃ avijjālaṅgī moho akusalamūlaṃ. Ayaṃ tasmiṃ samaye moho hoti,” ’ti akusalacittena saddhiṃ mohassa uppannabhāvo vutto. Kathāvatthusmiṃ, “Anusayā abyākātā, anusayā ahetukā, anusayā cittavippayuttā,” ’ti sabbe vādā paṭisedhitā. Anusayayamake sattannaṃ vārānaṃ<sup>1</sup> aññatarasmiṃ uppajjanavāre, “Yassa kāmarāgānusayo uppajjati tassa paṭighānusayo uppajjati,” ’ti ādi vuttaṃ. Tasmā anusenti ’ti anurūpaṃ kāraṇaṃ labhitvā uppajjanti ’ti yaṃ vuttaṃ, taṃ iminā tantippamāṇena yuttan<sup>2</sup> ’ti veditabbaṃ. Yam ’pi, ‘Cittasampayutto ārammaṇo,’ ’ti ādi vuttaṃ, tam ’pi suvuttam eva. Anusayo hi nāma’ esa parinipphanno, cittasampayutto, akusaladhammo ’ti niṭṭham ettha gantabbaṃ.

Kāmarāgānusayo ’ti ādisu: kāmarāgo ca so appahīnatthēna anusayo cā ’ti kāmarāgānusayo. Sesapadesu ’pi es’ eva nayo. *Kāmarāgānusayo* c’ ettha lobhasahagacittesu saha-jātavasena, ārammaṇavasena ca, manāpesu<sup>3</sup> avasesa-kāmāvacaradhammesu ārammaṇavasen’ eva uppajjamāno lobho. *Paṭighānusayo* ca domanassasahagatacittesu saha-jātavasena, ārammaṇavasena ca manāpesu<sup>4</sup> avasesa-kāmāvacaradhammesu ārammaṇavasen’ eva uppajjamāno doso. *Mānānusayo* diṭṭhigatavippayutta-lobhasahagatacittesu saha-jātavasena, ārammaṇavasena ca, dukkhavedanāvajjesu avasesa-kāmāvacaradhammesu, rūpārūpāvacaradhammesu ca, ārammaṇavasen’ eva uppajjamāno māno. *Diṭṭhānusayo* catūsu diṭṭhigatasampayuttesu; *vicikicchānusayo* vicikicchāsahagate; *avijjānusayo* dvādasasu akusalacittesu saha-jātavasena, ārammaṇavasena ca; Tayo ’pi avasesa-tebhūmakadhammesu ārammaṇavasen’ eva uppajjamānā diṭṭhi-vicikicchā-mohā. *Bhavarāgānusayo* catūsu diṭṭhigatavippayuttesu uppajjamāno ’pi saha-jātavasena na vutto. Ārammaṇavasen’ eva pana rūpārūpāvacaradhammesu uppajjamāno lobho vutto.

Idāni yathāvuttānaṃ anusayānaṃ anusayanatthānaṃ dassento ‘Yaṃ loke’ ’ti ādim āha. Tattha: *Yaṃ loke piyārū-*

<sup>1</sup> B mahāvārānaṃ.

<sup>3</sup> SH amanāpesu.

<sup>2</sup> B suvattan.

<sup>4</sup> SH manāpesu.

*pan* 'ti yaṇ imasmiṇ loke piyajātikaṇ piyasabhāvaṇ. *Sātarūpan* 'ti sātājātikaṇ assādapadatthānaṇ iṭṭhārammaṇaṇ. *Ettha sattānaṇ kāmārāgānusayo anuseti* 'ti etasmiṇ iṭṭhārammaṇe sattānaṇ appahīnatthēna kāmārāgānusayo anuseti. Piyaṛūpaṇ sātārūpan 'ti ca idha kāmāvacaradhammo yeva adhippeto. Yathā nāma uḍaḇe nimuggassa heṭṭhā ca upari ca samantā uḍakam eva hoti, evam eva iṭṭhārammaṇe rūguppatti nāma sattānaṇ āciṇṇa-samāciṇṇā, tathā anīṭṭhārammaṇe paṭighuppati. [124] *Iti imesu dvīsu dhammesū* 'ti evaṇ imesu dvīsu iṭṭhānīṭṭhārammaṇadhammesu. *Avijjānupatitā* 'ti kāmārāga-paṭighasampayuttā hutvā ārammaṇakaraṇavasena avijjānupatitā anugatā. "Avijjā anupatitā anugatā 'ti<sup>b</sup> vicchedaṇ katvā 'pi pāṭho.<sup>1</sup> *Tadekattho* 'ti tāya avijjāya sahaḇekatthavasena ekato ṭhito. *Māno ca dīṭṭhi ca vicikicchā cā* 'ti navavidha-māno, dvāsatthividhā dīṭṭhi, atthavatthukā vicikicchā. *Tadekattho māno ca, tadekatthā dīṭṭhi ca, tadekatthā vicikicchā cā, 'ti yojanā. Daṭṭhabbā* 'ti passitabbā avagantabbā. Tayo ekato katvā bahuvacanaṇ kataṇ. Bhavarāgānusayo pan' ettha kāmārāgānusayen' eva saṅgahito 'ti veditabbo.

4. Caritaniddese: Terasa cetanā *puññābhisaṅkhāro*. Dvā-dasa *apuññābhisaṅkhāro*. Catasso *āneñjābhisaṅkhāro*. Tatttha kāmāvacaro *parittabhūmaḇo*, itaro *mahābhūmaḇo*. Tīsu 'pi vā etesu yo koci appavipāko *parittabhūmaḇo*, mahāvīpāko *mahābhūmaḇo* 'ti veditabbo.

5. Adhimuttiniddese: *Santī* 'ti saṇvījjanti. *Hīnādhimuttikā* 'ti lāmakajjhāsaya. *Pañītādhimuttikā* 'ti kalyāṇajjhāsaya. *Sevantī* 'ti nissayanti alliyanti. *Bhajanī* 'ti upasaṅkamanti. *Payārūpāsanti* 'ti punappunaṇ upasaṅkamanti. Sace hī ācariyūpajjhāyā na sīlavanto honti, antevāsika<sup>2</sup>-saddhivihārikā sīlavanto; te attano ācariyūpajjhāye 'pi na upasaṅkamanti. Attano sadise sārūppe bhikkū yeva upasaṅkamanti. Sace 'pi ācariyūpajjhāyā sārūppa, bhikkhū itare asārūppā, te 'pi na ācariyūpajjhāye upasaṅkamanti. Attano

a to b Not in SH.

<sup>1</sup> As it is in the Text.

<sup>2</sup> B tadantevāsika-.

sadise hīnādhimuttike yeva upasaṅkamanti. Evaṃ upasaṅkamanam pana na kevaḷaṃ etarahi yeva, atitānāgate 'pi 'ti dassetuṃ, *Atītam 'pi addhānaṃ*, 'ti ādim āha. Tattha: Atītam 'pi addhānaṃ 'ti atītasmiṃ kāle. Accantasanyogatthe upayo-gavacanaṃ. Sesaṃ uttanattham eva.

“Idam pana dussīlānaṃ dussīlasevanam eva, sīlavantānaṃ sīlavantasevanam eva, duppaññānaṃ duppaññasevanam eva, paññāvantānaṃ paññāvantasevanam eva ko niyāmeti?” 'ti.

Ajjhāsayadhātu niyāmeti 'ti.

6. Bhabbābhabbaniddese: Chaddetabbe paṭhamaṃ niddi-sitvā, gaḥetabbe pacchā niddisituṃ Uddesassa uppatipāṭiyā paṭhamaṃ abhabbā niddiṭṭhā. Uddese pana dvandasamāse accitassa ca mandakkharassa ca padassa pubbanipātala-kkhaṇavasena. Bhabba-saddo pubbaṃ payutto. *Kammā-varaṇenā* 'ti pañcavidhena ānantariyakammena. *Samannā-gatā* 'ti samaṅgibhūtā. *Kilesāvaraṇenā* 'ti niyatamicchādi-ṭṭhiyā. Imāni dve sagga-maggānaṃ āvaraṇato āvaraṇāni. Bhikkhunīdūsakādi-kammāni 'pi kammāvaraṇeṃ eva saṅga-hitāni. *Vipākāvaraṇenā* 'ti ahetukaṭṭhisandhiyā. Yasmā pana duhetukānam 'pi ariyamaggapaṭivedho n' atthi, tasmā duhetukā ṭṭhisandhi vipākāvaraṇam evā 'ti veditabbā *Assaddhā* 'ti Buddhādīsu saddhārahitā. *Acchandikā* 'ti kattukamyatā-kusalacchanda-rahitā. Uttarakurukā manussā acchandikaṭṭhānaṃ pavitṭhā. *Duppaññā* 'ti bhavaṅgapaññāya parihīnā. Bhavaṅgapaññāya pana paripunnāya 'pi yassa bhavaṅgaṃ lokuttarassa pādakaṃ na hoti, so 'pi duppañño yeva nāma. *Abhabbā niyāmaṃ okkamituṃ kusalesu dhammesu sammattan* 'ti kusalesu dhammesu sammattani-yāma-saṅkhātāṃ ariyamaggaṃ okkamituṃ abhabbā. Ariya-maggo hi sammā sabhāvo 'ti sammattaṃ. So yeva ananta-raphaladāne sayam eva vā acalabhāvato niyamo. Taṃ okkamituṃ<sup>1</sup> pavisitū abhabbā.

7. Na kammāvaraṇenā 'ti ādīni vuttavipariyāyen' eva veditabbāni 'ti.

Āsayānusayañāṇa-Niddesa-Vaṇṇanā Niṭṭhitā.

<sup>1</sup> SH -bhāvato niyāmetuṃ okka-.

## [YAMAKAPĀṬIHĀRIYAÑĀNA- NIDDESA-VANĀNĀ.]

[125] Yamakapāṭihāriyañānaniddese: *Asādhāraṇaṇ sāvakehī* 'ti sesāsādhāraṇañānaniddese aññavacanehi okāsābhāvato na vuttaṇ, idha pana aññavacanābhāvato vuttan 'ti veditabbaṇ. *Uparimakāyato* 'ti nābhiyā uddhaṇ sarirato. *Aggikkhandho pavattatī* 'ti tejokasiṇārammaṇaṇ pādakajjhānaṇ samāpajjitvā uttāhāya, 'Uparimakāyato aggijālā vuṭṭhātū,' 'ti āvajjitvā parikammaṇ katvā abhiññāñānena, 'Uparimakāyato aggijālā vuṭṭhātū,' 'ti adhiṭṭhite saha adhiṭṭhānā uparimakāyato aggijālā vuṭṭhāti. Sā hi idha rāsattthenā khandho 'ti vuttā. *Heṭṭhimakāyato* 'ti nābhito heṭṭhā sarito. *Udakadhārā pavattatī* 'ti āpokasiṇārammaṇaṇ pādakajjhānaṇ samāpajjitvā vuṭṭhāya, 'Heṭṭhimakāyato udakadhārā vuṭṭhātu,' 'ti āvajjitvā parikammaṇ katvā abhiññāñānena, 'Heṭṭhimakāyato udakadhārā vuṭṭhātū,' 'ti adhiṭṭhite saha adhiṭṭhānā heṭṭhimakāyato udakadhārā vuṭṭhāti. Ubhayatthā-pi abbocchedavasena<sup>1</sup> 'Pavattatī' 'ti vuttaṇ. Adhiṭṭhānassa ca āvajjanassa ca antare dve bhavaṅgacittāni vattanti, tasmā yeva yugalā hutvā aggikkhandha-udakadhārā pavattanti, antaraṇ na paññāyati. Aññesaṇ pana bhavaṅgaparicchedo n' atthi.

*Purattimāyato* 'ti abhimukhapassato. *Pacchimāyato* 'ti piṭṭhipassato. *Dakkhiṇakkhūto*, *vāmakkhūto* 'ti ādi samāsapāṭho yeva, na añño. *Dakkhiṇanāsikāsotato*, *vāmanāsikāsotato* 'ti pāṭho sundaro. (Rassaṇ katvā 'pi paṭhanti.) *Aṇsakūto* 'ti ettha abbhuggatattṭhena kūṭo viyā 'ti kūṭo. Aṇso yeva kūṭo aṇsakūṭo. *Āṇḍulaṅgulehī* 'ti āṇḍulīhi āṇḍulīhi. *Āṇḍulantarikāhī* 'ti āṇḍulināṇ antarikāhī. *Ekekalomato aggikkhandho pavattatī*, *ekekalomato udakadhārā pavattatī* 'ti ubhayatthā-pi āmeṇḍitavacanena sabbalomānaṇ pariyādi-

<sup>1</sup> B cchinna-.

nnattā ekekalomato 'va aggikkhandha-udakadhārā yugalā yugalā hutvā pavattanti 'ti vuttaṇ hoti. *Lomakūpato lomakūpato* [126] *aggikkhandho pavattati, lomakūpato lomakūpato udakadhārā pavattati* 'ti etthā-pi es' eva nayo. (Kesuci potthakesu, "Ekekalomato aggikkhandho pavattati, lomakūpato lomakūpato udakadhārā pavattati; lomakūpato lomakūpato aggikkhandho pavattati, ekekalomato udakadhārā pavattati," 'ti likhitaṇ. Tam 'pi yujjati yeva. Pāṭihirassa atisukhumattadīpanato pana purimapāṭho yeva sundarataro.)

Idāni: *Channaṇ vaṇṇānaṇ* 'ti ko sambandho? Heṭṭhā, uparimakāyato 'ti ādihi anekehi sarirāvayavā vuttā. Tena sarirāvayavasambandho<sup>1</sup> pavattati 'ti vacanasambandhena ca, yamakapāṭihirā<sup>2</sup>-dhikārena ca channaṇ vaṇṇānaṇ sarirāvayavabhūtānaṇ raṇsiyo yamakā hutvā pavattanti 'ti vuttaṇ hoti. Sāmivacanasambandhena ca avassaṇ 'Rasmiyo' 'ti pāṭhaseso icchitabbo yeva. *Nīlānaṇ* 'ti ummāpupphavaṇṇānaṇ. *Pītakānaṇ* 'ti kaṇikārapupphavaṇṇānaṇ. *Lohitakānaṇ* 'ti indagopakavaṇṇānaṇ. *Odātānaṇ* 'ti osadhītārakāvaṇṇānaṇ. *Mañjīṭṭhānaṇ* 'ti mandarattavaṇṇānaṇ. *Pabhassarānaṇ* 'ti pabhassarapakatikānaṇ vaṇṇānaṇ. Pabhassaravaṇṇo<sup>3</sup> visuṇ avijjamāno<sup>4</sup> 'pi vuttesu pañcasu vaṇṇesu ye ye pabhāsamujjalā te te pabhassarā. Tathā hi: "Tathāgatassa yamakapāṭihiraṇ karontassa yamakapāṭihirāññābalen' eva kesamassūnaṇ c' eva akkhīnaṇ ca nīlaṭṭhānehi nīlarasmiyo nikkhamanti, yāsaṇ vasena gaganatalaṇ aṇṇanacunṇasamākiṇṇaṇ viya, ummāpupphaniluppapaladala-saṇchannaṇ viya, vītipatanta-manīṭālavaṇṇaṇ viya, pasāritamecakaṇṇaṇ viya ca hoti. Chavito c' eva akkhīnaṇ ca pītakatṭhānehi pītarasmiyo nikkhamanti, yāsaṇ vasena disābhāgā suvaṇṇarasa-nisīṇcamānā viya, suvaṇṇapaṭapasāritā viya, kuṇṇakumacunṇa<sup>5</sup>-kaṇikārapuppha-sampakiṇṇā viya ca virocanti. Maṇṣalohitehi c' eva akkhīnaṇ ca rattatṭhānehi

<sup>1</sup> B -sambandhena ca.

<sup>2</sup> B -hāriyā- (*so infra*).

<sup>3</sup> B -vaṇṇe.

<sup>4</sup> -māne.

<sup>5</sup> B kuṇṇatṭha; BM kuṇṇatṭhacunṇa; SM kukunṇacunṇa.



lohitarasmiyo nikkhamanti, yāsaṇ vasena disābhāgā Cīna-piṭṭhacunṇarañjitā viya, supakkalākhārāsa-nisīṇcamānā viya, rattakambalaparikkhittā viya, jayasumana-pāḷibhaddaka<sup>1</sup>-bandhujivaka-kusumasamparikiṇṇā viya ca virocanti. Atṭhihi c' eva dantehi ca, akkhīnañ ca setatṭhānehi odātarasmiyo nikkhamanti, yāsaṇ vasena disābhāgā rajatakūṭehi āsīṇcamānā, khīradhārāsamparikiṇṇā viya, pasāritarajatapattavītānā viya, vītipatantarajatatālavanṭā viya, kunda-kumudasinduvāra<sup>2</sup>-sumana-mallikādi-kusumasañchannā viya ca virocanti. Hatthatalapādatalādihi mandarattatṭhānehi mañjiṭṭharasmiyo nikkhamanti, yāsaṇ vasena disābhāgā pavāḷajalaparikkhittā viya, rattakuravakakusumasamokiṇṇā<sup>3</sup> viya ca virocanti. Uṇṇādāṭhānakhādīhi<sup>4</sup> pabhassaratṭhānehi pabhassararasmiyo nikkhamanti, yāsaṇ vasena disābhāgā osadhītārakāpuñjapunṇā viya, vijjupaṭalādiparipunṇā viya ca virocanti."

*Bhagavā caṅkamati* 'ti ādihi Bhagavato ca nimmitānañ ca nānā-iriyāpathakaraṇaṇ yamakapāṭihireṇ' eva hoti 'ti dassa-natthaṇ vuttaṇ. Tesāṇ hi nimmitānaṇ iriyāpathā yugalā hutvā vattanti.

Yadi nimmitā bahukā honti, 'nimmito' 'ti ādi kasmā ekavacanaṇ katan? 'ti ce: Nimmitesu 'pi ekekassa nānā-iriyāpathabhāvadassanatthaṇ. Bahuvacanena hi vutte sabbe 'pi nimmitā sakiṇ ekeka-iriyāpathikā viya honti; ekavacanena pana vutte nimmitesu ekeko nānā-iriyāpathiko 'ti ñāyati. Tasmā ekavacananiddeso kato. Cūlapanthakatthero 'pi tāva nānā-iriyāpathikabhikkhūnaṇ sahasaṇ māpesi! Kiṇ pana Bhagavā yamakapāṭihire bahunimite na kari-ssati? Cūlapanthakattheraṇ muñcivā aññesaṇ sāvakānaṇ ekāvajjanena nānā-iriyāpathikānaṇ nānārūpānañ ca nimma-ṇaṇ na ijjhati,<sup>5</sup> anyāmetvā hi nimmitā iddhimatā sadisā 'va honti. Thānanisajjādisu vā bhāsitatunhībhāvādisu vā yaṇ yaṇ iddhimā karoti, taṇ tad eva karonti. Visadisaka-

<sup>1</sup> B pāricchattaka-.

<sup>2</sup> B -kuvalaya-; BM -kuraka-.

<sup>3</sup> SH v.l. icchati.

<sup>4</sup> BM sindhara.

<sup>5</sup> SH omits dāṭhā.

raṇaṇ, nānakiriyaṅkāraṇaṇ ca “ Ettakā idisā hontu, ettakā imaṇ nāma karontū ” ’ti visuṇ visuṇ āvajjitvā adhiṭṭhānena ijjhati. Tathāgatassa pana ekāvajjanādhīṭṭhānen’ eva nāna-ppakāranimmāṇaṇ ijjhati. Evam evaṇ aggikkhandha-udakadhārānimmāṇe nānāvaṇṇanimmāṇe ca veditabbaṇ.

Tattha: Bhagavā caṅkamati ’ti ākāse vā paṭhaviyaṇ vā caṅkamati. *Nimmīto* ’ti iddhiyā māpitabuddharūpaṇ. *Tiṭṭhati vā* ’ti ādini ’pi ākāse vā paṭhaviyaṇ vā. *Kappeti* ’ti karoti. *Bhagavā tiṭṭhati* ’ti ādisu ’pi es’ eva nayo ’ti.

Yamakapāṭihāriyañāṇa-Niddesa-Vaṇṇanā Niṭṭhitā.



## [MAHĀKARUṆĀṆĀNA-NIDDESA- VAṆṆANĀ.]

1. Mahākaruṇāṇāna-niddese: *Bahukehi ākārehi* 'ti idāni vuccamānehi ekūnanavutiyā pakārehi. *Passantānaṇ* 'ti nānacakkhunā ca buddhacakkhunā ca oloketānaṇ. *Okkamatī* 'ti otarati pavisati. *Āditto* 'ti dukkhalakkhaṇavasena pīlāyogato santāpanaṭṭhena ādipito. 'Yad aniccaṇ taṇ dukkhaṇ' 'ti vuttattā sabbasaṅkhatassa c' eva dukkhalakkhaṇavasena pīlītattā, dukkhassa ca karuṇāya mūlabhūtattā paṭhamāṇ dukkhalakkhaṇavasena āditto 'ti vuttan, 'ti veditabbaṇ. Rāgādihi ādittataṇ pana upari vakkhati.

Athavā: *Āditto* 'ti rāgādihi yeva āditto. Upari pana tassa, "N' atth' añño koci nibbāpetā" 'ti antāpekkhaṇavasena<sup>1</sup> puna vuttan, 'ti veditabbaṇ.

*Lokasannivāso* 'ti pañcakkhandhā lujjanaṭṭhena lokā. Taṇhādīṭṭhivasena sannivasanti ettha sattā 'ti sannivāso. Loko 'va sannivāso lokasannivāso. Dukkhiṇaṇ khandhasantānaṇ upādāya sattavohārasabbhāvato lokasannivāsāyogato sattasamūho 'pi lokasannivāso. So 'pi ca saḥakhaṇdhako yeva.

*Uyyutto* 'ti anekesu kicesu niccabyāpāratāya katayogo kata-ussāho. Sattakicesu<sup>2</sup> sa-ussukko 'ti attho. Ghaṭṭana-yutto 'ti vā uyyutto.

*Payāto* 'ti pabbateyyā<sup>3</sup> nadī viya anavaṭṭhitagamanena maraṇāya yātuṇ āraddho.

<sup>1</sup> B atthāpekkhana-.

<sup>2</sup> SH Satata-.

<sup>3</sup> B Payāto 'ti pabbate yāto pabbateyyā.

*Kummaggapaṭipanno* 'ti kucchitaṇ micchāmaggaṇ paṭipanno. Upari pana Vipathapakkhanto 'ti nānāpadehi vise-tvā vuttaṇ.

*Upanīyati* 'ti jarāvasena maraṇāya upanīyati hariyati. Jarā hi āyuno saṅhānī 'ti vuttā. *Adhuvo* 'ti na-tthiro, sadā tatho 'va na hoti. Yasmā adhuvo tasmā upanīyati, 'ti purimassa kāraṇavacanam etaṇ. Etena sakāraṇaṇ jarādukkhaṇ vuttaṇ. Taṇ jarādukkhaṇ disvā jarāpārijuññārahitā 'pi viññū pabbajanti.

*Atāno* 'ti tāyituṇ rakkhituṇ samatthena rahito. Anāra-kkho 'ti vuttaṇ hoti. *Anabhissaro* 'ti abhisaritvā abhigantvā byāharaṇena assāsetuṇ samatthena rahito. Asahāyo 'ti vā attho. Idha: Yasmā anabhissaro tasmā atāno 'ti purimassa kāraṇavacanam etaṇ. Etena sakāraṇaṇ piyavippayogaduk-khaṇ vuttaṇ. Taṇ piyavippayogadukkhāṇ disvā ñāti-pārijuññārahitā 'pi viññū pabbajanti. *Assako* 'ti saka-bhaṇḍan 'ti sallakkhitaṇ sabbaṇ pahāya lokena gantabbaṇ. Yasmā sabbaṇ pahāya gamanīyaṇ tasmā a-ssako 'ti puri-massa kāraṇavacanam etaṇ. Etena sakāraṇaṇ maraṇadu-kkhaṇ vuttaṇ. Taṇ disvā bhoga-pārijuññārahitā 'pi viññū pabbajanti.

Atth' aññattha, "Kammassakā mānava sattā" 'ti vuttaṇ. Idha ca, Raṭṭhapālasutte ca "Assako loko" 'ti vuttaṇ. Taṇ kathaṇ yujjati 'ti ce: pahāya gamanīyaṇ sandhāya Assako 'ti vuttaṇ. Kammaṇ pana na pahāya gamanīyaṇ, tasmā Kammassako 'ti vuttaṇ. Raṭṭhapālasutte yeva ca evam etaṇ vuttaṇ: "Tvaṇ pana yathākammaṇ gamissasī" 'ti.

*Ūno* 'ti pāripūrirahito. *Atitto* 'ti bhīyyo bhīyyo pattha-nāya 'pi na suhito.<sup>1</sup> Idaṇ ūnabhāvassa kāraṇavacanāṇ. *Taṇhādāso* 'ti taṇhāya vase vattanato taṇhāya dāsabhūto. Idaṇ atittabhāvassa kāraṇavacanāṇ. Etena icchāroga-pade-

<sup>1</sup> B rahito.

sena sakāraṇaṇ vyādhidukkhaṇ vuttaṇ. Taṇ byādhidukkhaṇ disvā byādhipārijuṇṇarahitā 'pi viññū pabbajanti.

*Atāyano*<sup>1</sup> 'ti puttādihi 'pi tāyanassa abhāvato atāyano, anārakkho, alabbhaneyyakhemo vā. *Aleno* 'ti alliyituṇ nissituṇ anaraho. Allinānam 'pi ca leṇakiccākārako. *Asa-  
raṇo* 'ti nissitānaṇ na bhayaḥārako,<sup>2</sup> na bhayavināsako. *Asaraṇibhūto* 'ti pure uppattiyā<sup>3</sup> attano abhāven' eva asa-  
raṇo. Uppattisamakālam<sup>3</sup> eva asaraṇibhūto 'ti attho.

*Uddhato* 'ti sabbākusalesu uddhaccassa uppajjanato satta-  
santāne ca akusalupattibāhullato akusalasamaṅgī loko tena  
uddhaccena uddhato. *Avūpasanto* 'ti avūpasamanalakka-  
ṇassa uddhaccass' eva yogena avūpasanto bhantamigapaṭi-  
bhāgo. Upanīyati loko 'ti ādisu catūsu ca 'uddhato loko'  
'ti ca pañcasu ṭhānesu 'Loko' 'ti āgataṇ, sesesu 'Loka-  
sannivāso' 'ti. Ubhayathā 'pi 'Loko' yeva.

*Sasallā* 'ti pilājanakatāya antotudanaṭāya dunniharaṇīya-  
tāya ca sallā 'ti saṅkhaṇ gatehi rāgādihi sallehi saḥavatta-  
nako. *Viddho* 'ti migādayo kadāci parehi viddhā honti,  
ayaṇ pana loko niccaṇ attanā 'va viddho. *Puthusallehi* 'ti.  
"Satta sallāni: rāgasallaṇ, dosasallaṇ, mohasallaṇ, māna-  
sallaṇ, ditṭhisallaṇ, kilesasallaṇ, ducaritasallaṇ," 'ti vutthehi  
sattahi sallehi. *Tassā* 'ti tassa lokasannivāsassa. *Sallānaṇ  
uddhatā*<sup>4</sup> 'ti tesāṇ sallānaṇ sattasantānato uddharitā puggalo.  
*Aññatra, mayā* 'ti maṇ ṭhapetvā. Ye Bhagavato sāvakā  
sallāni uddharanti tesāṇ Bhagavato vacanen' eva uddhara-  
nato Bhagavā uddharati nāma.

*Avijjandhakārāvaraṇo* 'ti: avijjā eva sabhāvadassanacchā-  
danena andhaṇ viya karotī 'ti avijjandhakāro. So 'va  
sabhāvāvagamananivāraṇena āvaraṇaṇ etassā 'ti avijjandha-  
kārāvaraṇo. *Kilesapañjarapakkhutto* 'ti kilesā eva kusala-  
gamanasannirujjhana-ṭṭhena pañjaro 'ti kilesapañjaro; Avi-

<sup>1</sup> Text atāno.<sup>2</sup> B -ssaraṇo; SH -sārako.<sup>3</sup> SH upapatti-.<sup>4</sup> Text uddhato; SH uddhutā.

jjāpabhavē kilesapañjare pakkhitto pātito. *Ālokaṇ dassetā* 'ti paññalokaṇ dassanasilo; paññalokadassetā 'ti vā attho. *Avijjāgato* 'ti avijjaṇ gato pavittṭho; na kevaṇ avijjāya āvaraṇamattam eva, atha kho gahanagato viya, avijjāko-sassa anto pavittṭho 'ti purimato viseso. *Andābhūto*<sup>1</sup> 'ti ādayo ca viseso yeva. *Andābhūto*<sup>1</sup> 'ti ande bhūto, nibbatto. Yathā hi ande nibbattā ekacce sattā 'andābhūtā' 'ti vuccanti evam ayaṇ loko avijjaṇdakose nibbattattā 'andābhūto' 'ti vuccati. *Pariyonaddho* 'ti tena avijjaṇdakosena samantato onaddho, baddho, veṭṭhito. *Tantākulajāto* 'ti tantaṇ viya ākulabhūto; yathā nāma dunnikkhitaṇ musikaṇchinnāṇ pesakārāṇaṇ tantaṇ taṇ taṇ ākulaṇ hoti; idaṇ aggaṇ, idaṇ mūlaṇ 'ti aggena vā aggaṇ, mūlena vā mūlaṇ samānetuṇ dukkaṇaṇ hoti; evam eva sattā paccayākare ca khalitaṇ ākutabyākutā honti, na sakkonti paccayākāraṇ ujuṇ kaṭuṇ. Tatha tantaṇ paccattapurisakāre ṭhatvā sakkā 'pi bhavēyya ujuṇ kātuṇ. Ṭhapetvā pana dve bodhisatte, añño satto attano dhammatāya paccayākāraṇ ujuṇ kātuṇ samattho nāma n' atthi. Yathā pana ākulatantaṇ kiñcikaṇ<sup>2</sup> datvā kocchena paḥaṇaṇ tattha tattha kulakajātaṇ hoti gaṇṭhi-bandhaṇ; evam ayaṇ loko paccayesu pakkipitvā<sup>3</sup> paccaye ujuṇ kaṭuṇ asakkonto dvāsaṭṭhidittṭhigatavasena kulakajāto hoti gaṇṭhibandho; ye hi keci dittṭhiyo nissitā sabbe te paccayaṇ ujuṇ kaṭuṇ asakkonti yeva. *Gulāguṇṭhikajāto*<sup>4</sup> 'ti gulāguṇṭhikaṇ<sup>4</sup> viya bhūto. Gulāguṇṭhikaṇ vuccati pesakā-rakiñcikasuttaṇ.<sup>2</sup> Gulā nāma sakunikā tassā kulāvako 'ti 'pi eke. Gulikasakunikā-kulāvako 'ti eke. Yathā tadubhayaṇ pi ākulaṇ aggena vā aggaṇ, mūlena vā mūlaṇ samānetuṇ dukkaṇaṇ 'ti purimanayaṇ' eva yojetabbaṇ.

*Muñjapabbajabhūto* 'ti muñjatiṇaṇ viya pabbajatiṇaṇ viya ca bhūto. Muñjatiṇa-pabbajatiṇasadiṇo jato. Yathā tāni tiṇāni koṭṭetvā koṭṭetvā katarajju jinnakāle katthaci pati-taṇ gahetvā tesāṇ tiṇaṇaṇ idaṇ aggaṇ, idaṇ mūlaṇ 'ti aggena vā aggaṇ, mūlena vā mūlaṇ samānetuṇ dukkaṇaṇ, taṇ pi

<sup>1</sup> Text reads andhabhūto and gives this as v.l. B reads . . . bhūtā . . . visesā.

<sup>2</sup> SH kañji.

<sup>3</sup> SH pakkhalitvā.

<sup>4</sup> SH -guṇḍika-.

paccatta purisakāre ṭhatvā sakkā bhaveyya ujuṇ kātuṇ. Thapetvā pana dve bodhisatte añño satto attano dhammātāya paccayākāraṇ ujuṇ kātuṇ samattho nāma n' atthi. Evam ayaṇ loko paccayākāraṇ ujuṇ katuṇ asakkonto dvā-satṭhiditṭhigatāvasen' eva gaṇṭhiyāto hutvā *Apayaṇ duggatiṇ vinipātaṇ saṅsaraṇ nātivattati*. Tattha apāyo 'ti nirayo tiracchānayoni pettivisayo asurakāyo. Sabbe 'pi hi te buddhisankhātassa<sup>1</sup> ayassa<sup>2</sup> abhāvato apāyo 'ti vuccanti. Tathā dukkhassa gatibhāvato duggati. Sukhassa samussayato vinipatitattā vinipāto. Itaro pana:

132. Khandhānaṇ ca paṭipāṭi  
Dhātu-āyatanāni ca  
Abbocchinnaṇ vattamānaṇ  
Saṅsāro 'ti pavuccati.

Taṇ sabbaṇ 'pi nātivattati nātikkamati. Atha kho cutito paṭisandhiṇ, paṭisandhito cutin 'ti evaṇ punappunaṇ cuti-paṭisandhiyo gaṇhamāno tisu ca<sup>3</sup> bhavesu, catūsu ca<sup>3</sup> yonīsu, pañcasu ca<sup>3</sup> gatīsu, sattasu ca<sup>3</sup> viññāṇaṭṭhitīsu, navasu ca<sup>3</sup> sattāvāsesu mahāsamudde vā pakkhittanāvā viya, yantayuttagoṇo viya ca paribbhamati yeva.

*Avijjāvisadosasallito*<sup>4</sup> 'ti avijjā yeva akusaluppadanena kusalaṇvitanāsanato visan' ti avijjāvisaṇ, tad eva santāna-dūsanato avijjāvisadoso; tena anusayapariyutṭhānā-duccaritaḥhūtena bhusaṇ litto makkhito 'ti avijjāvisadosasallito.<sup>5</sup> *Kilesakalalībhūto*<sup>6</sup> 'ti avijjadimūlakā kilesā eva osidanatṭhena kalalaṇ kaddamo 'ti kilesakalalaṇ, tad assa atthī 'ti kilesakalalī, evaṇ bhūto. *Rāgadosamohajātaṇjaṭito*<sup>7</sup> 'ti lobhappaṭighāvijjāsankhātā rāgadosamohā eva rūpādīsu ārammaṇesu hetṭhūpariyavasena punappunaṇ uppajjanato saṅsibbanatṭhena velugumbādīnaṇ sākhaṇjālasankhātā jaṭā viyā 'ti jaṭā, tāya rāgadosamohajātāya jaṭito. Yathā nāma velu-jaṭadihi velu-ādayo evaṇ tāya jaṭāya ayaṇ loko jaṭito vini-viddho<sup>8</sup> saṅsibbito 'ti attho. Jataṇ *viṇaṭeta*<sup>9</sup> 'ti imaṇ evaṇ

<sup>1</sup> SH Tevatṭa.<sup>2</sup> SH āyassa.<sup>3</sup> SH, SM *omit* ca.<sup>4</sup> *Text* -sallito.<sup>5</sup> SH -tto.<sup>6</sup> *Text* -kalībhūto.<sup>7</sup> *Text* -mohajāṭito.<sup>8</sup> SH vinaddho.<sup>9</sup> *Text* viṇaṭitā.

tedhātukaṃ lokaṃ jaṭetvā tṭhitaṃ jaṭaṃ vijatetā sañchinditā sampadalayitā. *Taṇhāsaṅghātappaṭimukko* 'ti taṇhā eva abbochinnāṃ pavattito saṅghatitattṭhena saṅghāto 'ti taṇhāsaṅghāto; tasmiṃ taṇhāsaṅghāte paṭimukko anupaviṭṭho antogato 'ti taṇhāsaṅghātappaṭimukko. *Taṇhājālena otthaṭo*<sup>1</sup> 'ti taṇhā eva pubbe vittanayena saṅsibbitattṭhena jālaṇ 'ti taṇhājālaṇ; tena taṇhājālena otthiṭo, samantato chādito, palivedhito. *Taṇhāsoten vayhati* 'ti taṇhā eva saṅsāre ākaddhanattṭhena soto 'ti taṇhāsoto; tena taṇhāsotena vuyhati ākaḍḍhiyati. *Taṇhāsaṅgyojanena saṅgyutto* 'ti taṇhā eva lokaṃ vaṭṭasmiṃ saṅgyojanato bandhanato taṇhāsaṅgyojanaṃ; tena taṇhāsaṅgyojanena saṅgyutto baddho. *Taṇhānusayena anusato* 'ti taṇhā eva anusayanaṭṭhena anusayo 'ti taṇhānusayo; tena *taṇhānusayena anusato* anugato thāmagato. *Taṇhāsantāpena santappaṭi* 'ti taṇhā eva pavattikāle phalakāle ca lokaṃ santāpeti 'ti santāpo tena taṇhāsantāpena santappaṭi santāpiyati. *Taṇhāpariḷahena* [128] *pariḷayhati* 'ti taṇhā eva balavabhūtā pavattikāle phalakāle ca samantato ḍahanattṭhena mahāpariḷāho 'ti taṇhāpariḷaho tena taṇhāpariḷahena pariḷayhati samantato ḍayhati. *Ditṭhisanghātādayo* iminā 'va nayena yoje-tabbā.

Anugato 'ti anupaviṭṭho. Anusato 'ti anudhāvito. Abhi-bhūto 'ti pīlito. Abhihato<sup>2</sup> 'ti abhi-āhato abhimukhaṃ bhusaṃ pahato. *Dukkhe paṭiṭṭhito* 'ti dukkhe khandhapañcake sukhavipallāsena paṭiṭṭhito abhiniviṭṭho. *Taṇhāya uddḍito*<sup>3</sup> 'ti taṇhāya ullaṅghito; cakkhu hi taṇhārajjunā āvunitvā rūpanāgadante uddḍitaṃ.<sup>3</sup> Sotādīni taṇhārajjunā āvunitvā saddādināgadantesu uddḍitāni,<sup>3</sup> taṇsamangī puggalo<sup>4</sup> uddḍito<sup>3</sup> yeva nāma. *Jarāpākāraparikkhitto* 'ti anatikkamaṇiyattṭhena pākārabhūtāya jarāya parivārito. *Maccupāsena parikkhitto* ti dummocaniyattṭhena pāsabhūtena maraṇena baddho.<sup>5</sup> *Mahābandhanabaddho*<sup>5</sup> 'ti dalhattā ducchedattā ca mahantehi bandhanehi<sup>5</sup> baddho.<sup>5</sup> *Rāgabandhanenā* 'ti rāgo eva bandhati, saṅsārato calitaṃ na deti 'ti rāgabandhanaṃ, tena rāga-bandhanena. Sesesu 'pi es' eva nayo. *Kilesabandhanenā* 'ti

<sup>1</sup> Text ottato.<sup>2</sup> B, SH Abbhāhato.<sup>3</sup> B utti-.<sup>4</sup> SH loko 'pi.<sup>5</sup> B bandho.

vuttā 'vasesena kilesabandhanena. *Duccaritabandhanenā* 'ti tividhena duccaritabandhanena.<sup>1</sup> Sucaritaṇ pana bandhanamokkhasa hetubhūtaṇ bandhanamokkhabhūtaṇ ca atthi, tasmā taṇ na gahetabbaṇ. *Bandhanaṇ mocetā* 'ti tassa bandhanaṇ mocetā. (Bandhanā mochetā 'ti 'pi pātho. Bandhanato 'ti attho.<sup>2</sup>)

*Mahāsambādhapaṭipanno* 'ti kusalasañcārapiḷanena mahā-sambādha-sankhataṇ rāga-dosa-moha-māna-ditṭhi-kilesa-duccarita-gahanaṇ paṭipanno. *Okāsaṇ dassetā* 'ti lokiya-lokuttarasamādhipaṇṇokāsaṇ dassetā. *Mahāpaḷibodhena paḷibuddho* 'ti mahānivāraṇena nivuto; mahālepena vā litto. Paḷibodho 'ti ca rāgādi-sattavidho eva. Taṇhādītṭhipalibodho 'ti eke. *Paḷibodhaṇ chedetā* 'ti taṇ paḷibodhaṇ chinditā. *Mahāpapāte* 'ti pañcagatipapāte jatijārāmaranapapāte vā. Taṇ sabbam 'pi duruttaraṭṭhena papāto. *Papātā uddhatā* 'ti tamhā papātato uddharita. *Mahākantārapaṭipanno* 'ti jatijārā-byadhi-maraṇa-soka-parideva-dukkha-domanass-upāyāsa-kantāraṇ paṭipanno. Sabbam 'p' etaṇ duratikkamaṇaṭṭhena kantāro. Taṇ *kantāraṇ tūretā*. (Kantārā taretā 'ti 'pi pātho.) *Mahāsaṇsārapaṭipanno* 'ti abbocchinnaṇ khandhasantānaṇ paṭipanno. *San̐sārā mocetā* 'ti saṇsārato mocetā. (Saṇsārā mocetā iti vā pātho.) *Mahāvidugge* 'ti saṇsāraavidugge. Saṇsāro yeva hi duggamanatṭhena viduggo. *Samparivattatī* 'ti bhusaṇ nivattitva carati. *Mahāpalipe* 'ti mahākāmakaddame.<sup>3</sup> Kāmo hi osīdanatṭhena palipo. *Pali-panno* 'ti laggo. (Mahāpalipapaḷipanno 'ti 'pi pātho.)

[129] *Abbhāhato* 'ti sabbopaddavehi<sup>4</sup> abbhāhato. *Rāga-gginā* 'ti rāgādayo yeva anuḍahanatṭhena aggi, tena rāga-gginā. Sesusu 'pi es' eva nayo. *Unnītako* 'ti uggahetvā uggahetvā<sup>5</sup> nīto jātiyā uggahetvā jarādi-upaddavāya nīto 'ti attho. Ka-kāro pan' ettha anukampāya datṭhabbo. *Haññati niccam atāno* 'ti parittāyaṇena<sup>6</sup> rahito satataṇ piḷiyati. *Pattadaṇḍo* 'ti rājādīhi laddha-āno. *Takkāro* 'ti coro. *Vajja-*

<sup>1</sup> SH omits.

<sup>2</sup> SH (-namocetā . . . bandhanato taṇ mocetā 'ti attho).

<sup>3</sup> SH mahante kāma-.

<sup>4</sup> B sabbehi maddavehi.

<sup>5</sup> SH does not repeat.

<sup>6</sup> SH -kena.



*bandhanabandho*<sup>1</sup> 'ti rāgādivajjabandhanehi bandho.<sup>1</sup> *Āghā-tanapaccupatthito* 'ti maraṇa-dhammagandikatthānaṇ<sup>2</sup> upecca ṭhito. *Koci mocetā* (koci bandhanā mocetā 'ti 'pi pāṭho). *Anātho* 'ti n' atthi etassa nātho issaro, sayañ vā na nātho issaro 'ti anātho; assaraṇo 'ti vā attho. Paramakāpañña-patto<sup>3</sup> 'ti jarādipaṭibāhane appahutāya atīva kapaṇabhāvaṇ patto. Tāyetā 'ti rakkhita. (Tāyitā 'ti vā pāṭho sundaro).<sup>4</sup> *Dukkābhūtunṇo* 'ti jātīdukkhādihi anekehi dukkhehi abhī-tunṇo abhibyādhito atikampito. *Cīrarattapīlito* 'ti dukkheh' eva digham addhānaṇ pīlito, ghaṭṭito. Gadhito 'ti gedhena viddho<sup>5</sup> abhijjhākāyaganthena vā ganthito. *Niccaṇ pipāsito* 'ti: pātuṇ bhuñjitun icchā pipāsā. Taṇhāpipāsāya niranta-raṇ pipāsito. *Andho* 'ti dassanaṭṭhena cakkhū 'ti saṅkhaṇ gatāya paññāya abhāvato kāṇo; paññāya<sup>6</sup> hi dhammasa-bhāvaṇ passati. *Acakkhuko* 'ti taṇ pana andhattaṇ na pacchā sambhūtaṇ, pakatiyā eva avijjamānacakkhuko 'ti tam eva andhattaṇ viseseti. *Hatānetto* 'ti nayanatṭhena nettan 'ti saṅkhātāya paññāya abhāvato yeva vinaṭṭha-nettako. Samavisamaṇ dassentaṇ attabhavaṇ neti 'ti nettan 'ti vuttaṇ. Paññāya duggatiṇ<sup>7</sup> ca agatiṇ ca neti. Hatane-ttattā yeva 'ssa netuṇ abhāvaṇ dassento *aparīṇāyako* 'ti āha avijjamānanettako 'ti attho. Añño 'pi 'ssa netā na vijjati 'ti vuttaṇ hoti.

*Vipathapakkhanto* 'ti viparīto visamo vā patho vipatho, taṇ vipathaṇ pakkhanto pavitṭho paṭipanno 'ti vipatha-pakkhanto; micchāpatha-saṅkhātāṇ micchaditṭhiṇ paṭipanno 'ti attho. *Añjasāparaddho* 'ti añjase ujumaggasmiṇ majjhi-mapatipadāya aparaddho viraddho. *Ariyapathaṇ ānetā* 'ti ariyaṇ atṭha-aṅgikaṇ maggaṇ upanetā paṭipādayitā. *Mahoghapakkhanto* 'ti yassa saṇvījjanti taṇ vaṭṭasmiṇ ohananti osidāpenti 'ti oghā, pakati-oghato mahantā oghā 'ti mahoghā, te kāmogho, bhavogho, diṭṭhogho, avijjogho 'ti catuppa-bhedā. Te te mahoghe pakkhanto pavitṭho 'ti mahogha-pakkhanto. Saṇsāra-saṅkhātāṇ mahoghaṇ vā pakkhanto.

<sup>1</sup> SH -baddho.<sup>2</sup> B -ganṭhi.<sup>3</sup> Text -kāruñña-.<sup>4</sup> B Tāretā 'ti rakkhita. (Tāritā 'ti pāṭho na sundaro.)<sup>5</sup> SH gedhagiddho.<sup>6</sup> SH paññā.<sup>7</sup> SH sugatiṇ.



Idāni ekuttarikanayo: Tattha *dvīhi diṭṭhigatehī* 'ti sassat-ucchedaditṭhihi. Tattha diṭṭhi yeva diṭṭhigataṇ, gūthagataṇ, muttagan 'ti ādini viya. Gantabbābhāvato vā diṭṭhiyā gatamattam ev' etan 'ti diṭṭhigataṇ. Diṭṭhisu gataṇ idan dassanaṇ dvasatṭhidiṭṭhi-antogadhattā 'ti pi diṭṭhigataṇ. Dvāsattṭhi-tesattṭhidiṭṭhiyo 'pi hi sassataditṭhi-ucchedaditṭhi 'ti dve 'va diṭṭhiyo honti. Tasmā saṅkhepena sabbā diṭṭhiyo antokaronto dvīhi diṭṭhigatehī 'ti vuttaṇ. *Pariyutṭhito* 'ti pariyyutṭhānaṇ patto, samudācāraṇ patto; uppajjitun appa-dānena kusalācārassa<sup>1</sup> gahaṇapatto 'ti attho. Vuttaṇ h' etaṇ Bhagavatā: “Dvīhi bhikkhave, diṭṭhigatehi pariyyutṭhitā devamanussā oliyanti, eke atidhāvanti, eke cakkhumanto ca passanti” 'ti ādi.

*Tīhi duccaritehī* 'ti tividhakāyaduccaritena ca catubbidha-vacīduccaritena ca tividhamanoduccaritena ca *vipparipanno* 'ti virūpaṇ paṭipanno micchāpaṭipanno 'ti attho. *Yogehi yutto* 'ti vaṭṭasmiṇ yojentī 'ti yogā 'ti; iti-atthena vā yogā. Tehi yogehi yutto samappito. *Catuyogayojito* 'ti kāmayogo, bhavayogo, diṭṭhiyogo, avijjāyogo 'ti imehi catūhi yogehi sakataṣmiṇ gāvo<sup>2</sup> viya vaṭṭasmiṇ yojito. Pañcakamaguṇiko rāgo kāmayogo, rūpārūpabhavesu chandarāgo, jhānanikanti-sassat-diṭṭhi-sahajāto rāgo, bhavavasena patthanā bhavayogo, Dvāsattṭhidiṭṭhiyo diṭṭhiyogo, Atṭhāsu ṭhānesu aññānaṇ avijjāyogo, Te eva cattāro balavabhūtā oghā, dubbalabhūtā yogā. *Catūhi ganthehī* 'ti yassa saṇvijjanti taṇ cutipaṭi-sandhivasena vaṭṭasmiṇ ganthenti ghaṭentī 'ti ganthā. Te abhijjhākāyagantho, byāpādo kāyagantho, silabbataparāmāso kāyagantho, idaṇsaccābhiniveso kāyagantho 'ti catupphedā. Abhijjhāyati etāya, sayā vā abhijjhāyati, abhijjhāyanamattam vā eṣā 'ti abhijjhā, lobho yeva. Nāmakāyaṇ gantheti cutipaṭisandhivasena vaṭṭasmiṇ ghaṭetī 'ti kāyagantho. Byāpajjati tena cittaṇ pūtibhāvaṇ gacchati, byāpādayati vā vinayācāra-rūpasampatti-hitasukhādini 'ti byāpādo. Ito bahiddhā samaṇabrāhmaṇānaṇ sīlena suddhi, vatena suddhi, silabbatena suddhi 'ti parāmasanaṇ silabbataparāmāso. Sabbaññubhāsitaṇ 'pi paṭikkhipitvā sassato

<sup>1</sup> SH kusalavarassa.<sup>2</sup> SH yogo.

loko, idam eva saccaṇ, mogham aññaṇ' ti ādinā ākārena abhinivisatī 'ti idaṇsaccābhiniveso. Tehi catūhi ganthehi *ganthito*, baddho 'ti attho.<sup>1</sup>

*Catūhi upādānehi* 'ti bhusaṇ ādiyanti dālhaggāhaṇ gaṇhanti 'ti upādānā. Te kāmupādānaṇ, diṭṭhupādānaṇ, silabbatupādānaṇ, attavādūpādānaṇ 'ti catuppabhedā. Vatthusaṅkhātaṇ kāmaṇ upādiyati 'ti kāmupādānaṇ; kāmo ca so upādānaṇ cā 'ti 'pi kāmupādānaṇ. Diṭṭhi ca sā upādānaṇ cā 'ti diṭṭhupādānaṇ; diṭṭhiṇ upādiyati 'ti 'pi diṭṭhupādānaṇ. Sassato attā ca loko cā 'ti ādisu purimadiṭṭhiṇ uttaradiṭṭhi upādiyati. Silabbataṇ upādiyati 'ti silabbatupādānaṇ; "Silabbataṇ ca taṇ upādānaṇ cā 'ti 'pi silabbatupādānaṇ.<sup>b</sup> Gosila-govatādini hi evaṇ visuddhī 'ti abhinivesato sayam eva upādānāni. Vadanti etenā 'ti vādo; upādiyanti etenā 'ti upādānaṇ. Kiṇ vadanti upādiyanti vā? Attānaṇ. Attano vādūpādānaṇ attavādūpādānaṇ; attavādamattam eva vā attā 'ti upādiyanti etenā 'ti attavādūpādānaṇ. Thapetvā imā dve diṭṭhiyo sabbā 'pi diṭṭhi diṭṭhupādānaṇ. Tehi catūhi upādānehi *upādiyanti*<sup>2</sup> 'ti bhusaṇ gaṇhanti. (Upādiyati<sup>2</sup> 'ti vā pāṭho.) Loko upādānehi taṇ taṇ ārammaṇaṇ bhusaṇ gaṇhātī 'ti attho.

*Pañcagatisamārūlho* 'ti sukaṭadukkaṭaṭakāraṇehi gammati upasaṅkamīyati 'ti gati; saḥokāsakā khandhā. Nirayo, tiracchānayoni, pettivisayo, manussā, devā 'ti imā pañca gatiyo vokkamanabhāvena<sup>3</sup> bhusaṇ ārūlho *Pañcahi kāmāgunehi* 'ti rūpa-sadda-gandha-rasa-phoṭṭhabbasāṅkhātehi vattukāmakotṭhāsehi. *Rajjati* 'ti āyonisomanasikāraṇ paṭicca rāguppādanena tehi rañjīyati; sāratto kariyati 'ti attho. *Pañcahi nīvaraṇehi* 'ti: cittaṇ nīvaranti pariyonandhanti 'ti nīvaraṇā, kāmaccanda-byapāda-thīnamiddha-uddhaccakukku cca-vicikicchāsāṅkhātehi pañcahi nīvaraṇehi. [130] Otthaṭo 'ti uparito otthaṭo pihito. *Chahi vivādamūlehi* 'ti chahi vivādassa mūlehi. Yathā 'ha: "Cha yimāni, bhikkhave, vivādamūlāni. Katamāni cha? Idha, bhikkhave, bhikkhu kodhano hoti upanāhi. Yo so, bhikkhave, bhikkhu

<sup>1</sup> B ganthito bandho.

<sup>2</sup> Text gives the reading in the brackets ( ).

a to b Not in SH.

<sup>3</sup> SH v.l. avo-.

kodhano hoti upanāhi, so satthari 'pi agāravo viharati appatisso, dhamme 'pi . . . sanghe 'pi . . . sikkhāyā 'pi na paripūrakārī; so<sup>1</sup> sanghe vivādaṃ janeti. So hoti vivādo bahujanassa ahitāya, bahujanassa asukhāya, bahuno janassa anattāya, ahitāya dukkhāya devamanussānaṃ. Evarūpaṃ ce<sup>2</sup> tumhe, bhikkhave, vivādamūlaṃ ajjhattaṃ vā bahiddhā vā samanupasseyyātha tatra tumhe bhikkhave tass' eva pāpakassa vivādamūlassa pahāṇāya vāyameyyātha. Evarūpaṃ ce<sup>2</sup> tumhe bhikkhave vivādamūlaṃ ajjhattaṃ vā bahiddhā vā na samanupasseyyātha, tatra tumhe, bhikkhave, tass' eva pāpakassa vivādamūlassa āyatiṃ anavassavāya paṭipajjeyyātha. Evam etassa pāpakassa vivādamūlassa pahāṇaṃ hoti, evam etassa pāpakassa vivādamūlassa āyatiṃ anavassavo hoti. Puna ca paraṃ bhikkhave bhikkhu makkhī hoti palāsī, issukī hoti maccharī, saṭho hoti māyāvī, pāpiccho hoti micchādīṭṭhi, sandīṭṭhiparāmāsī hoti ādhānaggāhī, duppatinassaggī. Yo so bhikkhave bhikkhu sandīṭṭhiparāmāsī hoti ādhānaggāhī duppatinissaggī so satthari 'pi . . . pe . . . āyatiṃ anavassavo hoti" 'ti.

Tattha: Kodhano 'ti kujjhanalakkaṇena kodhena samannāgato. Upanāhi 'ti vera-appatinissajjanalakkaṇena upanāhena samannāgato. 'Ahitāya dukkhāya devamanussānaṃ' 'ti dvinnāṃ bhikkhinaṃ vivādo kathaṃ devamanussānaṃ ahitāya dukkhāya saṃvattati? Kosambakakkhandhake viya, dvīsu bhikkhūsu vivādaṃ āpannesu tasmiṃ vihāre tesāṃ antevāsikā vivadanti, Tesāṃ ovādaṃ gaṇhanto bhikkhubhikkunīsaṅgho<sup>3</sup> vivadati. Tato tesāṃ upatṭhākā vivadanti. Atha manussānaṃ ārakkhadevatā dve koṭṭhāsā honti. Dhammavādīnaṃ ārakkhadevatā dhammavādīniyo honti, adhammavādīnaṃ adhammavādīniyo. Tato ārakkhadevatānaṃ mittā bhummatṭhadevatā bhijjanti. Evaṃ paramparāya yāva brahmalokā, tṭhapetvā ariyasāvaṃke, sabbe devamanussā, dve koṭṭhāsā honti. Dhammavādīhi pana adhammavādīno

<sup>1</sup> SH adds yo so bhikkhave bhikkhu satthari agāravo . . . paripūrakārī before so.

<sup>2</sup> SH ca.

<sup>3</sup> SH omits bhikkhu-.

'va bahutarā honti. Tato yaṇ bahukehi gahitaṇ<sup>1</sup> vissajjetvā bahutarā 'va adhammaṇ gaṇhanti. Te adhammaṇ pura-kkhetvā viharanto apāyesu nibbattanti. Evaṇ dvinnaṇ bhikkhūnaṇ vivado devamanussānaṇ alitāya dukkhāya hoti.

Ajjhattaṇ vā 'ti tumhākaṇ abbhantaraparisāya vā. Bahiddhā vā 'ti paresaṇ parisāya vā. Makkhī 'ti paresaṇ guṇamakkhaṇalakkaṇena makkhena samannāgato. Palāsī 'ti yugaggāhalakkaṇena palāsena samannāgato. Issukī 'ti paresaṇ sakkārādī issāyanalakkaṇāya issāya samannāgato. Maccharī 'ti āvāsamacchariyādīhi<sup>2</sup> pañcahi micchariyehi samannāgato. Saṭho 'ti kerātiko. Māyāvī 'ti katapāpappaṭicchādako. Pāpiccho 'ti asantasambhāvanicchako dussīlo. Micchādīṭhī 'ti natthikavādī ahetukavādī akiriyavādī. Sandiṭṭhiparāmāsī 'ti sayāṇ diṭṭhim eva parāmasati. Ādhānaggāhī 'ti dālhaggahī. Duppaṭinissaggi 'ti na sakkā hoti gahitaṇ vissajjāpetuṇ. Khuddakavatthuvibhaṇge pana, 'Tattha katamāni cha vivādamūlāni? Kodho, makkho, issā, sātheyyaṇ, pāpicchatā, sandiṭṭhiparāmāsītā. Imāni cha vivādamūlāni" 'ti padhānavasena ekeko yeva dhammo vutto.

*Chahi taṇhākāyehī* 'ti rūpaṇhā, saddataṇhā, gandhataṇhā, rasataṇhā, phoṭṭhabbatāṇhā, dhammataṇhā 'ti vuttāhi chahi taṇhāhi. Tattha yasmā ekeka yeva taṇhā anekavisayattā ekekasmiṇ pi visaye punappunaṇ uppattito anekā honti, tasmā samūhaṭṭhena kāya-saddena yojetvā taṇhākāyā 'ti vuttaṇ. Taṇhākāyā 'ti vutte 'pi taṇhā eva. Rajjati 'ti sayāṇ ārammaṇe rajjati, sāratto hoti.

*Chahi diṭṭhigatehī* 'ti Sabbāsavasutte vuttehi. Vuttaṇ hi tattha: "Tassa evaṇ ayoniso manasikaroto channaṇ diṭṭhīnaṇ aññatarā diṭṭhi uppajjati. Atthi me attā 'ti vā assa saccato thetato diṭṭhi uppajjati; n' atthi me attā 'ti vā assa saccato thetato diṭṭhi uppajjati; attanā vā attānaṇ sañjānāmī 'ti vā assa saccato thetato diṭṭhi uppajjati; annattanā 'va attānaṇ sañjānāmī 'ti vā assa saccato thetato diṭṭhi uppajjati; Athavā pan' assa evaṇ diṭṭhi hoti, 'Yo me ayaṇ

<sup>1</sup> SH adds sabbaṇ taṇ saccan 'ti dhammaṇ after gahitaṇ.

<sup>2</sup> B -maccharādīhi.

attā vado vedeyyo, tatra tatra kalyāṇapāpakānaṃ kammānaṃ vipākaṃ paṭisaṃvedeti, So kho pana me ayaṃ attā nicco, dhuvo, sassato, avipariṇāmadhammo, sassatisamaṃ tath' eva ṭhassatī' 'ti.

Tattha: Atthi me attā 'ti sassatadiṭṭhi sabbakālesu attano atthitaṃ gaṇhāti. Saccato thetato 'ti bhūtaṃ ca thirato ca 'Idaṃ saccaṃ' 'ti sutṭhu dāḥabhāvenā 'ti vuttaṃ hoti. N' atthi me attā 'ti ucchedadiṭṭhi sato sattassa tattha tattha vibhavagahaṇato. Athavā: purimā 'pi tisu kālesu atthī 'ti gahaṇato sassatadiṭṭhi; paccuppannam eva atthī 'ti gahaṇato<sup>1</sup> ucchedadiṭṭhi. Pacchimā 'pi atītānāgatesu n' atthī 'ti gahaṇato bhasmantā<sup>2</sup> āhutiyo 'ti gahitadiṭṭhigatikānaṃ viya ucchedadiṭṭhi. Atīte eva n' atthi gaṇhato<sup>1</sup> adhiccasamuppannikassa viya sassatadiṭṭhi. Attanā 'va attānaṃ sañjānāmi 'ti saññakkhandhasīsenā khandhe attā 'ti gahetvā saññāya avasesakkhandhe sañjānato iminā attanā imaṃ attānaṃ sañjānāmi 'ti hoti. Attanā 'va attānaṃ 'ti: Saññakkhandhaṃ yeva attā 'ti gahetvā, itare cattāro 'pi anattā 'ti gahetvā, saññāya te sañjānato evaṃ hoti. Anattānaṃ 'va attānaṃ 'ti: saññakkhandhaṃ anattā 'ti gahetvā, itare cattāro 'pi attā 'ti gahetvā, saññāya te sañjānato evaṃ hoti. Sabbā 'pi sassat-ucchedadiṭṭhiyo 'va.

Vado, vedeyyo 'ti ādayo pana sassatadiṭṭhiyā eva abhinivesākārā. Tattha: vadatī 'ti vado; vacikamassa kārako 'ti vuttaṃ hoti. Vedayatī 'ti vedeyyo; jānāti, anubhavati cā 'ti vuttaṃ hoti. (Kiṃ vedeti? Tatra tatra kalyāṇapāpakānaṃ kammānaṃ vipākaṃ paṭisaṃvedeti.) Tatra tatrā 'ti tesu tesu yoni-gati-ṭhiti-nivāsa-nikāyesu, ārammaṇesu vā.

Nicco 'ti uppādavayarahito. Dhuvo 'ti thiro, sārabhūto. Sassato 'ti sabbakālīko. Avipariṇāmadhammo 'ti attano pakatibhāvaṃ avijānaadhammo; kakaṇṭako viya nānappa-kāraṇaṃ nāpajjati. Sassati samaṃ 'ti canda-suriya-samudda-mahāpaṭhavī-pabbat-ālokavohārena sassatiyo 'ti vuccanti. Sassatihi samaṃ Sassatisamaṃ. Yāva sassatiyo tiṭṭhanti tāva tath' eva ṭhassatī 'ti gaṇhato evaṃ diṭṭhi hoti.

<sup>1</sup> SH gaṇhanti.

<sup>2</sup> SH v.l. bhassattā.



Khuddakavatthu-vibhaṅge pana, “Tatra tatra dīgharattaṃ kalyāṇapāpakāṇaṃ kammāṇaṃ vipākaṃ paccanubhoti, na so jāto n-āhosi; na so jāto na bhavissati; nicco, dhuvo, sassato, avipariṇāmadhammo 'ti vā pan' assa saccato thetato diṭṭhi uppajjati,” 'ti cha diṭṭhi evaṃ viśeṣetvā vuttā. Tattha: Na so jāto n-āhosi 'ti so attā ajātidhammato na 'jāto' nāma. Sadā vijjāmāno yevā 'ti attho. Ten' eva atīte n-āhosi, anāgate na bhavissati; yo hi jāto so 'āhosi,' yo ca jāyissati so 'bhavissati' 'ti vuccati. Athavā: Na so jāto n-āhosi 'ti so sadā vijjāmānattā atīte 'pi na jātu n-āhosi, anāgate 'pi na jātu na bhavissati.

*Anusayā vuttaṭṭhā.*

*Sattahi saṃyojanehī* 'ti Suttanipāte vutthehi. Vuttaṃ hi tattha: “Satt' imāni, bhikkhave, saṃyojanāni. Katamāni satta? Anusayasamyojanaṃ, paṭighasamyojanaṃ, diṭṭhisamyojanaṃ, vicikicchāsamyojanaṃ, mānasamyojanaṃ, bhavarāgasamyojanaṃ, avijjāsamyojanaṃ. Imāni kho bhikkhave satta saṃyojanāni. Tattha: Anusayasamyojanaṃ 'ti kāmārāgasamyojanaṃ. Sabbān' ev' etāni bandhanatṭhena saṃyojanāni.

*Sattahi mānehī* 'ti Khuddakavatthuvibhaṅge vutthehi. Vuttaṃ hi tattha: “Māno, atimāno, mānātimāno, omāno, adhimāno, asmimāno, micchāmāno,” 'ti. Tattha: Māno 'ti seyyādivasena puggalaṃ anāmasitvā jāti-ādisu vatthuvasen' eva unṇati.<sup>1</sup> Atimāno 'ti 'Jāti-ādihi mayā sadiso n' atthi' 'ti atikkamitvā unṇati.<sup>1</sup> Mānātimāno 'ti 'Ayaṃ pubbe mayā sadiso, idāni ahaṃ seṭṭho, ayaṃ hīnataro' 'ti uppannamāno. Omāno 'ti jāti ādihi attānaṃ hetṭhā katvā pavattamāno. 'Hīno 'ham asmi' 'ti māno yeva. Adhimāno 'ti anadhigate yeva catusaccadhamme adhigato 'ti māno. Ayam pana adhimāno parisuddhasīlassa kammatṭhāne appamattassa nāmarūpaṃ vavatthapetvā paccayapariggahena vitinnakaṅkhasa tilakkhaṇaṃ āropetvā saṅkhāre sammasantassa āraddha-

<sup>1</sup> SH unṇati.

vipassakassa puthujjanassa uppajjati, na aññesaṃ. Asmi-māno 'ti rūpādisu khandhesu 'Asmī' 'ti māno. 'Ahaṃ rūpan' 'ti ādivasena appannamāno 'ti vuttaṃ hoti. Micchā-māno 'ti pāpakena kammāyatanādinā uppannamāno.

*Lokadhammā* vuttaṭṭhā. *Samparivattatī* 'ti lokadhammehi hetubhūtehi lābhādisu catūsu anurodhavasena, alābhādisu catūsu paṭivirodhavasena bhusaṃ nivattati, pakatibhāvaṃ jahatī 'ti attho.

*Micchattā* 'pi vuttaṭṭhā. *Niyyāto* 'ti gato pakkhanto abhibhūto 'ti attho.

*Atṭhahi purisadosehī* 'ti Atṭhakanipāte upamāhi saha, Khuddakavatthuvibhaṅge upamaṃ vinā vuttehi. Vuttaṃ hi tattha: "Katame atṭha purisadosā? Idha bhikkhū bhikkhuṃ āpattiyaṃ codenti, so bhikkhu bhikkhūhi āpattiyaṃ codiyamāno 'na sarāmi, na sarāmi' 'ti asatiyaṃ 'va nibbedheti.<sup>1</sup> Ayaṃ paṭhamo purisadoso. Puna ca paraṃ bhikkhū bhikkhuṃ āpattiyaṃ codenti. So bhikkhu bhikkhūhi āpattiyaṃ codiyamāno codakaṃ yeva paṭippharati, 'Kin nu kho tuyhaṃ bālassa abyattassa bhaṇitena? Tuvam 'pi nāma maṃ bhaṇitabbaṃ maññasi?' 'ti. Ayaṃ dutiyo purisadoso. Puna ca paraṃ bhikkhū . . . . . codakaṃ yeva paccāropeti, 'Tvam 'pi kho 'si itthannāmaṃ āpattiṃ āpanno, tvaṃ tava paṭhamāṃ paṭikarohi,' 'ti. Ayaṃ tatiyo purisadoso. Puna ca . . . . . codiyamāno aññen' aññaṃ paṭicarati, bahiddhā kathaṃ apanāmeti, kopaṃ ca dosaṃ ca appaccayaṃ ca pātukaroti. Ayaṃ catuttho purisadoso. Puna ca . . . . . codiyamāno saṅghamajjhe bāhāvikkhepakaṃ bhaṇati. Ayaṃ pañcama . . . . . codiyamāno anādiyitvā saṅghaṃ, anādiyitvā codakaṃ, sāpattiko 'va yenakāmaṃ pakkamati. Ayaṃ chaṭṭho . . . . . codiyamāno n' eva 'Ahaṃ āpanno 'mhi', na panā- 'Haṃ anāpanno 'mhi', 'ti so tuṇhībhūto saṅghaṃ viheseti. Ayaṃ sattamo . . . . . codiyamāno evaṃ āha: 'Kin nu kho tumhe āyasmanto atibālhaṃ mayi byāvaṭṭa? Idān-

<sup>1</sup> B, SM nibbedheti (throughout).



āhaṇ sikkhaṇ paccakkhāya hīnāyā-vattissāmī' 'ti. So sikkhaṇ paccakkhāya hīnāyā-vattitvā evam āha: 'Idāni kho tumhe āyasmanto attamanā hothā' 'ti. Ayaṇ aṭṭhamo purisadoso. Ime aṭṭha purisadosā 'ti."

Tattha: Purisadosā 'ti purisānaṇ dosā. Te pana purisa-santānaṇ dūsentī 'ti dosā. Na sarāmī 'ti mayā etassa kammasa kataṭṭhānaṇ na ssarāmī, na sallakkhemī 'ti evaṇ asatibhāvena nibbēṭheti moceti. Codakaṇ yeva paṭippharati 'ti paṭiviruddho hutvā pharati, paṭi-ānibhāvena tiṭṭhati. Kin nu tuyhaṇ? 'ti tuyhaṇ bālassa abyattassa bhaṇitena nāma kiṇ? Yo tvaṇ n' eva vatthuṇ, na āpattiṇ, na codanaṇ jānāsī! 'ti dīpeti. Tvam 'pi nāma evaṇ kiñci ajānanto bhaṇitabbaṇ maññasī 'ti ajjhottharati. Paccāropetī 'ti tvam 'pi kho 'sī 'ti ādīni vadanto paṭi-āropeti. Paṭikarohī 'ti desanāgāminiṇ desehi, vuṭṭhānagāmīni vuṭṭhāhi, tato suddhatte<sup>1</sup> paṭiṭṭhito aññaṇ codessasī 'ti dīpeti. Aññaṇ aññaṇ paṭicarati 'ti aññaṇa kāraṇena vacanena vā aññaṇ kāraṇaṇ vacanaṇ vā paṭicchādeti. Āpattiṇ āpanno 'ti vutto, Ko āpanno? Kiṇ āpanno? Kismiṇ āpanno? Kathaṇ āpanno? Kaṇ bhaṇatha? Kiṇ bhaṇathā? 'ti vadati. Evarūpaṇ kiñci tayā diṭṭhaṇ? 'ti vutte, Na suṇāmī 'ti soṭaṇ apaneti.<sup>2</sup> Bahiddhā kathaṇ apanāmetī 'ti: Itthannāmaṇ āpattiṇ āpanno 'sī? 'ti puṭṭho, Pāṭaliputtaṇ gato 'mhī 'ti vatvā; puna, Na tāva Pāṭaliputtagamaṇaṇ pucchāma, āpattiṇ pucchāmā 'ti vutte, Tato Rājagahaṇ gato 'mhī 'ti. Rājagahaṇ vā yāhi, Brāhmaṇagahaṇ vā, āpattiṇ āpanno 'sī? 'ti. Tattha me sūkaramaṇsaṇ laddhaṇ 'ti ādīni vadanto kathaṇ bahiddhā vikkhipati.

Kopaṇ 'ti kupitabhāvaṇ. Dosan 'ti duṭṭhabhāvaṇ. Ubhayam 'p' etaṇ kodhass' eva nāmaṇ. Appaccayan 'ti asantuṭṭhākāraṇ; domanassass' etaṇ nāmaṇ. Pātukarotī 'ti dasseti pakāseti. Bāhāvikkhepaṇaṇ bhaṇatī 'ti bāhaṇ vikkhipitvā vikkhipitvā alajjivacanaṇ vadati. Anādiyitvā 'ti cittikārena agahetvā avajānitvā; anādaro hutvā 'ti attho.

<sup>1</sup> B, SM suddhante.

<sup>2</sup> SH, SM upa-.

Vihesetī 'ti viheṭṭeti bādhati. Atibālhan 'ti atidaḷhaṇ atipamāṇaṇ. Mayi byāvaṭā 'ti mayi byāpāraṇ āpannā. Hīnāy' āvattitvā 'ti hīnassa gihībhāvassa atthāya āvattitvā; gihī hutvā 'ti attho. Attamanā hothā 'ti tuṭṭhacittā hotha, mayā labhitabbaṇ labhatha, mayā vasitabbaṭṭhāne vasatha, phāsuvihāro vo mayā kato 'ti adhippāyena vadati.

*Dussatī* 'ti duṭṭho hotī.

*Navahi āghātavatthūhī* 'ti sattesu uppattivasen' eva kathitāni. Yath' āha: "Nava yimāni bhikkhave āghātavatthūni. Katamāni nava? Anatthaṇ me acarī 'ti āghātaṇ bandhati, anattaṇ me caratī 'ti . . . . carissatī 'ti . . . Piyassa me manāpassa anattaṇ acari . . . carati . . . carissatī 'ti . . . apiyassa me amanāpassa atthaṇ acari . . . carati . . . carissatī 'ti āghātaṇ bandhati. Imāni kho bhikkhave nava āghātavatthūni" 'ti.

Tattha: Āghātavatthūni 'ti āghātakāraṇāni. Āghātan 'ti c' ettha kopo. So yeva uparūpari kopassa vatthuttā āghātavatthu. Āghātaṇ bandhatī 'ti kodhaṇ bandhati karoti uppādeti. "Atthaṇ me n-ācari . . . na carati . . . na carissati, piyassa me manāpassa atthaṇ n-ācari . . . . appiyassa me amanāpassa anattaṇ n-ācari . . . na carati . . . na carissatī" 'ti Niddese vuttāni aparāni 'pi nava āghātavatthūni imeh' eva hi saṅgahītāni.

*Āghātito* 'ti ghaṭṭito.

*Navavidhamānehi* 'ti katame navavidhamānā? Seyyassa seyyo 'ham asmī 'ti māno, seyyassa sadiso . . . hīno . . . , sadisassa seyyo . . . sadiso . . . hīno . . . , hīnassa seyyo . . . sadiso . . . hīno 'ham asmī 'ti māno. Ime navavidhamānā.

Ettha pana: Seyyassa seyyo 'ham asmī 'ti māno rājūnañ c' eva pabbajitānañ ca uppajjati. Rājā hi raṭṭhena vā dhanena vā vādhanehi vā, "Ko mayā sadiso atthī?" 'ti etaṇ mānaṇ karoti. Pabbajito 'pi siladhutaṅgādīhi, "Ko mayā sadiso atthī?" 'ti etaṇ mānaṇ karoti. Seyyassa sadiso 'ham asmī 'ti māno 'pi etesaṇ yeva uppajjati. Rājā hi

raṭṭhena vā . . . “Aññarājūhi saddhiṃ mayhaṃ kiṃ nānākaraṇaṃ?” ’ti etaṃ mānaṃ karoti. Pabbajito ’pi siladhu-taṅgādīhi, “Aññena bhikkhunā mayhaṃ kiṃ nānākaraṇaṃ?” ’ti etaṃ mānaṃ karoti. Seyyassa hīno ’ham asmī ’ti māno ’pi etesaṃ yeva uppajjati. Yassa hi rañño raṭṭhaṃ vā dhaṇaṃ vā vāhaṇādīni vā nātisampannāni honti so, “Mayhaṃ rājā ’ti vohārasukhamattakam eva! Kiṃ rājā nāma ahaṇ!” ’ti etaṃ mānaṃ karoti. Pabbajito ’pi appalābhasakkāro, “Ahaṃ dhammakathiko bahussuto mahāthero ’ti kathā-mattam eva! Kiṃ dhammakathiko . . . bahussuto . . . mahāthero nāmā-haṃ, yassa me lābhasakkāro n’ atthī?” ’ti etaṃ mānaṃ karoti. Sadisassa seyyo ’ham asmī ’ti mānā-dayo amaccādīnaṃ uppajjanti. Amacco hi raṭṭhiyo vā bhogayānavāhaṇādīhi, “Ko mayā sadiso añño rājapuriso atthī?” ’ti vā; “Mayhaṃ aññehi saddhiṃ kiṃ nānākaraṇaṃ?” ’ti vā; “Amacco ’ti nāmam eva mayhaṃ, ghāsacchādana-mattam ’pi me n’ atthī! Kiṃ amacco nāmā-haṇ!” ’ti vā etaṃ mānaṃ karoti. Hīnassa seyyo ’ham asmī ’ti mānādayo dāsādīnaṃ uppajjanti. Dāso hi, “Mātito vā pitito vā ko mayā sadiso añño dāso nāma atthī? Añño jīvitūṃ asakkonto kucchihetu dāsā nāma jātā; ahaṃ pana paveṇi-āgatattā seyyo,” ’ti vā; “Paveṇi-āgatabhāvena ubhatosuddhikadāsattena asukadāsena nāma saddhiṃ mayhaṃ kiṃ nānākaraṇaṃ?” ’ti vā; “Kucchivasenā-haṃ dāsabyaṃ upagato; mātā-pitukoṭiyā pana me dāsattāhaṇaṃ n’ atthī. Kiṃ dāso nama ahaṇ!” ’ti vā mānaṃ karoti. Yathā ca dāso, evaṃ pukku-sacaṇḍālādayo ’pi etaṃ mānaṃ karonti yeva. Ettha ca: Seyyassa seyyo ’ham asmī ’ti uppannamāno ’va yāthāva-māno, itare dve ayāthāva-mānā. Tathā, Sadisassa sadiso ’ham asmī ’ti, Hīnassa hīno ’ham asmī ’ti uppannamānā ’va yāthāva-mānā. Itare dve ayāthāva-mānā. Tattha yāthāva-mānā arahattamaggavajjhā, ayāthāva-mānā sotāpatti-maggavajjhā ’ti.

*Taṇhāmūlakā* vuttā yeva. *Rajjati* ’ti na kevalaṃ rāgen’ eva rajjati, atha kho taṇhāmūlakānaṃ pariyesanādinam ’pi sambhavato taṇhāmūlakehi sabbehi akusaladhammehi rajjati. Yujjati bajjhati ’ti adhippāyo.

*Dasahi kilesavatthūhī* 'ti: Katamāni dasa kilesavatthūni? Lobho, doso, moho, māno, diṭṭhi, vicikicchā, thīnaṇ, uddhaccaṇ, ahirikaṇ, anottappan 'ti imāni dasa kilesavatthūni.

Tattha: Kilesā eva kilesavatthūni. Vasanti vā ettha akhīṇāsavā sattā lobhādīsu paṭiṭṭhitattā 'ti vatthūni. Kilesā ca te tappatiṭṭhānaṇ sattānaṇ vatthūni cā 'ti kilesavattūni. Yasmā c' ettha anantarapaccayādi-bhāvena uppaṇṇamānā 'pi kilesā vasanti eva nāma, tasmā kilesānaṇ vatthūni 'ti 'pi kilesavattūni. Lubbhanti tena, sayan vā lubbhati, lubbhanamattam eva vā tan 'ti lobho. Dussanti tena, sayan vā dussati, dussanamattam eva vā tan 'ti doso. Muyhanti tena, sayan vā muyhati, muyhanamattam eva vā tan 'ti moho. Maññatī 'ti māno. Diṭṭhi-ādayo vuttatṭhā 'va. Na hiriyatī 'ti ahiriko, tassa bhāvo ahirikaṇ. Na ottappatī 'ti anottāpī, tassa bhāvo anottappaṇ. Tesu ahirikaṇ kāyaduccaritādihi ajigucchānalakkhaṇaṇ, anottappaṇ teh' eva asārajjanalakkhaṇaṇ.

*Kilissatī* 'ti upatāpīyati vibādhiyati.

*Dasahi āghātavattūhī* 'ti pubbe vuttehi navahi ca, 'Atṭhāne vā pan-āghāto jāyati' 'ti vuttana cā 'ti dasahi. Anattthaṇ me acarī 'ti ādīni 'pi hi avikappetvā khāṇukaṇṭakādīmi 'pi atṭhāne āghāto uppajjati.

*Dasahi akusalakammapathehī* 'ti: Katame dasa akusalakammapatthā? Pāṇātipāto, adinnādānaṇ, kāmesu micchācāro, musāvādo, pisunā vācā, pharusā vācā, samphappalāpo, abhijjhā, byāpādo, micchādiṭṭhi. Ime dasa akusalakammapatthā. Tattha akusalakammāni ca tāni pathā ca duggatīyā 'ti akusalakammapatthā. *Samannāgato* 'ti samaṇḍibhūto.

*Dasahi saṇṇojanehī* 'ti: katamāni dasa saṇṇojanāni? Kāmarāgasañjōjanaṇ, paṭigha . . . , māna . . . , diṭṭhi . . . , vicikicchā . . . , silabbataparāmāsa . . . , bhavarāga . . . , issā . . . , macchariya . . . , avijjāsañjōjanaṇ. Imāni dasa saṇṇojanāni.

Micchattā vuttā yeva.

*Dasavatthukāya micchādittihīyā* 'ti: Katamā dasavatthukā micchādittihī? N' atthi dinnāṇ, n' atthi yitṭhaṇ, n' atthi hutaṇ, 'n atthi sukaṭadukkaṭāṇaṇ kammāṇaṇ phalaṇ vipāko, n' atthi ayaṇ loko, n' atthi paro loko, n' atthi mātā, n' atthi pitā, n' atthi sattā opapātikā, n' atthi loke samaṇabrāhmaṇā sammaggatā sammāpaṭipannā ye imaṇ ca lokaṇ paraṇ ca lokaṇ sayāṇ abhiññāya sacchikatvā pavedenti. Ayaṇ dasavatthukā micchādittihī.

Tattha Dasavatthukā 'ti: dasa vatthūni etissā 'ti dasavatthukā. N' atthi dinnā 'ti dinnāṇ nāma atthi sakkā kassaci kiñci dātun 'ti jānāti, dinnassa pana phalaṇ vipāko n' atthi 'ti gaṇhāti. N' atthi yitṭhaṇ 'ti yitṭhaṇ vuccati mahāyāgo, taṇ yajituṇ sakkā 'ti jānāti, yitṭhassa pana phalaṇ vipāko n' atthi 'ti gaṇhāti. Hutaṇ 'ti āhunappāhuna mangalakiriya, taṇ kātuṇ sakkā 'ti jānāti, tassa pana phalaṇ vipāko n' atthi 'ti gaṇhāti. Sukaṭadukkaṭāṇaṇ<sup>1</sup> 'ti ettha dasa kusalakammapathā sukaṭakammāni<sup>1</sup> nāma, dasa akusala-kammapathā dukkaṭakammāni<sup>1</sup> nāma, tesāṇ atthi-bhāvaṇ jānāti phalaṇ vipāko pana n' atthi 'ti gaṇhāti. N' atthi ayaṇ loko 'ti paraloke tṭhito imaṇ lokaṇ n' atthi 'ti gaṇhāti. N' atthi paraloko 'ti idhaloke tṭhito paralokaṇ n' atthi 'ti gaṇhāti. N' atthi mātā n' atthi pitā 'ti mātā-pitu-atthibhāvaṇ jānāti, tesu katappaccayena koci phalaṇ vipāko n' atthi 'ti gaṇhāti. N' atthi sattā opapātikā 'ti cavanaka-uppajjanakāsattā<sup>2</sup> n' atthi 'ti gaṇhāti. Sammaggatā sammāpaṭipannā 'ti anulomapaṭipadaṇ paṭipannā dhammikasamaṇabrāhmaṇā lokasmiṇ n' atthi 'ti gaṇhāti. Ye imaṇ ca lokaṇ . . . pe . . . pavedayanti 'ti imaṇ ca paraṇ ca lokaṇ attanā 'va abhivisitthena ñāpena ñatvā pavedana-samattho sabbaññū buddho n' atthi 'ti gaṇhāti.

*Antaggāhikāya dīttihīyā* 'ti sassato loko 'ti ādikaṇ ekekaṇ antabhāvaṇ<sup>3</sup> gaṇhāti 'ti antaggāhikā. Atha vā antassa gāho antaggaho. Antaggaho assā atthi 'ti antaggāhikā, tāya antaggāhikāya. Sā pana vuttā yeva.

<sup>1</sup> B -kata-.

<sup>2</sup> B upapajjakasattī.

<sup>3</sup> SH antaṇ bhāgaṇ.

Aṭṭhasatatanhāpapañcasatehī 'ti: aṭṭhuttaraṇ sataṇ aṭṭhasataṇ. Saṅsāre papañceti ciraṇ vasāpetī 'ti papañco. Tanhā eva papañco tanhāpapañco. Ārammaṇabhedena punappunaṇ uppattivāsena ca tanhānaṇ bahukattā bahuvacanaṇ katvā tanhānaṇ papañcānaṇ sataṇ tanhāpapañca sataṇ. Tena tanhāpapañcasatenā 'ti vattabbe vacanavipallāsavasena tanhāpapañcasatehī 'ti bahuvacananiddeso kato. Aṭṭhasatan 'ti saṅkhātena tanhāpapañcasatenā 'ti attho daṭṭhabbo. Aṭṭha abbohārikāni katvā satam eva gahitan 'ti veditabbaṇ. Khuddakavatthuvibhaṅge pana tanhāvicaritāni 'ti āgataṇ. Yath' āha:—

“Aṭṭhārasa tanhāvicaritāni ajjhattikassa upādāya, aṭṭhārasatanhāvicaritāni bāhirassa upādāya, tad ekaccaṇ<sup>1</sup> abhisanyūhitvā abhisāṅkhipitvā chattiṇsa tanhāvicaritāni honti. Iti atītani chattiṇsa tanhāvicaritāni, anāgatāni chattiṇsa tanhāvicaritāni, paccuppannāni chattiṇsa tanhāvicaritāni, tad ekajjhaṇ abhisanyūhitvā abhisāṅkhipitvā aṭṭhasataṇ tanhāvicaritaṇ<sup>2</sup> hotī ” 'ti.

Tanhāpapañcā yeva pan' ettha tanhāvicaritāni 'ti vuttā, tanhāsamudācārā tanhāpavattiyo 'ti attho. Ajjhattakassa upādāyā 'ti ajjhattikaṇ khandhapañcakaṇ upādāya. Idaṇ hi upayogatthe sāmivacanaṇ. Viṭṭhāro pan' assa tassa niddese vuttanayen eva veditabbo. Ayaṇ pan' ettha aparo nayo: Rūpārammaṇā yeva kāmataṇhā, bhavataṇhā, vibhavataṇhā 'ti tisso tanhā honti. Tathāsaddādi-ārammaṇā 'ti chasu ārammaṇesu aṭṭhārasa tanhā honti. Ajjhattārammaṇā aṭṭhārasa, bahiddhārammaṇā atthārasā 'ti chattiṇsa honti. Tā eva atītārammaṇā chattiṇsa, anāgatārammaṇā chattiṇsa, paccuppannārammaṇā chattiṇsā 'ti aṭṭha tanhāvicaritasataṇ hoti. *Papañcito* 'ti ārammaṇe saṅsāre vā papañcito ciravāsito.

Dvāsaṭṭhiyā ditṭhigatehī 'ti: “Katamāni dvāsaṭṭhidiṭṭhigatāni? Brahmajāle veyyākaraṇe vuttani Bhagavata, cattāro sassatavādā, cattāro ekaccasassatavādā, cattāro antā-

<sup>1</sup> SH ekajjhaṇ.

<sup>2</sup> SH aṭṭhatanhāvicaritasataṇ.



nantikā, cattāro amarāvikkhepikā, dve adhiccasamuppannikā, soḷasa saññīvādā, aṭṭha asaññīvādā, aṭṭha nevasaññī-nāsaññīvādā, satta ucchedavādā, pañcadiṭṭhadhammanibbānavādā 'ti," imāni dvāsaṭṭhidiṭṭhigatāni Brahmajāle veyyākaraṇe vuttāni Bhagavatā 'ti. Vitthāro pan' ettha Brahmajālasutte vuttanāyena eva veditabbo.

*Ahaṇ c' amhi tiṇṇo* 'ti ahañ ca caturoggaṇ saṅsārasamuddaṇ tiṇṇo *amhi* bhavāmi. *Mutto* 'ti rāgādibandhanehi mutto. *Danto* 'ti nibbisevano nipparipphando. *Santo* 'ti sītibhūto. [131] *Assatto* 'ti nibbānadassanena<sup>1</sup> laddhassāso. *Parinibbuto* 'ti kilesaparinibbāṇena parinibbuto. *Pahomī* 'ti sammatto 'mhi. *Kho* iti ekaṇsatthe nipāto. *Pare ca parinibbāpetun* 'ti ettha 'Pare ca' saddo 'pare ca taretun' 'ti ādihī 'pi yojetabbo 'ti.

Mahākaruṇāñāṇaniddesa-Vaṇṇanā Nīṭṭhitā.

---

<sup>1</sup> SH, SM -dassane.



## [SABBAÑÑUTANÑĀṆA-NIDDESA- VAṆṆANĀ.]

1. Sabbaññutaññāṇaniddese: *katamaṇ* *Tathāgatassa sabbaññutaññāṇaṇ* ? 'ti pucchitvā, tena samagatikattā, ten' eva saha 'Anāvaraṇaññāṇaṇ niddiṭṭhaṇ. Na hi anāvaraṇaññāṇaṇ dhammato visuṇ atthi. Ekam eva h' etaṇ ñāṇaṇ ākārabhedato dvedhā vuccati, saddhindriyasaddhābalādini viya. Sabbaññutaññāṇam eva hi, n' atthi etassa āvaraṇaṇ 'ti kenaci dhammena, puggalena vā, āvaraṇaṇ kātuṇ asakkuṇeyyatāya anāvaraṇaṇ 'ti vuccati, āvajjanappaṭibaddhattā sabbadhammāṇaṇ. Aññe pana āvajjitvā 'pi na jānanti, Keci paṇ' āhu, 'Manoviññāṇaṇ viya sabbāramaṇikattā sabbaññutaññāṇaṇ. Taṇ yeva, ñāṇaṇ Inda-vajiraṇ viya, viyaesu appaṭihatattā, anāvaraṇaññāṇaṇ. Anupubbasaḍḍhaññutāppatikkhapo sabbaññutaññāṇaṇ; sakiṇ sabbaññutāppatikkhapo anāvaraṇaññāṇaṇ. Bhagavā sabbaññutaññāṇappaṭilābhenā 'pi sabbaññū 'ti vuccati; na ca anupubbasaḍḍhaññū. Anāvaraṇaññāṇappaṭilābhenā 'pi sabbaññū 'ti vuccati; na ca sakiṇsabbaññū 'ti.

*Sabbaṇ saṅkhatam asaṅkhatan anavasesan jānāti* 'ti: ettha Sabbaṇ 'ti jātivasena sabbadhammāṇaṇ nissesapariyādāṇaṇ. Anavasesan 'ti ekekass' eva dhammassa sabbākāravasena nissesapariyādāṇaṇ. Saṅkhatam asaṅkhatan 'ti dvidhā pabhedadassanaṇ. Saṅkhatan hi<sup>1</sup> eko pabhedo; paccayehi sangamma katan 'ti saṅkhatan khandhapaṇcakaṇ. Tathā na saṅkhatan 'ti asaṅkhatan nibbāṇaṇ. Saṅkhatan anicca-dukkhānattādīhi ākārehi anavasesan jānāti. Asaṅkhatan suññātānimittappaṇihitādīhi ākārehi anavasesan jānāti. N' atthi etassa saṅkhatassa, asaṅkhatassa ca avaseso 'ti anavasesan. Saṅkhatan asaṅkhataṇ ca anekabhedā 'pi, paññattipaccayehi akatattā asaṅkhatapakkaṇ bhajati. Sabba-

<sup>1</sup> SH 'ti.

ññutaññāṇaṇ hi sabbā 'pi paññattiyo anekabhedato jānāti. Atha vā Sabban 'ti sabbadhammagahaṇaṇ; anavasesan 'ti nippadesagahaṇaṇ.

*Tattha āvaranaṇ natthi 'ti*: tattha tasmiṇ anavasesa-saṅkhat-āsaṅkhathe nissāṅgattā sabbaññutaññāṇassa āvaranaṇ n' atthi 'ti tad eva sabbaññutaññāṇaṇ *anāvaranaññāṇaṇ* nāmā 'ti attho.

Idāni anekavisayabhedato dassetuṇ Atītan 'ti ādim āha. Tattha *atītaṇ, anāgataṇ, paccuppannan* 'ti kālabbhedato dassitaṇ.

Cakkhuñ c' eva rūpā ca 'ti ādi vatthārammaṇabhedato. Etaṇ sabban 'ti tesāṇ cakkhu-rūpāṇaṇ anavasesapariyādānaṇ. Evaṇ sesesu.

2. *Yāvatā* 'ti anavasesapariyādānaṇ. Aniccaṭṭhan 'ti ādi sāmāññalakkhaṇabhedato dassitaṇ. *Aniccaṭṭhan* 'ti ca aniccākāraṇ; paccatte vā upayogavacanaṇ. Esanayo edisesu. *Rupassā* 'ti ādi khandabhedato dassitaṇ. [132] *Cakkhussa* . . . *pe* . . . *jarāmaranaṇsā* 'ti heṭṭhāvutta-peyyālanayena yojettabbaṇ.

3. *Abhiññā* 'ti ādisu heṭṭhāvuttaññāṇān' eva. *Abhiññāṭṭhan* 'ti abhiññānasabhāvaṇ; esa nayo edisesu. *Khandhānaṇ khandhaṭṭhan* 'ti ādi heṭṭhāvuttanayan' eva veditabbaṇ.

4. *Kusale dhamme* 'ti ādi kusalattikavasena bhedo. *Kā-māvācare dhamme* 'ti ādi catubhummikavasena.<sup>1</sup> (Ubhayathā 'pi *sabbe jānāti* 'ti bahuvacanapāṭho sundaro. Ekavacanasote patitattā pana potthakesu ekavacanena likhitaṇ.) *Dukkassā* 'ti ādi cuddasannaṇ Buddhaññāṇaṇ visayabhedo.

[133] 5. *Indriyaparopariyatte ñāṇan* 'ti ādini cattāri ñāṇāni vatvā sabbaññutaññāṇaṇ kasmā na vuttan? 'ti ce: vuccamānassa sabbaññutaññāṇattā. Visayabhedato hi<sup>2</sup> sabbaññutaññāṇe vuccamāne taṇ ñāṇaṇ na vattabbaṇ hoti. Sabbaññutaññāṇaṇ pana sabbaññutaññāṇassa visayo hoti yeva.

6. Puna Kālakārāmasuttantādisu vuttanayen' eva sabbaññutaññāṇabhūmiṇ<sup>3</sup> dassento, *yāvatā sadevakassa lokassā* 'ti ādim āha. Tattha saha devehi sadevakassa, saha Mārena

<sup>1</sup> SH -bhūmī-.<sup>2</sup> SH 'ti.<sup>3</sup> SH -bhūmī.

*samāarakassa*; saha Brahmunā *sabrahmakassa* lokassa, saha samaṇa-brāhmaṇehi, *sassamaṇabrāhmaṇiyyā*; saha devamanussehi *sadevamanussāya pajāya*; pajātattā pajā 'ti satta-lokassa pariyāyavacanam etaṇ. Tattha sadevaka-vacanena pañcakāmāvacaradevagahaṇaṇ, samārika-vacanena chakāmāvacaradevagahaṇaṇ, sabrahmaka-vacanena Brahmakāyikādi-Brahmagahaṇaṇ, sassamaṇabrāhmaṇi-vacanena sāsana-ssa paccatthika-ppaccamitta-samaṇa-brāhmaṇagahaṇaṇ, samitapāpabāhitapāpa-samaṇabrāhmaṇagahaṇaṇ ca, papāvacanena sattalokagahaṇaṇ, sadevamanussa-vacanena sammutideva-sesamanussagahaṇaṇ veditabbaṇ. Evam ettha tihi padehi okāsaloko, dvīhi pajāvasena sattaloko gahito 'ti veditabbo.

Aparo nayo: sadevakagahaṇena arūpāvacaraloko gahito, samārikagahaṇena cha kāmāvacaradevalokā,<sup>1</sup> sabrahmakagahaṇena rūpāvacarabrahmaloko. Sassamaṇabrāhmaṇādigahaṇena catuparisāvasena sammutidevehi vā saha manus-saloko, avasesasattaloko vā.

Api c' ettha sadevakavacanena ukkaṭṭhaparicchedato sabbassa lokassa diṭṭhādi jānanabhāvaṇ sādheti. Tato yesaṇ siyā: "Māro mahānubhāvo chakāmāvacarissaro vasa-vatti, kiṇ tassā-pi diṭṭhādiṇ jānāti?" 'ti tesaṇ vimatiṇ vidhamento samarakassā 'ti āha. Yesaṇ pana siyā: "Brahmā mahānubhāvo ekaṅguliya ekasmiṇ cakkavālasahassee ālokaṇ pharati, dvīhi . . . pe . . . dasahi aṅgulihi dasāsu cakkavālasahassesu ālokaṇ pharati, Anuttaraṇ ca jhānasamāpattisukhaṇ paṭisaṇvedeti, kiṇ tassā-pi diṭṭhādiṇ jānāti?" 'ti tesaṇ vimatiṇ vidhamento sabrahmakassā 'ti āha. Tato yesaṇ siyā: "Puthu samaṇabrāhmaṇā sāsana-paccatthikā, kiṇ tesam 'pi diṭṭhādiṇ jānāti?" 'ti tesaṇ vimatiṇ vidhamento sasamaṇabrahmaṇiyyā pajāyā 'ti āha. Evaṇ ukkaṭṭhānaṇ diṭṭhādiṇ jānanabhāvaṇ pakāsetvā atha sammutideve avasesamanusse ca upādāya ukkaṭṭhaparicchedavase-sa-sattalokassa diṭṭhādiṇ jānanabhāvaṇ pakāseti. Ayam ettha anu-sandhikkamo.

Porāṇā pan' āhu: "Sadevakassā 'ti devatāhi saddhiṇ

<sup>1</sup> B -loko.

avasesalokassa; samārakassā 'ti Mārena saddhiṃ avasesalokassa; sabrahmakassā 'ti Brahmehi saddhiṃ avasesalokassa. Evaṃ sabbe 'pi tibhavūpage satte tih' ākārehi tīsu padesu pakkhipitvā puna dvih' ākārehi pariyādāpetuṃ<sup>1</sup> sassamaṇa-brahmaṇiṃ pajāya sadevamanussāyā 'ti vuttaṃ. Evaṃ pañcahi padehi tena tena ākārena tedhātukam eva pariyādānaṃ<sup>2</sup> hoti 'ti.

*Dūṭhan* 'ti rūpāyatanaṃ. *Sutan* 'ti saddāyatanaṃ. *Mutan* 'ti patvā gahetabbato gandhāyatanaṃ, rasāyatanaṃ, phoṭṭhabbāyatanaṃ. *Viññātan* 'ti sukhadukkhādidhammārammaṇaṃ. *Pattan* 'ti pariyesitvā vā अपरियेसित्वा vā pattaṃ. *Pariyesitan* 'ti pattaṃ vā अपत्ताṃ vā pariyesitaṃ. *Anuvicariṇaṃ manasā* 'ti cittaṇa anusañcaritaṃ. *Sabbaṃ jānāti* 'ti iminā etaṃ dasseti: yaṃ aparimāṇāsu lokadhātūsu imassa sadevakassa lokassa nīlaṃ, pitaṃ 'ti ādi rūpārammaṇaṃ cakkhuvāre āpāthaṃ āgacchati, ayaṃ satto imasmiṃ khañe imaṃ nāma rūpārammaṇaṃ disvā sumano vā, dummano vā, majjhatto vā jāto 'ti taṃ sabbaṃ Tathāgatassa sabbaññutaññānaṃ jānāti. Tathā yaṃ aparimāṇāsu lokadhātūsu imassa sadevakassa lokassa bherisaddo, mudiṅgasaddo 'ti ādi saddārammaṇaṃ sotadvāre āpāthaṃ āgacchati; mūlagandho, tacagandho 'ti ādi gandhārammaṇaṃ ghānavāre āpāthaṃ āgacchati; mūlaraso, khandharaso 'ti ādi rasārammaṇaṃ jivhādvāre āpāthaṃ āgacchati; kakkhaḷaṃ, mudukaṇ 'ti ādi paṭhavīdhātu-tejodhātu-vāyodhātubhedāṃ phoṭṭhabbārammaṇaṃ kāyadvāre āpāthaṃ āgacchati; ayaṃ satto imasmiṃ khañe imaṃ nāma phoṭṭhabbārammaṇaṃ phusitvā sumano vā . . . pe . . . jāto 'ti sabbaṃ Tathāgatassa sabbaññutaññānaṃ jānāti. Tathā 'yaṃ aparimāṇāsu lokadhātūsu imassa sadevakassa lokassa sukha-dukkhādidbhedāṃ dhammārammaṇaṃ manodvāre āpāthaṃ āgacchati; ayaṃ satto imasmiṃ khañe imaṃ nāma dhammārammaṇaṃ vijānetvā sumano vā, dummano vā, majjhatto vā jāto 'ti sabbaṃ Tathāgatassa sabbaññutaññānaṃ jānāti.

Imassa pana mahājanassa pariyesitvā apattam 'pi atthi, pariyesitvā pattam 'pi atthi, अपरियेसित्वा अपत्ताम 'पि अत्थि,

<sup>1</sup> SH pariyādātuṃ.

<sup>2</sup> SH -dinnaṃ.

apariyesitvā pattam 'pi atthi; sabbaṃ Tathāgatassa sabbaññutaññānena apattaṃ nāma n' atthi 'ti. Puna aparena pariyaṇena sabbaññutaññānabhāvasādhanaṭṭhaṃ<sup>1</sup> Na tassa 'ti gātham āha. Tattha: *Na tassa aditṭham idh' atthi kiñci* 'ti tassa Tathāgatassa idha imasmiṃ tedhātuke loke, imasmiṃ vā paccuppannakāle, paññācakkhunā aditṭhaṃ nāma kiñci appamattakam 'pi na atthi, na saṃvijjati. Atthi 'ti idaṃ vattamānakālikaṃ ākhyātapadaṃ. Iminā paccuppannakālikassa sabbadhammassa ñātabhāvaṃ dasseti. Gāthābandhasukhatthaṃ pan' ettha dha-kāro saññutto.

*Atho aviññātan* 'ti ettha Atho iti vacanopādāne nipāto. *Aviññātan* 'ti atitakālikaṃ<sup>2</sup> aviññātaṃ nāma kiñci dhammajātaṃ. 'Nā-hosī' 'ti paṭhaseso. Abyayabhūtaṃ atthi-saddassa gahane paṭhasesaṃ vinā 'pi yujjati yeva. Iminā atitakālikassa sabbadhammassa ñātabhāvaṃ dasseti. *Ajānitabban* 'ti anāgatakālikaṃ ajānitabbaṃ nāma dhammajātaṃ na bhavissati, n' atthi vā. Iminā anāgatakālikassa sabbadhammassa ñātabhāvaṃ dasseti. Jānanakiriyaṇisaṇṇaṃ ev' ettha a-kāro. *Sabbaṃ abhiññāsi yad atthi neyyan* 'ti yaṃ tekālikaṃ vā kālavedutaṃ vā neyyaṃ jānitabbaṃ kiñci dhammajātaṃ atthi, taṃ sabbaṃ Tathāgato abhiññāsi, adhikena sabbaññutaññānena jāni paṭibijjhi. Ettha atthi-saddena tekālikassa kālavedutassa ca gahanaṃ; Atthi-saddo abyayabhūto yeva daṭṭhabbo. *Tathāgato tena samantacakkhū* 'ti kālavasena okāsavasena ca nippadesattā samantā sabbato pavatta<sup>3</sup>-ññānacakkhu assā 'ti samantacakkhu. Tena yathāvuttana kārānena Tathāgato samantacakkhu; sabbaññū 'ti vuttaṃ hoti.

7. Imissā gāthāya puggabādhiṭṭhānāya desanāya sabbaññutaññānaṃ sādhitāṃ. Puna Buddhaññānānaṃ visayaṇaṃ sabbāññutaññānaṃ dassetukāmo, samantacakkhū 'ti ken' atṭhena samantacakkhū? 'ti ādim āha. Tattha gāthāya *samantacakkhū* 'ti vuttapade yaṃ taṃ samantacakkhu, taṃ ken' atṭhena samantacakkhū? 'ti attho. Attho pan' assa

<sup>1</sup> SH sabbaññutabhāvadassanaṭṭhaṃ.

<sup>2</sup> SM atitaṃkā-.

<sup>3</sup> SH pavattaṃ; SM, SH v.l. pavatti-.



‘Yāvatā dukkhassa dukkhattho’\* ’ti ādihi vutto yeva hoti. Sabbaññutaññāṇaṇ hi samantacakkhu. Yath’ āha samantacakkhu vuccati sabbaññutaññāṇaṇ ’ti. Tasmiṇ sabbaññutaññāṇaṇthe vutte samantacakkhu-attho vutto yeva hoti ’ti. Buddhass’ eva ñāṇānī ’ti *buddhaññāṇānī*. Dukkhe ñāṇādīni ’pi hi sabbākārena Buddhass’ eva Bhagavato pavattanti. Itaresaṇ pana ekadesamatten’ eva pavattanti. *Sāvaka-sādhāraṇānī* ’ti pana ekadesenā-’pi; atthitaṇ sandhāya vuttaṇ.

[134] 8. *Sabbo ñato* ’ti sabbo ñāṇena ñāto. *Aññāto dukkhattho n’ atthī* ’ti vuttam eva atthaṇ paṭisedhena vibhāveti. *Sabbo diṭṭho* ’ti na kevalaṇ ñātamatto<sup>1</sup> yeva, atha kho cakkhunā diṭṭho viya kato. *Sabbo vidito* ’ti na kevalaṇ diṭṭhamatto yeva, atha kho pākaṇ kato.<sup>2</sup> *Sabbo sacchikato* ’ti na kevalaṇ vidito yeva atha kho tattha ñāṇappaṭilābhavasena paccakkhaṇ kato. *Sabbo phassito*<sup>3</sup> ’ti na kevalaṇ sacchikato yeva atha kho punappunaṇ yathārucci samudācāravasena phutṭho ’ti. Atha vā ñāto sabbhāvalakkhaṇavasena. Diṭṭho sāmāññalakkhaṇavasena. Vidito rasavasena. Sacchikato paccupaṭṭhānavasena. Phassito padaṭṭhānavasena. Atha vā ñāto ñāṇuppādasena. Diṭṭho cakkhuppādasena. Vidito paññuppādasena. Sacchikato vijjuppādasena. Phassito ālokuppādasena. *Yāvatā dukkhassa dukkhattho sabbo diṭṭho, adiṭṭho dukkhattho, n’ atthī* ’ti ādinā nayena ca, *yāvatā sadevakassa lokassa . . . pe . . . anuvicariṇaṇ manasā sabbāṇ ñāṇaṇ aṇṇaṇ n’ atthī* ’ti ādinā nayena ca vitthāro veditabbo. Paṭhamāṇ vuttagāthānigamanavasena puna vuttā. Taṇnigamane yeva hi kate ñāṇanigamanam ’pi katam eva hoti ’ti.

Sabbaññutaññāṇa-Niddesa-Vaṇṇanā Nitṭhitā.

Saddhammappakāsinīyā Paṭisambhidāmaggaṭṭhakathāya

Ñāṇaniddesa-Vaṇṇanā Nitṭhitā.

\* Text page 132, l. 27.

<sup>1</sup> B ñāṇā..

<sup>2</sup> SH omits.

<sup>3</sup> B phusito.

## [ASSĀDADIṬṬHI-VANṆANĀ.]

[135] 1. Idāni ñāṇakathānantaraṇ kathitāya Diṭṭhikathāya anupubbānuvaṇṇanā anupattā. Ayaṇ hi diṭṭhikathā, ñāṇakathāya kataññāṇapāricayassa samādhigatasammādiṭṭhissa micchādiṭṭhimalavisodhanā sukarā hoti, sammādiṭṭhi ca supārisuddhā hoti 'ti, ñāṇakathānantaraṇ kathitā. Tattha: Kā diṭṭhi? 'ti ādikā pucchā; Diṭṭhi 'ti, abhinivesaparāmāso diṭṭhi 'ti ādikaṇ pucchitapucchāya vissajjanaṇ; Kathaṇ abhinivesaparāmāso diṭṭhi 'ti ādiko<sup>1</sup> vissajjitavissajjanassa vitthāraniddeso; Sabbā 'va tā diṭṭhiyo assādadiṭṭhiyo 'ti ādikā diṭṭhisuttasaṇṣandanā; 'ti evam ime cattāro paricchēdā.

Tattha pucchāparicchede tāva Kā diṭṭhi? 'ti dhammapucchā sabhāvapucchā. Kati diṭṭhiṭṭhānāni? 'ti hetuppaccayapucchā.<sup>2</sup> Kittakāni diṭṭhinaṇ kāraṇāni? 'ti attho. Kati diṭṭhipariyutṭhānāni? 'ti samudācārapucchā, vikārapucchā.<sup>3</sup> Diṭṭhiyo eva hi samudācāravasena cittaṇ pariyaṇandhantiyo utṭhahanti 'ti Diṭṭhi-pariyutṭhānāni nāma honti. Kati diṭṭhiyo? 'ti diṭṭhinaṇ sāṅkhyāpucchā gaṇanāpucchā. Kati diṭṭhābhinivesā? 'ti vatthuppabhedavasena ārammaṇanānattavasena diṭṭhippabhedapucchā. Diṭṭhiyo eva hi taṇ taṇ vatthuṇ taṇ taṇ ārammaṇaṇ abhinivisanti parāmasanti 'ti Diṭṭhiparāmāsā 'ti vuccanti. Katamo diṭṭhiṭṭhānasamugghāto? 'ti diṭṭhinaṇ paṭipakkhapucchā, pahāṇūpāyapucchā. Diṭṭhinaṇ kāraṇāni hi khandhādīni diṭṭhisamugghātēna tāsaṇ kāraṇāni na honti 'ti tāni ca kāraṇāni samugghātītāni nāma honti, tasmā diṭṭhiṭṭhānāni. Sammā bhusaṇ haññanti etenā 'ti diṭṭhiṭṭhānasamugghāto 'ti vuccati.

Idāni etāsaṇ channaṇ pucchānaṇ Kā diṭṭhi 'ti ādīni cha vissajjanaṇi. Tattha: kā diṭṭhi? 'ti vissajjetabbapucchā. Abhinivesaparāmāso diṭṭhi 'ti vissajjanaṇ. Sā pana aniccā-

<sup>1</sup> SH ādito.

<sup>2</sup> SH hetupucchā paccayapucchā.

<sup>3</sup> SH omits.



dike vatthusmiṃ niccādivasena abhinivisati patitṭhahati dalhaṃ gaṇhāti 'ti abhiniveso. Aniccādi-ākāraṃ atikkamitvā niccan 'ti ādivasena vuttamāno parato āmasati gaṇhāti 'ti parāmāso. (Atha vā niccan 'ti ādikaṃ paraṃ uttamaṃ saccan 'ti āmasati gaṇhāti 'ti parāmāso. Abhiniveso ca so parāmāso cā 'ti Abhinivesaparāmāso. Evaṃ pakāro diṭṭhi 'ti kiccato diṭṭhisabhāvaṃ vissajjeti.)

*Tiṇi satan 'ti tiṇi satāni. Vacanavipallāso kato. Katamo diṭṭhiṭṭhānasamugghato?* 'ti pucchaṃ anuddharitvā 'va *sotā-pattimaggo diṭṭhiṭṭhānasamugghato* 'ti vissajjanaṃ kataṃ.

2-8. Idāni *Kathaṃ abhinivesaparāmāso?* 'ti ādi vitthāra-niddeso. Tattha *rūpaṃ* 'ti upayogavacanaṃ. *Rūpaṃ abhinivesaparāmāso* 'ti sambandho. *Rūpaṃ 'ti c' ettha rūpūpādānakkhandho*, kaṣiṇarupaṃ ca. *Etaṃ mamā* 'ti abhinivesāparāmāso diṭṭhi; *Eso 'ham asmī* 'ti abhinivesaparāmāso diṭṭhi; *Eso me attā* 'ti abhinivesaparāmāso diṭṭhi 'ti paccekaṃ yojetabbaṃ. *Etaṃ* 'ti sāmāññavacanaṃ; ten' eva *Vedanaṃ etaṃ mama . . . saṅkhāre etaṃ mamā* 'ti napuṇsakavacanaṃ ekavacanaṃ ca kataṃ. 'Eso' 'ti pana vattabbaṃ apekkhitvā pulliṅgavacanaṃ kataṃ. *Etaṃ mamā* 'ti taṇhāmaññānāmūlikā diṭṭhi; *Eso 'ham asmī* 'ti mānāmaññānāmūlikā diṭṭhi; *Eso me attā* 'ti diṭṭhimaññānā eva.

(Keci pana *Etaṃ mamā* 'ti mamaṅkāra-kappanā,<sup>1</sup> *Eso 'ham asmī* 'ti ahaṅkāra-kappanā, *Eso me attā* 'ti ahaṅkāra-mamaṅkāra-kappito attābhiniveso 'ti ca; tathā yathākkamen' eva taṇhāmūlaniveso mānappaggāho, taṇhāmūlanivittṭho mānappaggahito attābhiniveso 'ti ca saṅkhārānaṃ, dukkhala-kkhaṇa-dassanaṃ saṅkhārānaṃ, aniccalakkhaṇadassanaṃ saṅkhārānaṃ 'ti aniccalakkhaṇadassanahetuko<sup>2</sup> attābhiniveso 'ti ca; dukkhe asubhe ca sukhaṃ subhaṃ 'ti vipallāsagatassa, anicce niccan 'ti vipallāsagatassa, catubbidhavipallasagatassa attābhiniveso 'ti ca; pubbenivāsañāṇassa ākāra-kappanā, dibbacakkuṇāṇassa anāgatapaṭilābhakappanā, pubbantā-

<sup>1</sup> SH mamaṅkāra..

<sup>2</sup> SH omīts anicca.

paranta - idappaccayata - paṭiccasamuppannesu dhammesu kappanissitassa attābhīniveso 'ti ca; nandiyā atītaṃ anvāgameti, nandiyā anāgataṃ paṭikaṅkhati, paccuppannesu dhammesu saṅghīrati attābhīnivesenā 'ti ca pubbante aññāṇahetukā diṭṭhi; aparante aññāṇahetukā diṭṭhi, pubbantāparante idappaccayatā - paṭiccasamuppannesu dhammesu aññāṇahetuko attābhīniveso; 'ti ca etesaṃ tiṇṇaṃ vacanānaṃ atthaṃ vaṇṇayanti.)

Diṭṭhiyo pan' ettha paṭhamaṃ pañcakkhandhavatthukā, [136] tato cha ajjhātika-bāhirāyatana-viññāṇakāya-samphaṣṣakāya<sup>1</sup>-vedanākāya-saññākāya-cetanākāya-taṇhākāya-vita-kka-vicāra-dhātu-dasakasīṇa-dvattiṇṣākāravatthukā diṭṭhiyo vuttā. [137] Dvattiṇṣākāresu ca yattha visuṃ abhiniveso na yujjati, tattha sakalasārīrābhīnivesavasen' eva visuṃ adhiniveso viya kato 'ti veditabbaṃ. Tato dvādasāyatana-aṭṭhārasadhātu-ekūnavīsati-indriyavasena yojanā katā, na tīni<sup>2</sup> ekantalokuttarindriyāni yojitani. Na hi lokuttaravatthukā diṭṭhiyo honti. Sabbatthā-pi ca lokiya-lokuttaramissesu dhammesu lokuttare ṭhapetvā lokiyā eva gahetabbā. Anindriyabaddharūpaṇ<sup>3</sup> ca na gahetabbam eva.

9-10. [138] Tato tedhātukavasen' eva,<sup>4</sup> tividhabhavavasena,<sup>5</sup> jhāna-brahmavihāra-samāpattivasena, paṭiccasamuppadaṅgavasena ca yojanā katā. Jātijarāmarāṇānaṃ visuṃ gahaṇe parihāro vuttanayo eva. Sabbāni c' etāni rūpādīkāni jarāmarāṇantāni aṭṭhanavutisatapadāni<sup>6</sup> bhavanti.

11. Diṭṭhiṭṭhānesu: *khandhā 'pi diṭṭhiṭṭhānaṃ* 'ti vīsativatthukāya 'pi sakkāyadiṭṭhiyā pañcakkhandhānaṃ yeva vatthuttā; "Ye hi keci bhikkhave samaṇā vā brāhmaṇā vā attānaṃ samanupassamānā samanupassanti sabbe te pañcupādānakkhandhesu yeva samanupassanti etesaṃ vā aññataran" 'ti vuttattā ca; pañcupādānakkhandhā diṭṭhiṇaṃ kāraṇaṃ. *Avijjā pi diṭṭhiṭṭhānaṃ* 'ti avijjāya andhikātānaṃ diṭṭhi-uppattito: "Yā 'yaṃ bhante diṭṭhi asammā-

<sup>1</sup> SH phassa-.<sup>2</sup> B omits.<sup>3</sup> SH -bandha-.<sup>4</sup> SH omits.<sup>5</sup> SH navavidhavasena.<sup>6</sup> SH -sataṃ padāni.

sambuddhesu sammāsambuddhā ” ’ti; “Ayaṇ nu kho bhante ditthi kiṇ paṭicca paññāyati ?” ’ti; “Mahatī kho esā Kaccāna dhātu, Yad idaṇ avijjādhātu. Hīnaṇ Kaccāna dhātuṇ paṭicca uppajjati hīnā saññā, hīnā ditthī ”; ’ti vacanato ca avijjā ditthīnaṇ kāraṇaṇ.

*Phasso pi ditthitthānan* ’ti tena phassena phutthassa ditthi-uppattito, “Ye te bhikkhave samanabrāhmaṇā pubbanta-kappikā pubbantānuditthino<sup>1</sup> pubbantaṇ ārabba anekavihitāni adhimuttipadāni abhivadanti tad api phassapaccayā,” ’ti vacanato ca phasso ditthīnaṇ kāraṇaṇ. *Saññā ’pi ditthitthānan* ’ti ākāramattaggahaṇena ayathāva-sabhāvagga-hahetuttā saññāya.

“Yāni ca tīṇi yāni ca saṭṭhi  
Samaṇappavādasitāni bhuripaññā  
Saññakkhara-saññānissitāni  
Osaraṇāni viccyā<sup>2</sup> oghatam agā,”

’ti vacanato: “Saññānidānā hi papañcasankhā ” ’ti vacanato ca saññā ditthīnaṇ kāraṇaṇ. *Vitakko ’pi ditthitthānan* ’ti ākāraparivitakkena ditthi-uppattito,

“Na h’ eva saccāni bahūni nānā  
Aññatra saññāya saccāni loke;  
Takkaṇ ca ditthīsu pakappayitvā  
Saccaṇ musā ’ti dvayadhammam āhū,”<sup>3</sup>

’ti vacanato ca vitakko ditthīnaṇ kāraṇaṇ.

*Ayoniso manasikāro ’pi ditthitthānan* ’ti ayoniso manasikārassa akusalānaṇ sādharmaṇahetuttā,<sup>4</sup> tass’ eva “Ayoniso manasikaroto channaṇ ditthīnaṇ aññatarā ditthi uppajjati ” ’ti vacanato ca, ayoniso manasikāro ditthīnaṇ kāraṇaṇ. *Pāpamitto ’pi ditthitthānan* ’ti pāpamittassa ditthānugati-āpajjanena ditthi-uppattito; “Bāhiraṇ bhikkhave aṅgaṇ ’ti karitvā<sup>5</sup> na aññaṇ ekaṅgaṇ ’pi samanupassāmi, yaṇ evaṇ mahato anattāya saṇvattati, yathā yidaṇ bhikkhave pāpa-

<sup>1</sup> SH omits.

<sup>2</sup> SN 538, which reads vineyya.

<sup>3</sup> SN 886.

<sup>4</sup> SH asādhāraṇa-.

<sup>5</sup> B karitvāna.

mittatā,” ’ti vacanato ca pāpamitto ditthīnaṃ kāraṇaṃ. Parato ’pi ghoso ditthiṭṭhānaṃ ’ti durakkhātadhammassavaṇena ditthi-uppattito; “Dve ’me bhikkhave hetū, dve paccayā micchādītthiyā uppādāya: parato ca ghoso, ayoniso ca manasikāro,” ’ti vacanato ca parato ghoso micchādītthi-kato micchādītthipatisaṃyuttakato<sup>1</sup> ditthīnaṃ kāraṇaṃ.

Idāni Dīṭṭhiṭṭhānaṃ ’ti padassa atthaṃ vivaranto *khandhā hetu khandhā paccayo* ’ti ādim āha. Khandhā eva ditthīnaṃ *Uppādāya*<sup>2</sup> janakahetu c’ eva<sup>3</sup> upatthambhakappaccayo cā ’ti attho. *Samutṭhānaṭṭhena* ’ti samutṭhahanti uppajjanti etena ’ti Samutṭhānaṃ kāraṇaṃ ’ti attho. Tena samutṭhānaṭṭhena; tena ṭhitikāraṇabhāvenā<sup>4</sup> ’ti attho.

12. Idāni kiccabhedena dīṭṭhibhedan dassento *katamāni atthārasa dīṭṭhipariyutṭhānāni*? ’ti adim āha. Tattha: *Yā dīṭṭhī* ’ti idāni vuccamānānaṃ atthārasannaṃ padānaṃ sādharānaṃ mūlapadaṃ. *Yā dīṭṭhi* tad eva dīṭṭhigataṃ, *yā dīṭṭhi* tad eva dīṭṭhigahaṇaṃ ’ti sabbehi sambandho kātabbo. *Ayāthāvadassanaṭṭhena* dīṭṭhi; tad eva dīṭṭhisu gataṃ dassanaṃ, *dvāsattiditthi-antogadhata* ’ti *dīṭṭhigataṃ*. *Heṭṭhā* ’pi ’ssa attho vutto yeva. *Dvinnan antānaṃ ekantagatatā* ’p-dīṭṭhigataṃ. *Sā eva dīṭṭhi duratikkamaṇaṭṭhena dīṭṭhigahaṇan*. *Tinagahaṇa-vanaghaṇa-pabbatagahaṇāni* viya. *Sāsaṅka-sappatibhayatṭhena* dīṭṭhikantāraṃ, *corakantāraṃ*, *vāla-kantaraṃ*, *nirudakakantāraṃ*, *dubbhikkhakantāraṃ* viya. (*Dhammasaṅgaṇiyan Dīṭṭhikantaro* ’ti sakalīṅge’ eva āgataṃ.) *Sammāditthiyā* vinivijjhaṇaṭṭhena paṭilomaṭṭhena ca *dīṭṭhivisūkaṇ*. *Micchādassanaṃ* hi uppajjamānaṃ sammāda-ssanaṃ vinivijjhati c’ eva vilometi ca. (*Dhammasaṅgaṇiyan Dīṭṭhivisūkāyikan* ’ti āgataṃ.) *Kadāci sassatassa*, *kadāci* *Ucchedassa* gahaṇato dīṭṭhiyā virūpaṃ phanditaṃ ’ti *dīṭṭhi-vipphanditaṃ*. *Dīṭṭhigatiko* hi ekasmiṃ patitṭhātuṃ na sakkoti, *kadāci* *sassataṃ* anussarati, *kadāci* *ucchedaṃ*. *Dīṭṭhi* yeva *anatthe* saṃyojetī ’ti *dīṭṭhisamyojanaṃ*. *Dīṭṭhi* yeva *anto* tudanaṭṭhena duṇṇiharaṇiyatṭhena ca sallan ’ti *dīṭṭhi-*

<sup>1</sup> SH v.l. -katā.<sup>2</sup> Text uppādāya.<sup>3</sup> SH -hetum eva ca.<sup>4</sup> SH dīṭṭhikāraṇabhāvenā.

sallaṇ. Diṭṭhi yeva pīlākaraṇaṭṭhena sambādho<sup>1</sup> 'ti *diṭṭhi-sambādho*. Diṭṭhi yeva mokkhāvaraṇaṭṭhena paḷibodho 'ti *diṭṭhipaḷibodho*. Diṭṭhi yeva dummacāṇiṭṭhena bandhanan 'ti *diṭṭhibandhanan*. Diṭṭhi yeva duruddharaṭṭhena papāto 'ti *diṭṭhipapāto*. Diṭṭhi yeva thāmgataṭṭhena anusayo 'ti *diṭṭhānusayo*. Diṭṭhi yeva attānaṇ santāpeti 'ti *diṭṭhisantāpo*. Diṭṭhi yeva attānaṇ anudahati 'ti *diṭṭhiparilāho*. Diṭṭhi yeva kilesakāyaṇ gantheti 'ti *diṭṭhigantho*. Diṭṭhi yeva bhusaṇ ādiyati 'ti *diṭṭhūpādanan*. Diṭṭhi yeva saccan 'ti ādivasena abhinivisati 'ti *diṭṭhābhiniveso*. Diṭṭhi yeva idaṇ paran 'ti āmasati, parato vā āmasati 'ti *diṭṭhiparāmāso*.

[139] 13. Idāni rāsivasena soḷasadiṭṭhiyo uddisanto *Katamā soḷasadiṭṭhiyo*? 'ti ādim āha. Tattha sukhasomanassa-saṅkhathe assāde diṭṭhi *assādaditṭhi*. Attānaṇ anugatā diṭṭhi *attānudiṭṭhi*. N' atṭhi 'ti pavattattā viparītā diṭṭhi *micchādiṭṭhi*. Sati kāye diṭṭhi, santi vā kaye diṭṭhi *sakkāyaditṭhi*. Kāyo 'ti c' ettha khandhapaṇcakaṇ. Khandhapaṇcaka-saṅkhāto sakkāyo vatthu patiṭṭhā etissā 'ti *sakkāyavattukā*. Sassatan 'ti pavattā diṭṭhi *sassataditṭhi*. Ucchedo 'ti pavattā diṭṭhi *ucchedaditṭhi*. Sassatādi-antaṇ gaṇhāti 'ti *antaggāhikā*; antaggāho vā assā atṭhi 'ti *antaggāhikā*. Atīta-saṅkhātaṇ pubbantaṇ anugatā diṭṭhi *pubbantānudiṭṭhi*. Anāgata-saṅkhātaṇ aparantaṇ anugatā diṭṭhi *aparantānudiṭṭhi*. Anatthe saṇyojēti 'ti *saṇyojanikā*. Ahaṅkāravasena Ahan 'ti uppannena mānena diṭṭhiyā mūlabhūtena vinibandhā ghaṭitā uppāditā diṭṭhi *ahan* 'ti *mānavinibandhā diṭṭhi*. Tattha mamaṅkāravasena Maman 'ti uppannena mānena vini-bandhā diṭṭhi *maman* 'ti *mānavinibandhā diṭṭhi*. Attano vadaṇaṇ kathaṇaṇ attavādo. Tena paṭisaṇyuttā baddhā<sup>2</sup> diṭṭhi *attavādapatisaṇyuttā diṭṭhi*. Attānaṇ yeva<sup>3</sup> loko 'ti vadaṇaṇ kathaṇaṇ lokavādo, tena paṭisaṇyuttā diṭṭhi, *loka-vādapatisaṇyuttā diṭṭhi*. Bhavo vuccati sassataṇ; sassatavasena uppajjamānā<sup>4</sup> diṭṭhi *bhavadiṭṭhi*. Vibhavo vuccati ucchedo; ucchedavasena uppajjamānā<sup>4</sup> diṭṭhi *vibhavadiṭṭhi*.

<sup>1</sup> SH thāmagataṭṭhena anusambādho; SM palikaraṇaṭṭhen' anusambādha.

<sup>2</sup> B, SM bandhā.

<sup>3</sup> SH, SM omit.

<sup>4</sup> SH, SM uppajjana-.

14-16. Idāni tīṇi sataṇ dīṭṭhābhīnivese niddisitukāmo Katame tīṇi sataṇ dīṭṭhābhīnivesā ? 'ti pucchitvā te avissajjetvā 'va visuṇ visuṇ abhinivesa-vissajanen' eva te vissajjetukāmo, *Assādaditthiyā katīh' ākārehi abhiniveso hoti* ? 'ti ādinā nayena soḷasannaṇ dīṭṭhīnaṇ abhinivesākāraṇ pucchitvā<sup>1</sup> puna *assādaditthiyā pañcatīṇsāya ākārehi abhiniveso hoti* 'ti tasaṇ soḷasannaṇ dīṭṭhīnaṇ abhinivesākāragahaṇaṇ<sup>2</sup> vissajjetvā, puna tāni gaṇanāni vissajento. [140] *Assādaditthiyā katamehi pañcatīṇsāya ākārehi abhiniveso hoti* 'ti ādim āha. Tattha: *Rūpaṇ paṭicca* 'ti rūpakkhandaṇ paticca. *Uppajjati sukhaṇ somanassaṇ* 'ti ayaṇ me kāyo īdiso 'ti rūpasamпадаṇ nissāya gehassitaṇ rāgasampayuttaṇ sukhaṇ somanassaṇ uppajjati. Heṭṭhā vutten' atṭhena sukhaṇ ca somanassaṇ ca taṇ yeva. *Rūpassa assādo* 'ti rūpanissayo assādo. Taṇ hi sukhaṇ taṇhāvasena assādiyaṇi upabhuñjīyaṇi 'ti assādo. *Abhinivesaparāmāso dīṭṭhī* 'ti so assādo sassato 'ti vā ucchijjissati 'ti vā sassataṇ vā ucchijjamānaṇ vā attānaṇ sukhitaṇ karotī 'ti vā abhinivesaparāmāso hoti; tasmā yā ca dīṭṭhi, yo ca assādo 'ti assādassa dīṭṭhibhāvābhāve 'pi assādaṇ vinā sā dīṭṭhi na hoti 'ti katvā ubhayam 'pi samuccitaṇ. *Assādaditthī* 'ti assāde pavattā dīṭṭhi 'ti vuttaṇ hoti.

Idāni nānāsuttehi saṇsandetvā micchādīṭṭhiṇ micchādīṭṭhikaṇ ca garahitukāmo *assādaditthi micchādīṭṭhī* 'ti adim āha. Tattha *dīṭṭhivipattī* 'ti sammādīṭṭhivināsaka-micchādīṭṭhisāṅkhāta-dīṭṭhiyā vipatti. *Dīṭṭhivipanno* 'ti vipannā vinaṭṭhā sammādīṭṭhi assā 'ti dīṭṭhivipanno. Vipannadīṭṭhi 'ti vuttaṇ hoti. Micchādīṭṭhiyā vā vipanno vinaṭṭho 'ti dīṭṭhivipanno. *Na sevītabbo* upasaṅkamanena; *na bhajītabbo* cittaṇa; *na payirupāsītabbo* upasaṅkamitvā nisīdanena. *Taṇ kissa hetū* ? 'ti taṇ sevanādikaṇ kena kāraṇena na kātabban ? 'ti tassa kāraṇapucchā. *Dīṭṭhi hi 'ssa pāpikā* 'ti kāraṇavissajjanaṇ. Yasmā assa puggalassa dīṭṭhi pāpikā, tasmā taṇ sevanādikaṇ na kātabban 'ti attho. *Dīṭṭhiyā rāgo* 'ti 'Sundarā me dīṭṭhi' 'ti dīṭṭhiṇ ārabba dīṭṭhiyā uppa-

<sup>1</sup> SH abhinivesākāragahaṇaṇ na pucchitvā; SM abhinivesākāraṇaṇ na pucchitvā.

<sup>2</sup> B, SM -gaṇanaṇ.



jjanarāgo. *Diṭṭhirāgaratto* 'ti tena diṭṭhirāgeṇa raṅgena rattañ<sup>1</sup> vatthañ<sup>1</sup> viya ratto. *Na mahapphalan* 'ti vipākaphalena; *na mahānisaysan* 'ti nissandaphalena.

*Purisapuggallassā* 'ti purisa-saṅkhātassa puggalassa. Lokavohāreṇa<sup>2</sup> hi puṇ<sup>3</sup> vuccati sarīraṇ, tasmiṇ pusmiṇ reseti<sup>4</sup> pavattati 'ti Puriso. Puṇ vuccati nirayo; taṇ puṇ galati gacchati 'ti puggalo. Yebhuyyena hi sattā sugatito cutā duggatiyaṇ yeva nibbattanti. *Taṇ kissa hetū?* 'ti taṇ na mahapphalataṇ kena kāraṇena hoti? *Diṭṭhi hi 'ssa pāpikā* 'ti yasmā assa puggalassa diṭṭhi pāpikā, tasmā na mahapphalan hoti 'ti attho. *Dve 'va gatiyo* 'ti pañcasu gatīsu dve 'va gatiyo. Vipajjamānāya diṭṭhiyā *nirayo*, sampajjamānāya *tiracchānayo*. *Yañ c' eva kāyakamman* 'ti sakalingadhāraṇa-paṭipadānuyoga - abhivādāna-paccupaṭṭhāna-añjalikammādikāyakamman. *Yañ ca vacīkamman* 'ti saka-samayapariyāpuṇṇa - sajjhāyana - desanā-samādāpanādivacīkamman. *Yañ ca manokamman* 'ti idhalokacintāpaṭisaṇyuttaṇ ca paralokacintāpaṭisaṇyuttaṇ ca, katākatacintāpaṭisaṇyuttaṇ ca manokamman.<sup>5</sup> *Tiṇakatṭhadhaññabijesu* satta-diṭṭhidānānuppādāna-paṭiggahaṇaparibhogesu ca kāyavacīmanokammāni. *Yathādiṭṭhi* 'ti yā ayaṇ diṭṭhi tassā anurūpaṇ. *Samattan* 'ti paripuṇṇaṇ. *Samādinnaṇ* 'ti gahitaṇ.

Atṭhakathāyaṇ pana vuttaṇ: tad etaṇ yathādiṭṭhiyaṇ ṭhitakāyakamman, diṭṭhisahajātakāyakamman, diṭṭhānulomika-kāyakamman 'ti tividaṇ hoti. Tattha pāṇaṇ hanato, adinnaṇ ādiyato, micchā carato, n' atthi tatonidānaṇ pāpaṇ; n' atthi pāpassa āgamo 'ti; yaṇ evandiṭṭhikassa sato pāṇātipāta-adinnādāna-micchācārasaṅkhātaṇ kāyakamman; idaṇ yathādiṭṭhiyaṇ ṭhitakāyakamman nāma. Pāṇaṇ hanato, adinnaṇ ādiyato, micchā carato, n' atthi tatonidānaṇ pāpaṇ, n' atthi pāpassa āgamo 'ti yaṇ imāya diṭṭhiyā, iminā dassanena sahajātaṇ kāyakamman, idaṇ diṭṭhisahajātakāyakamman nāma. Tad eva pana samattaṇ samādinnaṇ gahitaṇ parāmaṭṭhaṇ diṭṭhānulomika-kāyakamman nāma. Vacī-

<sup>1</sup> SM rattavaṇṇaṇ.

<sup>2</sup> SH, SM puri.

<sup>4</sup> SH, SM purismiṇ seti.

<sup>2</sup> SH, SM lokika.

<sup>5</sup> SH omits.



kamma-manokammesu 'pi es' eva nayo. Ettha pana musā bhaṇato, piṣuṇaṇ bhaṇato, pharusāṇ bhaṇato, samphappalapato, abhiṇṇhāluno, byāpannacittassa, micchādīt̥thikassa sato n' atthi tatonidānaṇ pāpaṇ, n' atthi pāpassa āgamo, 'ti yojanā kātabbā. Liṅgadhāraṇādi-pariyāpuṇṇādi-lokacintā-divasena vuttanayo c' ettha sundaro.

Cetanādīsu dīt̥thisahajāta<sup>1</sup> cetanā *cetanā* nāma. Dīt̥thisahajāta patthanā *patthanā* nāma. Cetanāpatthanānaṇ vasena cittat̥thapanā *paṇidhi* nāma. Tehi pana cetanādihi sampayuttā phassādayo saṅkhārakkhandhapariyāpannā dhammā *saṅkhārā* nāma. *Anīt̥thāyā* 'ti ādihi dukkham eva vuttaṇ. Dukkhaṇ hi sukhakāmehi sattehi na esitattā *anīt̥thaṇ*; appiyattā *akantaṇ*; manaso avaddhanato, manasi avikappato vā<sup>2</sup> *amanāpaṇ*; āyatiṇ abhaddatāya ahitaṇ; pīḷanato dukkhan 'ti. *Taṇ kissa hetū* ? 'ti taṇ evaṇ-saṇvattanaṇ kena kāraṇena hotī ? 'ti attho.

Idāni 'ssa kāraṇaṇ: *dīt̥thi hi 'ssa pāpikā* 'ti yasmā tassa puggalassa dīt̥thi pāpikā, lāmakā, tasmā evaṇ saṇvattatī 'ti attho. *Allāya paṭhaviyā nikkhittan* 'ti udakena tintāya bhūmiyā ropitaṇ. *Paṭhavīrasaṇ*, [141] *āporasan* 'ti tasmiṇ tasmiṇ ṭhāne paṭhaviyā ca sampadaṇ, āpassa ca sampadaṇ. Bijanikkhittat̥thāne hi na sabbā 'va paṭhavi, na sabbo āpo ca bijaphalaṇ gaṇhāpeti, yo pana tesaṇ padeso bijaṇ phusati so yeva bijaphalaṇ gaṇhāpeti. Tasmā bijaposaṇāya paccayabhūto yeva so padeso paṭhavīraso, āporaso 'ti veditabbo. Rasa-saddassa hi sampatti attho. Yath' āha:

Kicca-sampatti-atthena

Raso nāma pavuccatī

'ti. Loke ca suraso gandhabbo 'ti vutte susampanno gandhabbo 'ti attho ñāyati. *Upādiyatī* 'ti gaṇhāti. Yo hi padeso paccayo hoti, taṇ paccayaṇ labhamānaṇ bijaṇ taṇ gaṇhāti nāma. *Sabbaṇ taṇ* 'ti sabbaṇ taṇ rasajātaṇ. *Tittakatāyā* 'ti so pathavīraso āporaso ca atittako samāno 'pi, tittakaṇ bijaṇ

<sup>1</sup> SM -gata-.

<sup>2</sup> SH, SM avisappanato ca.

nissāya nimbarukkhādinaṇ tesañ phalānañ ca tittakabhāvāya saṇvattati.<sup>1</sup> *Kaṭukatāyā* 'ti idaṇ purimass' eva vevacanaṇ.

Vaṇṇagandharasūpeto  
Ambo 'yaṇ ahuvā pure;  
Tam eva pūjaṇ labhamāno  
Ken' ambo kaṭukapphalo ?\*

'ti āgataṭṭhāne viya hi idhāpi tittakam eva appiyaṭṭhena kaṭukan 'ti veditabbaṇ. *Asātatāyā*<sup>2</sup> 'ti amadhurabhāvāya. (Asāduttāyā<sup>3</sup> 'ti 'pi pāṭho. Asādubhāvāyā<sup>3</sup> 'ti attho. Sādū<sup>4</sup> 'ti hi madhuraṇ.) *Bījaṇ hi 'ssā* 'ti assa nimbādikassa bījaṇ. Evam eva<sup>5</sup> 'ti evam eva.<sup>6</sup> Yasmā sukhā vedanā paramo assādo, tasmā micchādīṭṭhiyā dukkhā vedanā-vasena ādīnavao dassito 'ti.

Puna aṭṭhārasa-bhedena dīṭṭhiyā ādīnavaṇ dassetuṇ *assādadīṭṭhi micchādīṭṭhi* 'ti ādim āha. Taṇ vuttattham eva.

17. [142-143] *Imehi aṭṭhārasahi ākārehi pariyuṭṭhitacittassa saṇyogo* 'ti dīṭṭhiyā eva saṇsāre bandhanaṇ dasseti. Yasmā pana dīṭṭhibhūtāni 'pi saṇyojanāni atthi, adīṭṭhibhūtāni 'pi tasmā taṇ pabhedan dassento.

18. *Atthi saṇyojanāni c' evā* 'ti ādim āha. Tattha yasmā kāmārāgasāṇyojanass' eva anūnayasāṇyojanan 'ti āgataṭṭhānam 'pi atthi, tasmā *anunayasāṇyojanan* 'ti vuttaṇ. Kāmārāgabhāvaṇ appatvā pavattaṇ lobhaṇ sandhāya evaṇ<sup>7</sup> vuttaṇ 'ti veditabbaṇ. Sesakhandhāyatanādīmūlakesu 'pi vāresu iminā 'va nayena attho veditabbo. Vedanāparamattā ca assādassa vedanāpariyosānā eva desanā katā.

Saññādayo na gahitā. *Imehi pañcatiṇsāya ākārehi* 'ti pañcakkhandhā, ajjhattikāyatanādīni pañca-chakkāni cā 'ti imāni pañcatiṇsavatthūni nissāya uppāṇna-assādārammaṇa-vasena pañcatiṇsāya ākārehi.

Assādadīṭṭhi-Vaṇṇanā Nīṭṭhitā.

\* *Dadhivāhana-J.*

<sup>1</sup> SH, SM sampavattati.

<sup>2</sup> Text asāratāya.

<sup>3</sup> SM Asādhu-

<sup>4</sup> SM sādhi.

<sup>5</sup> Text Evam eva.

<sup>6</sup> SH evaṇ evaṇ.

<sup>7</sup> SM etaṇ.

## [ATTĀNUDITṬHI-VANNAṆĀ.]

19. Attānudiṭṭhiyaṇ: *assutavā puthujjano* 'ti

“Āgamādhigamābhāvā,  
Ñeyyo assutavā iti.”

Yassa hi khandha-dhātu-āyatana-sacca-paccay-ākāra-satipa-  
ṭṭhānādisu uggaha-paripucchā-vinicchayavirahitattā attānu-  
ditṭhipaṭisedhakaro n' eva āgamo, paṭipattiyā adhiganta-  
bbassa anadhigatattā n' eva adhigamo atthi, so āgamādhi-  
gamānaṇ abhāvā ñeyyo assutavā iti. Sutaṇ 'ti hi Buddha-  
vacanāgamo ca sutaphalattā hetuvohāravasena adhigamo  
ca, taṇ sutaṇ assa atthi 'ti sutavā. Na sutavā asutavā.  
Svā-yaṇ

Puthūnaṇ jananādihi,  
Kāraṇehi puthujjano;  
Puthujjanantogadhattā,  
Puthu vā 'yaṇ jano iti.\*

So hi puthūnaṇ nānappakārānaṇ kilesādīnaṇ jananādihi  
kāraṇehi puthujjano. Yath' āha: “Puthū kilese jānenti 'ti  
puthujjanā; puthu-avihatasaṅkayadiṭṭhikā 'ti puthujjanā;  
puthu-satthārānaṇ mukha-ullokakā 'ti puthujjanā; puthu  
nānāgatīhi avatṭhitā 'ti puthujjanā; puthu-nānābhisāṅkhāre  
abhisāṅkharonti 'ti puthujjanā; puthu-nānā-oghehi vuyhanti  
'ti puthujjanā; puthu-nānāsantāpehi santapanti 'ti puthu-  
jjanā; Puthu-nānāparitāpehi paridayhanti 'ti puthujjanā;  
Puthu-pañcakāmaguṇesu gathitā<sup>1</sup> mucchitā ajjhopannā laggā  
laggitā paḷibuddhā 'ti puthujjanā; Puthu-pañcāhi nīvaraṇehi  
āvutā nivutā ovutā pihitā paṭicchannā paṭikujjitā 'ti puthu-  
jjanā ” 'ti. Puthūnaṇ va gaṇanapatham atitānaṇ ariya-  
dhammaparammukhānaṇ ca nīcadhammasamudācārānaṇ  
antogadhattā 'pi puthujjanā; puthu vā 'yaṇ visuṇ yeva

\* Same as St. 88, p. 205, vol. i.

<sup>1</sup> B, SM gadhitā.

saṅkhaṇ gato visaṇṣaṭṭho silasutādiguṇayuttehi ariyehi jano  
'ti 'pi puthujjano. Evam etehi assutavā. Puthujjano 'ti  
dvihi pakārehi<sup>1</sup> ye te :

“Duve puthujjanā vuttā  
Buddhen' ādiccabandhunā;  
Andho puthujjano eko  
Kalyāṇ' eko puthujjano,”\*

'ti dve puthujjanā vuttā, tesu andhaputhujjano vutto hoti  
'ti veditabbo. *Ariyānaṇ adassāvī* 'ti ādisu ariyā 'ti ārakattā  
kilesehi, anayena iriyanato, aye ca iriyanato, sadevakena ca  
lokena araṇiṇyato, buddhā<sup>2</sup> ca, paccekabuddhā ca, buddha-  
sāvakā ca vuccanti; Buddhā eva vā idha ariyā, yath' āha:  
“Sadevake bhikkhave loke . . . pe . . . Tathāgato ariyo 'ti  
vuccati” 'ti.

*Sappurisaṇan* 'ti ettha pana paccekabuddhā, Tathāgata-  
sāvakā ca sappurisa 'ti veditabbā. Te hi lokuttaraguṇa-  
yogena sobhanā purisa 'ti sappurisa; sabbe yeva vā ete  
dvedhā 'pi vuttā, Buddhā 'pi hi ariyā ca sappurisa ca; pacce-  
kabuddhā, buddhasāvakā 'pi; yath' āha:

“Yo ve kataññū katavedi dhīro  
Kalyāṇamitto dāḥabhatti ca hoti,  
Dukkhitassa<sup>3</sup> sakkacca<sup>4</sup> karoti kiccaṇ  
Tathāvidhaṇ sappurisaṇ vadanti”

'ti. (Ettha hi kataññū, katavedi, dhīro 'ti paccekasambu-  
ddho vutto; kalyāṇamitto dāḥabhatti cā 'ti buddhasā-  
vako; dukkhitassa<sup>3</sup> sakkacca<sup>5</sup> karoti kiccaṇ<sup>5</sup> 'ti sammāsam-  
buddho 'ti.)

Idāni yo tesaṇ ariyānaṇ adassanasilo na ca dassane sādhu-  
kāri, so *ariyānaṇ adassāvī* 'ti veditabbo. So ca cakkhunā  
adassāvī, ñāṇena adassāvī 'ti duvidho. Tesu ñāṇena ada-

\* Same as St. 89, p. 205, vol. i.

<sup>1</sup> SH, SM padehi.

<sup>2</sup> SM buddho.

<sup>3</sup> SH Dukhi-.

<sup>4</sup> B, SM -kaccaṇ.

<sup>5</sup> BM kaccaṇ.

ssāvi idhā-dhippeto. Maṇsacakkhunā hi, dibbacakkhunā vā ariyā diṭṭhā 'pi aditṭhā 'va honti; tesañ cakkhūnaṇ vanna-mattagahaṇato, na ariyabhāvagocarato. Soṇasigālādayo 'pi hi cakkhunā ariye passanti, na ca te ariyānaṇ sassāvino. Tasmā cakkhunā dassanaṇ na dassanaṇ, ñāṇena dassanam eva dassanaṇ; Yath' āha: "Kin te Vakkali! iminā pūti-kāyena diṭṭhena? Yo kho Vakkali, dhammaṇ passati so maṇ passatī" 'ti. Tasmā cakkhunā passanto 'pi ñāṇena ariyehi diṭṭhaṇ aniccādilakkhaṇaṇ apassanto ariyādhigatañ ca dhammaṇ anadhigacchanto ariyakaradhammānaṇ ariya-bhāvassa ca aditṭhattā ariyānaṇ adassāvi 'ti veditabbo. *Ariyadhammassa akovido* 'ti satipaṭṭhānādibhede ariya-dhamme akusalo. *Ariyadhamme avinīto* 'ti ettha pana:

"Duvidho vinayo nāma,  
Ekamek' ettha pañcadhā,  
Abhāvato tassa ayaṇ  
Avinīto 'ti vuccati."

Ayaṇ hi saṇvaravinayo, pahāṇavinayo, 'ti duvidho vinayo. Ettha ca duvidhe 'pi vinaye ekameko vinayo pañcadhā bhijjati. Saṇvaravinayo 'pi hi silasaṇvaro, satisaṇvaro, nā-ṇasaṇvaro, khantisaṇvaro, viriyasaṇvaro 'ti pañcavidho. Pahāṇavinayo 'pi tadaṅgappahāṇaṇ, vikkhambhanappahā-ṇaṇ, samuccedappahāṇaṇ, paṭippassaddhippahāṇaṇ, nissa-ṇanappahāṇaṇ 'ti pañcavidho. Tattha: "Iminā pātimo-kkhasaṇvarena upeto hoti samupeto" 'ti ayaṇ silasaṇvaro. "Rakkhati cakkhundriyaṇ, cakkhundriye saṇvaraṇ āpa-jjati" 'ti ayaṇ satisaṇvaro (M. 27, 11).

"Yāni sotāni lokasmiṇ,  
(Ajitā 'ti Bhagavā)  
Sati tesañ nivāraṇaṇ;  
Sotānaṇ saṇvaraṇ brūmi,  
Paññāy' ete pithiyare," (SN. 1035)

'ti ayaṇ ñāṇasaṇvaro. "Khamo hoti sītassa uṇhassā," 'ti ayaṇ khantisaṇvaro (M. 2, 6). "Uppannaṇ kāmavitakkaṇ n-ādhivāseti," 'ti ayaṇ viriyasaṇvaro (M. 2, 8). Sabbo 'pi cā-yaṇ saṇvaro yathāsakaṇ saṇvaritabbānaṇ vinetabbānaṇ

ca kāyaduccaritādinaṃ saṃvaraṇato saṃvaro, vinayanato vinayo 'ti vuccati. Evaṃ tāva saṃvaravinayo pañcadhā bhijjati 'ti veditabbo.

Tathā 'yaṃ nāmarūpa-paricchedādīsu vipassanāñānesu paṭipakkhabhāvato, dīpālakena viya tamassa, tena tena vipassanāñānena tassa tassa anattassa<sup>1</sup> pahānaṃ; seyyathidaṃ: nāmarūpavavattānena sakkāyaditthiyā, paccayapari-ggahena ahetu-visamahetuditthinaṃ, kaṅkhāvitaraṇena kaṭṭhākaṭṭhābhāvassa, kalāpasammasanena ahaṇ-mamā-tigāhassa, maggāmaggavavattānena amagge maggasaññāya, udayadassanena ucchedaditthiyā, vayadassanena sassataditthiyā, bhayadassanena bhaye abhayasaññāya, ādīnava-dassanena assādasaññāya, nibbidānupassanena abhiratisaññāya, muccitukamyatāññānena<sup>2</sup> amuccitukamyatāya,<sup>2</sup> upekkhāñānena anupekkhāya, anulomañānena dhammatthitiyā, nibbāṇe<sup>3</sup> ca paṭilomabhāvassa, gotrabhunā saṅkhārānimittaggahassa pahānaṃ. Etaṃ tadanāgappahānaṃ nāma.

Yaṃ pana upacāra-ppaṇābhedenā samādhinā pavattibhāvanavāraṇato, ghaṭappahārena viya udakapitthe sevālassa, tesāṃ tesāṃ nīvaraṇādidhammānaṃ pahānaṃ, idaṃ vikkhambhanappahānaṃ nāma. Yaṃ catunnaṃ ariyamaggānaṃ bhāvitattā taṃ taṃ maggavato attano attano santāne "ditthigatānaṃ pāhāṇāyā" 'ti ādinā nayena vuttassa samudayassa pakkhikassa kilesagaṇassa accantaṃ appavattibhāvena pahānaṃ, idaṃ samucchedappahānaṃ nāma. Yaṃ pana phala-kkhaṇe paṭippassaddhattaṃ kilesānaṃ, idaṃ paṭippassaddhippahānaṃ nāma. Yaṃ sabbasaṅkhatanissatattā pahīnasa-bbasāṅkhatānaṃ nibbānaṃ; idaṃ nissaraṇappahānaṃ nāma.

Sabbaṃ pi c' etaṃ pahānaṃ, yasmā cāgatthēna pahānaṃ, vinayanatthēna vinayo; tasmā pahānavinayo 'ti vuccati. Taṃ taṃ pahānaṃ gato<sup>4</sup> vā tassa tassa vinayassa sabbhāvato<sup>5</sup> 'p' etaṃ pahānavinayo 'ti vuccati. Evaṃ pahānavinayo 'pi pañcadhā bhijjati 'ti veditabbo.

<sup>1</sup> SH aṅgassa.    <sup>2</sup> SH, SM muñci- for mucchi.    <sup>3</sup> SM nibbānena.

<sup>4</sup> B, SM taṃ-taṃ-pahāṇagato.

<sup>5</sup> SH, SM sambhāvato.



Evam ayaṇ saṅkhepato duvidho, pabhedato<sup>1</sup> ca dasavidho vinayo bhinnasaṇvarattā pahātabbassa ca appahīpattā yasmā etassa assutavato puthujjanassa n' atthi, tasmā abhāvato tassa ayaṇ avinito 'ti vuccatī 'ti. Esa nayo *sappurisānaṇ adassāvī sappurisadhammassa akovido, sappurisadhamme avinīto* 'ti etthā-pi. Ninnānākaraṇaṇ hi etaṇ atthato. Yath' āha: "Ye ca te ariyā te 'va te sappurisā; ye ca te sappurisā te 'va te ariyā. Yo ca so ariyānaṇ dhammo so 'va so sappurisānaṇ dhammo; yo ca so sappurisānaṇ dhammo so 'va so ariyānaṇ dhammo; ye ca te ariyānaṇ vinayā te 'va te sappurisānaṇ vinayā; ye ca te sappurisānaṇ vinayā te 'va ariyānaṇ vinayā. Ariye 'ti vā sappurise 'ti vā ariyadhamme 'ti vā sappurisadhamme 'ti vā ariyavinaye 'ti vā sappurisavinaye 'ti vā; esese ekekatṭhe<sup>2</sup> same samabhāge tajjāte vā taññevā," 'ti.

Kasmā pana thero, *attānudiṭṭhiyā katamehi visatiyā ākārehi abhiniveso hotī* 'ti pucchitvā taṇ avissajjitvā 'va "Idha assutavā puthujjano" 'ti evaṇ puthujjanaṇ niddisi? 'ti. Puggalādhiṭṭhānāya desanāya taṇ atthaṇ āvikātuṇ paṭhamāṇ puthujjanaṇ niddisi 'ti veditabbaṇ. Evaṇ puthujjanaṇ niddisitvā idāni abhinivesuddesaṇ dassento "Rūpaṇ attato samanupassati" 'ti ādim āha.

Tattha: *rūpaṇ attato samanupassati* 'ti rūpakkhandaṇ kasīnarūpaṇ ca attā 'ti diṭṭhipassanāya samanupassati. Niddese paṇ' assa rūpakkhandaṇ abhiniveso pañcakkhandhādhikārattā pākāto 'ti taṇ avatvā kasīnarūpam eva rūpaṇ 'ti sāmāññavasena vuttan 'ti veditabbaṇ. *Rūpavantaṇ vā attānan* 'ti arūpaṇ attā 'ti gahetvā tasmiṇ attani rūpaṇ<sup>3</sup> samanupassati. *Attani vā rūpan* 'ti arūpam eva attā 'ti gahetvā tasmiṇ attani rūpaṇ samanupassati.<sup>b</sup> *Rūpasmiṇ vā attānan* 'ti arūpam eva attā ti gahetvā taṇ attānaṇ rūpasmiṇ samanupassati.

<sup>1</sup> SH pabhedo.<sup>2</sup> SH eke katṭhe.<sup>3</sup> B taṇ attānaṇ rūpavantaṇ.<sup>a to b</sup> SH, SM omīti.



Tattha: rūpam attato samaupassatī 'ti suddharūpam eva attā 'ti kathitaṇ. Rūpavantaṇ vā attānaṇ, attani vā rūpaṇ, rūpasmiṇ vā attānaṇ; *vedanaṇ* attato samanupassati. *Saññaṇ* . . . *saṅkhāre* . . . *viññānaṇ* attato samanupassatī 'ti imesu sattu *ṭhānesu* arūpaṇ attā 'ti kathitaṇ. *Vedanāvantaṇ*<sup>1</sup> vā *attānaṇ*, *attani* vā *vedanaṇ*,<sup>2</sup> *vedanāya*<sup>3</sup> vā *attānaṇ* 'ti evaṇ catūsu khandhesu tiṇṇaṇ tiṇṇaṇ vasena dvādasatṭhānesu rūpārūpamissako attā kathito. Tā pana viṣatī 'pi diṭṭhiyo maggāvaraṇā, na saggāvaraṇā, sotāpattimaggavajjhā.

20. Idāni taṇ niddisanto, *Kathaṇ rūpan* 'ti ādim āha. Tattha: *pathavīkasiṇaṇ* 'ti pathavīmaṇḍalakaṇ, taṇ nissāya uppāditaṇ paṭibhāganimitta-saṅkhātaṇ sakalapharaṇavasena pathavīkasiṇaṇ. *Ahaṇ* 'ti attānam eva sandhāya gaṇhāti. *Attan* 'ti attānaṇ. Telapadīpassā 'ti telayuttassa padīpassa. *Jhāyato* 'ti jalato. *Yā acci* [144] *so vaṇṇo* 'ti ādi acciṇ muccitvā vaṇṇassa abhāvato vuttaṇ. *Yā ca diṭṭhi pañca vatthū* 'ti tadubhayaṇ ekato katvā *rūpa-vatthukā attānudīṭṭhī* vuccati 'ti attho. Ālokakasiṇādīni<sup>4</sup> nissāya uppāditakasiṇa-nimittān' eva; paricchinṇākāsakasiṇaṇ pana rūpajjhānassa ārammaṇaṇ hontam 'pi ākāsakasiṇaṇ 'ti vuccamāne arūpajjhānārammaṇena kasiṇugghāṭimā-kāseṇa saṅkiṇṇaṇ hotī 'ti na gahitaṇ 'ti veditabbaṇ. Rūpādhikārattā viññānakasiṇaṇ na gahetabbam evā 'ti.

21. *Idh' ekacco vedanaṇ* . . . *saññaṇ* . . . *saṅkhāre* . . . *viññānaṇ* attato samanupassatī 'ti cattāro khandhe abhinditvā ekato gahaṇavasena vuttaṇ. So hi citta-cetasikānaṇ viṣuṇ viṣuṇ karaṇe asamatthattā sabbe ekato katvā attā 'ti gaṇhāti.

*Iminā rūpeṇa rūpavā* 'ti ettha sarīrarūpam 'pi kasiṇa-rūpam 'pi labbhati. *Chāyāsampanno* 'ti chāyāya sampanno avirūlho.<sup>5</sup> *Tam enā* 'ti ettha, ena-saddo nipātamattaṇ, tan 'ti<sup>6</sup> vā attho. Chāyāvā 'ti vijjamānacchāyo. Rūpam attā

<sup>1</sup> Text viññānavantaṇ.    <sup>2</sup> Text viññānaṇ.    <sup>3</sup> Text viññānasmiṇ.

<sup>4</sup> SH Āpokasiṇādīni āpādīni.

<sup>5</sup> SH, SM omit.

<sup>6</sup> <sup>a to b</sup> Tam enan 'ti ettha enaṇ saddo nipātamattaṇ, tam etan 'ti.

'ti agahite 'pi rūpaṇ amuccitvā diṭṭhiyā uppannatā rūpa-vatthukā 'ti vuttaṇ.

[145] 22-23. *Attani rūpaṇ samanupassati* 'ti sarīrarūpassa, kasīnarūpassa ca cittanissitattā tasmiṇ arūpasamudāye attani taṇ rūpaṇ samanupassati. *Ayaṇ gandho* 'ti ghāyitagandham āha. *Imasmiṇ pupphe* 'ti pupphanissitattā gandhassa evam āha. *Rūpasmiṇ attānaṇ samanupassati* 'ti yattha rūpaṇ gacchati, tattha cittaṇ gacchati; tasmā rūpanissitaṇ cittaṇ gahetvā tam arūpasamudayaṇ attānaṇ tasmiṇ rūpe samanupassati. Oḷārikattā rūpassa oḷārikādhāraṇ karaṇḍakam āha.

24. *Idh' ekacco cakkhusamphassaṇaṇ vedanaṇ* 'ti ādisu visuṇ visuṇ vedanāya diṭṭhigahaṇe asati 'pi vedanā 'ti ekagahaṇena gahite sabbāsaṇ vedanānaṇ antogadhattā visuṇ visuṇ gahitā eva hontī 'ti visuṇ visuṇ yojanā katā 'ti veditabbā. So hi anubhavanavasena vedanāya oḷārikattā vedanaṇ yeva attā 'ti gaṇhāti.

[146] 25-27. *Saññaṇ saṅkhāre viññānaṇ rūpaṇ attato samanupassati* 'ti saññādayo arūpadhamme rūpaṇ ca ekato katvā attānaṇ anupassati.<sup>1</sup> Ummattako viya hi puthujjano yathā yathā upaṭṭhāti tathā tathā gaṇhāti.

28-31. *Cakkhusamphassaṇaṇ saññaṇ* 'ti ādisu sañjānana-vasena saññāya pākaṭattā saññaṇ attā 'ti gaṇhāti. Sesāṇ vedanāya vuttanayena veditabbaṇ.

[147-149] 32-39. *Cakkhusamphassaṇaṇ cetanaṇ* 'ti ādisu saṅkhārakkhandhapariyāpannesu dhammesu cetanāya padhānattā, pākaṭattā ca, cetanā eva niddiṭṭhā; tāya itare 'pi niddiṭṭhā 'va honti. So pana cetasikabhāvavasena pākaṭattā cetanaṇ attā 'ti gaṇhāti. Sesāṇ vuttanayam eva. *Cakkhuviññānaṇ* 'ti ādisu vijānana-vasena cittassa pākaṭattā, cittaṇ attā 'ti gaṇhāti. Sesam etthā-pi vuttanayam eva.

Attānudiṭṭhi-Vanṇanā Niṭṭhitā.

<sup>1</sup> SH, SM attā 'ti samanupassati.

40. Micchādiṭṭhi hetṭhā vuttatṭhā yeva. Ayam pana aparo nayo: *N' atthi dinnan* 'ti ucchedadiṭṭhikattā dāna-phalaṇ paṭikkhipati. *N' atthi yitṭhan* 'ti ettha: yitṭhan 'ti khuddakayañño. Hutan 'ti mahāyañño; dvinnam 'pi phalaṇ paṭikkhipati. *N' atthi sukaṭadukkaṭānaṇ kammānaṇ phalaṇ vipāko* 'ti dānaphalassa paṭikhittattā silādinaṇ puññakammānaṇ pāpātipātādinaṇ pāpakammānaṇ phalaṇ paṭikkhipati. *N' atthi ayaṇ loko* 'ti pure katena kammena.<sup>1</sup> *N' atthi paro loko* 'ti idha katena kammunā. *N' atthi mātā n' atthi pitā* 'ti tesu katakammānaṇ phalaṇ paṭikkhipati. *N' atthi sattā opapātikā* 'ti kammahetukaṇ upapattin paṭikkhipati. *N' atthi loke samanabrāhmaṇā . . . pe . . . pavedentī* 'ti idha-lokaparaloke passituṇ abhiññāpaṭilābhāya paṭipadaṇ paṭikkhipati.

Idha pāliyaṇ pana *n' atthi dinnan* 'ti *vatthun* 'ti *n' atth* 'dinnan' 'ti vuccamānadānaṇ; tassā diṭṭhiyā *vatthū*<sup>2</sup> 'ti attho. *Evaṇ vādo micchā* 'ti evaṇ *n' atthi dinnan* 'ti vādo vacanaṇ micchā viparīto.

41-42. Sakkāyadiṭṭhi 'ti pana attānudiṭṭhi yeva. Aññattha āgatapariyāyavacana-dassanatthaṇ vuttā 'ti veditabbā. Sakkāyavattukāya *sassatadiṭṭhiyā* 'ti kammadhāraya-samāso. *Rūpavantaṇ vā attānaṇ* 'ti ādinaṇ paṇṇarasannaṇ vacanā naṇ ante *samanupassatī* 'ti sambandho kātabbo. Pāṭho vā aññathā hi na ghaṭiyatī 'ti. Evaṇ “*rūpavantaṇ vā attānaṇ samanupassatī*” 'ti ekam eva dassetvā sesā cuddasa saṅkhittā.

[150] 43. *Sakkāyavattukā-ucchedadiṭṭhiyā*. [151] *Evaṇ rūpaṇ attato samanupassatī* 'ti ekam eva dassetvā sesā catasso saṅkhittā.

44-48. Antaggāhikāya diṭṭhiyā paṭhamavāre ākārapucchā, dutiye ākāragahaṇaṇ, tatiye ākāravissajjanaṇ. Tattha: *loko* 'ti attā; *so anto* 'ti aññamaññapaṭipakkhesu sassat-ucche-

<sup>1</sup> SH, SM kammunā.

<sup>2</sup> SH, SM vatthun.

dantesu sassatagāhe sassatanto, asassatagāhe ucchedanto. [152] *Parittaṇ okāsan* 'ti supparamattaṇ vā sarāvamattaṇ vā khuddakaṇ thānaṇ. *Nīlakato pharaṭi* 'ti nīlan 'ti ārammaṇaṇ karoti. *Ayaṇ loko* 'ti attānaṇ sandhāya vuttaṇ. *Parivaṭumo* 'ti samantato paricchedavā. *Antasaññi* 'ti antavā 'ti saññi. Anto assa atthi 'ti anto 'ti gahetabbaṇ. *Yaṇ pharaṭi* 'ti yaṇ kasiṇarūpaṇ pharaṭi. *Taṇ vatthuy c' eva loko cā* 'ti taṇ kasiṇarūpaṇ ārammaṇaṇ c' eva lokiyatṭhena<sup>1</sup> loko ca. *Yena pharaṭi* 'ti yena cittaena pharaṭi. *So attā c' eva loko cā* 'ti attānam apekkhitvā pulliṇaṇ kataṇ. Taṇ cittaṇ attā c' eva lokiyatṭhena<sup>1</sup> loko cā 'ti vuttaṇ hoti. *Antavā* 'ti anto. Obhāsakato<sup>2</sup> pharaṭi 'ti ālokakasiṇavasena, tejokasiṇavasena, odātākasiṇavasena vā obhāso 'ti pharaṭi. Nīlādinaṇ pañcannaṇ pabhassarakasiṇānaṇ yeva gahitattā, paṭhavi-āpo-vāyo-kasiṇavasena attābhiniṇeso na hoti 'ti gahetabbaṇ. [153] *Vipulaṇ okāsan* 'ti khalamaṇḍala-mattādivasena na mahantaṇ thānaṇ. Anantavā 'ti vuddha<sup>3</sup>-anantavā. *Apariyanto* 'ti vuddha<sup>3</sup>-apariyanto. *Anantasaññi* 'ti ananto 'ti saññi.

49-50. *Taṇ jīvan* 'ti so jīvo; līṅgavipallāso kato. Jīvo 'ti ca attā eva. Rūpādini pañcā 'pi parivaṭumatṭhena sarīraṇ. *Jīvaṇ na sarīran* 'ti attā-saṅkhāto jīvo rūpa-saṅkhātaṇ sarīraṇ na hoti. Esa nayo vedanādisu.

[154] 51. *Tathāgato* 'ti satto; arahāna 'ti eke. Parammaraṇā 'ti maraṇato uddhaṇ; paraloke 'ti attho. *Rūpaṇ idh' eva maraṇadhamman* 'ti attano pākatakkhandhasīsenā pañcakkhandhagahaṇaṇ; taṇ imasmiṇ yeva loke nassanapakatikan 'ti attho. Sesakkhandhesu 'pi es' eva nayo. *Kāyassa bheda* 'ti khandhapañcaka-saṅkhātassa kāyassa bhedato paraṇ. Iminā vacanena parammaraṇā 'ti etassa uddessassa attho vutto hoti. *Pi 'ti-ādīsu hoti* 'ti mūlapadaṇ; catūsu 'pi *api*-saddo sumuccayattho. *Tiṭṭhati* ti sassatattā tiṭṭhati; na cavatī 'ti attho. Hoti 'ti padassa vā atthavisesanattaṇ

<sup>1</sup> SH āloki-; SH v.l. āloka-.

<sup>2</sup> B Obhāsato.

<sup>3</sup> SH buddha-.

Tiṭṭhatī 'ti padaṇ vuttan 'ti veditabbaṇ. *Uppajjati* 'ti andaja-jalābujja-yonippavesavasena uppajjati nāma. *Nibbatati* 'ti saṇsedaja-opapātika-yonippavesavasena nibbattati nāmā 'ti atthayojanā veditabbā.

52. *Ucchijjati* 'ti pabandhābhāvavasena. *Vinassati* 'ti bhaṅgavasena. *Na hoti parammaraṇā* 'ti purimapaḍānaṇ atthavivaraṇaṇ; cutito uddhaṇ na vijjati 'ti attho.

53. *Hoti ca na ca hoti* 'ti ekaccasassatikānaṇ diṭṭhi; ekena pariyāyena hoti, ekena pariyāyena na<sup>1</sup> hoti 'ti attho. Jivābhāvena hoti, pubbañjivassa abhāvena na hoti 'ti vuttaṇ hoti.

54. *N' eva hoti, na na hoti* 'ti amarāvikkhepikānaṇ diṭṭhi. Hoti 'ti ca na hoti, na hoti 'ti ca na hoti 'ti attho. Anuvāḍabhayā, musāvāḍabhayā ca, mandattā, momūhattā ca pubbe vuttattha-dvayassa<sup>2</sup> paṭikkhepamattaṇ karoti. [155] Imehi paññāsāya ākārehi 'ti yathāvuttānaṇ dasannaṇ pañcakānaṇ vasena paññāsāya ākārehi 'ti.

Antaggāhikadiṭṭhi-Vaṇṇanā Niṭṭhitā.

55. Pubbantāparantānudiṭṭhisu: sassataṇ vadantī 'ti sassatavādā. Atha vā vadenti etenā 'ti vādo, diṭṭhigatass' etaṇ adhivacanaṇ. Sassatan 'ti vādo 'pi sassatayogena sassato, sassato vādo etesan 'ti *sassatavādā*. Tathā ekaccaṇ sassatan 'ti vādo. Ekaccasassato; so etesaṇ atthi 'ti *ekaccasassatikā*. Tathā antavā anantavā, antavā ca anantavā ca, n' eva antavā nā-nantavā 'ti pavatto vādo antānanto, so etesaṇ atthi 'ti *antānantikā*. Na marati 'ti amarā. Kā sa? 'Evaṇ pi me no' 'ti ādinā nayena pariyaṇtarahitassa diṭṭhigatikkassa diṭṭhi c' eva vācā ca. Vividho khepo vikkhepo; amarāya diṭṭhiyā, vācāya vā vikkhepo. Amarāvikkhepo; so etesaṇ atthi 'ti *amarāvikkhepikā*. Aparo nayo: amarā nāma

<sup>1</sup> BM omits na.

<sup>2</sup> SH pubbavuttanayassa.

maccajāti. Sā ummujjana-nimujjanādivasena<sup>1</sup> uduke sandhāvamanā gahetuṇ na sakkā hoti. Evam eva, ayam 'pi vādo ito c' ito ca sandhāvati, gāhaṇ na upagacchatī 'ti amarāvikkhepo 'ti vuccatī<sup>2</sup>; so etesaṇ atthī 'ti amarāvikkhepikā. Adhiccasaṃmuppanno 'ti: akāraṇasaṃmuppanno attā ca loko cā 'ti dassanaṇ adhiccasaṃmuppannaṇ, taṇ etesaṇ atthī 'ti *adhiccasaṃmuppanniko*.

56. Saññiṇ vadantī 'ti *saññīvādā*; asaññiṇ vadantī 'ti *asaññīvādā*; nevasaññiṇ nāsaññiṇ vadantī 'ti *nevasaññīnāsaññīvādā*. Athavā saññī 'ti pavatto vādo saññīvādo; so etesaṇ atthī 'ti te saññīvādā; tatthā asaññīvādā, nevasaññīnāsaññīvādā ca. Uccedaṇ vadantī 'ti *uccedavādā*. Diṭṭhadhammo 'ti paccakkhadhammo; tattha tattha paṭiladdha-attabhāvass' etaṇ adhivacanaṇ. Diṭṭhadhamme nibbānaṇ diṭṭhadhammanibbānaṇ; imasmiṇ yeva<sup>2</sup> attabhāve dukkhavūpasamo 'ti attho; taṇ vadantī 'ti *diṭṭhadhammanibbānavādā*. Imasmiṇ pan' atthe vitthāriyamāne, sātṭhakathaṇ sakalaṇ Brahmajālasuttaṇ vattabbaṇ hoti. Evañ ca satī atipapañco hoti 'ti na vitthārito. Tadattihikehi taṇ apekkhitvā gahetabbo.

57. Yasmā *saṃyojanikā diṭṭhi* sabbadiṭṭhisādhāraṇā, tasmā tassā sabbadiṭṭhisayaṃyojanattā, sabbadiṭṭhisādhāraṇo attho niddiṭṭho. So heṭṭhāvuttadiṭṭhi-pariyuṭṭhānen' eva veditabbo.<sup>2</sup>

58. Mānavinibandhadiṭṭhisu: *cakkhuṇ ahan* 'ti *abhinivesaparāmāso* 'ti mānapubbako abhinivesaparāmāso; na hi diṭṭhi mānasampayuttā hoti; ten' eva ca *mānavinibandhā* 'ti vuttaṇ; mānavinibandhamūlakā<sup>3</sup> 'ti attho.

[156] 59. *Cakkhuṇ maman* 'ti *abhinivesaparāmāso* 'ti etthāpi es' eva nayo. Ettha pana 'mamā' 'ti vattabbe, 'maman' 'ti anuṇāsikāgamo veditabbo. 'Ahan' 'ti mānavinibandhā-

<sup>1</sup> B *upajjanādivasena*.

<sup>2</sup> SH *omits*.

<sup>3</sup> SH *mānapaṭibandhā mānamūlakā*.



ya rūpādini 'pi ajjhakkān' eva. Na hi kasinārūpaṇ vīnā bāhirāni ahaṇ 'ti gaṇhāti. 'Mamaṇ' 'ti mānavinibandhāya paṇa bāhirāni 'pi labbhanti, bāhirāni 'pi hi mamaṇ 'ti gaṇhāti. Yaṇmā paṇa dukkhā vedanā anitṭhata mānavatthu na hoti, taṇmā cha vedanā, tāsaṇ mūlapaccaya cha phassa ca na gaṇhitā. Saṇṇādayo paṇa idha paṇicchinnaṇtā na gaṇhitā 'ti veditaṇbā.

60. *Attavāda paṇisaṇyutta dīṭṭhi* attānudiṭṭhi yeva, attā 'ti vādena paṇisaṇyuttataṇa puṇa evaṇ vuttaṇ.

[157] 61. *Attā ca loka cā 'ti* so eva attā ca lokaṇatṭhena<sup>1</sup> loka cā 'ti attha. *Sassata* 'ti sassaṇavādaṇaṇ dīṭṭhi; *Asassata* 'ti ucchedavādaṇaṇ. *Sassata ca asassata cā* 'ti ekaccasassaṇtikāṇaṇ; *n' eva sassata nāsassata* 'ti amaraṇvikkheṇikāṇaṇ; *antavā* 'ti paṇittakasiṇalābhīṇaṇ takkikāṇaṇ<sup>2</sup> ca niggaṇṭhājivakāṇaṇ ca. Atha vā ucchedavādīno, "satta jāṇiyā puṇbbantaṇvā maraṇeṇa apaṇantaṇvā" 'ti vadaṇti. Adhiccaṇsaṇmuppannikā "satta jāṇiyā puṇbbantaṇvā" 'ti vadaṇti. *Anantaṇvā* 'ti appamaṇakasiṇalābhīṇaṇ. Sassaṇavādīno paṇa "puṇbbantaṇparaṇto n' atthi; teṇa anantaṇvā" 'ti vadaṇti. Adhiccaṇsaṇmuppannikā "apaṇanteṇa anantaṇvā" 'ti vadaṇti. *Antavā ca anantaṇvā cā* 'ti uddhaṇa adho avaḍḍhivaṇa tiriyaṇ vaḍḍhitaṇkasiṇāṇaṇ. *N' eva antavā n-anantaṇvā* 'ti amaraṇvikkheṇikāṇaṇ etaṇ.

62. Bhavaṇvibhavaṇdīṭṭhīṇaṇ yaṇhāvuttadiṭṭhito viṇuṇ abhinivaṇsābhāṇvato, viṇuṇ niddesaṇ akatvā yaṇhāvuttadiṭṭhīṇaṇ yeva vaṇeṇa oliyaṇaṇ<sup>3</sup> atidhāṇanaṇ 'ti ekekaṇ ākaraṇ niddisiṇuṇ puṇcchaṇ akatvā 'va<sup>4</sup> *oliyaṇābhiniṇeso bhavaṇdīṭṭhi*; *atidhāṇanaṇābhiniṇeso vibhavaṇdīṭṭhi* 'ti āha. Taṇtha: bhavaṇniroḍḍhāya dhaṇme desiyaṇāṇe cittaṇ na paṇkhaṇdati 'ti vuttaṇ. Oliyaṇābhiniṇeso sassaṇasaṇṇāya nibbāṇato saṇkocaṇābhiniṇeso 'ti attha. Bhavaṇ' eva kha paṇ' eke aṇṇiyaṇmāṇā harā-

<sup>1</sup> BM ālokatṭhena; SH ālokana.

<sup>2</sup> SH v.l. tiṇṇhiyāṇaṇ.

<sup>3</sup> SH oli- (throughout).

<sup>4</sup> SH omits 'va; SH v.l. ca.



yamāna jigucchamānā vibhavaṇ abhinandantī 'ti vuttaṇ.  
Atidhāvanābhiniveso, ucchedasaññāya nirodhagāmini-paṭi-  
padātikkamanābhiniveso 'ti attho.

Idāni tāva bhava-vibhavadiṭṭhiyo sabbadiṭṭhiṣu yojetvā  
dassetuṇ *assādaditṭhiyā* 'ti ādim āha. Tattha: yasmā assā-  
dadiṭṭhikā sassataṇ vā ucchedaṇ vā nissāya “n' atthi kā-  
mesu doso” 'ti gaṇhanti, tasmā pañcattiṇṣākārā 'pi assāda-  
diṭṭhiyo *siyā bhavadiṭṭhiyo siyā vibhavadiṭṭhiyo* 'ti vuttaṇ.  
Tattha: yasmā ekekā 'pi diṭṭhiyo sassatagāhavasena bhava-  
diṭṭhiyo bhaveyyuṇ, ucchedagāhavasena vibhavadiṭṭhiyo  
bhaveyyuṇ 'ti attho. *Attānudiṭṭhiyā* rūpaṇ attato saman-  
passati . . . vedanaṇ . . . saññaṇ . . . saṅkhāre . . . viññā-  
ṇaṇ attato samanupassati 'ti pañcasu rūpādito attano ana-  
ññattā tesu ca ucchinnesu attā ucchinno 'ti gahaṇato *pañca*  
*vibhavadiṭṭhiyo* 'ti vuttaṇ. Sesesu pañcadosāsu ṭhānesu  
rūpādito attano aññattā tesu ucchinnesu 'pi attā sassato 'ti  
gahaṇato *pañnarasa bhavadiṭṭhiyo* 'ti vuttaṇ.

*Micchādiṭṭhiyā sabbā 'va tā<sup>1</sup> vibhavadiṭṭhiyo* 'ti uccheda-  
vasena pavattattā antavā-nantavādiṭṭhiṣu parittārammaṇa-  
appamānārammaṇajjhānalābhino dibbacakkhunā<sup>2</sup> rūpadhā-  
tuyā cavitvā satte aññattha upapanne passitvā, bhava-  
diṭṭhiṇ apassitvā vibhavadiṭṭhiṇ gaṇhanti. [158] Tasmā  
tattha *siyā bhavadiṭṭhiyo, siyā vibhavadiṭṭhiyo*, 'ti vuttaṇ.  
*Hoti ca na ca hotī* 'ti ettha: Hoti cā 'ti bhavadiṭṭhi; Na ca  
hotī 'ti vibhavadiṭṭhi. *N' eva hoti, na na hotī* 'ti ettha:  
N' eva hotī 'ti vibhavadiṭṭhi; Na na hotī 'ti bhavadiṭṭhi;  
tasmā tattha 'siyā' 'ti vuttaṇ.

*Pubbantānudiṭṭhiyā* ekaccasassatikā sassatañ ca paññā-  
penti, asassatañ ca paññāpenti, tasmā sā bhavadiṭṭhi ca  
vibhavadiṭṭhi ca hoti. Cattāro antānantikā antānantaṇ  
attānaṇ paññāpenti, tasmā sā attānudiṭṭhisadisā, bhava-  
diṭṭhi ca vibhavadiṭṭhi ca. Cattāro amarāvikkhepikā bha-  
vadiṭṭhiṇ vā vibhavadiṭṭhiṇ vā nissāya vācāvikkhapaṇ  
āpajjanti, avasesā pana *bhavadiṭṭhiyo* 'va; tasmā te te san-

<sup>1</sup> Text sabbāvatā (throughout).

<sup>2</sup> SH .kā.

dhāya *siyā* 'ti vuttaṇ. *Aparantānudiṭṭhiyā* satta uccheda-vādā *vibhaditṭhiyo*, avasesā *bhavadiṭṭhiyo*, tasmā te te sandhāya *siyā* 'ti vuttaṇ; *Saṇḍojanikadiṭṭhiyā* sabbadiṭṭhināṇ vasena *siyā* 'ti vuttaṇ. *Ahan* 'ti māna-vinibandhāya *diṭṭhiyā* cakkhādinaṇ 'ahan' 'ti gahitattā, tesāṇ vināse, attā 'pi vinatṭho hoti<sup>1</sup>; tasmā *sabbā* 'va tā *vibhavadiṭṭhiyo* 'ti vuttaṇ. Attānudiṭṭhiyā viya *mamaṇ* 'ti mānavinibandhāya *diṭṭhiyā* cakkhādito attano aññattā, tesāṇ vināse 'pi attā na vinassatī 'ti *sabbā* 'va tā *bhavadiṭṭhiyo* 'ti vuttaṇ. *Lokavādapatisaṇḍuyuttayā diṭṭhiyā* sassato attā ca loko cā 'ti ādinā nayena vuttatā bhava-vibhavadiṭṭhi pakaṭṭā yeva. Ettāvata assādaditṭhādikā vibhavadiṭṭhipariyosānā soḷasadiṭṭhiyo tīpi sataṇ ca diṭṭhābhinivesā nidditṭhā honti. Attānudiṭṭhi ca, sakkāyadiṭṭhi ca, attavādapatisaṇḍuyuttā diṭṭhi ca atthato ekā; pariyāyena tividhā vuttā. Saṇḍojanikā pana diṭṭhi avatthābhedenā sabbā 'pi diṭṭhiyo honti.

Idāni: sabbā 'va tā diṭṭhiyo assādaditṭhiyo 'ti ādi aññena pariyāyena yathāyogaṇ diṭṭhisāṇsandana<sup>2</sup> hoti.<sup>3</sup> Tattha: sabbā 'va tā diṭṭhiyo 'ti yathāvuttā anavasesā diṭṭhiyo diṭṭhirāgarattattā taṇhāssādanissitattā ca *assādaditṭhiyo*; attasinehānugatattā *attānudiṭṭhiyo*; viparītadassanattā *micchādiṭṭhiyo*; khandhavatthukattā *sakkāyadiṭṭhiyo*; ekekassa antassa gahitattā *antaggāhikā diṭṭhiyo*. [159] Anattasaṇḍojanikattā *saṇḍojanikā diṭṭhiyo*; attavādena yuttattā *attavādapatisaṇḍuyuttā diṭṭhiyo* 'ti imā satta diṭṭhiyo sabbadiṭṭhisāṇgāhikā. Sesā pana nava diṭṭhiyo na sabbadiṭṭhisāṇgāhikā.

Idāni: vitthārato vuttā sabbā 'va tā diṭṭhiyo dvīsu yeva diṭṭhisu saṅkhipitvā, sattānaṇ diṭṭhidvayanissayaṇ dassento bhavaṇ ca diṭṭhin 'ti gātham\* āha. Sabbā 'pi hi tā diṭṭhiyo

\* Printed like prose in the Text, p. 159, ll. 2-4, bhavattṭhiyo to 'ti should be read as follows :

Bhavaṇ ca diṭṭhiṇ vibhavaṇ ca diṭṭhiṇ  
Etaṇ dvayaṇ takkitā nissitā ye;  
Tesaṇ nirodhamhi na h' atthi nīṇaṇ  
Yatthāyaṇ loko viparītasaṇḍī.

<sup>1</sup> SH hoti 'ti.

<sup>2</sup> SH v.l. diṭṭhi tattha saṇḍadanā.

<sup>3</sup> SH omits.

bhavadiṭṭhī vā honti, vibhavadiṭṭhī vā. *Bhavañ ca diṭṭhiṃ vibhavañ ca diṭṭhiṃ* 'ti ettha pana ca-saddo diṭṭhim eva samuccinoti, na nissayaṇ; na hi eko bhava-vibhavadiṭṭhi-dvayaṇ nissayati. Yath' āha: "Iti bhāvaditṭhisannissitā vā sattā honti vibhavadiṭṭhisannissitā vā" 'ti. *Takkikā* 'ti takkena vadanti 'ti takkikā; te hi diṭṭhigatikā sabhāvapaṭi-vedhapaññāya abhāvā kevalaṇ takkena vattanti. Ye 'pi ca jhānalābhino abhiññālābhino vā diṭṭhiṇ gaṇhanti, te 'pi takketvā gahaṇato takkikā eva. *Nissitāse*<sup>1</sup> 'ti nissitā 'ti attho; ekam eva padaṇ; Se 'ti nipātamattaṇ vā. *Tesaṇ nirodhamhi n' atthi*<sup>2</sup> *ñāṇaṇ* 'ti, diṭṭhinissayassa kāraṇava-canam etaṇ. Sakkāyadiṭṭhinirodhe, nibbāṇe yasmā tesaṇ ñāṇaṇ n' atthi tasmā, etaṇ diṭṭhidvayaṇ nissitā 'ti attho. ("Na hi atthi ñāṇaṇ" 'ti ettha hi-kāro kāraṇopadese nipāto.) *Yatthā-yaṇ loko viparītasāññi* 'ti yattha sukhe, nirodhamhi ayaṇ sadevako loko dukkham iti viparītasāññi hoti, tasmiṇ nirodhamhi na h' atthi ñāṇaṇ 'ti sambandho. Dukkham iti viparītasāññitaya idaṇ suttaṇ.\*

Rūpā saddā rasā gandhā  
Phassā dhammā ca kevalā,  
Itṭhā kantā manāpā ca  
Yāvat 'atthi' 'ti vuccati;

Sadevakassa lokassa  
Ete te sukhasammatā;  
Yattha c' ete nirujjhanti  
Taṇ tesaṇ dukkha-sammatāṇ.

Sukhaṇ taṇ diṭṭhi pariyeti  
Sakkāyassūparodhanaṇ<sup>3</sup>;  
Paccanīkam idaṇ hoti  
Sabbalokena passataṇ.

\* Cf. Saṅyutta IV, 127-128.

<sup>1</sup> Text Nissitā ye.

<sup>2</sup> SH na h' atthi.

<sup>3</sup> SH, SM Sukhaṇ taṇ dukkham ariyehi, Sakkā yassūparodhanaṇ.

Yaṇ pare sukhato āhu  
 Tad ariyā āhu dukkhato;  
 Yaṇ pare dukkhato āhu  
 Tad ariyā sukhato 'pi ca.<sup>1</sup>

Passa dhammaṇ durājānaṇ  
 Sammūḷh' ettha aviddasū;  
 Nivutānaṇ tamo hoti  
 Andhakāro apassataṇ.

Satañ ca vivaṭaṇ hoti  
 Āloko passatām idha;  
 Santike na vijānanti  
 Magā dhamma-akovidā.<sup>2</sup>

Bhavarāgaparetehi  
 Bhava-sotānusārīhi  
 Māradheyyānupannehi  
 N-āyaṇ dhammo Susambuddho.

Ko nu aññatra ariyehi  
 Padaṇ sambuddham arahati ?  
 Yaṇ padaṇ sammad aññāya  
 Parinibbanti anāsavā 'ti.

63. Idāni sabbāsaṇ diṭṭhīnaṇ diṭṭhidvayaabhāvaṇ diṭṭhisam-  
 ugghātakañ ca sammādiṭṭhiṇ suttato dassetukāmo *Dvīhi*  
*bhikkhave* 'ti suttaṇ āhari. Tattha: *devā* 'ti brahmuno 'pi  
 vuccanti. *Oliyaṇṭī* 'ti saṅkucanti. *Atidhāvaṇṭī* 'ti atikka-  
 mitvā gacchanti. *Cakkhumanto* 'ti paññāvanto. *Ca-saddo*  
*atirekattho*. *Bhavāramā* 'ti bhavo ārāmo, abhiramaṇaṭṭhā-  
 naṇ etesaṇ 'ti bhavāramā. *Bhavaratā* 'ti bhava abhiratā.  
*Bhavasamudūtā* 'ti bhavena santuṭṭhā. *Desiyamāne* 'ti Ta-  
 thāgatenā vā Tathāgatasāvakena vā desiyamāne. *Na pa-*  
*kkhandatī* 'ti dhammadesanaṇ vā bhavanirodhaṇ vā na pavi-  
 sati. *Na pasīdatī* 'ti tattha pasādaṇ na pāpuṇāti. *Na*

<sup>1</sup> B ariyā āhu sukhato.

<sup>2</sup> SH, B v.l. dhammassa 'kovidā.

*santiṭṭhatī* 'ti tattha na patiṭṭhāti. *N-ādhimuccatī* 'ti tattha ghanabhāvaṇ na pāpuṇāti. Ettāvatā sassatadiṭṭhi vuttā.

*Attīyamānā* 'ti dukkhaṇ pāpuṇamānā. *Harāyamānā* 'ti lajjaṇ pāpuṇamānā. *Jigucchamānā* 'ti jigucchaṇ pāpuṇamānā. *Vibhavaṇ abhinandantī* 'ti ucchedaṇ paṭicca tussanti; ucchedaṇ patthayaṇtī 'ti vā attho. *Kirā* 'ti anussavatthe nipāto. *Bho* 'ti ālapanamattaṇ. *Santan* 'ti nibbutaṇ. *Paṇṇāṇ* 'ti dukkhābhāvato paṇītaṇ; padhānabhāvaṇ nītan<sup>1</sup> 'ti vā paṇītaṇ. *Yāthāvaṇ* 'ti yathāsabhāvaṇ. Ettāvatā ucchedadiṭṭhi vuttā.

*Idhā* 'ti imasmiṇ sāsane. *Bhūtan* 'ti hetuto sañjātaṇ khandhapañcaka-saṅkhātaṇ dukkhaṇ.<sup>2</sup> *Bhūtato passatī* 'ti idaṇ bhūtaṇ dukkhaṇ 'ti passati. *Nibbidāyā* 'ti vipassana-tthāya. *Virāgāyā* 'ti ariyamaggatthāya. *Nirodhāyā* 'ti nibbānatthāya. *Paṭipanno hotī* 'ti, tadanurūpaṇ paṭipadaṇ paṭipanno hoti. *Evaṇ . . . passantī* 'ti iminā pakārena pubbabhāge lokiyañāṇena, paṭivedhakāle lokuttarañāṇena passanti. Ettāvatā sammādiṭṭhi vuttā.

Idāni dvīhi gathāhi tassā sammādiṭṭhiyā ānisaṇsaṇ sandasseti.<sup>3</sup> Tattha: *Yo bhūtaṇ bhūtato disvā* 'ti dukkhaṇ pariññābhisamayena abhisametvā 'ti attho. *Bhūtassa ca atikkaman* 'ti nirodhaṇ sacchikiriyābhisamayena abhisametvā 'ti attho. *Yathābhūte 'dhimuccatī* 'ti maggabhāvanābhisamayavasena yathāsabhāve nirodhe, "Etaṇ santaṇ, etaṇ paṇītan" 'ti adhimuccati. *Bhavataṇhā-parikkhayā* 'ti samudayassa pahāṇenā 'ti attho. Asati 'pi c' ettha saccānaṇ nanābhisamayatte disvā 'ti pubbakālikavacanaṇ saddhiṇ pubbabhāga.<sup>4</sup> paṭipadāya vohāravasena vuttan 'ti veditabbaṇ. Na hi pubbaṇ passitvā pacchā adhimuccati; catusaccābhisamayō samānakālam<sup>5</sup> eva hoti. Samānakāle 'pi vā pubbakālikāni padāni bhavanti 'ti na doso.

<sup>1</sup> SH -bhāvanītan.

<sup>2</sup> SH -saṅkhātadukkhaṇ.

<sup>3</sup> B dasseti.

<sup>4</sup> SH -bhāge.

<sup>5</sup> SH -samayasamāna-.

*Sa ve* 'ti ekaṇṣena so arahaṇ. *Bhūtapariññāto*<sup>1</sup> 'ti dukkhaṇ pariññātavā. *Vītatāṇho* 'ti vīgatataṇho. *Bhavābhavē* 'ti khuddake ca mahante ca bhavē. Vuddhi-atthe 'pi hi akārassa sambhavato abhavo 'ti mahābhavo; so pana khuddaka-mahantabhāvo upādāyūpādāya veditabbo. (Atthavā: Bhavē 'ti sassate; abhavē 'ti ucchede; tadubhaye 'pi diṭṭhirāgābhāvena vītatāṇho.) *Bhūtaṣṣa vibhavā* 'ti vaṭṭa-dukkhassa samuccheda. *N-āgacchati punabbhavan* 'ti arahato parinibbāṇaṇ vuttaṇ.

[160] 64. *Tayo puggalā* 'ti ādi micchādiṭṭhi<sup>2</sup>-garahaṇatthaṇ sammādiṭṭhi<sup>2</sup>-pasaṇsanatthaṇ ca vuttaṇ. Tattha virūpabhāvaṇ pannā gatā diṭṭhi etesaṇ 'ti *vīpannaditṭhī*. Sundarabhāvaṇ pannā gatā diṭṭhi etesaṇ 'ti *sampannaditṭhī*. *Tiṭṭhiyo* 'ti: tiṭṭhaṇ vuccati diṭṭhi; taṇ paṭipannattā tiṭṭhe sādhu; tiṭṭhaṇ yassa atthī 'ti vā tiṭṭhiyo. Ito bahiddhā pabbajjūpagato. *Tiṭṭhiyasāvako* 'ti tesāṇ diṭṭhānugatim āpanno gahaṭṭho. *Yo ca micchādiṭṭhiko* 'ti tadubhaya-bhāvaṇ anupagantvā yāya kāyaci diṭṭhiyā micchādiṭṭhiko. *Tathāgato* 'ti sammāsambuddho; paccakabuddho 'pi etth' eva saṅgahito. *Tathāgatasāvako* 'ti maggappatto, phala-patto ca. *Yo ca sammādiṭṭhiko* 'ti tadubhayavinimutto lokiyasammādiṭṭhiyā sammādiṭṭhiko.

Gāthāsu: *Kodhano* 'ti yo abhinhaṇ kujjhati so; *upanāhī* 'ti tam eva kodhaṇ vaddhetvā upanandhanasīlo. *Pāpamakkhī* 'ti lāmakabhūtamakkhavā. *Māyāvī* 'ti katapāpapaṭicchādanavā. *Vasalo* 'ti hīnajacco. *Visuddho* 'ti ñānadassanavisuddhiyā vissuddho. *Suddhataṇ gato* 'ti maggaphala-saṅkhātaṇ suddhabhāvaṇ gato. *Medhāvī* 'ti paññavā. Imāya gāthāya lokuttarasammādiṭṭhisampanno eva thomito.

65. *Vīpannaditṭhiyo, sampannaditṭhiyo* 'ti puggalavohāraṇ pahāya dhammam eva garahanto thomento ca āha. *Etaṇ maman* 'ti taṇhāmaññanavasena diṭṭhi. *Eso 'ham asmī* 'ti

<sup>1</sup> B, SM Bhūtaṇ pariññā so; *Text* Bhūtaṣṣa pariññā.

<sup>2</sup> SH -diṭṭhika..



mānamaññanamūlikā diṭṭhi. *Eso me attā 'ti diṭṭhimaññānam eva.*

66. *Etaṇ maman 'ti kā diṭṭhī ? 'ti ādihi tissannaṇ vipanna-diṭṭhīnaṇ vibhāgaṇ ca, gaṇanaṇ<sup>1</sup> ca, kālasaṅgahaṇ ca pucchitvā vissajjanaṇ kataṇ. Tattha: Kā diṭṭhī ? 'ti anekāsu diṭṭhīsu katamā diṭṭhī ? 'ti attho. Katamantānuggahitā 'ti pubbantāparanta-saṅkhātakāladvaye katamena kālena anuggahitā; anubaddhā<sup>2</sup> 'ti attho. Yasmā etaṇ maman 'ti parāmasanto, “etaṇ mama ahosi, evaṇ mama ahosi, ettakaṇ mama ahosī” 'ti atītaṇ vatthuṇ apadisitvā parāmasati, tasmā pubbantānudiṭṭhi hoti, pubbantānuggahitā ca tā diṭṭhiyo honti.*

Yasmā *eso 'ham asmī 'ti* parāmasanto, “Iminā 'haṇ silena vā vatena vā tapena vā brahmacariyena vā *eso 'haṇ<sup>3</sup> visu-jjhissāmī,*” 'ti anāgataṇ phalaṇ upādāya parāmasati; tasmā *aparantānudiṭṭhi* hoti, *aparantānuggahitā ca tā diṭṭhiyo* honti.

[161] Yasmā *eso me attā 'ti* parāmasanto atītānāgataṇ upādinnasantatiṇ upādāya “*Eso me attā*” 'ti parāmasti, *sakkāyadiṭṭhivasena ca parāmasati*; tasmā *sakkāyadiṭṭhi* hoti, *pubbantāparantanuggahitā ca tā diṭṭhiyo* honti. Yasmā pana *sakkāyadiṭṭhipamukhā yeva dvāsaṭṭhidiṭṭhiyo* honti; *sakkāyadiṭṭhisamugghātena ca dvāsaṭṭhidiṭṭhiyo samugghataṇ gacchanti*, tasmā *sakkāyadiṭṭhipamukhena dvāsaṭṭhi diṭṭhigatānī* 'ti vuttaṇ. *Sakkāyadiṭṭhipamukhena sakkāyadiṭṭhi-dvārena dvāsaṭṭhidiṭṭhigatānī* hontī 'ti attho. (*Sakkāyadiṭṭhipamukhānī\** 'ti pāṭho sundarataro. *Sakkāyadiṭṭhi pamukhā ādikā etesan 'ti sakkāyadiṭṭhipamukhānī. Kānī tānī ? Dvāsaṭṭhi diṭṭhigatānī.*)

Kā diṭṭhī 'ti pucchāya *vīsativatthukā attānudiṭṭhi vīsativatthukā sakkāyadiṭṭhi* 'ti visajjanaṇ kataṇ. Kati diṭṭhiyo 'ti

\* *As in the Text.*

<sup>1</sup> B bhavaṇ ca gamanaṇ.

<sup>2</sup> B -bandhā.

<sup>3</sup> SH *v.l.* *eso 'ham asmī*; SH *eso 'smi*.



pucchāya sakkāyaditthipamukhāni dvāsatthiditthagatāni 'ti vissajjanaṇ. Sā yeva pana sakkāyaditthi, Eso me attā 'ti vacanasāmaññena attānuditthi 'ti vutta. Tassā vuttāya attavādapatisanyuttā ditthi 'ti 'pi vuttā eva hoti.

68.\* *Ye keci bhikkhave* 'ti ādi suttāharaṇaṇ sampanna-ditthipuggala-sambandhena sampannaditthipuggala-visesa<sup>1</sup>-dassanatthaṇ kataṇ. Tattha *niṭṭhaṇ gatā* 'ti maggañāṇa-vasena, sammāsambuddho Bhagavā 'ti nicchayaṇ gatā, nibbematikā 'ti attho. (*Niṭṭhāgatā* 'ti paṭho samāsapadaṇ hoti; attho pana so yeva.)

*Ditthisampannā* 'ti ditthiyā sundarabhāvaṇ gatā. *Idha niṭṭhā* 'ti imissā kāmādhātuyā parinibbāṇaṇ. *Idha viḥāya niṭṭhā* 'ti imaṇ kāmabhavaṇ vijahitvā suddhāvāsabrahmaloke parinibbāṇaṇ. Sattakkhattuṇ paramā sattavāraparamā bhavūpapatti attabhāvagahaṇaṇ assa, tato paraṇ aṭṭhamaṇ bhavaṇ nādiyati 'ti sattakkhattuparamo, tassa *sattakkhattuparamassa* sotāpannassa. *Kolaṅkolassā* 'ti kulato kulaṇ gacchatī 'ti kolaṅkolo. Sotāpattiphalasacchikiriyato hi paṭṭhāya nīce kule upapatti<sup>2</sup> nāma n' atthi; mahābhogakulesu yeva nibbattatī 'ti attho; tassa kolaṅkolassa sotāpannassa. *Ekabījassā* 'ti khandhabijaṇ nāma kathitaṇ. Yassa hi sotāpannassa ekaṇ yeva khandhabijaṇ atthi, ekaṇ attabhāvagahaṇaṇ, so ekabījī nāma, tassa ekabījissa sotāpannassa. Bhagavatā gahitanāmasena c' etāni<sup>3</sup> etesaṇ nāmāni. Ettakaṇ hi ṭhānaṇ gato sattakkhattuparamo nāma hoti, ettakaṇ kolaṅkolo, ettakaṇ ekabījī 'ti Bhagavatā etesaṇ nāmaṇ gahitaṇ. Bhagavā hi ayaṇ ettakaṇ ṭhānaṇ na<sup>4</sup> gamissati; ayaṇ ettakaṇ ṭhānaṇ gamissatī 'ti ñatvā tesajaṇ tesaja<sup>4</sup> tāni tāni nāmāni aggahesi. Mudupañño hi sotāpanno sattabhave nibbattento sattakkhattuparamo nāma. Majjhima-pañño paraṇ chaṭṭhaṇ bhavaṇ nibbattento kolaṅkolo

\* Text omits figure 67 through oversight.

<sup>1</sup> SH -vibhāga-.

<sup>2</sup> SH -vasen' eva tāni.

<sup>3</sup> SH uppatti.

<sup>4</sup> SH, SM omit na.

nāma. Tikkhapañño ekaṃ bhavaṃ nibbattento ekabījī nāma. Taṃ paṇ' etaṃ tesaṃ tesaṃ<sup>1</sup> mudumajjhimatikkhapaññataṃ pubbaheṭṭu niyāmeti. Ime tayo 'pi sotāpannā kāmabhava-vasena vuttā; rūpārūpabhava pana bahukā 'pi paṭisandhiyo gaṇhanti. *Sakadāgāmissā* 'ti paṭisandhivasena sakiṃ kāmabhavaṃ āgacchatī 'ti sakadāgāmī; tassa sakadāgāmissa. *Diṭṭhe 'va dhamme arahā* 'ti imasmiṃ yeva attabhāve arahā. (Arahan 'ti 'pi pāṭho.) *Idha nitthā* 'ti kāmabhavaṃ saṃsaraṇaṃ yeva sandhāya vuttaṃ; rūpārūpabhava uppannā pana ariyā kāmabhava na uppajanti, tatth' eva parinibbāyanti.

*Antarāparinibbāyissā* 'ti āyuvemajjhassa antarā yeva kilesaparinibbāṇena parinibbāyanato<sup>2</sup> antarāparinibbāyī. So pana uppannasamanantarāparinibbāyī; āyuvemajjhaṃ appatvā parinibbāyī, āyuvemajjhaṃ patvā parinibbāyī 'ti tividho hoti. Tassa antarāparinibbāyissa anāgāmino; *upahaccaparinibbāyissā* 'ti āyuvemajjhaṃ atikkamitvā vā, kālakiriyaṃ upagantvā vā, kilesaparinibbāṇena parinibbāyantassa anāgāmino. *Asaṅkhāraparinibbāyissā* 'ti asaṅkhārena appayogena adhimattappayaṃ akatvā 'va kilesaparinibbāṇena parinibbāyanadhammassa anāgāmino. *Sasaṅkhāraparinibbāyissā* 'ti sasaṅkhārena dukkhena kasirena adhimattayaṃ<sup>3</sup> katvā 'va kilesaparinibbāṇena parinibbāyanadhammassa anāgāmino.

*Uddhaṃsotassa akaniṭṭhagāmino* 'ti uddhaṃ vāhībhāvena uddhamassa taṇhāsotaṃ vaṭṭasotaṃ vā 'ti uddhaṃsoto; uddhaṃ vā gantvā paṭilabhitabbato uddhamassa maggasotaṃ 'ti uddhaṃsoto; akaniṭṭhaṃ gacchatī 'ti akaniṭṭhagāmī, tassa uddhaṃsotassa akaniṭṭhagāmino anāgāmissa. Ayam pana anāgāmī catuppabhedo hoti:<sup>1</sup> yo hi<sup>1</sup> avihato paṭṭhāya cattaro brahmaloke sodhetvā akaniṭṭhaṃ gantvā parinibbāyati, ayaṃ uddhaṃsoto akaniṭṭhagāmī nāma. Yo heṭṭhā tayo brahmaloke sodhetvā sudassībrahmaloce tathā parinibbāyati, ayaṃ uddhaṃsoto na akaniṭṭhagāmī nāma. Yo ito akaniṭṭham eva gantvā parinibbāyati, ayaṃ na uddhaṃsoto akaniṭṭhagāmī nāma. Yo heṭṭhā catūsu brahmalokesu

<sup>1</sup> SH omits.<sup>2</sup> B -yanto.<sup>3</sup> SH -ppayogaṃ.

tattha tatth' eva parinibbāyati ayaṇ na uddhaṇsoto na akaniṭṭhagāmī nāmā 'ti. Ime pañca anāgāmino suddhāvāsaṇ gahetvā vuttā. Anāgāmino pana rūparāg-ārūparāgānaṇ appahīnattā ākaṅkhamānā sesarūp-ārūpabhavesū 'pi nibbattanti. Suddhāvāse nibbattā pana aññattha na nibbattanti.

69. *Aveccappasannā* 'ti ariyamaggavasena jānitvā bujjhitvā acalappasādena pasannā. *Sotāpannā* 'ti ariyamaggasotaṇ āpannā; iminā sabbe 'pi ariyaphalaṭṭhā puggalā saṅga-hitā<sup>1</sup> 'ti.

Saddhammappakāsinīyā Paṭisambhidāmaggaṭṭhakathāya.  
Diṭṭhikathā-Vaṇṇanā Niṭṭhitā.

---

<sup>1</sup> SH gahitā.

## [ĀNĀPĀNASSATIKATHĀ-VANNAṆĀ.]

[162] 1. Idāni diṭṭhikathānantaraṇ kathitāya Ānāpānassa-tikathāya apubbathānuvaṇṇanā anuppattā. Ayaṇ hi Ānāpānassatikathā; Diṭṭhikathāya suvidita-diṭṭhādīnavassa, micchādiṭṭhimala-visodhanena suvisuddhacittassa yathābhūtāvabodhāya samādhībhāvanā sukarā hoti, sabbasamādhībhāvanāsu ca sabbasabbāññū-bodhisattānaṇ bodhimūle iminā 'va samādhinā samāhitacittānaṇ yathābhūtāvabodhato ayam eva samādhībhāvanā padhānā 'ti ca; Diṭṭhikathānantaraṇ kathitā. Tattha: *soḷasavattukaṇ ānāpānasatisamādhin bhāvayato samādhikāni dve nāṇasatāni uppajjanī* 'ti nāṇagaṇaṇaniddeso<sup>1</sup>; *aṭṭha paripante nāṇānī* 'ti ādi nāṇagaṇaṇaniddeso. *Katamāni aṭṭha paripante nāṇānī* 'ti ādini *imāni ekavīsati vimuttisukhe nāṇānī* 'ti pariyaṇṇaṇ sabbāññānaṇ viṭṭhāraniddeso; ante *soḷasavattukaṇ ānāpānasatisamādhin bhāvayato* 'ti ādi nigamaṇaṇ 'ti evaṇ tāva pāliva-vatṭhānaṇ veditabbaṇ.

Tattha gaṇanuddese gaṇanavāre tāva Soḷasavattukan 'ti dīgha-rassa-sabbakāyapaṭisaṇvedī-passambhayaṇ-kāyasaṅkhāraṇ<sup>2</sup> 'ti kāyānupassanācatukkaṇ. Pītipaṭisaṇvedī-sukha-paṭisaṇvedī-cittasaṅkhārapaṭisaṇvedī-passambhayaṇ-cittasaṅkhāraṇ 'ti vedanānupassanācatukkaṇ. Cittapaṭisaṇvedī, abhippamodayaṇ cittaṇ, samādahaṇ cittaṇ,<sup>3</sup> vimocayaṇ cittaṇ 'ti cittaṇupassanācatukkaṇ. Aniccānupassī, virāgānupassī, nirodhānupassī, paṭinisaggānupassī 'ti dhammānupassanācatukkaṇ 'ti imesaṇ catunnaṇ catukkānaṇ vasena soḷasa vatthūni patitṭhā ārammaṇāni assā 'ti Soḷasavattuko; taṇ soḷasavattukaṇ; samāsavasena paṇ' ettha vibhattilopokato. *Ānaṇ* 'ti abbhantaṇ pavisaṇavāto. *Apānaṇ* 'ti bahinikkhamanavāto. Keci pana vipariyāyena vadanti.

<sup>1</sup> SH -gaṇanuddeso.

<sup>2</sup> SH uses separate words.

<sup>3</sup> B reads passambhayaṇ.

Apānaṇ hi apetaṇ ānato 'ti Apānan' ti vuccati.<sup>1</sup> Niddese "pana pakārass' eva dīghattam ajjhupekkhitvā, apanan 'ti' vuttaṇ. Tasmiṇ ānāpāne sati, Ānāpānasati; assāsapassāsa-pariggāhikāya satiyā etaṇ adhivacanaṇ. Anāpānasatiyā yutto samādhi, ānāpānasatiyaṇ vā samādhi Anāpānassati-samādhi. Taṇ bhāvayato 'ti nibbedhabhāgiyaṇ bhāventassa. Samādhikānī<sup>2</sup> 'ti saha adhikena vattanti 'ti samādhikānī,<sup>2</sup> sātirekānī 'ti attho. Ma-kāro pan' ettha padasandhikāro. (Keci pana saṇ-adhikānī 'ti vadanti. Evaṇ sati dve nāna-satāni yeva adhikānī cā 'ti āpajjati. Taṇ na yujjati. Imāni hi visati-adhikānī dve nānasatāni hontī 'ti.)

Paripanthē<sup>3</sup> nāṇānī 'ti paripanthaṇ<sup>4</sup> ārammaṇaṇ katvā pavattañāṇāni. Tathā upakāre . . . upakkilese nāṇānī. Vodāne nāṇānī 'ti vodāyati tena cittaṇ parisuddhaṇ hoti 'ti vodānaṇ. Kiṇ taṇ ? nāṇaṇ. Vodānañāṇāni 'ti vattabbe, 'sutamaye nāṇan' 'ti ādisu viya "Vodāne nāṇānī" 'ti vuttaṇ. Sato sampajāno hutvā karoti 'ti satokārī; tassa satokārissa<sup>5</sup> nāṇānī. Nibbidāñāṇānī 'ti nibbidābhūtāni nāṇānī. Nibbidānulomañāṇānī 'ti nibbidāya anukūlāni nāṇānī. (Nibbidānulomi-ñāṇānī 'ti pi pātho. Nibbidānulomo etesaṇ atthī 'ti nibbidānulomī 'ti attho.) Nibbidāpatippassaddhi-ñāṇānī 'ti nibbidāya paṭippassaddhiyaṇ nāṇānī. Vimuttisukhe nāṇānī 'ti vimuttisukhena sampayuttāni nāṇānī.

Gaṇanavāra-Vaṇṇanā Niṭṭhitā.

2. Katamāni atṭhā 'ti ādīhi paripantha<sup>6</sup>-upakārānaṇ paṭi-pakkhaviikkhepa<sup>7</sup>-yugalattā tesu nāṇāni sah' eva nidiṭṭhāni. Kāmacchanda-nekkhamādīni heṭṭhā vuttatṭhāni. Upakāran' ti ca līngavipallāsavasena napuṇsakavacanaṇ kataṇ. Sabbe hi akusalā dhammā 'ti vuttāvasesā ye keci akusalā dhammā;

<sup>1</sup> SH vuccanti.

<sup>a to b</sup> SH pan' assa nākārassa dīghattaṇ . . . ānan 'ti.

<sup>2</sup> SH sama-.

<sup>3</sup> SH v.l. Paribandhe.

<sup>4</sup> SH v.l. paribandhaṇ.

<sup>5</sup> Text satokārīsu.

<sup>6</sup> SH v.l. -bandha.

<sup>7</sup> SH, SM -vipakkha-.

tathā sabbe 'pi nibbedhabhāgiyā *kusalā dhammā*. Paripantho upakāraṇ 'ti ca taṇ tad eva apekkhitvā ekavacanaṇ katanṇ. Ettha ca *paripantihe nāṇāni ca upakāre nāṇāni* ca pucchitvā tesaṇ ārammaṇān' eva vissajjetvā, teh' eva tāni vissajjitāni honti 'ti tadārammaṇāni nāṇāni<sup>1</sup> nigametvā dassesi. *Upakkilese nāṇādisu* 'pi es' eva nayo. *Soḷasahi ākārehi* 'ti ubhayapakkhavasena<sup>2</sup> vutthehi soḷasahi nāṇa-koṭṭhāsehi. *Uduṭaṇ cittaṇ<sup>3</sup> samuducittan<sup>4</sup>* 'ti upacārabhūmiyaṇ cittaṇ uddhaṇ citaṇ, sammā uddhaṇ citaṇ; uparūparikataparicayan sammā uparūparikataparicayan 'ti attho. (Udujitaṇ cittaṇ samudujitan 'ti 'pi pātho. Uparibhāvāya jitaṇ uparibhāvakarehi vā nāṇehi jitaṇ udujitaṇ. Samudujitan 'ti sammā uparibhāvāya uparibhāvakarehi vā nāṇehi jitaṇ. Sammā 'ti c' ettha visamabhāvapaṭikkhepo. Imasmiṇ pāthe u, dū, 'ti dve dve upasaggā honti. Udājitaṇ cittaṇ samudājitan 'ti 'pi pātho. Etthā-pi jitattho yeva. Udā 'ti idaṇ pana nipātamattam evā 'ti vadanti. Viṇopamaṭṭhakathāya tajjitaṇ sutajjitan 'ti ca attho vutto; so idha na yujjati.) *Ekatte santitṭhātī* 'ti upacārabhūmiyaṇ tāva nānārammaṇavikkhepābhāvena ekatte patitṭhātī.

[163] 3-4. *Niyyānāvarenaṭṭhena nīvaraṇā<sup>5</sup>* 'ti ettha arati<sup>6</sup> pi sabbe pi akusalā<sup>7</sup> āvaraṇaṭṭhena nīvaraṇaṭṭhena<sup>8</sup> nīvaraṇā 'ti vuttā. *Niyyānāvarenaṭṭhena* 'ti niyyānānaṇ āgamana-magga-pidahanatṭhena. (*Niyyānāvarenaṭṭhena* 'ti 'pi pātho, *niyyānapaṭipakkhatṭhena<sup>9</sup>* 'ti attho.) *Nekkhammaṇ ariyānaṇ niyyāna-saṅkhātassa ariyamaggassa* hetuttā phalūpacārena ariyānaṇ niyyānaṇ. *Tena ca* hetubhūtena maggakkhaṇe *ariyā niyyanti* nigga-cchanti. Keci pana niyyānaṇ 'ti maggo 'ti vadanti. Idha upacārassa adhippetattā maggakkhaṇe ca ālokasaññāya sabba-

<sup>1</sup> SH omits.<sup>2</sup> SH, SM nāṇapakkhā-.<sup>3</sup> Text Uddhataṇ cittaṇ; SH, SM Udu citaṇ.<sup>4</sup> SH, SM -citan.<sup>5</sup> B Nīvaraṇatṭhena nīvaraṇāni.<sup>6</sup> B āyatim.<sup>7</sup> B adds dhammā.<sup>8</sup> Not in SH, SM.<sup>9</sup> SN, SM niyyānānaṇ paṭikkhepanatṭhena.

kusaladhammānañ ca abhāvā taṇ na yujjati. *Nivutattā* 'ti paṭicchannattā. *Na pajānātī* 'ti puggalavasena vuttaṇ.

Solasāñña-Niddesa-Vaṇṇanā Niṭṭhitā.

*Visuddhacittassā* 'ti upacārabhūmiyaṇ yeva. [164] *Khaṇi-kasamodhānā* 'ti cittakkhaṇe cittakkhaṇe<sup>1</sup> uppajjanato khaṇo etesaṇ atthī 'ti khaṇikā upakkilesā; khaṇikānaṇ samodhāno samāgamo sambandho khaṇikasamodhāno; tasmā khaṇika-samodhānā. Uppajjamānā upakkilesā khaṇikappabandha-vasena, khaṇikaparamparāvasena uppajjanti, na ekacitta-kkhaṇavasenā 'ti vuttaṇ hoti.

5. Paṭhamacchakke *assāsādimajjhapariyosānan* 'ti abbhan-tarapavisanaṇvātassa nāsikaggaṇ vā mukhanimittaṇ vā ādi, hadayaṇ majjhaṇ, nābhi pariyosānaṇ. Taṇ tassa<sup>2</sup> ādimaj-jhapariyosānaṇ. *Satiyā anugacchato* yogissa ṭhānanānattā-nugamanena cittaṇ ajjhattaṇ vikkhepaṇ gacchati, taṇ *ajjhat-tavikkhepagataṇ cittaṇ* ekatte<sup>3</sup> asaṇṭhahanato *samādhissa paripantho*. *Passāsādimajjhapariyosānan* 'ti bahinikkhama-ṇavātassa nābhi ādi, hadayaṇ majjhaṇ; nāsikaggaṇ vā, mukhanimittaṇ vā, bahi-ākāso vā pariyosānaṇ. Yojanā pan' ettha vuttanayen' eva veditabbā. *Assāsapaṭikaṇkhanā nikanti taṇhācariyā* 'ti nāsikāvātāyattam idaṇ kammaṭṭhānan 'ti sallakkhetvā oḷārikoloḷārikassa assāsassa patthanā-saṅkhātā nikāmanā eva taṇhāpavatti. Taṇhāpavattiyā sati ekatte<sup>3</sup> asaṇṭhahanato *samādhissa paripantho*. *Passāsapaṭikaṇkhanā nikanti* 'ti puna assāsapubbakassa passāsassa patthanā-saṅkhātā nikanti. Sesaṇ vuttanayen' eva yojetabbaṇ. *Assā-senābhūtinassā* 'ti atidighaṇ, atirassaṇ vā assāsaṇ karontassa assāsamūlakassa kāyacittakilamatthassa sabbhāvato,<sup>4</sup> tena assāsena viddhassa pīlitassa. *Passāsapaṭilābhe mucchanā* 'ti assāsena pīlitattā yeva passāse assādasāññino passāsaṇ patthayato, tasmiṇ passāsapaṭilābhe rajjanā. *Passāsa-mū-lake* 'pi es' eva nayo.

<sup>1</sup> SM does not repeat.

<sup>2</sup> SH v.l. ekagge.

<sup>3</sup> SM antassa.

<sup>4</sup> SM sambhāvato.



Vuttass' eva atthassa anuvannaṇanattāṇ vuttesu gāthā-bandhesu: anugacchati 'ti *anugacchamānā*. *Satī* 'ti ajjhata-bahiddhā vikkhepahetubhūtā sati. Vikkhipati anena cittan 'ti vikkhepo. Ko so? Assāso. So ajjhataṇ vikkhepo ajjhattavikkhepo. Tassa ākaṅkhanā *ajjhattavikkhepākaṅkhanā*.<sup>\*</sup> Asammāmanasikāravasena ajjhattavikkhepakassa assāsassa ākaṅkhanā 'ti vuttaṇ hoti. Eten' eva nayena *bahiddhā vikkhepapatthanā* veditabbā. *Yehī* 'ti yehi upakilesehi. *Vikkhepamānassā* 'ti vikkhepiyamānassa,<sup>1</sup> vikkhepaṇ āpādiyamānassa. *No ca cittaṇ vimuccatī* 'ti cittaṇ assāsārammaṇe ca nādhimuccati, paccanikadhamme hi ca na vimuccati. "Cittaṇ no ca vimuccati parapattiyā ca hontī" 'ti sambandho. *Vimokkhaṇ appajānantā* 'ti so vā añño vā ārammaṇavimuttivimokkhaṇ ca vipaccanikavimuttivimokkhaṇ<sup>2</sup> ca evaṇ appajānantā. *Parapattiyā* 'ti parapaccayaṇ,<sup>3</sup> parasaddahaṇaṇ<sup>4</sup> arahanti, na attappaccakkaṇ ṇāṇan 'ti. "Parappaccayikā" 'ti vattabbe parapattiyā 'ti vuttaṇ. Attho pana so yeva.

6. Dutiyacchakke, *nimittan* 'ti assāsapassāsānaṇ phussanattāṇaṇ. Assāsapassāsā hi dighanāsikassa nāsaputaṇ ghaṭṭento pavattanti, rassanāsikassa uttarotṭhaṇ. Yadi hi ayaṇ yogī taṇ nimittam eva āvajjati; tassa nimittam eva āvajjamānassa *assāse cittaṇ vikampati*, na patitṭhāti 'ti attho. Tassa tasmiṇ citte appatitṭhite samādhissa abhāvato taṇ vikampanaṇ *samādhissa paripantho*. Yadi *assāsam* eva āvajjati tassa *cittaṇ* abbhantarapavesanavasena vikkhepaṇ āvahati, nimitte na patitṭhāti; tasmā *nimitte vikampati*. Iminā nayena sesesu 'pi yojanā kātabbā.

[165] Gāthāsu: *vikkhipate*<sup>5</sup> 'ti vikkhepiyati vikkhepaṇ āpādiyati.

\* So correct in the Text.

<sup>1</sup> SH, SM vikkhipiya-.

<sup>2</sup> SH paccanika-.

<sup>3</sup> B apappaccayaṇ.

<sup>4</sup> SH v.l. parasaddagahaṇaṇ.

<sup>5</sup> SH, SM -ppate.

7. Tatiyacchakke *atītānudhāvanāṇaṇ cittaṇ* 'ti phusanatthānaṇ atikkamitvā gataṇ, assāsaṇ vā passāsaṇ vā anugacchamānaṇ cittaṇ. *Vikkhepānupatitaṇ* 'ti vikkhepena anugataṇ, vikkhepaṇ vā sayāṇ anupatitaṇ anugataṇ. *Anāgatapaṭikankhanaṇ cittaṇ* 'ti phusanatthānaṇ appattaṇ assāsaṇ vā passāsaṇ vā paṭikankhamānaṇ paccāsīṇsamānaṇ cittaṇ. *Vikkhepitaṇ*<sup>1</sup> 'ti tasmiṇ appatitthānen' eva vikkhepena vikampitaṇ. *Līnaṇ* 'ti atisithilaviriyādīhi saṅkucitaṇ. *Kosajjānupatitaṇ* 'ti kusitabhāvānugataṇ. *Atipaggahitaṇ* 'ti accāradhāviriyaṭādī hi ati-ussāhitaṇ.<sup>2</sup> *Uddhaccānupatitaṇ* 'ti vikkhepānugataṇ. *Abhinātaṇ* 'ti assāsavatthūsu bhusaṇ nataṇ allīnaṇ. Apanatan 'ti nirassādāvatthūsu patihataṇ, tato apagataṇ vā apagatanataṇ va. Na tato apagatan 'ti attho. *Rāgānupatitaṇ* 'ti ettha assāsapassāsanimittaṇ<sup>3</sup> manasikaroto uppannapītisukhe vā, pubbe hasita-lapita-kīḷitavatthūsu vā rāgo anupatati. *Byāpādānupatitaṇ* 'ti ettha manasikāre nirassāda-gatacittassa uppannadomanassavasena vā, pubbe samudāciñṇesu āghātavatthūsu vā, byāpādo anupatati.

Gāthāsu: *na samādhīyaṭi* 'ti na samāhitaṇ hoti. *Adhicittaṇ* 'ti cittasīseṇa niddittho adhiko samādhi.

8. Ettāvatā tihi chakkehi atthārasa upakkilese niddisitvā, idāni tesāṇ upakkilesānaṇ samādhissa paripanthabhāvasā-dhanena ādīnavaṇ dassento puna *assāsādimajjhapariyosānaṇ* 'ti ādim āha. Tattha: *Kāyo pi cittaṇ* 'pi sāraddhā ca<sup>4</sup> hontī 'ti vikkhepasamuṭṭhānarūpānaṇ vasena rūpakāyo 'pi vikkhepasantativasena cittaṇ 'pi mahatā khobhena khubhitā sadārathā ca<sup>4</sup> hontī. Tato mandatarena *iñjītā* kampitā; tato mandatarena *phanditā* calitā hontī. Balavā<sup>5</sup> 'pi,<sup>4</sup> majjhimo 'pi, mando 'pi khobho hoti yeva, na sakkā khobhena na bhāvitun 'ti vuttaṇ hoti. [166] *Cittaṇ vikampitattā* 'ti cittassa vikampitattā.

<sup>1</sup> *Text* Vikkhambhitaṇ; SH vikampitaṇ.

<sup>2</sup> SH ussāpitaṇ.

<sup>4</sup> B, SM *omit*.

<sup>3</sup> B -passāsāni.

<sup>5</sup> SM Phalavā.

Gāthāsu: *paripunnā*<sup>1</sup> *abhāvitā* 'ti yathā paripunnā hoti tathā abhāvitā. *Iñjito* 'ti kampito. *Phandito* 'ti mandakampito. Heṭṭhā nīvaraṇānaṃ anantarattā, *imehi ca pana nīvaraṇehi*\* 'ti accantasamīpanidassanavacanaṃ kataṃ. Idha pana nigamane nīvaraṇānaṃ santarattā, *tehi ca pana nīvaraṇehi* 'ti parammukha-nidassanavacanaṃ kataṃ.

Upakkilesañña-Niddesa-Vaṇṇanā Niṭṭhitā.

9. *Vodāne nāṇānī* 'ti visuddhañāṇāni. *Taṃ vivajjayitvā* 'ti yaṃ pubbe vuttaṃ atītānuddhāvanaṃ cittaṃ vikkhepānupatitaṃ taṃ vivajjayitvā 'ti sambandhitabbaṃ. *Ekattāhāne samāda-hatī* 'ti assāsapassāsānaṃ phusanattāhāne samaṃ ādahati patiṭṭhāpeti. [167] *Tatth' eva adhimocetī* 'ti ekattāhāne 'ti vutte assāsapassāsānaṃ phusanattāhāne yeva sannitṭhāpeti sannitṭhānaṃ karoti. *Paggāṇhitvā* 'ti dhammavicaya-pī-tisambojjhaṅgabhāvanāya paggaḥetvā. *Viniggaṇhitvā* 'ti passaddhi-samādhī-upekkhāsambojjhaṅgabhāvanāya vini-ggaṇhitvā; satindriya-viriyindriyehi paggaḥetvā; satindriya-samādhindriyehi viniggaḥetvā 'ti pi vadanti. *Sampajāno hutvā* 'ti asubhabhāvanādīhi. Puna *sampajāno hutvā* 'ti mettābhāvanādīhi. Yena rāgena anupatitaṃ, yena byāpādena anupatitaṃ taṃ *pajahatī* 'ti sambandho. Taṃ cittaṃ idisan 'ti sampajānanto tappatipakkhena rāgaṃ pajahati, byāpādaṃ pajahati 'ti vā attho. *Parisuddhan* 'ti nirupakkilesānaṃ. *Pariyodātan* 'ti pabhassaraṃ. *Ekattagataṃ hotī* 'ti taṃ taṃ visesaṃ pattassa taṃ taṃ ekattaṃ gataṃ hoti.

10. *Katame te ekattā* 'ti idha yujjamāne pi ekatte ekato katvā pucchati. *Dānūpasagg-upatṭhān-ekattan* 'ti dānavatthu-saṅkhātassa dānassa upasaggo vossajjanaṃ dānūpasaggo, dānavatthupariccāgacetanā; tassa upatṭhānaṃ ārammaṇakaraṇavasena upagantvā tṭhānaṃ dānūpasagg-upatṭhānaṃ; tad' eva ekattaṃ, tena vā ekattaṃ ekaggabhāvo dānūpasagg-upatṭhān-ekattaṃ. (Dānavossagg-upatṭhān-ekattan<sup>2</sup> 'ti

\* Text page 163, last line.

<sup>1</sup> Text अपरि-. SH paripunnāṃ.

<sup>2</sup> So in the Text.

pāṭho sundarataro; so ev' attho.) Etena paduddhāravasena<sup>1</sup> cāgānussatisamādhi vutto. Paduddhāravasena<sup>1</sup> vutto 'pi c' esa, itaresaṇ tiṇṇam 'pi ekattānaṇ upanissayapaccayo hoti. Tasmā idha niddiṭṭhan 'ti vadanti.

Visākhā 'pi hi mahā-upāsikā āha: 'Idha bhante, disāsu vassaṇ vutthā bhikkhū Sāvattiṇ āgacchissanti Bhagavantaṇ dassanāya; te Bhagavantaṇ upasaṅkamitvā pucchissanti, "Itthannāmo bhante bhikkhu kālakato<sup>2</sup>; tassa kā gati? ko abhisamparāyo?" 'ti. Taṇ Bhagavā byākarissati sotā-pattiphale vā, sakadāgāmiphale vā, anāgāmiphale vā, arahatte vā. Ty-āhaṇ upasaṅkamitvā pucchissāmi, "Āgata-pubbā nu kho bhante tena ayyena Sāvatti?" 'ti. Sace me vakkhanti, "Āgata-pubbā tena bhikkhunā Sāvatti" 'ti; niṭṭham ettha gacchissāmi; nissaṇsayaṇ kho paribhuttaṇ tena ayyena vassikasāṭhikā vā, āgantukabhattaṇ vā, gāmikabhattaṇ vā, gilānabhattaṇ vā, gilānupaṭṭhākabhattaṇ vā, gilānabhesajjaṇ vā, dhuvayāgū vā 'ti. Tassā me tad anussarantiyā pāmojjaṇ<sup>3</sup> jāyissati, pamuditāya pīti jāyissati; pīṭimanāya kāyo passambhissati, passaddhakāyā sukhaṇ veditissāmi, sukhiniyā cittaṇ samādhiyissati. Sā me bhavissati indriyabhāvanā, balabhāvanā, bojjhaṅgabhāvanā 'ti.

Atha vā ekattesu, paṭhamāṇ upacārasamādhivasena vuttaṇ, dutiyaṇ appanāsamādhivasena, tatiyaṇ vipassanāvasena, catutthaṇ magga-phalavasena 'ti veditabbaṇ.

Samathassa nimittaṇ samathanimittaṇ. Vayo bhaṅgo eva lakkhaṇaṇ vāyalakkhaṇaṇ. Nirodho nibbāṇaṇ. Sesam etesu tisu vuttanayen' eva yojetabbaṇ. Cāgādhiṃmittānaṇ 'ti dāne adhimuttānaṇ. Adhicittaṇ 'ti vipassanāpādakasamādhi. Vipassakānaṇ 'ti bhaṅgānupassanato paṭṭhāya tīhi anupassanāhi saṅkhāre vipassantānaṇ. Ariyapuggalānaṇ 'ti aṭṭhanāṇ. Dutiyādini tīni ekattāni ānāpānassativasena sesakammatṭhānavasena ca yujjanti. Catūhi tṭhānehī 'ti catūhi kāraṇehi. Samādhi-vipassanā-magga-phalānaṇ vasena eka-

<sup>1</sup> SH saddhu-.<sup>2</sup> SH kālakato.<sup>3</sup> SH pāmujaṇ.

*ttagataṇ cittaṇ paṭipadāvisuddhipakkhandañ<sup>1</sup> c' eva hoti upekkhānubrūhitañ ca ñāṇena ca sampahaṇsitaṇ 'ti uddesapadāni.*

11. *Paṭhamassa jhānassa ko ādī 'ti ādīni tesaṇ uddesapadānaṇ vitthāretukāmatā-pucchā-pubbaṅgamāni niddesapadāni.*

12. *Tattha: Paṭipadāvisuddhipakkhandan 'ti paṭipadā eva nīvaraṇamalavisodhanato visuddhi, taṇ paṭipadāvisuddhiṇ pakkhandan paviṭṭhaṇ. Upekkhānubrūhitaṇ 'ti tatramajjhātupekkhāya brūhitaṇ vadḍhitaṇ. Ñāṇena sampahaṇsitaṇ 'ti pariyodāpakena ñāṇena sampahaṇsitaṇ pariyodāpitaṇ visodhitaṇ. (Paṭipadāvisuddhi nāma sasambhāriko upacāro, upekkhānubrūhanā nāma appaṇā, sampahaṇsanā nāma paccavekkhanā 'ti evam eke vaṇṇayanti.) Yasmā pana ekattagataṇ cittaṇ paṭipadāvisuddhipakkhandañ c' eva hotī 'ti ādī vuttaṇ, tasmā anto-appaṇāyam eva āgamanavasena paṭipadāvisuddhi. Tatramajjhātupekkhāya kiccavasena upekkhānubrūhanā, dhammānaṇ anativattanādi-bhāvasādhanaṇa pariyodāpakassa ñāṇassa kiccaṇipphattivasena<sup>2</sup> sampahaṇsanā veditabbā.*

*Kathaṇ? Yasmiṇ hi samaye<sup>3</sup> appaṇā uppajjati tasmiṇ yo nīvaraṇa-saṅkhāto kilesagaṇo tassa jhānassa pariṇantho tato cittaṇ visujjhati, visuddhattā āvaraṇavirahitaṇ hutvā, majjhimaṇ samathanimittaṇ paṭipajjati. Majjhimaṇ samathanimittaṇ nāma samappavatto appaṇāsamādhī yeva. Tadanantaraṇ pana purimacittaṇ ekasantatipariṇāmanayena tathattaṇ upagacchamānaṇ majjhimasamathanimittaṇ paṭipajjati nāma. Evaṇ paṭipannattā tathattūpagamanena tattha pakkhandati nāma.*

[168] 13. *Evaṇ tāva purimacitte vijjāmānākāraṇipphādikā paṭhamassa jhānassa uppādakkaṇe yeva āgamanavasena*

<sup>1</sup> *Text* -pasannañ; SH, SM -pakkhannañ (*throughout*).

<sup>2</sup> B -nibbatti-.

<sup>3</sup> SH vāre.

paṭipadāvisuddhi veditabbā. Evaṃ visuddhassa pana tassa puna visodhetabbābhāvato visodhane byāpāraṃ<sup>1</sup> akaronto *visuddhaṃ cittaṃ ajjhupekkhati* nāma. Samathabhāvūpaga-manena samathapaṭipannassa puna samādhāne<sup>2</sup> byāpāraṃ akaronto ca *samathapaṭipannaṃ ajjhupekkhati* nāma. Samathapaṭipannabhāvato eva c' assa kilesasaṃsaggaṃ pahāya ekattena upatṭhitassa puna ekattupatṭhāne byāpāraṃ akaronto *ekattupatṭhānaṃ ajjhupekkhati* nāma. Evaṃ tatramajjhattupekkhāya kiccavasena *upekkhānubrūhanā* veditabbā.

14-16. Ye pan' ete evaṃ upekkhānubrūhite tattha jātā samādhipaññā-saṅkhātā yuganandhadhammā aññamaññaṃ anatikkamamānā<sup>3</sup> hutvā pavattā, yāni ca saddhādīni indriyāni nānakilesehi vimuttattā vimuttirasena ekarasāni hutvā pavattāni, yaṃ c' esa tadupagaṃ tesaṃ anativattana-ekarasa-bhāvaṃ anucchavikaṃ viriyaṃ vāhayati, yā c' assa tasmiṃ khāne pavattā āsevanā, sabbe 'pi te ākāra yasmā ñāṇena saṅkilesa-vodānesu taṃ taṃ ādīnavaṃ ca ānisaṃsaṃ<sup>4</sup> ca disvā tathā tathā sampahaṃsitattā nipphannā, tasmā dhammānaṃ anativattanādibhāvasādhanaena<sup>5</sup> pariyodāpakassa ñāṇassa kiccanipphattivasena sampahaṃsanā veditabbā 'ti vuttaṃ.

Tattha yasmā upekkhāvasena ñāṇaṃ pākataṃ hoti; yath' āha: "Tathā paggaḥitaṃ cittaṃ sādhukaṃ ajjhupekkhati upekkhāvasena, paññāvasena paññindriyaṃ adhimattaṃ hoti upekkhāvasena, nānattakilesehi cittaṃ vimuccati vimokkhavasena, paññāvasena paññindriyaṃ adhimattaṃ hoti, vimuttattā te dhammā ekarasā honti, ekarasatṭhena bhāvaṃ" 'ti. Tasmā ñāṇakiccabhūtā *sampahaṃsanā pariyo-sānan* 'ti vuttā.

*Evaṃ tivattagataṃ* 'ti ādīni tass' eva cittassa thomanavacanāni. Tattha: Evaṃ tivattagataṃ 'ti evaṃ yathāvuttena vidhinā paṭipadāvisuddhipakkhandana - upekkhānubrūhanā - ñāṇa-sampahaṃsanāvasena tividhabhāvaṃ gataṃ. *Vitakka-*

<sup>1</sup> SH *v.l.*; SM byāpādaṃ.

<sup>2</sup> B samādhāne.

<sup>3</sup> SH, SM anativattamānā.

<sup>4</sup> SH *omits.*

<sup>5</sup> SH anuvattanā.

*sampannan* 'ti kilesakkhobhavirahitattā vitakkena sundara-bhāvaṇ paññaṇ gataṇ. *Cittassa adhiṭṭhānasampannan* 'ti tasmiṇ yeva ārammaṇe cittassa nirantarappavatti-saṅkhātena adhiṭṭhānena sampannaṇ anūnaṇ yathā adhiṭṭhānavasiyaṇ adhiṭṭhānan 'ti jhānappavatti, tathā idhā pi cittassa adhiṭṭhānan 'ti cittekaggatā 'pi yujjati. Tena hi ekasmiṇ yeva ārammaṇe cittaṇ adhiṭṭhāti, na ettha vikkhippatī 'ti. *Samādhisampannan* 'ti visuṇ vuttattā pana vuttanayen' eva gahetabbaṇ.

Athavā samādhiss' eva jhānaṅgasāṅgahitattā cittassa adhiṭṭhānasampannan 'ti jhānaṅgapañcakavasena vuttaṇ. *Samādhisampannan* 'ti indriyaṅgahitattā indriyapañcaka-vasena. Dutiyajjhānādīsu pana alabbhamānā 'ti padāni pahāya labbhamānakavasena *pīlisampannan* 'ti ādi vuttaṇ.

[169] 17-20. *Aniccānupassanādīsu* aṭṭhārasasu mahāvīpa-ssanāsu vitakkādayo paripunnā yeva. Tasaṇ kāmāvaca-rattā, etāsu ca appaṇāya abhāvato. *Paṭipadāvisuddhi-*ādayo khaṇikasamādhivasena yojetabbā. Catūsu maggesu paṭha-majjhānikavasena vitakkādīnaṇ labbhanato labbhamānaka-vasen' eva vitakkādayo paripunnā vuttā. Dutiyajjhānikā-dīsu hi maggesu vitakkādayo jhānesu viya parihāyanti 'ti.

Ettāvatā terassa vodānaññānāni vitthārato niddiṭṭhāni honti. Kathaṇ? Ekaṭṭhāne samādahanena, tatth' eva adhimuccanena, kosajjapajahanena, uddhaccapajahanena, rā-gapajahanena, byāpādapajahanena sampayuttāni cha ñāṇāni ca; catūhi ekattehi sampayuttāni cattāri ñāṇāni; paṭipadā-visuddhi-upekkhānubrūhanā-sampahaṇsaṇābhisaṇṇasampayuttāni tiṇi ñāṇāni 'ti. Evaṇ terasa ñāṇāni niddiṭṭhāni.

[170] 21. Evaṇ sante 'pi ānāpānasatisamādhi-bhāvanāva-sena tesāṇ nipphattiṇ dassetukāmo tāni ñāṇāni anigametvā 'va *Nimittaṇ assāsapassāsā* 'ti ādinā nayena codanāpubbaṅ-gamaṇ ānāpānasatisamādhi-bhāvanāvīdhiṇ dassetvā ante tāni ñāṇāni nigametvā dassesi. Tattha: nimittaṇ vuttam eva. *Anārammaṇā-m-ekacittassā* 'ti anārammaṇā ekacittassa.



Ma kāro pan' ettha padasandhikaro. ("Anārammaṇam ekacittassa" 'ti 'pi pāṭho. Ekassa cittassa ārammaṇaṇa bhavanti 'ti attho). *Tayo dhamme* 'ti nimittādayo tayo dhamme. *Bhāvanā* 'ti ānāpānasatisamādhī bhāvanā.

[171] 22. *Kathaṇ* 'ti paṭhamāṇaṇa vuttāya codanāgāthāya, anantaraṇa vuttāya parihāragāthāya atthaṇa kathetukamyatā-pucchā. *Na c' ime* 'ti na ca ime. ("Na ca 'me" 'ti 'pi pāṭho. So yeva padacchedo.) *Kathaṇ na ca aviditā honti?* *Kathaṇ na ca cittaṇa vikkhepaṇa gacchati?* 'ti evaṇa kathaṇa saddo sesehi 'pi pañcahi yojetabbo. *Padhānaṇa paññāyati* 'ti ānāpānasatisamādhī-bhāvanārambhakaṇa viriyaṇa sandissati. Viriyaṇa hi padahanti tenā 'ti padhānaṇa 'ti vuccati. *Payogaṇa ca sādheti* 'ti nīvaraṇavikkhambhakaṇa jhānaṇa ca yogi<sup>1</sup> nippādeti. Jhānaṇa hi nīvaraṇavikkhambhaṇāya payuñjīyati 'ti payogo 'ti vuttaṇa. *Visesaṇa adhigacchati* 'ti saṇyojanappahānakaṇa maggaṇa ca paṭilabhati. Maggo hi samathavipassanānaṇa ānisaṇsattā viseso 'ti vutto. Visesassa ca pamukhabhūtatā ca-kārena samuccayo na kato.

Idāni taṇa pucchitam atthaṇa upamāya sādiento *Seyyathā 'pi rukkho* 'ti ādim āha. 'Tass' attho: yathā nāma kakacena phālanatthaṇa vāsiyā tacchitvā rukkho phālanakāle niccala-bhāvatthaṇa *same bhūmi*-ppadese payogakkhamaṇa katvā ṭhapito. *Kakacena* 'ti hatthakakacena. *Āgate* 'ti rukkhaṇa phusitvā attano samīpabhāgaṇa āgate. *Gate* 'ti rukkhaṇa phusitvā parabhāgaṇa<sup>2</sup> gate. *Vā*-saddo samuccayattho. *Na aviditā honti* 'ti rukkhe kakacadantehi phutṭhaṇa purisena pekkhamānaṇa ṭhānaṇa appatvā tesaṇa āgamaṇa-gamaṇābhāvato sabbe 'pi kakacadantā veditā 'va honti. *Padhānaṇa* 'ti rukkhacchedanakiriyaṇa. *Visesaṇa adhigacchati* 'ti vacanaṇa upamāya n' atthi.\* *Upanibandhanānimittan* 'ti upanibandhanāya satiyā nimittabhūtaṇa kāraṇabhūtaṇa nāsikaggaṇa vā, mukhanimittaṇa vā. Upanibandhati etāya ārammaṇe

\* This justifies the omission mentioned in footnote 2 of the Text.

<sup>1</sup> SH v.l. yo hi.

<sup>2</sup> SH v.l.; SM -bhāvaṇa.

cittan 'ti upanibandhanā nāma, sati. *Nāsikagge vā* 'ti dīghanāsiko nāsikagge, *mukhanimutte vā* 'ti rassanāsiko uttarotṭhe. Uttaroṭṭho hi mukhe satiyā nimittan 'ti mukha-nimittan 'ti vutto. *Āgate* 'ti phutṭhaṭṭhānato abbhantarāṇaṇ āgate. *Gate* 'ti phutṭhaṭṭhānato bahiddhā gate. *Na aviditā hontī* 'ti phusanatṭhānaṇ appatvā assāsapassāsānaṇ āgamana-gamanābhāvato sabbe 'pi te viditā eva honti.

23. Kammanīyaṇ hotī 'ti yena viriyena *kāyo* 'pi *cittam* 'pi *kammanīyaṇ* bhāvanākammakkhamaṇ bhāvanākammayoggaṇ *hotī*, *idaṇ* viriyaṇ *padhānaṇ* nāmā 'ti phalena kāraṇaṇ vuttaṇ *hoti*. *Upakkilesā pahīyanti* 'ti vikkhambhanavasena nīvaraṇāni pahīyanti. *Vitakkā vūpasammanti* 'ti nānārammaṇa-carino anavatṭhitā vitakkā vūpasamaṇ gacchanti. Yena jhānena upakkilesā pahīyanti, vitakkā vūpasammanti *ayaṇ payogo* 'ti payogam apekkhitvā pullīṇaṇiddeso kato. *Sanjyojanā pahīyanti* 'ti tan tam maggavajjhā saṇjyojanā samuccedappahāṇena pahīyanti. *Anusayā byantīhonti* 'ti pahīnānaṇ puna anuppattidhammakattā vigato uppādanto vā, vayanto etesan 'ti byantā. Pubbe abyantā<sup>1</sup> byantā hontī 'ti byantīhonti; vinassanti 'ti attho. Saṇjyojanappahāṇaṇ anusayappahāṇena hoti, na aññathā 'ti dassanattthaṇ anusa-yappahāṇam āha. Yena maggena saṇjyojanā pahīyanti, anusayā byantīhonti, *ayaṇ viseso* 'ti attho.

Catutthacatukke ariyamaggassā-pi niddiṭṭhattā idha ariya-maggo vutto. Ekacittassa ārammaṇadvayābhāvassa avutte 'pi siddhattā taṇ avissajjetvā 'va *Evaṇ ime tayo dhammā ekacittassa ārammaṇā na* [172] *hontī* 'ti nigamaṇaṇ kataṇ.

24. Idāni taṇ bhāvanāsiddhisādhakaṇ yogāvacaraṇ thu-nanto *Anāpānasatī yassā* 'ti gāthaṇ vatvā tassā niddesam āha. Tattha ānāpānasatiyo *yathā Buddhena desitā* tathā *paripurṇā subhāvitā anupubbaṇ paricūtā yassa* atthi saṇvi-jjati, *so imaṇ lokaṇ pabhāseti*. Kiṇ viya? *Abbhā mutto* 'va *candimā*. Yathā abbhādihi mutto candimā imaṇ okāsalo-kaṇ<sup>2</sup> pabhāseti, tathā so yogāvacaro imaṇ khandhādilokaṇ

<sup>1</sup> SH *v.l.*; SM abyanti.<sup>2</sup> SH *v.l.* obhāsa-.

pabhāseti 'ti gathāya sambandho. Abbhā mutto 'va candimā 'ti ca padassa niddese mahikādīnam 'pi vuttattā ettha ādi-saddalopo kato 'ti veditabbo. Gathāniddese no passāso . . . . no assāso 'ti so yeva attho, paṭisedhena vise-setvā vutto. *Upaṭṭhānaṇ satī* 'ti asammussanatāya tam eva assāsaṇ upagantvā ṭhānaṇ sati nāmā 'ti attho. Tathā<sup>1</sup> passāsaṇ. Ettāvatā ānāpānesu sati ānāpānasatī 'ti attho, vutto hotī.

Idāni sativasen' eva *Yassā* 'ti vuttaṇ puggalaṇ niddisitu-kāmo *Yo assasati tass' upaṭṭhātī, yo passasati tass' upaṭṭhātī* 'ti vuttaṇ. *Yo assasati tassa sati assāsaṇ upagantvā tiṭṭhati, yo passasati tassa sati passāsaṇ upagantvā tiṭṭhati* 'ti attho. *Paripunnā* 'ti jhāna-vipassanā-maggaparamparāya arahatta-magguṇṇā paripunnā. Te yeva hi jhāna-vipassanā-magga-dhamme sandhāya pariggahatṭhenā 'ti ādim āha. Te hi dhammā iminā yoginā pariggayhamānattā pariggahā, tena *pariggahatṭhena paripunnā*. Tattha sabbesaṇ cittace-tasikānaṇ aññaṇaṇ parivārattā *parivārattṭhena paripunnā*. Bhāvanāparipūrivāsena *paripūrattṭhena paripunnā*.

Catasso bhāvanā 'ti ādini *subhāvitā* 'ti vuttapadassa atthavasena vuttāni. *Catasso bhāvanā* hetṭha vuttā yeva. *Yānīkatā* 'ti yuttayānasadisā katā. *Vatthukatā* 'ti patiṭṭhatṭhena vatthusadisā katā. *Anutṭhitā* 'ti paccupaṭṭhitā. *Paricitā* 'ti samantato citā upacitā. *Susamāraddhā* 'ti suṭṭhu samāraddhā sukatā.

25. *Yattha yattha ākaṅkhatī* 'ti yesu yesu jhānesu, yāsu yāsu vipassanāsu sace icchatī; *tattha tatthā* 'ti tesu tesu jhānesu, tāsu tāsu vipassanāsu. *Vasippatto* 'ti vasībhāvaṇ bahubhāvaṇ patto. *Bala<sup>2</sup>-ppatto* 'ti samathavipassanā bala<sup>2</sup>-ppatto. *Vesārajappatto* 'ti visāradabhāvaṇ pākātabhāvaṇ patto. *Te dhammā* 'ti samathavipassanādhammā. *Āvajjanapātibaddhā* 'ti āvajjanāyattā. *Āvajjitamatte* yeva tassa santānena ñāṇena vā sampayogaṇ gacchantī 'ti attho. *Ākaṅ-*

<sup>1</sup> SH v.l.; SM Tato.

<sup>2</sup> SH v.l. phala-.

*khanapaṭibaddhā*<sup>1</sup> 'ti ruci-āyattā; rocitamatte yeva vuttanayena sampayogaṇ gacchanti 'ti attho. *Manasikāro* pan' ettha āvajjanāya *cittuppādo*, ākaṇṭhanāya vevacanavasena atthavivaraṇatthaṇ vutto. *Tena vuccati yānīkatā* 'ti evaṇ katattā yeva te yuttayānasadisā katā honti 'ti vuttaṇ hoti.

*Yasmiṇ yasmiṇ vatthusmin* 'ti soḷasavatthūsu ekekasmiṇ. *Svādhiṭṭhitā* 'ti suppatiṭṭhitaṇ. *Supatṭhitā* 'ti suṭṭhu upaṭṭhitā. Sampayuttacitta-satīnaṇ sah' eva sakasakakicca-karaṇato anulomapaṭilomavasena yojetvā te dve dhammā dassitā. *Tena vuccati vatthukatā* 'ti evaṇ-bhūtattā yeva katapatiṭṭhā honti 'ti vuttaṇ hoti.

*Yena yena cittaṇ abhinīharatī* 'ti pubbapavattito apānetvā yattha yattha bhāvanāvisese cittaṇ upaneti. *Tena tena sati anuparivattatī* 'ti tasmiṇ tasmiṇ yeva bhāvanāvisese sati anukūlā hutvā pubbapavattito nivattitvā pavattati. *Yena . . . tenā* 'ti c' ettha "Yena Bhagavā ten' upasaṅkamī" 'ti ādisu viya bhummatthe veditabbo. *Tena vuccati anuṭṭhitā* 'ti evaṇ-karaṇato yeva taṇ taṇ bhāvanaṇ anugantvā ṭhitā honti 'ti vuttaṇ hoti.

Ānāpānasatiyā satipadhānattā<sup>2</sup> vatthukatānuṭṭhita-padesu satiya sāha yojanā katā 'ti veditabba. *Yasmā pana paripunnā* yeva paribhāvitā honti vadḍhitā laddhā sevanā, tasmā paripunnā 'ti pade vuttā tayo atthā *paricīṭā* 'ti pade 'pi vuttā. Catuttho visesattho 'pi vutto. Tattha: *satiyā pariggaṇhanto* 'ti sampayuttāya, pubbabhāgāya vā, satiya pariggaṇhetabbe pariggaṇhanto yogī. [173] *Jināti pāpake akusale dhamme* 'ti samucchadavasena lāmake kilese jināti abhiḥhavati; ayaṇ ca puggalādhīṭṭhānā dhammadesanā. Dhammesu hi jinantesu taṇ dhammasamaṅgi-puggalo 'pi jināti nāma. Te ca dhammā satīṇ avihāya attano pavattikkhaṇe jinitum āradḍhā jītā 'ti vuccanti, yathā bhuñjitum āradḍho bhutto 'ti vuccati. Lakkhaṇam pan' ettha saddasatthato veditabbaṇ. Evaṇ sante 'pi parijitā 'ti vattabbe ja-kārassa ca-kāraṇ

<sup>1</sup> Text -ppaṭibandhā.<sup>2</sup> SH v.l.; SM -paṭṭhānattā.

katvā *paricitā* 'ti vuttaṇ. Yathā: sammā gado assā 'ti Sugato 'ti atthavikappe da-kārassa ta-kāro niruttilakkhaṇena kato, evam idhā-pi veditabbo. Imasmiṇ atthavikappe *paricitā* 'ti padaṇ kattusādhanāṇ, Purimāni tīṇi kamma-sādhanāni.

*Cattāro susamāraddhā* 'ti cattāro susamāraddhatthā 'ti vuttaṇ hoti. Attha-saddassa lopo daṭṭhabbo. *Susamāraddhā* 'ti padassa atthā 'pi hi idha susamāraddhā 'ti vuttā 'ti veditabbā, *susamā āraddhadhammā* vā. Catur-atthabhedato cattāro vuttā 'ti veditabbā, dhammabhedato. Yasmā pana subhāvitā yeva *susamāraddhā* honti, na aññe; tasmā tayo bhāvanatthā\* idhā-pi vuttā. Āsevanattho 'pi tīsu vuttesu vutto yeva hoti, tasmā taṇ avatvā tappaccanikānaṇ samūhatattho vutto. Paccanikasamugghātena hi āraddhapariyosānaṇ paññāyati. Tena *susamāraddhassa* sikhāppatto attho vutto hoti. Tattha: *Tappaccanikānan* 'ti tesāṇ jhānavipassanāmaggānaṇ paṭipakkhabhūtānaṇ. *Kilesānan* 'ti kāmaccandādīnaṇ niccasaññādisampayuttānaṇ sakkāyaditṭhādīnaṇ ca. *Susamūhatattā* 'ti vikkhambhāṇa-tadaṅgasamucchedavasena suṭṭhu samūhatattā nāsitattā. (Potthakesu pana *susamugghātattā*† 'ti likhanti, taṇ na sundaraṇ.)

Puna tass' eva padassa aññam 'pi atthavikampaṇ dassento *susaman* 'ti adim āha. Tattha: *Tattha jātā* 'ti tasmiṇ sikhāppattabhāvanāvisese jātā. *Anavajjā* 'ti kilesānaṇ ārammaṇabhāvānupagamanena kilesadosavirahitā. *Kusalā* 'ti jāti-vasena kusalā. *Bodhipakkhiyā* 'ti bujjhanatṭhena bodhī 'ti laddhanāmassa ariyassa pakkhe bhavattā bodhipakkhiyā. Pakkhe bhavattā 'ti hi upakārabhāve ṭhitattā. Te ca: cattāro satipaṭṭhānā, cattāro sammappadhānā, cattāro iddhipādā, pañc' indriyāni, pañca balāni, satta bojjhaṅgā, ariyo atṭhaṅgiko maggo 'ti sattatiṇsa dhammā. *Idaṇ saman* 'ti idaṇ maggakkhaṇe dhammajātaṇ samucchedavasena kilese sameti vināseti 'ti samaṇ nāma.

\* See Text, p. 172, l. 14.

† So in Text.

*Nirodho nibbānan* 'ti dukkhanirodhattā nirodho. Vāna-saṅkhātāya taṇhāya abhāvā nibbānaṇ. *Idaṇ susaman* 'ti idaṇ nibbānaṇ sabbasaṅkhata-visamāpagatattā suṭṭhu saman 'ti susamaṇ nāma.<sup>1</sup> *Ñātan* 'ti bodhipakkhiya-saṅkhātāṇ samaṇ asammohato ñāṇena ñātaṇ. Nibbāna-saṅkhātāṇ susamaṇ ārammaṇato ñāṇena ñātaṇ. Tad eva dvayaṇ vā ten' eva cakkhunā viya<sup>2</sup> *dīṭṭhaṇ*. *Viditaṇ* 'ti tad eva dvayaṇ santāne uppādanena ārammaṇakaraṇena ca paṭiladdhaṇ. Ñātaṇ viya *paññāya sacchikataṇ phassitāṇ*<sup>3</sup> ca. *Asallīnaṇ*, *asammūṭṭhā*, *asāradddho*, *ekaggaṇ* 'ti purimapurimassa padassa atthappakāsaṇaṇ. Tattha: *Āradddhaṇ* 'ti paṭṭhapitaṇ. Asallīnan 'ti asaṅkucitaṇ. *Upaṭṭhitā* 'ti upagantvā ṭhitā. Asammūṭṭhā 'ti avinaṭṭhā. *Passaddho* 'ti nibbuto. *Asāradddho* 'ti niddaratho. *Samāhitaṇ* 'ti samaṇ<sup>1</sup> ṭhapitaṇ.<sup>4</sup> *Ekaggaṇ* 'ti avikkhittaṇ.

Cattāro susamāradddhā 'ti ādi sakalassa susamāradddha-vacanassa mūlattho, atthi saman 'ti ādi pana susama-vacanassa. Ñātan 'ti ādi āradddha-vacanassa vikappatthā. Tatthāyaṇ padatthasaṇsandanā: Samā ca susamā ca dhammā "samasusamā" 'ti vattabbe ekadesa-sarūpekasesaṇ katvā "susamā" icceva vuttā, yathā "Nāmaṇ ca rūpaṇ ca nāmarūpaṇ ca, nāmarūpan" 'ti. Idaṇ samaṇ, idaṇ susaman 'ti pana anaññāpekkhaṇ katvā napuṇsakavacanaṇ kataṇ. Ya-smā pana ñātam 'pi siddhaṇ 'ti vuccati, āradddhaṇ ca atthato ekaṇ, vidita-sacchikata-phassitāni pana ñāta-vevacanāni; tasmā ñātan 'ti āradddhattho yeva vutto hoti.

Āradddhaṇ hoti viriyaṇ asallīnan 'ti ayam pana araddha-vacanassa ujukattho yeva. Upaṭṭhitā satī 'ti ādīni pana sampayuttaviriyassa upakāradhamma dassanatthaṇ vuttāni, na āradddha-vacanassa atthadassanatthaṇ. Purimena atthena suṭṭhu samāradddhā 'ti susamāradddhā ca, iminā atthena susamā āradddhā 'ti susamāradddhā ca ekasese kate susamāradddhā 'ti vuccanti. Imam atthaṇ pariggahetvā *tena vuccati susamāradddhā* 'ti vuttaṇ.

<sup>1</sup> B omits.<sup>2</sup> SH 'pi.<sup>3</sup> B passitaṇ.<sup>4</sup> B samappitaṇ.



26. *Anupubban* 'ti yathākkamenā 'ti attho; pubbaṇ pubbaṇ anū 'ti vuttaṇ hoti. *Dīghaṇ assāsavasenā* 'ti dīghaṇ 'ti vutta-assāsavaseṇa. *Purimā purimā* 'ti purimā purimā sati, purimā<sup>1</sup> purimā<sup>1</sup> samādhī.<sup>1</sup> Etena pubbaṇ 'ti padassa attho vutto hoti. *Pacchimā pacchimā* 'ti sati yeve. Etena anū 'ti padassa attho vutto hoti. Ubhayaṇa pubbaṇ ca *anu* ca *paricīṭā* 'ti attho vutto hoti. Upari soḷasa vatthūni vitthāretvā vacanato idha saṅkhipitvā *paṭi-nissaggānupassī* 'ti antimam<sup>2</sup> eva dassitaṇ. Yasmā sikhāppattabhāvanassa sabbā 'pi ānāpānasatiyo punappunaṇ yathāruci pavattanato anuparicīṭā 'pi honti, tena vuttaṇ: *Aññamaññaṇ paricīṭā c' eva honti anuparicīṭā cā* 'ti.

27. Yathatthā 'ti yathāsabhāvatthā. *Attadamattho* 'ti arahattamaggakkhaṇe attano nibbisevanattho. *Samattho* 'ti sītibhāvattho. *Parinibbāṇattho* 'ti kilesaparinibbāṇena. *Abhiññattho* 'ti sabbadhammavasena. *Parīññatāṭṭhādayo* maggaññānakiccavasena. [174] *Saccābhisamayattho* catunnaṇ saccānaṇ ekapaṭivedhadassanavasena. *Nirodhe paṭiṭṭhāpa-kattho* ārammaṇakaraṇavasena.

28. *Buddho* 'ti padassa abhāve 'pi "Buddhenā" 'ti pade yo so buddho taṇ niddisitukāmena *Buddho* 'ti vuttaṇ. *Sa-yambhū* 'ti upadesaṇ vinā sayam eva bhūto. *Anācariyako* 'ti sayambhū-padassa atthavivaraṇaṇ. Yo hi ācariyaṇ vinā saccāni paṭivijjhati, so sayambhū nāma hoti. *Pubbe ananussutesū* 'ti ādi anācariyakabhāvassa atthappakāsaṇaṇ. *Ananussutesū* 'ti ācariyaṇ ananussutesu. *Sāman* 'ti sayam eva. *Abhisambujjhī* 'ti bhusaṇ sammā paṭivijjhi. *Tattha ca sabbaññutaṇ pāpuṇī* 'ti tesu ca saccesu sabbaññutabhāvaṇ pāpuṇī. Yathā saccāni paṭivijjhantā sabbaññuno honti, tathā saccānaṇ paṭividdhattā evaṇ vuttaṇ. (Sabbaññutaṇ patto 'ti 'pi pāṭho.) *Balesu ca vasībhāvan* 'ti dasasu ca tathāgatabalesu issarabhāvaṇ pāpuṇī. Yo so evambhūto so *Buddho* 'ti vuttaṇ hoti. Tattha sabbesu dhammesu appaṭihata - ñāṇanimitānuttara - vimokkhādighama - paribhāvitaṇ

<sup>1</sup> SH omits.<sup>2</sup> B antimapadaṇ.

khandhasantānaṃ upādāya paṇṇattiko, sabbaññutapada-  
tṭhānaṃ vā saccābhisambodhiṃ upādāya paṇṇattiko satta-  
viseso buddho. Ettāvatā atthato Buddha-vibhāvanā katā  
hoti.

Idāni byañjanato vibhāvanto *Buddho 'ti ken' atthena  
buddho ?* 'ti ādim āha. Tattha yathā loke avagantā<sup>1</sup> ava-  
gato<sup>1</sup> 'ti vuccati, evaṃ *bujjhita saccānī 'ti buddho* ; yathā  
paṇṇasosā vātā paṇṇasusā 'ti vuccanti evaṃ bodhetā pajāyā  
'ti buddho. *Sabbaññutāya buddho* 'ti sabbadhamma-bujjha-  
nasamatthāya buddhiyā *Buddho* 'ti vuttaṃ hoti. *Sabbada-  
ssāvītāya buddho* 'ti sabbadhammānaṃ nānacakkhunā diṭṭha-  
ttā *Buddho* 'ti vuttaṃ hoti. *Anaññaneyyatāya buddho* 'ti  
aññena abodhaniyato sayam eva buddhattā *Buddho* 'ti  
vuttaṃ hoti. *Visavītāya buddho* 'ti nānāguṇavisavanato<sup>2</sup>  
padumam iva visavanaṭṭhena<sup>3</sup> *Buddho* 'ti vuttaṃ hoti.  
*Khīṇāsava-saṅkhātēna buddho* 'ti ādihi chahi pariyāyehi citta-  
saṅkocakara-dhammappahāṇena niddākkhayavibuddho pu-  
riso viya sabbakilesa-niddākkhayavibuddhattā *Buddho* 'ti  
vuttaṃ hoti. Saṅkhā<sup>4</sup> Saṅkhāna<sup>5</sup> 'ti atthato ekattā *saṅkhā-  
tenā* 'ti vacanassa koṭṭhāsenā 'ti attho. Taṇhālepa-diṭṭhile-  
pābhāvena *nirūpalepa<sup>6</sup>-saṅkhātēna*. Savāsānaṃ sabbakile-  
sānaṃ pahīṇattā ekantavacanena visesetvā *ekantavītarāgo* 'ti  
ādi vuttaṃ. *Ekāyanikkilesa* 'ti rāgadosamohavisesehi sa-  
bbakilesehi nikkilesa. *Ekāyanamaggaṃ gato 'ti buddho* 'ti  
gamanatthānaṃ dhātūnaṃ bujjanatthattā, bujjanatthā 'pi  
dhātuyo gamanatthā honti tasmā, ekāyanamaggaṃ gatattā  
*Buddho* 'ti vuttaṃ hoti. *Ekāyanamaggo* 'ti c' ettha :

Maggo pantho patho pajjo  
Añjasaṃ vaṭumāyanaṃ,  
Nāvā uttarasetū ca  
Kullo ca bhīsi saṅkamo

<sup>1</sup> B āgantā āgato.<sup>2</sup> B -vikasanato; SM -viseṣaṇato.<sup>3</sup> B, SM vikasana-.<sup>4</sup> B saṅkhataṃ.<sup>5</sup> B Saṅkhātāna.<sup>6</sup> Text nirupadhi; B nilleparūpa.

'ti maggassa bahūsu nāmesu āyananāmena vutto. Tasmā ekamaggabhūto maggo, na dvedhāpathabhūto 'ti attho. Athavā ekena ayitabbo maggo 'ti ekāyanamaggo. Ekenā 'ti gaṇasaṅgaṇikaṇ pahāya pavivekena cittaena. Āyitabbo 'ti paṭipajjitabbo. Āyanti vā etenā 'ti āyano. Saṅsārato nibbāṇaṇ gacchanti 'ti attho. Ekesaṇ āyano Ekāyano. Eke 'ti seṭṭhā. Sabbasattaseṭṭhā<sup>1</sup> ca sammāsambuddhā.<sup>2</sup> Tasmā ekāyanamaggo 'ti sammāsambuddhāṇaṇ āyanabhūto maggo 'ti vuttaṇ hoti. Āyati 'ti vā āyano, gacchati pavattati attho. Ekasmiṇ āyano maggo 'ti Ekāyanamaggo. Ekasmiṇ yeva Buddhasāsane pavattamāno maggo, na aññattā 'ti vuttaṇ hoti. Api ca ekaṇ āyati 'ti ekāyano; pubba-bhāge nānāmukhabhāvanānaya-ppavatto, aparabhāge ekaṇ nibbāṇam eva gacchati 'ti vuttaṇ hoti. Tasmā Ekāyana-maggo 'ti ekanibbānagamanamaggo 'ti attho.

*Eko anuttaraṇ sammāsambodhiṇ abhisambuddho 'ti Buddho* 'ti na parehi buddhattā<sup>3</sup> buddho, kiṇ pana sayam eva anuttaraṇ sammāsambodhiṇ abhisambuddhattā Buddho 'ti vuttaṇ hoti. *Abuddhivihataṭṭā buddhipaṭilābhā Buddho* 'ti: Buddhi, buddhaṇ, bodho 'ti pariyāyavacanam etaṇ. Tattha yathā nilarattagaṇayogā “ Nīlo paṭo, ratto paṭo ” 'ti vuccati, evaṇ buddhigaṇayogā Buddho 'ti ñāpetuṇ vuttaṇ hoti.

Tato paraṇ: Buddho 'ti n' etaṇ *nāman* 'ti ādi attham anu-gatā ayaṇ paññattī 'ti ñāpanatthaṇ vuttaṇ. Tattha: *mittā* sahāyā. *Amaccā* bhaccā. *Ñāī* pitupakkhikā. *Sālohitā* mā-tupakkhikā. *Samaṇā* pabbajjūpagatā. *Brāhmaṇā* bhovā-dino, samitapāpa-bāhitapāpā ca. *Devatā* Sakkādayo, brah-māno ca. Vimokkhantikaṇ 'ti vimokkho arahattamaggo, vimokkhassa anto arahattaphalaṇ, tasmiṇ vimokkhante bhavaṇ vimokkhantikaṇ nāma. Sabbaññubhāvo nāma hi arahattamaggena sijjhati, arahattaphalodaye siddho hoti. Tasmā sabbaññubhāvo vimokkhante bhavo hoti. Taṇ nemi-ttikam 'pi nāmaṇ vimokkhante bhavaṇ nāma hoti. Tena

<sup>1</sup> SH -seṭṭho.

<sup>2</sup> SH -buddho.

<sup>3</sup> B paresaṇ vibuddhattā.

vuttaṇ: *Vimokkhaṇṭikam etaṇ buddhānaṇ bhagavantānaṇ* 'ti. *Bodhiyā mūle saha sabbaññūtañāṇassa paṭilābhā* 'ti mahā-bodhirukkhamūle yathāvuttakkhaṇe sabbaññūtañāṇassa paṭilābhena saha. *Sacchikā paññatti* 'ti arahattaphalasacchikiriyāya, sabbadhammasacchikiriyāya vā, jātā paññatti. *Yad idaṇ Buddho* 'ti yā ayaṇ Buddho 'ti paññatti.

29. *Yathā Buddhena desitā* 'ti gāthāpadassa pana iminā padabhājanīye vuttatthena ayaṇ saṇsadanā: *Ānāpānassatiyo* ca yathā Buddhena desitā, yena pakārena desitā, yathā-saddena saṅgahitā dasa yathatthā ca yathā Buddhena desitā, yena pakārena desitā 'ti pakāratthassa ca yathā-saddassa sabhāvatthassa ca yathā-saddassa sarūpekasesavasena ekasesaṇ katvā *yathā* 'ti vuttan 'ti veditabbaṇ. Padabhājanīye pan' assa yathatthesu ekekassa yojanāvasena *desito* 'ti ekavacanaṇ katan. *So hi gahaṭṭho vā hoti pabbajito vā* 'ti vuttattā ādipade 'pi yassa gahaṭṭhassa vā pabbajitassa vā 'ti vuttam eva hoti. *Loka-ttho* vutto yeva.

30. *Pabhāseti* 'ti attano ñāṇassa pākaṇaṇ karotī 'ti attho. *Abhisambuddhattā* 'ti sāvaka-pāramiñāṇena 'pi paṭividdhabhāvena. [175] *Obhāseti* 'ti kāmāvacara-bhūtaṇ lokaṇ. *Bhāseti* 'ti rūpāvacara-bhūtaṇ lokaṇ. *Pabhāseti* 'ti arūpāvacara-bhūtaṇ lokaṇ.

31. *Ariyañāṇan* 'ti arahattamaggañāṇaṇ. *Mahikāmutto* 'ti mahikāya mutto. Mahikā 'ti nihāro vuccati. (Mahiyā mutto 'ti 'pi pāṭho.) *Dhūmarajā mutto* 'ti dhūmato ca rajato ca mutto. *Rahugahaṇā vipṇamutto* 'ti rāhuno candassa āsannūpakkilesattā dvīhi upasaggehi viśesetvā vuttaṇ. *Bhāsate* iti sa-obhāsaṭṭhena. *Tapate* iti satejaṭṭhena. *Virocate* iti ruciraṭṭhena. *Evam evan*<sup>1</sup> 'ti evaṇ evaṇ. Yasmā pana cando 'pi sayāṇ bhāsanto tapanto virocanto imaṇ okāsalo-kaṇ obhāseti, *bhikkhu* ca paññāya bhāsanto tapanto virocanto imaṇ khandhādilokaṇ paññāya obhāseti, tasmā ubhayatrā-pi bhāsati 'ti avatvā bhāsate icc-eva vuttaṇ.<sup>2</sup> Evaṇ hi vutte hetu-attho vutto hoti.

<sup>1</sup> *Text* eva.<sup>2</sup> *As given in vv.ll. in Text.*

“Ativisadatarābha<sup>1</sup>-suriyopamaṇ agahetvā kasmā cando-pamā gahitā”?’ti ce: Sabbakilesapariālahavūpasamena santassa bhikkhuno santagūṇayutta-candopamā anucchavikā ’ti gahitā ’ti veditabbaṇ. Evaṇ ānāpānasati-bhāvanāsiddhisādhakaṇ yogāvacaraṇ thunitvā imāni terasa ñāṇaṇi ’ti tāni ñāṇaṇi nigametvā dasseti ’ti.

Vodānañāṇa-Niddesa-Vaṇṇanā Niṭṭhitā.

32. Satokāri-ñāṇaniddese\*: mātikāyaṇ *Idha bhikkhū* ’ti imasmiṇ sāsane bhikkhu. Ayaṇ hi ettha idha-saddo sabba-ppakāra-ānāpānasati-samādhinibbattakassa puggalassa sannissayabhūta-sāsanaparidīpano, aññasāsanassa tathābhāvapaṭi-sedhano ca. Vuttaṇ h’ etaṇ: “Idh’ eva bhikkhave samaṇo . . . suññā parappavādā samaṇehi aññe” ’ti. *Araññagato vā, rukkhamūlagato vā, suññāgāragato vā* ’ti idam assa ānāpānasatisamādhī - bhāvanānurūpa-senāsanapariggahaparidīpanaṇ. Imassa hi bhikkhuno dīgharattaṇ rūpādisu ārammaṇesu anuvisaṭṭaṇ cittaṇ sammā<sup>2</sup> ānāpānasatisamādhī-ārammaṇaṇ abhirūhitaṇ na icchati. Kuṭaṇayuttaratho viya uppatham eva dhāvati. Tasmā seyyathā ’pi nāma gopo kūṭadhenuyā sabbaṇ khiraṇ pivitvā vadḍhitaṇ kūṭavaccaṇ dametukāmo dhenuto apanetvā ekam-ante mahantaṇ thambhaṇ nikhanitvā tattha yottena bandheyya, ath’ assa so vaccho ito c’ ito ca vipphanditvā palāyitaṇ asakkonto tam eva thambhaṇ upanisīdeyya vā upanipajjeyya vā; evam evaṇ iminā bhikkhunā dīgharattaṇ rūpārammaṇādi rasapānavadḍhitaṇ duṭṭhacittaṇ dametukāmena rūpādi-ārammaṇato apanetvā araññaṇ vā rukkhamūlaṇ vā, suññāgāraṇ vā, pavesetvā tattha assāsapassāsa-thambhe satiyottena bandhitabbaṇ. Evam assa taṇ cittaṇ ito c’ ito ca vipphanditvā ’pi pubbe āciṇṇārammaṇaṇ alabhamāṇaṇ satiyottaṇ chinditvā palāyi-

\* Compare Visuddhimagga VIII. 3.

<sup>1</sup> B Ativicarantaṇ rāgaṇ; SM ativitarābhaṇ.

<sup>2</sup> SH omits.

tun asakkontaṇ tam ev' ārammaṇaṇ upacāra-ppaṇāvasena  
upanisīdati c' eva upanipajjati ca. Ten' āhu porāṇā:

Yathā thambhe nibandheyya  
Vacchaṇ dammaṇ naro idha,  
Bandheyy' evaṇ sakaṇ cittaṇ  
Satiyā-rammaṇe daḥhan

(Vis. Magga. VIII.)

'ti. Evam assa taṇ senāsanaṇ bhāvanānurūpaṇ hoti. Atha  
vā yasmā idaṇ kammaṭṭhānaṇ appabhedo muddhabhūtaṇ<sup>1</sup>  
sabbabuddha-pacceka-buddha-buddhasāvakānaṇ viśesādhiga-  
ma-ditṭhadhammasukhavihāra-padaṭṭhānaṇ, ānāpānassati-  
kammaṭṭhānaṇ, itthipurisa-hatthi-assādisaddasamākulaṇ  
gāmantāṇ apariccajivā na sukaṇ bhāvetuṇ, saddakaṇṭa-  
kattā jhānassa; agāmake pana araṇṇe sukaṇ yogāvacarena  
idaṇ kammaṭṭhānaṇ pariggahetvā ānāpāna-catutthajjhānaṇ<sup>2</sup>  
nibbattetvā tad eva pādakaṇ katvā saṅkhāre sammasitvā  
aggaphalaṇ arahattaṇ pāpunituṇ; tasmā tassa anurūpaṇ  
senāsanaṇ upādisanto Bhagavā, "Araṇṇagato vā" 'ti ādim  
āha; tath' eva therō. Vatthuvijjācariyo viya hi Bhagavā,  
so yathā vatthuvijjācariyo nagarabhūmiṇ passitvā, suṭṭhu  
upaparikkhitvā, "Ettha nagaraṇ māpethā" 'ti upādisati,  
sotthinā ca nagare niṭṭhite rājakulato mahāsakkāraṇ labhati;  
evam eva yogāvacarassa anurūpaṇ senāsanaṇ upaparikkhitvā,  
ettha kammaṭṭhānaṇ anuyuñjitaṇ 'ti upādisati. Tato  
tatha kammaṭṭhānaṇ anuyuttena yoginā kamena arahatte  
patte, Sammāsambuddho vata so Bhagavā! 'ti mahantaṇ  
sakkāraṇ labhati.

Ayaṇ pana bhikkhu dīpīsādiso 'ti vuccati. Yathā hi  
mahādīpīrājā araṇṇe tiṇagahanaṇ vā, vanagahanaṇ vā,  
pabbatagahanaṇ vā nissāya niliyitvā vanamahisa-gokaṇṇa-  
sūkarādayo mige gaṇhāti; evam eva ayaṇ araṇṇādisu ka-  
mmaṭṭhānaṇ anuyuñjanto bhikkhu yathākkamena sotāpatti-  
sakaḍāgāmi-anāgāmi-arahattamagge c' eva ariyaphalāni ca  
gaṇhāti 'ti veditaṇ. Ten' āhu porāṇā:

<sup>1</sup> SH v.l. mukha-.

<sup>2</sup> B, SM catukka-.



Yathā 'pi dīpiko nāma  
 Nilīyitvā gaṇhate<sup>1</sup> mige,  
 Tath' evāyaṇ buddhaputto  
 Yuttayogo vipassako  
 Araññaṇ pavisitvāna  
 Gaṇhāti<sup>2</sup> phalam uttaman 'ti.

(Vis. Magga. VIII.)

Ten' assa parakkamajavayoggabhūmiṇ<sup>3</sup> araññasenāsanāṇ dassento, araññagato vā 'ti ādim āha. Tattha: araññagato 'ti upari-vuttalakkaṇaṇ yaṇ kiñci pavivekasukhaṇ araññaṇ gato. Rukkhamūlagato 'ti rukkkhasamīpaṇ gato. Suññāgāragato 'ti suññaṇ vivittokāsaṇ gato. Ettha ca ṭhapetvā araññaṇ ca, rukkkhamūlaṇ ca, avasesaṇ-sattavidha-senāsaṇ gato 'pi suññāgāragato 'ti vattuṇ vaṭṭati. Navavidhaṇ hi senāsaṇaṇ, yath' āha: “So vivittaṇ senāsaṇaṇ bhajati, araññaṇ, rukkkhamūlaṇ, pabbataṇ, kandaraṇ, giriguhaṇ, susānaṇ, vanapatthaṇ, abbhokāsaṇ, palālapuñjaṇ 'ti.” Evam assa ututtayānukūlaṇ, dhātucariyānukūlaṇ ca ānāpānasati-bhāvanānurūpaṇ senāsaṇaṇ upadisitvā alinānuddhaccapakkaṇaṇ santam iriyāpathaṇ upadisanto *nisīdati* 'ti āha.

Atha 'ssa nisajjāya dāḥabhāvaṇ, assāsapassāsānaṇ pavattanasamatthataṇ, ārammaṇapariggahūpāyaṇ ca dassento pallaṅkaṇ ābhujitvā 'ti ādim āha. Tattha: *Pallaṅkan* 'ti samantato ūrubaddhāsaṇ. *Ābhujitvā* 'ti bandhitvā. *Ujjuṇ kāyaṇ paṇidhāyā* 'ti uparimasarīraṇ ujukaṇ ṭhapetvā atṭhārasa-piṭṭhikaṇṭaka-koṭiyā koṭiṇ paṭipādetvā. Evaṇ hi nisinassa cammaṇaṇsanahārūni na paṇamanti. Ath' assa yā tesāṇ paṇamanapaccayā khaṇe khaṇe vedanā uppajjeyyūṇ, tā na uppajjanti. Tāsu anuppajjamānāsu cittaṇ ekaggaṇ hoti, kammaṭṭhānaṇ na paripatati,<sup>4</sup> vuddhiṇ phātiṇ upagacchati. *Parimukhaṇ satīṇ upaṭṭhapetvā* 'ti kammaṭṭhānābhimukhaṇ satīṇ ṭhapayitvā. *So sato 'va*<sup>1</sup> *assasati, sato passasati* 'ti so bhikkhu evaṇ nisīditvā, evaṇ ca satīṇ upaṭṭhapetvā taṇ satīṇ avijahanto sato eva assasati, sato passasati. Satokāri hoti 'ti vuttaṇ hoti.

<sup>1</sup> SH, SM -ti.

<sup>2</sup> B Gaṇhate.

<sup>3</sup> B yoggaṇ eva bhūmiṇ.

<sup>4</sup> B paripūrati for na paripatati.

Idāni yehi pakārehi satokārī hoti te pakāre dassetuṇ *Dīghaṇ vā assasanto* 'ti ādim āha. Tattha: dīghaṇ assasanto 'ti dīghaṇ assāsaṇ pavattayanto, tathā *rassaṇ*. Yā pana tesāṇ dīgharassatā, sā kālavasena veditabbā. Kadāci hi manussā hatthi-ahi-ādayo viya kālavasena dīghaṇ assasanti ca passasanti ca, kadāci sunakhasasādayo viya *rassaṇ*. Aññathā hi cuṇṇavicuṇṇā assāsapassāsā dīgharassā nāma na honti. Tasmā te dīghaṇ kālaṇ pavisantā ca nikkhamantā ca dīghā, *rassaṇ* kālaṇ pavisantā ca nikkhamantā ca *rassā* 'ti veditabbā. Tatrāyaṇ bhikkhu upari vutthehi navah' ākārehi dīghaṇ assasanto passasanto ca, *dīghaṇ assasāmī* . . . *passasāmī* 'ti pajānāti; tathā *rassaṇ* . . . Evaṇ pajānāto ca:

Dīgho rasso ca assāso  
Passāso 'pi ca tādiso,  
Cattāro vaṇṇā vattanti  
Nāsikagge 'va bhikkhuno,

(Vis. M. VIII.)

'ti catunnañ<sup>1</sup> c' assa ākārānaṇ ekenākārena kāyānupassanā-satipaṭṭhānabhāvanā sampajjati 'ti veditabbā. *Sabbakāya-paṭisaṇvedī assasissāmī 'ti sikkhati, sabbakāya-paṭisaṇvedī passasissāmī 'ti sikkhati* 'ti sakalassa assāsakāyassa ādi-majjha-pariyosānaṇ viditaṇ karonto, pākataṇ karonto, assasissāmī 'ti sikkhati; sakalassa passāsakāyassa . . . . . passasissāmī 'ti sikkhati. Evaṇ viditaṇ karonto, pākataṇ karonto, ñānasampayuttacittena assasati c' eva passasati ca, tasmā "Assasisissāmī . . . passasissāmī" 'ti sikkhati 'ti vuccati. Ekassa hi bhikkhuno cuṇṇavicuṇṇavisatē<sup>2</sup> assāsakāye, passāsakāye vā, ādi pākato hoti, na majjha-pariyosānaṇ. So ādim eva pariggahetuṇ sakkoti, majjha-pariyosāne kilamati. Ekassa majjhaṇ pākataṇ hoti, na ādi-pariyosānaṇ, so majjham eva pariggahetuṇ sakkoti, ādi-pariyosāne kilamati. Ekassa pariyosānaṇ pākataṇ hoti, na ādi-majjhaṇ. So pariyosānam yeva pariggahetuṇ sakkoti, ādi-majjhe kilamati. Ekassa sabbaṇ pākataṇ hoti, so sabbam 'pi pariggahetum

<sup>1</sup> SH navannaṇ.

<sup>2</sup> B cuṇṇavikate; SM cuṇṇavinane.

sakkoti, na katthaci kilamati. Tādisena bhāvitabban 'ti dassento āha: Sabbakāyapaṭisaṇvedī 'ti ādi.

Tattha: sikkhatī 'ti evaṇ ghaṭati vāyamati. Yo vā tathābhūtaṣṣa saṇvaro ayam ettha adhisīlasikkhā; yo vā tathābhūtaṣṣa samādhi ayaṇ adhicittasikkhā; yā tathābhūtaṣṣa paññā ayaṇ adhipaññāsikkhā; 'ti imā tisso sikkhāyo tasmiṇ ārammaṇe tāya satiyā tena manasikārena sikkhati āsevati bhāveti bahulikarotī 'ti evam ettha attho daṭṭhabbo. Tattha yasmā purimanayena kevalaṇ assāsitaṭṭhaṇ passāsitaṭṭhaṇ eva ca, na aññaṇ kiñci kātaṭṭhaṇ, ito paṭṭhāya pana ñāṇuppadānādīsu yogo karaṇīyo; tasmā tattha assasāmi 'ti pajānāti, passasāmi 'ti pajānāti 'ti c' eva vattamānakālavasena pāliṇ vatvā ito paṭṭhāya kattaṭṭhaṇ ñāṇuppadādino ākāraṣṣa dassanattaṇ sabbakāyapaṭisaṇvedī assasissāmi 'ti ādinā nayena anāgatakalavasena pāli āropitā 'ti veditabbā.

*Passambhaṇaṇ kāyasāṅkhāraṇ ... pe ... sikkhatī 'ti olārikaṇ assāsapassāsā-saṅkhātaṇ kāyasāṅkhāraṇ passambhento paṭippassambhento nirodhento vūpasamento assasissāmi, passasissāmi 'ti vā sikkhati. Tatr' evaṇ olārikasukhumatā ca passaddhi ca veditabbā: Imassa hi bhikkhuno pubbe apariggahitakāle kāyo ca cittaṇ ca sadarathā hontī olārikā. Kāyacittānaṇ olārikatte avūpasante assāsapassāsā 'pi olārikā hontī, balavataṛā hutvā pavattanti, nāsikā na ppahoti, mukhena assasanto 'pi, passasanto 'pi, tiṭṭhati. Yadā pan' assa kāyo 'pi, cittam 'pi pariggahitā hontī, tadā te santā hontī vūpasantā. Tesu vūpasantesu<sup>1</sup> assāsapassāsā sukhumā hutvā pavattanti, "Atthi nu kho n' atthi"? 'ti vicetabbākārapattā hontī. Seyyathā 'pi purisassa dhāvitvā, pabbatā vā orohitvā, mahābhāraṇ vā sīsato āropetvā ṭhitassa olārikā assāsapassāsā hontī . . . pe<sup>2</sup> . . . tiṭṭhati; yadā pan' esa taṇ parissamaṇ vinodetvā, nahātvā ca pivitvā ca, allasāṭakaṇ hadaye katvā sītāya chāyāya nipanno hoti, ath' assa te assāsapassāsā sukhumā hontī, "Atthi nu kho n' atthi?" 'ti vicetabbākārapattā. Evam eva imassa bhikkhuno aparī-*

<sup>1</sup> B santesu.

<sup>2</sup> All editions repeat in full.

ggahitakāle 'ti vitthāretabbaṃ. Tathā hi 'ssa pubbe apari-ggahitakāle olārikoḷārike kāyasaṅkhāre passambhemi 'ti ābhogasamannāhāra-manasikāro n' atthi, pariggahitakāle pana atthi. Ten' assa apariggahitakālato pariggahitakāle kāyasaṅkhāro sukhumo hoti. Ten' āhu porāṇā:

Sāraddhe kāye citte ca  
Adhimattaṃ pavattati.  
Asāraddhamhi kāyamhi  
Sukhumaṃ sampavattatī 'ti.

(Vis. M. VIII.)

Pariggahe<sup>1</sup> 'pi olāriko, paṭhamajjhānūpacāre sukhumo. Tasmim 'pi olāriko, paṭhamajjhāne sukhumo. Paṭhamajjhāne ca dutiyajjhānūpacāre ca olāriko, dutiyajjhāne sukhumo. Dutiyajjhāne ca tatiyajjhānūpacāre ca olāriko, tatiyajjhāne sukhumo. Tatiyajjhāne ca catutthajjhānūpacāre ca olāriko, catutthajjhāne atisukhumo, appavattim eva pāpuṇāti. Idaṃ tāva Dīghabhāṇaka-Saṃyuttabhāṇakānaṃ matāṃ. Majjhimbhāṇakā pana, "Paṭhamajjhāne olāriko, dutiyajjhānūpacāre sukhumo," 'ti evaṃ heṭṭhimahēṭṭhimajjhānato uparūpari jhānūpacāre 'pi sukhumatarāṃ icchanti. Sabbesaṃ yeva pana matena apariggahitakāle pavattakāyasaṅkhāro pariggahitakāle paṭippassambhati; pariggahitakāle pavattakāyasaṅkhāro paṭhamajjhānūpacāre . . . pe . . . catutthajjhāne paṭippassambhati. Ayaṃ tāva samathe nayo.

Vipassanāya pana apariggahitakāle pavattakāyasaṅkhāro o., mahābhūtapariggahe sukhumo. So 'pi o., upādārūpapariggahe su. So 'pi o., sakalarūpapariggahe . . . arūpapariggahe . . . rūpārūpapariggahe . . . paccayapariggahe . . . sappaccayanāmarūpadassane . . . lakkhaṇārammaṇikavipassanāya . . . dubbalavipassanāya olāriko, bala-vavipassanāya sukhumo. Tattha pubbe vuttanayen' eva purimassa purimassa pacchimena pacchimena paṭippassaddhi veditabbā. Evam ettha olārikasukhumatā, paṭippassaddhi

<sup>1</sup> B, SM Pariggahitakāle.

ca veditabbā. Ayaṇ tāv' ettha kāyānupassanāvasena vuttassa paṭhamacatukkassa anupubbapadavaṇṇanā.

Yasmā paṇ' ettha idam eva catukkaṇ ādikammikassa kammaṭṭhānavasena vuttaṇ, itarāni pana tīni catukkāni ettha pattaṭṭhānassa vedanā-citta-dhammānupassanāvasena; Tasmā imaṇ kammaṭṭhānaṇ bhāvetvā ānāpānacatukkajjhāna-padatṭhānāya vipassanāya saha paṭisambhidāhi arahattaṇ pāpūnitukāmena ādikammikena kulaputtana Visuddhimagge vuttanayena silaparisodhanādini sabbakiccāni katvā sattaṇ-gasamannāgatassa ācariyassa santike pañcasandhikaṇ kammaṭṭhānaṇ uggahetabbaṇ. Tatr' ime pañca sandhāyo: uggaho, paripucchā, upatṭhānaṇ, appaṇā, lakkhaṇaṇ 'ti.

Tattha: Uggaho nāma kammaṭṭhānassa uggaṇhanaṇ. Paripucchā nāma kammaṭṭhānassa paripucchanaṇ. Upatṭhānaṇ nāma kammaṭṭhānassa upatṭhānaṇ. Appaṇā nāma kammaṭṭhānassa appaṇā. Lakkhaṇaṇ nāma kammaṭṭhānassa lakkhaṇā. Evaṇ-lakkhaṇam idaṇ kammaṭṭhānaṇ 'ti kammaṭṭhāna-sabhāvūpadhāraṇaṇ 'ti vuttaṇ hoti. Evaṇ pañcasandhikaṇ kammaṭṭhānaṇ uggaṇhanto attanā 'pi na kilamati, ācariyam 'pi na viheseti.<sup>1</sup> Tasmā thokaṇ uddisāpetvā bahuṇ kālaṇ sajjhāyitvā evaṇ pañcasandhikaṇ kammaṭṭhānaṇ uggahetvā ācariyassa santike vā aññattha vā atṭhārasadosayutte vihare vajjetvā pañcaṇgasamannāgate senāsane vasantena upacchinna-khuddakapaḷibodhena katabhattakiccena bhattasammadaṇ paṭivinodetvā sukhaṇisinnena Ratanattaya-guṇānussaraṇena cittaṇ sampahaṇsetvā ācariyuggahato ekapadam 'pi aparihāpentena idaṇ ānāpānasati-kammaṭṭhānaṇ manasikātabbaṇ. Tatrā-yaṇ manasikāravidhi:

Gaṇanā anubandhanā

Phusanā thapanā sallakkhaṇā

Vivattaṇā pārisuddhi

Tesaṇ ca paṭipassanā 'ti.

(Vis. M. VIII.)

<sup>1</sup> B vihetṭheti.



Tattha: Gaṇanā 'ti gaṇanā yeva. Anubandhanā 'ti anugamanā. Phusanā 'ti phutṭhatṭhānaṇ. Thapanā 'ti appanā. Sallakkhanā 'ti vipassanā. Vivaṭṭanā 'ti maggo. Pārisuddhī 'ti phalaṇ. Tesaṇ ca paṭipassanā 'ti paccavekkhaṇā.

Tattha iminā ādikammikena kulaputtena paṭhaman gaṇanāya idaṇ kammaṭṭhānaṇ manasikātabbaṇ. Gaṇentena pana pañcannaṇ heṭṭhā na ṭhapetabbaṇ. Dasannaṇ upari na gaṇetabbaṇ. Antarā khaṇḍaṇ na dassetabbaṇ. Pañcannaṇ heṭṭhā ṭhapentassa hi sambādhe okāse cittuppādo vipphan-dati, sambādhe vaje sanniruddhagogaṇo viya. Dasannaṇ upari nentassa gaṇananissito cittuppādo hoti. Antarā khaṇḍaṇ dassentassa, “Sikhāppattaṇ nu kho me kammaṭṭhānan?” 'ti cittaṇ vikampati. Tasmā ete dose vajjetvā gaṇetabbaṇ. Gaṇentena ca paṭhaman dandhagaṇanāya dhañña-māpakagaṇanāya gaṇetabbaṇ. Dhaññamāpako hi nāliṇ pūretvā “Ekan” 'ti vatvā okirati. Puna pūrento kiñci kacavarāṇ disvā chaḍḍento “Ekaṇ ekan” 'ti vadati. Es' eva nayo “Dve dve” 'ti ādīsu. Evam eva iminā 'pi assāsapa-sāsāsesu yo upaṭṭhāti, taṇ gaṇetvā “Ekaṇ ekan” 'ti ādiṇ katvā yāva “Dasa dasā” 'ti pavattamānaṇ pavattamānaṇ upalakkhetvā 'va gaṇetabbaṇ. Tassa evaṇ gaṇayato nikkhamantā ca pavisantā ca assāsapassāsā pākāṭā honti. Athā-nena taṇ dandhagaṇaṇ dhaññamāpakagaṇanaṇ pahāya sīghagaṇanāya gopālakagaṇanāya gaṇetabbaṇ. Cheko hi gopālako sakkharāyo ucchaṅgena gaṇetvā rajjudandaḥattho pāto vajan gantvā gāvo piṭṭhiyaṇ paharitvā paḷighattham-bhamatthake nisinno dvāraṇ pattaṇ pattaṇ yeva gāviṇ “Eko dve” 'ti sakkharaṇ khipitvā khipitvā gaṇeti. Tiya-marattiṇ sambādhe okāse dukkhavuttha-gogaṇo nikkhamanto aññamaññaṇ upanighaṇsento<sup>1</sup> vegena vegena puñja-puñjo hutvā nikkhamati. So vegena, “Tini, cattāri, pañca, dasā” 'ti gaṇeti yeva. Evam assā-pi purimanayena gaṇayato assāsapassāsā pākāṭā hutvā sīghaṇ sīghaṇ punappunaṇ sañcaranti. Tato tena punappunaṇ sañcaranti 'ti ñatvā anto ca bahi ca agaṇetvā dvāraṇ pattaṇ pattaṇ yeva gaṇetvā

<sup>1</sup> B ghaṇsanto.



“Eko, dve, tīni, cattāri, pañca; Eko, . . . pe . . . pañca, cha, satta, aṭṭha, nava, dasā” ’ti sīghaṇ sīghaṇ gaṇetabbam eva ca. Gaṇanāpaṭibaddhe hi kammaṭṭhāne gaṇanābalen’ eva cittaṇ ekaggaṇ hoti, arittupatthambhanavasena caṇḍa-sote nāvāṭhapanam iva.

Tass’ evaṇ sīghaṇ sīghaṇ gaṇayato kammaṭṭhānaṇ niran-taraṇ pavattaṇ viya hutvā upaṭṭhāti. Atha niran-taraṇ pavattatī ’ti ñatvā anto ca bahi ca vātaṇ apariggahetvā purimanayen’ eva vegena gaṇetabbaṇ. Anto pavisanavā-tena hi saddhiṇ cittaṇ pavesayato abbhantaraṇ vātabbhā-hataṇ medapuṭaṇ<sup>1</sup> viya hoti. Bahi-nikkhamanavātena saddhiṇ cittaṇ niharato bahiddhā puthuttārammaṇe cittaṇ vikkhipati.<sup>2</sup> Phuṭṭhokāse pana satiṇ ṭhapetvā bhāventass’ eva bhāvanā sampajjati. Tena vuttaṇ: “Anto ca bahi ca . . . pe . . . gaṇetabban” ’ti. Kīva ciraṇ pan’ etaṇ gaṇetabban? ’ti. Yāva vinā gaṇanāya assāsapassāsārammaṇe sati patiṭṭhāti. Bahivisaṭavitaṅka-vicchedaṇ katvā assāsa-passāsārammaṇe satisaṇṭhāpanatthaṇ yeva hi gaṇanā ’ti.

Evaṇ gaṇanāya manasikatvā anubandhanāvasena manasi-kātabbaṇ. Anubandhanā nāma gaṇanaṇ paṭisaṇharitvā satiyā niran-taraṇ assāsapassāsānaṇ anugamanaṇ. Tañ ca kho pana na ādi-majjha-pariyosānānugamanavasena. Ādi-majjha-pariyosānāni tantassā-nugamane ādinavā ca heṭṭhā vuttān’ eva. Tasmā anubandhanāya manasikarontena na ādimajjhapariyosānavasena manasikātabbaṇ. Api ca kho phusanāvasena ca ṭhapanāvasena ca manasikātabbaṇ. Gaṇanā-nubandhanāvasena viya hi phusanā-ṭhapanāvasena visuṇ manasikāro n’ atthī. Phuṭṭhaphuṭṭha-ṭṭhāne yeva pana gaṇento gaṇanāya ca phusanāya ca manasikaroti. Tatth’ eva gaṇanaṇ paṭisaṇharitvā te satiyā anubandhanto appanāvasena ca cittaṇ ṭhapento anubandhanāya ca phusanāya ca ṭhapanāya ca manasikaroti ’ti vuccati. Sv-āyam-attho Aṭṭhakathāsu vutta-paṅgula-dovārikopamāhi, idh’ eva pāliyaṇ vutta-kakacūpamāya ca, veditabbo.

<sup>1</sup> SH -pūritaṇ.

<sup>2</sup> B vikkhambhati.

Tatrā-yaṇ paṅgulopamā: Seyyathā 'pi paṅgulo dolāya kīlaṭaṇ mātāputtānaṇ dolaṇ khipitvā tatth' eva dolatham-bhamūle nisinno kamena āgacchantassa ca gacchantassa ca dolāphalakassa ubho koṭiyo majjhaṇ ca passati, na ca ubhokoṭimajjhānaṇ dassanatthaṇ byāvaṭo hoti; Evam eva bhikkhu sativasena upanibandhanatthambhamūle tthatvā assāsapassāsadolaṇ khipitvā tatth' eva nimitte satiyā nisīdanto kamena āgacchantānaṇ ca, gacchantānaṇ ca phutṭha-tṭhāne assāsapassāsānaṇ ādi-majjha-pariyosānaṇ satiyā anugacchanto tatth' eva cittaṇ tṭhapetvā passati, na ca tesāṇ dassanatthaṇ byāvaṭo hoti. Ayaṇ paṅgulopamā.

Ayaṇ pana dovārikopamā: Seyyathā 'pi dovāriko naga-rassa anto ca bahi ca purise,<sup>1</sup> "Ko tvaṇ? Kuto āgato? Kuhiṇ vā gacchasi? Kiṇ vā te hatthe?" 'ti na vīmaṇsati, na hi tassa te bhārā, dvārappattaṇ dvārappattaṇ yeva pana vīmaṇsati; evam eva imassa bhikkhuno antopaviṭṭhavatā ca bahinikkhantavatā<sup>2</sup> ca na bhārā honti, dvārappattā dvārappattā yeva bhārā 'ti. Ayaṇ dovārikopamā.

Kakacūpamā pana, "Nimittaṇ assāsapassāsā" 'ti ādinā nayena idha vuttā yeva. Idha pan' assa āgatāgatavasena amanasikāramattam eva payojanan 'ti vedītabbaṇ. Idaṇ kammaṭṭhānaṇ manasikaroto kassaci na ciren' eva nimittaṇ ca uppajjati, avasesajjhānaṅga-paṭimaṇḍitā appaṇā-saṅkhātā tṭhapaṇā ca sampajjati. Kassaci pana gaṇanāvasen' eva manasikārakālato ppabhuti yathā sāraddhakāyassa mañce vā piṭṭhe vā nisīdato mañcapīṭhaṇ onamati, vikūjati, paccattṭharaṇaṇ valīṇ gaṇhāti; asāraddhakāyassa pana nisīdato n' eva mañcapīṭhaṇ onamati, na vikūjati, na . . . gaṇhāti; tūlapicupūritaṇ viya mañcapīṭhaṇ hoti; (Kasmā? yasmā asāraddhakāyo lahuco hoti.) evam evaṇ gaṇanāvasena manasikārakālato ppabhuti anukkamena olārika-assāsapassāsā-nirodhavasena kāyassa darathe vūpasante kāyo 'pi cittaṇ 'pi lahucaṇ hoti; sarīraṇ ākāse laṅghanākārappattaṇ viya hoti. Tassa olārika-assāsapassāsā niruddhe sukhuma-assāsā-

<sup>1</sup> B, SH *v.l. omī.*<sup>2</sup> B -nikkhamana-.

passāsa-nimittārammaṇaṇ cittaṇ pavattati. Tasmim 'pi niruddhe aparāparato sukhumatarāṇ assāsapassāsa-nimittārammaṇaṇ pavattati yeva. Sv-āyam-attho uparivutta-kaṇ-sathālopaṁāya veditabbo. Yathā hi aññāni kammaṭṭhānāni uparūpari vibhūtāni honti, na tathā idaṇ. Idaṇ pana uparūpari bhāventassa<sup>1</sup> sukhumattaṇ gacchati, upaṭṭhānam 'pi na upagacchati. Evaṇ anupaṭṭhante pana tasmiṇ tena bhikkhunā, "Ācariyaṇ pucchissāmi" 'ti va, "Naṭṭhaṇ dāni me kammaṭṭhānan" 'ti vā utthāy' āsanā na gantabbaṇ. Iriyāpathaṇ vikopetvā gacchato hi kammaṭṭhānaṇ navanavam eva hoti. Tasmā yathānisinnen' eva desato āharitabbaṇ.

Tatrā-yaṇ āharaṇūpāyo: Tena bhikkhunā kammaṭṭhānassa anupaṭṭhānabhāvaṇ ñatvā iti paṭisañcikkhitabbaṇ, "Ime assāsapassāsā nāma kattha atthi? Kattha n' atthi? Kassa vā atthi? Kassa vā n' atthi?" 'ti. Ath' evaṇ paṭisañcikkhato, "Ime anto-mātukucchiyaṇ n' atthi, uduke nimuggānaṇ n' atthi. Tathā asaṇṇibhūtānaṇ, matānaṇ, catutthajjhānaṇ samāpannānaṇ, rūpārūpabhavasamaṅginaṇ, nirodhasamāpannānaṇ," 'ti ñatvā evaṇ attanā 'va attā paṭicodetabbo, "Nanu tvaṇ paṇḍita, n' eva mātukucchigato, na uduke nimuggo, na asaṇṇibhūto, na mato, na catutthajjhānaṇ samāpanno, na rūpārūpabhavasamaṅgi, na nirodhasamāpanno. Atthi yeva te assāsapassāsā; mandapaṇṇatāya pana pariggahetuṇ na sakkosī" 'ti.

Athā-nena pakatiphuṭṭhavasena cittaṇ ṭhapetvā manasi-kāro pavattetabbo. Ime hi dīghanāsikassa nāsāpuṭaṇ ghaṭṭento pavattanti, rassanāsikassa uttarotṭhaṇ. Tasmā 'nena, "Idaṇ nāma ṭhānaṇ ghaṭṭenti" 'ti nimittaṇ ṭhapetabbaṇ. Imam eva hi atthavaṇaṇ paṭicca vuttaṇ Bhagavatā: Nā-haṇ bhikkhave muṭṭhassatissa asampajānassa ānāpānasati-bhāvanaṇ vadāmi" 'ti. Kiṇ cā-pi hi yaṇ kiṇci kammaṭṭhānaṇ satassa sampajānass' eva sampajjati, ito aññaṇ pana manasikarontassa pākaṇaṇ hoti. Idam pana ānāpānasati-kamma-

<sup>1</sup> B repeats twice.

ṭṭhānaṃ garukaṃ, garukabhāvanaṃ, buddha-pacceka-buddha-buddhaputtānaṃ mahāpurisānaṃ yeva manasikārabhūri-bhūtaṃ, na c' eva ittaṃ,<sup>1</sup> na ca itta<sup>1</sup>-sattasamāseviṭaṃ. Yathā yathā manasi-kayirati,<sup>2</sup> tathā tathā santaṃ c' eva hoti sukhumaṃ ca. Tasmā ettha balavatī sati ca paññā ca icchitabbā. Yathā hi maṭṭhasātakassa tuṇṇakaraṇakāle sūci 'pi sukhumaṃ icchitabbā, sūcipāsavedhanam<sup>3</sup> 'pi tato sukhumataṃ; evam eva<sup>4</sup> maṭṭhasātakasadisassa imassa kamma-ṭṭhānassa bhāvanākāle sūcipaṭibhāgā sati 'pi, sūcipāsavedhanapaṭibhāgā<sup>5</sup> taṃsāmpayuttā paññā 'pi balavatī icchitabbā. Tāhi ca pana satipaññāhi samannāgatena bhikkhunā na te assāsapassāsā aññatra pakatiphuṭṭhokāsā 'va<sup>4</sup> pariyesitabbā.

Yathā hi kassako khettaṃ kasitvā balivadde muñcitvā gocaramukhe katvā chāyāya nisinno vissameyya, ath' assa te balivaddā vegena aṭaviṃ paviseyyuṃ; yo hoti cheko kassako, so puna te gahetvā yojetukāmo na tesāṃ anupadaṃ gantvā aṭaviṃ āhiṇḍati; atha kho rasmiṃ ca patodaṃ ca gahetvā ujukam eva tesāṃ nipātanatitthaṃ<sup>6</sup> gantvā nisīdati vā, nipajjati vā; atha te goṇe divasabhāgaṃ caritvā nipātanatitthaṃ<sup>6</sup> otaritvā, nahātvā ca pivitvā ca paccuttaritvā ṭhite disvā, rasmiyā bandhitvā patodena vijjhanto ānetvā yojetvā puna kammaṃ karoti; evam eva<sup>4</sup> tena bhikkhunā na te assāsapassāsā aññatra pakatiphuṭṭhokāsā pariyesitabbā. Satirasmiṃ pana paññāpatodaṃ ca gahetvā pakatiphuṭṭhokāse cittaṃ ṭhapetvā manasikāro pavattetabbo. Evaṃ hi 'ssa manasikaroto na cirass' eva te upaṭṭhanti nipātanatitthe viya goṇā. Tato tena satirasmiyā bandhitvā tasmiṃ yeva ṭhāne yojetvā paññāpatodena vijjhantena punappunaṃ kammaṭṭhānaṃ anuyuñjitabbaṃ. Tass' evam anuyuñjato na cirass' eva nimittaṃ upaṭṭhāti. Tam pan' etaṃ na sabbesaṃ ekasadiṣaṃ hoti. Api ca kho kassaci sukkhasamphassaṃ uppādayamāno tūlapicu viya, kappāsapicu viya, vātaadhārā viya ca upaṭṭhāti 'ti ekacce āhu.

<sup>1</sup> SH itara.<sup>2</sup> B -kariyati.<sup>3</sup> B -pāsaka-.<sup>4</sup> SH, SM evaṃ.<sup>5</sup> B omits.<sup>6</sup> SH, SM nipātanatitthaṃ (*throughout*).

Ayam pana Atthakathāsu vinicchayo: Idaṃ hi kassaci tāra-karūpaṃ viya, maṇigūḷikā viya, muttāgūḷika viya ca; kassaci kharasamphassaṃ hutvā kappāsattṭhi viya, dārusāra-sūci viya ca; kassaci dīghapāmaṅgasuttaṃ viya, kusumadāmaṃ viya, dhūmasikhā viya ca, kassaci vitthaṃ makkatāka-suttaṃ viya, valāhaka-paṭalaṃ viya, padumapupphaṃ viya, rathacakkaṃ viya, candamaṇḍalaṃ viya, suriyamaṇḍalaṃ viya, ca upaṭṭhāti. Tañ ca paṇ' etaṃ yathā sambahulesu bhikkhūsu suttantaṃ sajjhāyitvā nisinnesu ekena bhikkhunā, "Tumhākaṃ kīdisaṃ hutvā idaṃ suttaṃ upaṭṭhāti?" 'ti vutte eko, "Mayhaṃ mahatī pabbateyyā nadī viya upaṭṭhāti" 'ti āha; añño, "Mayhaṃ ekā vanarājī viya"; añño, "Mayhaṃ eko sītaccchāyo sākhasampanno phalabhārabhārito rukkho viyā," 'ti tesāṃ hi taṃ ekam eva suttaṃ saññānānatāya nānato upaṭṭhāti; evaṃ ekam eva kammaṭṭhānaṃ saññānānatāya nānato upaṭṭhāti. Saññājaṃ hi etaṃ saññānidānaṃ, saññāpabhavaṃ. Tasmā saññānānatāya nānato upaṭṭhāti 'ti veditabbaṃ. Evaṃ upaṭṭhite pana nimitte tena bhikkhunā ācariyasantikaṃ gantvā ārocetabbaṃ: "Mayhaṃ bhante evarūpaṃ nāma upaṭṭhāti" 'ti. Ācariyena pana, "Nimittam idaṃ āvuso, kammaṭṭhānaṃ punappunaṃ manasi-karohi sappurisā!" 'ti vattabbo. Athā-nena nimitte yeva cittaṃ ṭhapetabbaṃ. Evam assā-yaṃ itoppabhūti ṭha-panāvasena bhāvanā hoti. Vuttaṃ h' etaṃ porāṇehi:

Nimitte ṭhapayaṃ cittaṃ  
Nānākāraṃ vibhāvayaṃ  
Dhīro assāsapassāse  
Sakaṃ cittaṃ nibandhati 'ti.

(Vis. M. 286.)

Tass evaṃ nimittupaṭṭhānato pabhūti nīvaraṇāni vikkham-bhitāṇ' eva honti, kilesā sannisinā 'va, cittaṃ upacāra-samādhinā samāhitam eva. Athā-nena taṃ nimittaṃ n' eva vaṇṇato manasi-kātabbaṃ, na lakkaṇato paccavekkhita-bbaṃ. Api ca kho khattiyamahesiyā cakkavattigabbho viya kassakena sāliyavagabbho viya ca āvāsādini satta asa-ppāyāni vajjetvā, taṇ' eva satta sappāyāni sevantena sādhu-kaṃ rakkhitabbaṃ.

Atha naṇ evaṇ rakkhitvā punappunaṇ manasikāravasena vuddhiṇ virūhiṇ gamayitvā dasavidhaṇ appaṇākosallaṇ sampādetabbaṇ, viriyasamatā yojetabbā. Tass' evaṇ ghaṭentassa Visuddhimagge vuttānukkamena\* tasmiṇ nimitte catukka-pañcakajjhānāni nibbattanti. Evaṇ nibbatta-catukka-pañcakajjhāno pan' ettha bhikkhu sallakkhaṇā-vivaṭṭa-nāvasena kammaṭṭhānaṇ vaḍḍhetvā pārisuddhiṇ pattukāmo tad eva jhānaṇ pañcaḥ' ākārehi vasippattaṇ paguṇaṇ katvā, nāmarūpaṇ vavatthapetvā vipassanaṇ paṭṭhapeti.

Kathaṇ ?

So hi samāpattito vutthāya assāsapassāsānaṇ samudayo karajakāyo ca cittaṇ cā 'ti passati. Yathā hi kammāragaggariā dhamamānāya bhastaṇ ca purisassa ca tajjaṇ vāyāmaṇ paṭicca vāto sañcarati, evam eva kāyaṇ ca cittaṇ ca paṭicca assāsapassāsā 'ti; tato assāsapassāse ca kāyaṇ ca rūpaṇ 'ti; cittaṇ ca taṇsampayutte ca dhamme arūpaṇ 'ti vavatthapeti. Evaṇ nāmarūpaṇ vavatthapetvā tassa paccayaṇ pariyesati. Pariyesanto ca taṇ disvā tīsu 'pi addhāsu nāmarūpassa pavattiṇ ārabba kaṅkhaṇ vitarati. Vittiṇa-kaṅkho kalāpasammasanavasena aniccaṇ, dukkham, anattā 'ti tilakkaṇaṇ āropetvā udayabbayānupassanāya uppanne obhāsādayo dasa vipassanūpakilese pahāya, upakkilesa-vimuttaṇ udayabbayānupassanāññaṇ Maggo 'ti vavatthapetvā, udayaṇ pahāya bhaṅganupassanaṇ patvā, nirantaraṇ bhaṅgānupassanena bhayato upaṭṭhitesu sabbasāṅkhāresu nibbindanto virajjanto vimuccanto, yathākkamena cattāro ariyamagge pāpunitvā arahattaphale paṭiṭṭhāya ekūnavasatibhedassa paccavekkhaṇaṇānassa pariyaṇtappatto sadeva-kassa lokassa aggadakkhiṇeyyo hoti. Ettāvata c' assa gaṇanaṇ ādiṇ katvā paṭipassanāpariyosānā ānāpānasatisamādhībhāvanā samattā hoti 'ti.

Ayaṇ Sabbākārato Paṭhamacatukka-Vannaṇā.

\* VM, page 286.



Itaresu pana tīsu catukkesu yasmā visuṃ kammaṭṭhāna-bhāvanānayo nāma n' atthi, tasmā anupadavaṇṇanāyena<sup>1</sup> eva tesañ evam attho veditabbo:

*Pīṭisaṇvedī* 'ti pīṭiṇ paṭisaṇviditaṇ karonto pākaṭaṇ karonto, Assasissāmī . . . passasissāmī 'ti sikkhati. Tattha dvih' ākārehi pīti paṭisaṇveditā hoti: ārammaṇato ca asammohato ca. Kathaṇ ārammaṇato pīti paṭisaṇveditā hoti? Sappīṭike dve jhāne samāpajjati. Tassa samāpattikkhane jhānapaṭilābhena ārammaṇato pīti paṭisaṇviditā<sup>1</sup> hoti tadārammaṇassa paṭisaṇviditattā. Kathaṇ asammohato? Sappīṭike dve jhāne samāpajjitvā vuṭṭhāya jhānasampayuttaṇ pīṭiṇ khayato vayato sammāsati. Tassa vipassanākkhane lakkhaṇapaṭivedhena asammohato pīti paṭisaṇviditā hoti.<sup>1</sup> Eten' eva nayena avasesapadāni 'pi atthato veditabbāni. Idaṇ pan' ettha visesamattaṇ:

Tiṇṇaṇ jhānānaṇ vasena sukhapaṭisaṇveditā hoti, catunnam 'pi jhānānaṇ vasena cittasaṅkhārapaṭisaṇveditā veditabbā. Cittasaṅkhāro 'ti vedanā-saññākkhandhā.

[176] *Passambhayaṇ kāyasaṅkhāraṇ* 'ti <sup>a</sup>(oḷārikaṇ oḷārikaṇ cittasaṅkhāraṇ)<sup>b</sup> passambhento, nirodhento 'ti attho. So vitthārato kāyasaṅkhāre vuttanayena veditabbo. Api c' ettha pīti-pade pīti-sisena vedanā vuttā. Sukha-pade sarūpen' eva vedanā. Dvīsu cittasaṅkhāra-padesu saññā ca vedanā ca cetāsikā. Ete dhammā "cittapaṭibaddhā cittasaṅkhārā" 'ti vacanato, "saññāsampayuttā vedanā" 'ti evaṇ vedanānupassanāyena idaṇ catukkaṇ bhāsitan 'ti veditabbaṇ. Tatiyacatukke 'pi catunnaṇ jhānānaṇ vasena cittapaṭisaṇveditā veditabbā.

*Abhippamodayaṇ cittaṇ* 'ti cittaṇ modento pamodento bhāsento<sup>2</sup> pabhāsento<sup>3</sup> Assasissāmī . . . passasissāmī 'ti sikkhati. Tattha dvih' ākārehi abhippamodo hoti: samādhivasena ca vipassanāvasena ca. Kathaṇ samādhivasena?

<sup>1</sup> SH -veditā; SM -viditā (throughout).

<sup>a to b</sup> B oḷārikacittasaṅkhāraṇ.

<sup>2</sup> B hāsento.

<sup>3</sup> B pahāsento.

Sappīṭike dve jhāne samāpajjati, so samāpattikkhaṇe sampayuttapīṭiyā cittaṃ āmodeti pamodeti. Kathaṃ vipassanāvasena? Sappīṭike dve jhāne samāpajjitvā vuṭṭhāya jhānasampayuttaṃ pīṭiṃ khayato vayato sammāsati.<sup>1</sup> Evaṃ vipassanākkhaṇe jhānasampayuttaṃ pīṭiṃ ārammaṇaṃ katvā cittaṃ āmodeti pamodeti. Evaṃ paṭipanno, abhippamodayaṃ cittaṃ . . . . sikkhatī 'ti vuccati.

*Samādahaṃ cittaṃ* 'ti paṭhamajjhānādivasena ārammaṇe cittaṃ samaṃ ādahanto samaṃ ṭhapento. Tāni vā pana jhānāni samāpajjitvā vuṭṭhāya jhānasampayuttaṃ cittaṃ khayato vayato sammāsato vipassanākkhaṇe lakkhaṇapaṭivedhena uppajjati khaṇika-cittekaggatā. Evaṃ uppannāya khaṇikacittekaggatāya vasena 'pi ārammaṇe cittaṃ samaṃ ādahanto, samaṃ ṭhapento, "samādahaṃ cittaṃ assasissāmi . . . passasissāmi 'ti sikkhatī" 'ti vuccati.

*Vimocayaṃ cittaṃ* 'ti paṭhamajjhānena nīvaraṇehi cittaṃ mocento vimocento, dutiyena vitakkavicārehi, tatiyena pīṭiyā, catutthena sukhadukkhehi cittaṃ mocento vimocento; tāni vā pana jhānāni samāpajjitvā vuṭṭhāya jhānasampayuttaṃ<sup>2</sup> cittaṃ<sup>2</sup> khayato vayato sammāsati. So vipassanākkhaṇe aniccānupassanāya niccasaññāto cittaṃ mocento vimocento; dukkhānupassanāya sukhasaññāto, anattānupassanāya attasaññāto, nibbidānupassanāya nandito, virāgānupassanāya rāgato, nirodhānupassanāya samudayato, paṭinissaggānupassanāya ādānato cittaṃ mocento vimocento assasati c' eva passasati ca. Tena vuccati: Vimocayaṃ cittaṃ . . . 'ti sikkhatī 'ti.

Catutthe catukke pana *aniccānupassī* 'ti ettha tāva aniccaṃ veditabbaṃ, aniccataṃ veditabbā, aniccānupassanā veditabbā, aniccānupassī veditabbo. Tattha: aniccaṃ 'ti pañcakkhandhā. Kasmā? Uppāda-vaya-ññathattabhāvā. Aniccataṃ 'ti tesāṃ yeva uppāda-vaya-ññathattaṃ, hutvā abhāvo vā. Nibbattānaṃ ten' ev' ākārena aṭhatvā<sup>3</sup> khaṇabhaṅgena

<sup>1</sup> B sampassati.

<sup>2</sup> B jhānasampayuttadhamme.

<sup>3</sup> B ahutva; SH v.l. ṭhatvā.

bhedo 'ti attho. Aniccānupassanā 'ti tassā aniccatāya vasena rūpādisu aniccan 'ti anupassanā. Aniccānupassī 'ti tāya anupassanāya samannāgato. Tasmā evambhūto assasanto passasanto ca idha "aniccānupassī . . . sikkhatī" 'ti veditabbo.

*Virāgānupassī* 'ti ettha pana dve virāgā: khayavirāgo ca accantavirāgo ca. Tattha khayavirāgo 'ti saṅkhārāṇaṃ khaṇabhaṅgo. Accantavirāgo 'ti nibbāṇaṃ. Virāgānupassanā 'ti tadubhayadassanavasena pavattā vipassanā ca maggo ca. Tāya duvidhāya 'pi anupassanāya samannāgato hutvā assasanto passasanto ca "Virāgānupassī . . . sikkhatī" 'ti veditabbo. *Nirodhānupassī*-pade 'pi es' eva nayo.

*Paṭinissaggānupassī* 'ti etthā pi dve paṭinissaggā: pariccāgapāṭinissaggo ca pakkhandaṇapaṭinissaggo ca. Paṭinissaggo yeva anupassanā paṭinissaggānupassanā. Vipassanā-maggānam etaṃ adbhavaṇaṃ. Vipassanā hi tadaṅgavasena saddhiṃ khandhābhisaṅkhārehi kilese pariccajati, saṅkhata-dosadassanena ca tabbiparite nibbāṇe tanninnatāya pakkhandaṇatī 'ti pariccāgapāṭinissaggo c' eva pakkhandaṇapaṭinissaggo cā-ti vuccati. Maggo samucchedavasena saddhiṃ khandhābhisaṅkhārehi kilese pariccajati, ārammaṇakaraṇena<sup>1</sup> nibbāṇe pakkhandaṇatī 'ti pariccāgapāṭinissaggo c' eva pakkhandaṇapaṭinissaggo ca-ti vuccati. Ubhayam 'pi pana purimaññāṇaṃ<sup>2</sup> anu-anupassanato anupassanā 'ti vuccati. Tāya duvidhāya 'pi paṭinissaggānupassanāya samannāgato hutvā assasanto ca passasanto ca "paṭinissaggānupassī . . . sikkhatī" 'ti veditabbo.

Ettha ca aniccānupassī 'ti taruṇavipassanāya vasena vuttaṃ. Virāgānupassī 'ti tato balavatarāya saṅkhāresu virajjanasamatthāya<sup>3</sup> vipassanāya vasena; nirodhānupassī 'ti tato balavatarāya kilesanirodhanasamatthāya vipassanāya

<sup>1</sup> B -karaṇavasena.

<sup>2</sup> SH purimapurima-.

<sup>3</sup> B vivaṭṭana-.

vasena; paṇissaggānupassī 'ti maggassa āsannabhūṭāya titikkhāya<sup>1</sup> vipassanāya vasena vuttan 'ti veditabbaṇ. Yattha pana maggo 'pi labbhati so abhiñño yeva. Evam idaṇ catukkaṇ suddhavipassanāvasena vuttaṇ, purimāni pana tīpi samathavipassanāvasenā 'ti.

Ānāpānassatikā-Vañṇanā Niṭṭhitā.

33. Idāni yathānikkhittaṇ mātikaṇ paṭipāṭiyā bhājetvā dassetuṇ *Idhā 'ti imissā diṭṭhiyā* 'ti ādi āradḍhaṇ. Tattha: Imissā diṭṭhiyā 'ti ādīhi dasahi padehi sikkhattaya-saṅkhātāṇ sabbaññubuddhasāsanam eva kathitaṇ. Taṇ hi Buddhena bhagavatā diṭṭhattā diṭṭhī 'ti vuccati. Taṇ yeva khamana-vasena khanti, ruccanavasena ruci, gahaṇavasena ādāyo, sabhāvaṭṭhena dhammo, sikkhitabbaṭṭhena vinayo, tadubha-yena 'pi dhammavinayo, pavuttavasena pāvacaṇaṇ, seṭṭha-cariyaṭṭhena brahmacariyaṇ, anusitṭhidānavasena satthusāsanān 'ti vuccati. Tasmā imissā diṭṭhiyā 'ti ādisu imissā buddhadiṭṭhiyā, *imissā buddha-khantiyā*, *imissā buddha-ruciya*, *imasmīṇ buddha-ādāye*, *imasmīṇ buddha-dhamme*, *imasmīṇ vinaye* . . . . . *dhammavinaye* . . . . . *pāvacane* . . . . . *brahmacariye*, *imasmīṇ buddha-satthusāsane* 'ti attho veditabbo. Api c' ettha sikkhattaya-saṅkhātāṇ sakalapāvacaṇaṇ Bhagavatā diṭṭhattā sammādiṭṭhipaccayattā sammādiṭṭhipubbaṅgamattā ca diṭṭhi, Bhagavato khamana-vasena khanti, ruccanavasena ruci, gahaṇavasena ādāyo, attano kārakaṇ apāye apatamānaṇ dhāreti 'ti dhammo, tass' eva saṅkilesapakkaṇ vinetī 'ti vinayo, dhammo ca so vinayo cā 'ti Dhammavinayo. Kusaladhammehi vā akusaladhammānaṇ esa vinayo 'ti Dhammavinayo. (Ten' eva vuttaṇ: "Ye ca kho tvaṇ Gotami dhamme jāneyyāsi, ime dhammā virāgāya saṇvattanti, no sarāgāya . . . pe . . . ekaṇsena Gotami dhāreyyāsi, eso dhammo, eso vinayo, etaṇ satthusāsanān 'ti.") Dhammena vā vinayo, na daṇḍādīhi 'ti Dhammavinayo. Vuttam 'pi c' etaṇ:

<sup>1</sup> SH atitikkhāya.

Daṇḍen' eke damayanti  
 Aṅkusehi kasāhi ca;  
 Adaṇḍena asatthena  
 Nāgo danto mahesinā 'ti.

Tathā:

Dhammena niyyamānānaṃ<sup>1</sup>  
 Kā usūyā vijānatan ? 'ti.

Dhammāya vā vinayo Dhammavinayo. Anavajjadhammatthaṇ h' esa vinayo, na bhavabhogānisaṇsatthaṇ. Ten' āha Bhagavā: " Na yidaṇ bhikkhave brahmacariyaṇ vussati janakuhanatthaṇ " 'ti vitthāro. Puṇnatthero 'pi āha: " Anupādā parinibbānatthaṇ kho āvuso Bhagavati brahmacariyaṇ vussati " 'ti. Visuddhaṇ vā nayati 'ti Vinayo. Dhammato vinayo Dhammavinayo. Saṇsāradhammato hi, sokādidhammato<sup>2</sup> vā esa visuddhaṇ nibbānaṇ nayati. Dhammassa vā vinayo, na titthakarānaṇ 'ti Dhammavinayo. Dhamma-bhūto hi Bhagavā, tass' ev' esa vinayo. Yasmā vā dhammā<sup>3</sup> eva abhiññeyyā,<sup>3</sup> pariññeyyā,<sup>3</sup> pahātabbā,<sup>3</sup> bhāvetabbā,<sup>3</sup> sacchikātabbā<sup>3</sup> ca, tasmā esa dhammesu<sup>4</sup> vinayo, na sattesu, na jivesu cā 'ti Dhammavinayo.

Sātthasabyañjanakādihi aññesaṇ vacanato padhānaṇ vacanan 'ti pavacanaṇ. Pavacanaṇ eva pāvacanaṇ. Sabbacariyāhi viṣiṭṭhacariyabhāvena brahmacariyaṇ. Devamanussānaṇ satthubhūtaṇ Bhagavato sāsanaṇ 'ti Satthusāsanaṇ. Satthubhūtaṇ<sup>5</sup> vā sāsanaṇ Satthusāsanaṇ. " Yo vā Ānanda mayā dhammo ca vinayo ca desito paññatto, so vo mamaccayena satthā " 'ti hi dhammavinayo ca satthā 'ti. Evaṇ tesāṇ padānaṇ attho veditabbo. Yasmā pana imasmiṇ yeva sāsane sabbākāra-ānāpānasatisamādhinibbattako bhikkhu vijjati, na aññatra, tasmā tattha tattha imissā 'ti ca, imasmiṇ 'ti ca ayaṇ niyamo kato 'ti veditabbo. Ayaṇ idhā 'ti mātikāya niddesassa attho.

*Puthujjanakalyāṇako vā* 'ti ādinā ca bhikkhu-saddassa vacanatthaṇ avatvā idhā-dhippetabhikkhu yeva dassito.

<sup>1</sup> SH naya-.

<sup>2</sup> B lokādi-.

<sup>3</sup> B -o.

<sup>4</sup> B dhamme.

<sup>5</sup> B Satthūsu.



Tattha puthujjano ca so kilesānaṃ asamucchinnattā, kalyāṇo ca silādipaṭipattiyuttattā 'ti puthujjanakalyāṇo. Puthujjanakalyāṇo eva puthujjanakalyāṇako. Adhisilādini sikkhati 'ti *sekho*; sotāpanno vā, sakadāgāmī vā, anāgāmī vā. Akuppo calayitum asukkuṇeyyo arahattaphaladhammo assā 'ti *akuppadhammo*. So 'pi hi imaṃ samādhīṃ bhāveti.

Araññaniddese vinayapariyāyena tāva "Thapetvā gāmaṇ ca gāmpacāraṇ ca avasesaṃ *araññan*" 'ti āgataṃ. Suttan-tikapariyāyena araññakaṃ bhikkhuṃ sandhāya "Araññakaṃ nāma senāsanaṃ pañcadhanusatikaṃ pacchiman" 'ti āgataṃ. Vinayasuttantā pana ubho 'pi pariyāyadesanā nāma. Abhi-dhammo nippariyāyadesanā 'ti abhidhammapariyāyena ara-ññaṃ dassetuṃ *nikkhamitvā bahi indakhīlā* 'ti vuttaṃ. Inda-khīlato bahi nikkhamitvā 'ti attho. (Nikkhamitvā bahi indakhīlan 'ti 'pi pāṭho. Indakhīlaṃ atikkamitvā bahi 'ti vuttaṃ hoti.) Indakhīlo 'ti c' ettha gāmassa vā nagarassa vā ummāro.

Rukkhamūlaniddese rukkkhamūlassa pākātattā taṃ avatvā 'va yatthā 'ti ādim āha. Tattha: *yatthā* 'ti yasmiṃ rukkha-mūle. Āsanti nisīdanti etthā 'ti *āsanaṃ*. *Paññattan* 'ti thapitaṃ. *Mañco vā* 'ti ādini āsanassa pabhedavacanāni. Mañco 'pi hi nisajjāya 'pi okāsattā idha āsanesu<sup>1</sup> vutto. So pana masārabundikābaddha<sup>2</sup>-kulīrapādaka-āhaccapādakānaṃ aññataro. *Piṭhaṃ* tesāṃ aññataram eva. *Bhisī* 'ti unṇābhisi-colabhisi-vākabhisi-tiṇabhisi-paṇṇabhisīnaṃ aññatarā. *Ta-ṭṭikā* 'ti tālapaṇṇādīhi cinitvā katā. *Cammakhaṇḍo* 'ti nisajjāraho, yo koci cammakhaṇḍo. *Tiṇasantharādayo* ti-ṇādini gumbetvā<sup>3</sup> katā. *Tatthā* 'ti tasmiṃ rukkkhamūle. *Caṅkamati vā* 'ti ādīhi rukkkhamūlassa catu-iriyāpathapa-vattana-yoggaṭā kathitā. Yatthā 'ti ādīhi sabbapadehi rukkkhamūlassa sandacchāyatā, janavivittatā ca vuttā hoti.

*Kenacī* 'ti kenaci samūhena. Taṃ samūhaṃ bhinditvā vitthārento *gahaṭṭhehi vā pabbajitehi vā* 'ti āha. *Anākinnaṃ*

<sup>1</sup> B sāsano.<sup>2</sup> B masāraka-bandikā-.<sup>3</sup> B gunthitvā.



'ti asaṅkiṇṇaṇ asambādhaṇ. Yassa senāsanassa samantā gāvutam 'pi addhayojanam 'pi pabbatagahanaṇ vanagahanaṇ nadigahanaṇ hoti, na koci avelāya upasaṅkemituṇ sakkoti, idaṇ santike 'pi anākiṇṇaṇ nāma. Yaṇ pana aḍḍhayojanikaṇ vā yojanikaṇ vā hoti, idaṇ dūratāya eva anākiṇṇaṇ nāma.

*Vihāro* 'ti aḍḍhayogādimuttako avasesāvāso. *Aḍḍhayogo* 'ti supaṇṇavaṅkagehaṇ.<sup>1</sup> *Pāsādo* 'ti dve kaṇṇikā gahetvā kato dīghapāsādo. *Hammiyaṇ* 'ti upari ākāsatale patiṭṭhita-kūṭāgārapāsādo yeva. Guhā 'ti iṭṭhakāguhā, silāguhā, dārughā, paṇsughā 'ti evaṇ hi Khandhakatṭhakathāyaṇ vuttaṇ. Vibhaṅgatṭhakathāyaṇ pana: “*Vihāro* 'ti samantā parihārapathaṇ, anto yeva rattitṭhāna-divatṭhānāni ca dassetvā katasenāsaṇaṇ; guhā 'ti bhūmiguḥā, yattha rattindiyaṇ dīpaṇ laddhuṇ vaṭṭati, pabbataguḥā” 'ti idaṇ dvayaṇ visesetvā vuttaṇ.

Mātikāya sabbakālasādhāraṇa-lakkhaṇavasena nisidatī\* 'ti vattamānavacanaṇ kataṇ. Idha pana nisinnassa bhāva-nārambhasambhāvato<sup>2</sup> nisajjārambha-pariyosāna-dassana-tthaṇ *nisinno* 'ti niṭṭhānavacanaṇ kataṇ. Yasmā pana ujuṇ kāyaṇ paṇidhāya nisinnassa kāyo ujuko hoti, tasmā byañjane ādaraṇ akatvā adhippetam eva dassento *ujuko* 'ti ādim āha. Tattha: *ṭhito supaṇihito* 'ti ujukaṇ paṇihitattā ṭhapitattā ujuko hutvā ṭhito; na sayam evā 'ti attho.

*Pariggahatṭho* 'ti pariggahitaṭṭho. Kiṇ pariggahitaṇ? Niyyāṇaṇ. Kiṇ niyyāṇaṇ? Ānāpānasatisamādhī yeva yāva arahattamaggā niyyāṇaṇ. Ten' āha *niyyānatṭho* 'ti. *Mukha-saddassa* jeṭṭhakatthavasena saṇsārato niyyānatṭho vutto. *Upatṭhānatṭho* 'ti sabhāvatṭho yeva. Sabbehi paṇ' etehi padehi pariggahitaniyyāṇaṇ *satīṇ* katvā 'ti attho vutto hoti. (Keci pana pariggahatṭho 'ti satiyā pariggahatṭho;

\* Text, p. 175, § 32, line 3.

<sup>1</sup> SH v.l. suvaṇṇa-; B subaṇṇa.

<sup>2</sup> B -rabbhasambha-.

niyyānaṭṭho 'ti assāsapassāsānaṃ pavisananikkhamana-dvā-  
raṭṭho 'ti vaṇṇayanti.) Pariggahita-assāsapassāsaniyyānaṃ  
saṇṇi upaṭṭhapetvā 'ti vuttaṃ hoti.

34. *Dvattiṃsāya*<sup>1</sup> [177] *ākārehi* 'ti tāsu tāsu avatthāsu yathā-  
kkamena labbhamānānaṃ anavasesa - pariyādānavasena  
vuttaṃ. *Dīghaṃ assāsavaseṇā* 'ti mātikāya Dīghaṃ 'ti vutta-  
assāsavaseṇa. Evaṃ sesesu. *Ekaggatan* 'ti ekaggabhāvaṃ.  
*Avikkhepan* 'ti avikkhipanaṃ. Ekaggatā eva hi nānāra-  
mmaṇesu cittassa avikkhipanato avikkhepo 'ti vuccati.  
*Paṇānato* 'ti asammohavasena paṇānantassa, vindantassā 'ti  
vā attho. "Avikkhepo me paṭiladdho" 'ti ārammaṇakara-  
navasena paṇānantassa vā. *Tāya satiyā* 'ti tāya upaṭṭhitāya  
satiyā. *Tena nāṇenā* 'ti tena avikkhepaṇānānāṇena. *Sa-  
tokārī hoti* 'ti ettha yasmā nāṇasampayuttā eva sati satī 'ti  
adhippetā (Yath' āha: "satimā hoti paramena satinepakkena  
samannāgato" 'ti), tasmā sato 'ti vacanen' eva nāṇam 'pi  
gahitam eva hoti.

35. *Addhānasāṅkhāte* 'ti dīghasaṅkhāte kāle. Dīgho hi  
maggo addhāno 'ti vuccati. Ayam 'pi kālo dīghattā addhāno  
viya addhāno 'ti vutto. *Assasati* 'ti ca, *passasati* 'ti ca  
assāsāṇ ca passāsāṇ ca viṣuṇ viṣuṇ vatvā 'pi bhāvanāya  
nirantarappavattidassanattāṇ *assasati* 'pi *passasati* 'pi, 'ti  
puna samāsetvā vuttaṃ. *Chando uppajjati* 'ti bhāvanābhi-  
vuddhiyā bhiyyobhāvāya chando jāyati. *Sukhumatāraṇ* 'ti  
passambhanasabhāvato<sup>2</sup> vuttaṃ. *Pāmojjaṇ*<sup>3</sup> *uppajjati* 'ti  
bhāvanāpāripūriyā pīti jāyati. *Assāsapassāsā* 'pi *cittaṃ  
vivattaṇ* 'ti assāsapassāse nissāya paṭibhāganimitte uppajjante  
pakati-assāsapassāsato cittaṃ nivattati. *Upekkhā saṇṭhāti*  
'ti tasmiṇ paṭibhāganimitte upacārappanā-samādhippattiya  
puna samādhāne byāpārābhāvato tatramajjhattupekkhā  
saṇṭhāti nāma. *Navah' ākārehi* 'ti ettha bhāvanārambhato  
pabhuti pure chanduppādā assasati 'pi passasati 'pi 'ti vuttā  
tayo ākāra, chanduppādato pabhuti pure pāmojjupādā tayo,  
pāmojjupādato pabhuti tayo 'ti nava ākāra.<sup>4</sup>

<sup>1</sup> Text Ba-.<sup>2</sup> B -sabbhā-; SH v.l. -sambha-.<sup>3</sup> SH pāmu- (throughout).<sup>4</sup> SH navākārā.

*Kāyo* 'ti cunṇavicunṇā 'pi assāsapassāsā samūhatṭhena kāyo. Pakati-assāsa-pakatipassāse nissāya uppannanimittam 'pi assāsapassāsā 'ti nāmaṇ labhati. *Upatṭhānaṇ sati* 'ti taṇ ārammaṇaṇ upecca tiṭṭhati 'ti sati upatṭhānaṇ nāma. *Anupassanā ñāṇan* 'ti samathavasena nimittakāyānupassanā-vipassanāvasena nāmakāya-rūpakāyānupassanā ñāṇan 'ti attho. *Kāyo upatṭhānan* 'ti so kāyo "Upecca tiṭṭhati ettha sati" 'ti Upatṭhānaṇ nāma. *No sati* 'ti so kāyo sati nāma na hoti 'ti attho. *Tāya satiyā* 'ti idāni vuttāya satiyā. *Tena ñāṇenā* 'ti idān' eva vuttena ñāṇena. *Taṇ kāyaṇ anupassatī* 'ti samathavipassanāvasena yathāvuttaṇ<sup>1</sup> kāyaṇ anugantvā jhānasampayuttañāṇena vā vipassanāñāṇena vā passati.

Mātikāya kāyādīnaṇ padānaṇ abhāve 'pi imassa catukassa kāyānupassanāvasena vuttattā idāni vattabbaṇ. *Kāye kāyānupassanā-satipatṭhānabhāvanā* 'ti vacanaṇ sandhāya kāya-padaniddeso kato. Kāye kāyānupassanā 'ti bahuvidhe kāye tassa kāyassa anupassanā; athavā kāye kāyānupassanā, na aññadhammānupassanā 'ti vuttaṇ hoti. Anicca-dukkh-ānatt-āsuhato<sup>2</sup> kāye na nicca-sukh-att-asubhānupassanā. Atha kho anicca-dukkh-ānatt-āsuhato kāyass' eva anupassanā. Athavā kāye ahan 'ti vā, maman 'ti vā, itthī 'ti vā, puriso 'ti vā gahetabbassa kassaci ananupassanato tass' eva kāyamattassa anupassanā 'ti vuttaṇ hoti. Upari vedanāsu vedanānupassanā 'ti ādisu tisu 'pi es' eva nayo. Sati yeva upatṭhānaṇ satipatṭhānaṇ. Kāyānupassanāya sampayuttaṇ satipatṭhānaṇ kāyānupassanāsatipatṭhānaṇ. Tassa bhāvanā kāyānupassanāsatipatṭhāna-bhāvanā.

[178] 36. *Taṇ kāyaṇ* 'ti anidditṭhe 'pi nāmarūpakāye kāya-saddena tassā-pi saṅgahitattā nidditṭhaṇ viya katvā vuttaṇ. Aniccānupassanādayo hi nāmarūpakāye eva labbhanti, na nimittakāye. Anupassanā ca *bhāvanā* ca vuttaṭṭhā eva.

37. *Dīghaṇ assāsapassāvasenā* 'ti ādi ānāpānasatibhāvanāya ānisaṇsaṇ dassetuṇ vuttaṇ. Tassā-pi hi sativepullatā

<sup>1</sup> B yathākkamaṇ vuttaṇ.

<sup>2</sup> B -bhabhūte.

ñānavepullatā ca ānisaṅso. Tattha: *cittassa ekaggataṅ avikkhepaṅ pajānato* 'ti paṭiladdhajhānassa vipassanākāle citta-kaggataṅ sandhāya vuttaṅ. *Viditā vedanā* 'ti sāmāññato udayadassanena viditā vedanā. *Viditā upatṭhahantī* 'ti khayato vayato suññato viditā<sup>1</sup> upatṭhahanti. *Viditā abhathanṅ gacchantī* 'ti sāmāññato vayadassanena viditā vināsaṅ gacchanti, bhijjanti 'ti attho. *Saññāvitakkesu* 'pi es' eva nayo. Imesu pana tīsu vuttesu sesārūpadhammā 'pi vuttā hontī. "Kasmā pana ime tayo eva vuttā?" 'ti ce: duppariggahattā. Vedanāsu tāva sukhadukkhā pākātā. Upekkhā pana sukhumā duppariggahā, na suṭṭhu pākātā. Sā 'pi c' assa pākātā hoti. Saññā ākāramattagāhakattā na yathā-sabhāvagāhiṇī, sā ca sabhāvasāmāññalakkhaṇa-gāhakena vipassanāññānena sampayuttā ativiya apākātā, sā 'pi c' assa pākātā hoti. Vitakko ñānapaṭirūpakattā ñānato visuṅ katvā duppariggaho, nānapaṭirūpako hi vitakko. Yath' āha: "Yā c' āvuso Visākha, sammādiṭṭhi, yo ca sammā-saṅkappo, ime dhammā paññākkhandhe saṅgahitā" 'ti. Yo 'pi c' assa vitakko pākato hoti 'ti evaṅ duppariggahesu vuttesu sesā vuttā 'va hontī 'ti.

38-40. Imesaṅ pana padānaṅ niddese: *Kathaṅ viditā vedanā uppajjantī?* 'ti pucchitvā taṅ avissajjetvā 'va vedanuppādassa viditatte yeva vissajjite vedanāya viditattaṅ vissajjitaṅ hoti 'ti, *Kathaṅ vedanāya uppādo vidito hoti?* 'ti ādim āha. Sesesu 'pi es' eva nayo. *Avijjāsamudayā . . . . avijjānirodhā* 'ti ādayo heṭṭhā vuttattā eva. Iminā 'va nayena saññā-vitakkā 'pi veditabbā. Vitakkavāre pana *Phassasamudayā . . . phassanirodhā* 'ti avatvā phassatṭhāne. *Saññāsamudayā . . . saññānirodhā* 'ti vuttaṅ. "Taṅ kasmā?" 'ti ce: saññāmūlakattā vitakkassa. "Saññānānattaṅ paṭicca uppajjati saṅkappanānattan" 'ti hi vuttaṅ.

*Aniccato manasikaroto* 'ti ādisu ca vedanaṅ aniccato manasikaroto 'ti ādinā nayena tasmiṅ tasmiṅ vāre so so yeva dhammo yojetabbo. Yasmā pana vipassanāsampa-

<sup>1</sup> B omits.

yuttā vedanā vipassanākickakarane asamatthattā vipassanāya anupakārikā, tasmā yeva ca bodhipakkhiyadhammesu nāgatā. Vipassanāsampayuttāya pana saññāya kiccam eva aparibhāṭṭaṇ, tasmā sā vipassanāya ekantam upakārikā eva. Vitakkaṇ pana vinā vipassanākickam eva n' atthi. Vitakkasahāyā 'pi vipassanā sakakiccaṇ karoti. Yath' āha: "Paññā attano dhammatāya aniccaṇ, dukkhaṇ, anattā 'ti ārammaṇaṇ nicchetuṇ na sakkoti. Vitakke pana ākoṭetvā ākoṭetvā dente sakkoti. Yathā hi heraññiko kahāpaṇaṇ hatthe ṭhapetvā sabbabhāgesu oloketukāmo samāno 'pi na cakkhutaṇ' eva parivattetuṇ sakkoti, aṅgulipabbehi pana parivattetvā parivattetvā ito c' ito ca oloketuṇ sakkoti; evam va paññā attano dhammatāya aniccādivasena ārammaṇaṇ nicchetuṇ na sakkoti, abhiniropanalakkhaṇena pana āhananapariyāhananarasena vitakkena ākoṭentena viya parivattentena viya ca ādāy' ādāya dinnam eva nicchetuṇ sakkoti. Tasmā vedanāsaññānaṇ vipassanāya anupakāratta lakkhaṇamattavaseṇ' eva dassetuṇ, *vedanāya* [179] . . . *saññāya* 'ti tattha tattha ekavacanena niddeso kato. Yattako pana vipassanāya bhedo tattako eva vitakkassā 'ti dassetuṇ *vitakkānaṇ* 'ti tattha tattha bahuvacanena niddeso kato 'ti vattuṇ yujjati.

[180] 41. Puna *ḍighaṇ assāsapassāsavaseṇā* 'ti ādi ānāpānasatibhāvanāya sampattiṇ bhāvanāphalaṇ ca dassetuṇ vuttaṇ. Tattha: *samodhāneti* 'ti ārammaṇaṇ ṭhapeti, ārammaṇaṇ patiṭṭhāpeti 'ti vā attho. Samodahanabyāpārābhāve<sup>1</sup> 'pi bhāvanāpāripūriyā eva samodahati nāma. *Gocaraṇ* 'ti vipassanākhāṇe saṅkhārārammaṇaṇ, maggakkhāṇe ca phalakkhāṇe ca nibbānārammaṇaṇ. Samatthan 'ti samam eva attho, samassa vā attho 'ti samattho, taṇ *samatthaṇ*. Seseṇ 'pi es' eva nayo. *Maggaṇ samodhāneti* 'ti maggaṇphalakkhāṇe yeva. Gocaraṇ nibbāṇam eva. *Ayaṇ puggalo* 'ti ānāpānasatibhāvanaṇ anuyutto yogāvacaro 'va. *Imasmiṇ ārammaṇe* 'ti ettha pana kaye 'ti padena saṅgahite nāmarūpakāya-saṅkhāte saṅkhatārammaṇe.

<sup>1</sup> B Samodahanāṇ byā-



Ten' eva kamena magge nibbāṇārammaṇe ca. *Yaṇ tassā* 'ti ādihi ārammaṇa-gocara saddānaṇ ekatthatā vuttā. *Tassā* 'ti tassa puggalassa. *Pajānāti* 'ti puggalo pajānāti<sup>1</sup> *pajānanā paññā* 'ti puggalo paññāya pajānāti 'ti vuttaṇ hoti. *Ārammaṇassa upatthānan* 'ti vipassanākhane saṅkhārārammaṇassa, maggaphalakhane ca nibbāṇārammaṇassa upatthānaṇ sati.<sup>2</sup> Ettha kammattthe sāmivacanaṇ, yathā: Rañño upatthānan 'ti. *Avikkhepo* 'ti samādhi. *Adhiṭṭhānan* 'ti yathā-vuttasaṅkhārārammaṇaṇ nibbāṇārammaṇaṇ ca, taṇ hi adhiṭṭhāti ettha cittaṇ 'ti adhiṭṭhānaṇ. *Vodānan* 'ti ñānaṇ. Taṇ hi vodāyati visujjhati tena cittaṇ 'ti vodānaṇ.

Linapakkhiko samādhi alīnabhāvappattiyā samabhūtattā *samaṇ*. Uddhaccapakkhikaṇ ñānaṇ anuddhatabhāvappattiyā samabhūtattā samaṇ. Tena vippassanā-maggaphalakkhaṇesu samathavipassanānaṇ yuganandhatā vuttā hoti. Sati pana sabbatthikattā tadubhayasamatāya upakārikā 'ti samaṇ. Ārammaṇaṇ samathādhiṭṭhānattā samaṇ.

*Anavajjattho* 'ti vipassanāya anavajjasabhāvo. *Nikkilesattho* 'ti maggassa nikkilesasabhāvo. (Nikkilesattho<sup>3</sup> 'ti vā pātho.) *Vodānattho* 'ti phalassa parisuddhasabhāvo. *Paramattho* 'ti nibbāṇassa sabbadhammuttamasabhāvo. *Paṭivijjhatī* 'ti taṇ sabhāvaṇ asammohato paṭivijjhati. Ettha ca *ārammaṇassa upatthānan* 'ti ādihi samapaṭivedho vutto. Etth' eva ca vodānatthapaṭivedhassa vuttattā tena ekalakkaṇā anavajjattha-nikkilesattha-paramatthā lakkhaṇāhā-ravasena vuttā yeva honti. Yath' āha:

Vuttamhi ekadhamme  
Ye dhammā ekalakkaṇā kecī<sup>4</sup>  
Vuttā bhavanti sabbe;  
Iti vutto lakkhaṇohāro<sup>5</sup> 'ti.

Anavajjattho, nikkilesattho c' ettha avikkhepa-saṅkhatassa samassa attho payojanaṇ 'ti samattho. Vodānattho vipa-

<sup>1</sup> SH omits.<sup>2</sup> SH Saman 'ti.<sup>3</sup> So in Text.<sup>4</sup> B, SH v.l. tena.<sup>5</sup> B, SH v.l. -nāhāro.



ssanāmaggavodānaṃ sandhāya samam eva attho 'ti samattho. Phalavodānaṃ sandhāya maggavodāna-saṅkhātassa samassa attho 'ti samattho. Paramattho pana samam eva attho 'ti vā nibbānapayojanattā sabbassa samassa attho 'ti vā samattho. Taṃ vuttappakāraṃ samaṃ ca samatthaṃ ca ekadesa-sarūpekasesaṃ katvā *samatthaṃ ca paṭivijjhatī*<sup>1</sup> 'ti vuttaṃ.

42-45. Indriya-bala-[181-182]bojjhaṅgadhammā vipassanā-maggaphalakkhaṇe 'pi labbhanti. Maggo ca tisso ca visuddhiyo maggaphalakkhaṇe yeva, vimokkho ca vijjā ca khaṇānaṃ ca maggakkhaṇe yeva, vimutti ca anuppāde ñāṇaṃ ca phalakkhaṇe yeva, sesā vipassanākkhaṇe 'pi 'ti dhammavāre ime dhamme imasmiṃ ārammaṇe *samodhānetī* 'ti, nibbānaṃ tṭhapetvā sesā yathāyogaṃ veditabbā. Idaṃ pana yebhuyyenavasena vuttaṃ. Avuttatthā pan' ettha heṭṭhā vuttā eva. Ekekacatukkavasena' ettha niyyāṇe dassite 'pi catukkantogadhassa ekekassā-pi bhāgassa niyyāṇassa upanissayattā ekekabhāgavasena niyyāṇaṃ dassitaṃ, na hi ekekaṃ vinā niyyāṇaṃ hoti 'ti.

Dīghaṃ-Assāsapassāsa-Niddesa-Vaṇṇanā Niṭṭhitā.

46-47. Rassaniddese: *ittarasāṅkhāte* 'ti paritta-saṅkhāte kāle. Sesam ettha vuttanayena veditabbaṃ.<sup>2</sup>

[183] 48. *Sabbakāyapatisaṃvedī*-niddese arūpadhammesu vedanāya olārikattā sukhagahaṇatthaṃ paṭhamaṃ itthāni-tṭhārammaṇa-saṃvedikā *vedanā* vuttā. Tato yaṃ vedeti taṃ sañjānāti 'ti evaṃ vedanāvisayassa ākāragāhikā *saññā*; tato saññāvasena abhisāṅkhārikā *cetanā*; tato "Phuṭṭho vedeti, phuṭṭho sañjānāti, phuṭṭho ceteti" 'ti vacanato *phasso*; tato sabbesaṃ sādharmaṇalakkhaṇa *manasikāro*; 'ti cetanādīhi saṅkhārakkhandho vutto. Evaṃ tisu khandhesu vuttesu

<sup>1</sup> B paṭipajjati.

<sup>2</sup> B *inserts after this*, Rass-assāsapassāsa-niddesa-vaṇṇanā.

taṇhissayo viññānakkhandho vutto 'va hoti. Nāmañ cā 'ti  
vuttappakāraṇaṃ nāmaṇ ca. Nāmākāyo cā 'ti idaṃ pana nā-  
mena nibbānaṣṣā-pi saṅgahitattā lokuttarānañ ca avipassa-  
nūpagattā taṇ apanetuṃ vuttaṇ. Kāyo 'ti hi vacanena ni-  
bbānaṇ apanītaṇ hoti nibbānaṣṣa rāsivininimuttattā. Ye ca  
*vuccanti cittasaṅkhārā* 'ti saññā ca vedanā ca cetasikā; ete  
dhammā cittapaṭibaddhā. Cittasaṅkhārā 'ti evaṇ vucca-  
mānā 'pi cittasaṅkhārā idha nāmākāyeṇ' eva saṅgahitā 'ti  
vuttaṇ hoti.

*Mahābhūtā* 'ti mahantapātubhāvato mahābhūtasāmaññaato mahāparivārato mahāvīkāro mahantabhūtattā cā 'ti mahābhūtā. Te pana paṭhavī, āpo, tejo, vāyo 'ti cattāro. *Catunnaṃ mahābhūtānaṃ upādāya rūpaṃ* 'ti upayogatthe sāmi-vacanaṃ. Cattāro mahābhūte upādāya nissāya amuñcivā pavattarūpaṃ 'ti attho. Tam pana cakkhu, sotaṃ, ghāṇaṃ, jivhā, kāyo, rūpaṃ, saddo, gandho, raso, itthindriyaṃ, puri-sindriyaṃ, jivitindriyaṃ, hadaya vatthu, ojā, kāyaviññatti, vacīviññatti, ākāśadhātu, rūpassa lahutā, mudutā, kamma-ññatā, upacayo, santati, jaratā, aniccatā 'ti catuvīsatividhaṃ. *Assāso ca passāso cā* 'ti pākātiko yeva. Assāsapassāse nissāya uppannaṃ paṭibhāganimittam 'pi tad eva nāmaṃ labhati paṭhavīkaśinādini viya. Rūpasarikkhakattā rūpaṃ 'ti ca nāmaṃ labhati, “bahiddhā rūpāni passati” 'ti ādisu viya. *Nimittaṇ ca upanibandhanā* 'ti sati-upanibandhanāya nimittabhūtaṃ assāsapassāsānaṃ phusaṇaṭṭhānaṃ.<sup>1</sup> *Ye ca vuccanti kāyasaṅkhārā* 'ti assāsapassāsā kāyikā ete dhammā kāyapaṭibaddhā kāyasaṅkhārā 'ti evaṃ vuccamānā 'pi kāyasaṅkhārā idha rūpakāyen' eva saṅgahitā 'ti vuttaṃ hoti.

49. *Te kāyā patividitā honti* 'ti jhānakkhaṇe assāsapassāsanimittakāyā, vipassanākhāṇe avasesarūpārūpakāyā ārammaṇato patividitā honti, maggakkhaṇe asammohato patividitā honti. Assāsapassāsavasena paṭiladdhajhānassa yogissa uppannavipassanāmagge 'pi sandhāya *diḡhaṇ assāsa-*

<sup>1</sup> B adds yeva.

*passāsavasenā* 'ti ādi vuttaṇ. *Āvajjato pajānato* 'ti ādini silakathāyaṇ vuttatthāni. [184] *Te vuttappakāre kāye antokaritvā sabbakāyapaṭisaṇvedī* 'ti vuttaṇ.

50. *Sabbakāyapaṭisaṇvedī assāsapassāsānaṇ saṇvaratṭhena* 'ti ādisu sabbakāyapaṭisaṇvedī 'ti vutta assāsapassāsato uppa-jjanaḥhānavipassanāmaggesu saṇvaro yeva saṇvaratṭhena *silavisuddhi*. Avikkhepo yeva *avikkhepatṭhena cittavisuddhi*. Paññā yeva *dassanatṭhena dīṭṭhivisuddhi*. Jhānavipassanāsu virati-abhāve 'pi pāpābhāvamattam eva saṇvaro nāmā 'ti veditabbaṇ.

51. *Passambhayan* 'ti ādīnaṇ niddese: *kāyikā* 'ti rūpakāye bhavā. *Kāyapaṭibaddhā* 'ti kāyaṇ paṭibaddhā, kāyaṇ nissitā; kāye sati honti, asati na honti. Tasmā yeva te kāyena saṅkharīyanti 'ti *kāyasaṅkhārā*. *Passambhento* 'ti nibbāpento sannisidāpento. *Passambhanavacanen* 'eva oḷārikānaṇ passambhanaṇ siddhaṇ. *Nirodhento* 'ti oḷārikānaṇ anuppādanena nirodhento. *Vūpasamento* 'ti oḷārike yeva ekasanta-tipariṇāmanayena santabhāvaṇ nayanto. *Sikkhatī* 'ti adhi-kāravasena assasissāmī 'ti sikkhatī 'ti sambandho; tisso sikkhā sikkhatī 'ti vā attho. Idāni oḷārikapassambhanaṇ dassetuṇ *yathārūpehi* 'ti ādim āha. Tattha: *yathārūpehi* 'ti yādisehi. *Āmanā* 'ti pacchato namanā; *vinamanā* 'ti ubhayapassato namanā; *sannamanā* 'ti sabbato 'pi naman-tassa suttḥu namanā; *paṇamanā* 'ti purato namanā; *iñjanā* 'ti kampanā; *phandanā* 'ti isakaṇ calanā; [185] *pakampanā* 'ti bhusaṇ kampanā.

“*Yathārūpehi kāyasaṅkhārehi kāyassa āmanā . . . pe . . . pakampanā tathārūpaṇ kāyasaṅkhāraṇ passambhayan*” 'ti ca, “*yā kāyassa āmanā . . . pe . . . pakampanā, tañ ca passambhayan*” 'ti ca sambandho katabbo. *Kāyasaṅkhāresu* hi *passambhitesu* kāyassa āmanādayo ca *passambhitā* yeva honti 'ti *yathārūpehi kāyasaṅkhārehi kāyassa na āmanā*-dikā hoti, *tathārūpaṇ santaṇ sukhumaṇ* 'pi *kāyasaṅkhāraṇ passambhayan* 'ti ca; *yā kāyassa na āmanā*-dikā, *tathārūpaṇ santaṇ sukhumaṇ passambhayan* 'ti ca samban-

dhato veditabbaṃ.<sup>1</sup> Santaṃ sukhumaṇaṃ 'ti ca bhāvanapūṇ-sakavacanama etaṃ. Iti kirā 'ti ettha: *Iti evam-atthe; kira yadi-atthe. Yadi evaṃ sukhumake 'pi assāsapassāse passambhaṇaṃ assasissāmī . . . passasissāmī 'ti sikkhatī 'ti codakena codanā āradadhā hoti. Athavā "kirā" 'ti codakavacanattā asaddahanatthe, parokkhatthe ca yujjati yeva. "evaṃ sukhumānaṃ 'pi passambhanaṃ sikkhatī 'ti na saddahāmi, apaccakkaṇaṃ me" 'ti vuttaṃ hoti.*

*Evaṃ sante 'ti evaṃ sukhumānaṃ passambhane sante. Vātūpaladdhiyā ca pabhāvanā na hotī 'ti assāsapassāsavātassa upaladdhiyā. Upaladdhī 'ti viññāṇaṃ. Assāsapassāsavātaṃ upalabbhamānassa tadārammaṇassa bhāvanā, viññāṇassa pabhāvanā uppādanā na hoti; tassa ārammaṇassa bhāvanā na hotī 'ti attho. Assāsapassāsānaṃ ca pabhāvanā na hotī 'ti bhāvanāya sukhumakānaṃ 'pi assāsapassāsānaṃ nirodhanato tesāṃ ca uppādanā pavattanā na hotī 'ti attho. Anāpānasatiyā ca pabhāvanā na hotī 'ti assāsapassāsabhāvato yeva tadārammaṇāya bhāvanāviññāṇasampayuttāya satiyaṃ ca pavattanā na hoti; tasmā yeva taṇsāpayuttassa ānāpānasatisamādhissa ca bhāvanā na hoti. Na ca naṃ taṇaṃ 'ti ettha ca naṃ 'ti nipātamattaṃ, "bhikkhu ca naṃ" 'ti ādisu viya. Taṃ vuttavidhaṃ samāpattiṃ paṇḍitā na samāpajjanti 'pi, tato na vuttahanti 'pi 'ti sambandho. Codanāpakkaṇassa pariḥāravacane: *iti kirā 'ti evam eva. Ettha eva-kāratthe kira saddo-daṭṭhabbo. Evaṃ sante 'ti evaṃ passambhane sante eva. Yathā kathaṃ viyā 'ti yathā taṃ vuttavidhānaṃ hoti, tathā taṃ kathaṃ viyā ? 'ti upamaṃ pucchati.**

Idāni: *seyyathā 'pi 'ti taṃ upamaṃ dasseti. Kaṇse 'ti kaṇsamayabhājane.<sup>2</sup> Nimittan 'ti tesāṃ saddānaṃ ākāraṃ. "Nimittan" 'ti ca sāmi-atthe upayogavacanāṃ; Nimittassā 'ti attho. Saddanimittāṇaṃ ca saddato anaññaṃ. Suggahitattā 'ti suṭṭhu uggahitattā. (Sugahitattā 'ti 'pi pāṭho. Suṭṭhu gahitattā 'ti attho.) Sumanasi katattā 'ti suṭṭhu āvajjitattā. Sūpadhāritattā 'ti suṭṭhu citte ṭhapitattā. Su-*

<sup>1</sup> SH veditabbo.<sup>2</sup> B kaṇsabhājane.

*khumasaddanimittārammaṇattā* 'pī 'ti tadā sukhumānam 'pi saddānaṃ niruddhattā "anuggahitasaddanimittassa anārammaṇā<sup>b</sup> 'pi sukhumataṃ saddanimittaṃ ārammaṇaṃ katvā sukhumataṃ saddanimittārammaṇam 'pi cittaṃ pavattati; sukhumatarasadda-nimittārammaṇabhāvato 'pi 'ti vā attho. Iminā 'va nayena appaṇāyam 'pi attho veditabbo.

[186] Passambhayan 'ti ādīsu: "*Passambhayaṃ kāyasaṅkhāraṇ* 'ti vuttā *assāsapassāsā kāyo* 'ti" vā; "*passambhayaṃ kāyasaṅkhāraṇ* 'ti ettha *assāsapassāsā kāyo* 'ti" vā yojanā veditabbā.

52. Bhāvanāvisuddhiyā kāyasaṅkhāre passambhamāne 'pi "Oḷārikaṃ kāyasaṅkhāraṃ passambhemī" 'ti yogino ābhoge sati tenādarena ativiya passambhati, anupaṭṭhahantam 'pi sukhumaṃ su-ānayaṃ hoti. *Attha anupassane ñāṇānī* 'ti dīghaṃ, rassaṃ, sabbakāyapaṭisaṃvedī, passambhayaṃ kāyasaṅkhāraṇ 'ti vuttesu catūsu vatthūsu assāsavasena catasso, passāsavasena catasso 'ti attha anupassanāñāṇānī. *Attha ca upaṭṭhānānussatiyo*<sup>1</sup> 'ti dīghaṃ assāsavasena cittassa ekaggataṃ avikkhepaṃ pajānato sati upaṭṭhitā hoti 'ti ādina nayena vuttesu catūsu vatthūsu assāsavasena catasso, passāsavasena catasso 'ti attha ca upaṭṭhānānussatiyo.<sup>2</sup> *Cattāri suttantikavatthūnī* 'ti Bhagavatā Ānapānasatisuttante vuttattā paṭhamacatukka-kavasena cattāri suttantikavatthūnī 'ti.

Paṭhamacatukka-Niddesa-Vaṇṇanā Niṭṭhitā.

53-54. Dutiyacatukkassa *pīṭipatisaṃvedī*-niddese *uppaṇṇatī pīṭipāmojjan*<sup>3</sup> 'ti ettha: Pīṭi 'ti mūlapadaṃ; pāmojjan 'ti tassa atthapadaṃ, pamuditabhāvo 'ti attho. [187] *Yā pīṭi-*

<sup>a to b</sup> B anuggahitattā saddanimittassa anārammaṇaṃ.

<sup>1</sup> B upaṭṭhānānupassīyo.

<sup>2</sup> B -nupassīyo. Attha c' upaṭṭhānānupassatiyo 'ti 'pi pāṭho. SM adds Attha c' upaṭṭhānānussatiyo 'ti pi pāṭho.

<sup>3</sup> SH -pāmujja (*throughout*).

*pāmojjan* 'ti ādisu yā pīti 'ti ca *pāmojjan* 'ti ca evamādinī nāmāni labhati, sā pīti 'ti vuttaṇ hoti. Tattha: Pīti 'ti sabhāvapadaṇ. Pamuditabhāvo *pāmojjan*. Āmodanākāro *āmōdanā*, pamōdanākāro *pamōdanā*. Yathā ca bhesajjānaṇ vā, telānaṇ vā, uṇhodakasitōdakānaṇ vā ekatōkaraṇaṇ modanā 'ti vuccati, evam ayam 'pi dhammānaṇ ekatōkaraṇena modanā. Upasaggavasena padaṇ maṇdetvā<sup>1</sup> amōdanā *pamōdanā* 'ti vuttā. Hāseti 'ti *hāso*, pahāseti 'ti *pahāso*. Haṭṭhapahaṭṭhākārānam etaṇ adhivacanaṇ. *Vitti* 'ti vittaṇ, dhanass' etaṇ nāmaṇ. Ayaṇ pana somanasapaccayattā vittasarikkhatāya vitti. Yathā hi dhanino dhanāṇ paṭicca somanassaṇ uppajjati, evaṇ pītimato 'pi pītiṇ paṭicca somanassaṇ uppajjati, tasmā vitti 'ti vuttā. Tuṭṭhisabhāvasaṇṭhitiyā hi pītiyā etaṇ nāmaṇ. Pītimā pana puggalo kāyacittānaṇ uggatattā abbhuggatattā udaggo 'ti vuccati. Udaggassa bhāvo *odaggaṇ*. Attano manatā attamanatā. Anabhiraddhassa hi mano dukkhapadaṭṭhānattā na attano mano nāma hoti. Abhiraddhassa sukhapadaṭṭhānattā attano mano nāma hoti. Iti attano manatā attamanatā, sakamanabhāvo 'ti attho. Sā pana yasmā na aññassa kassaci attano manatā, cīttass' eva pan' eso bhāvo cetāsiko dhammo, tasmā *attamanatā cīttassā* 'ti vuttā. Sesam ettha ca upari ca heṭṭhāvuttanayena yojetvā veditabbaṇ.

55-57. *Sukhapatisaṇvedanā*-niddese: [188] *Dve sukhānī* 'ti samatha-vipassanābhūmidassanātthaṇ vuttaṇ. Kāyikaṇ hi sukhaṇ vipassanāya bhūmi, cetāsikaṇ sukhaṇ samathassa ca vipassanāya ca bhūmi. *Kāyikan* 'ti pasādakāyaṇ vinā<sup>2</sup> anuppattito kāye niyuttan 'ti kāyikaṇ. *Cetasikan* 'ti avippayogavasena<sup>3</sup> cetasi-niyuttan 'ti cetāsikaṇ. Tattha kāyika-padena cetāsikaṇ *sukhaṇ* paṭikkhipati, sukha-padena kāyikaṇ dukkhaṇ. Tathā cetāsika-padena kāyikaṇ sukhaṇ paṭikkhipati, sukha-padena cetāsikaṇ dukkhaṇ. *Sātan* 'ti madhuraṇ sumadharaṇ. *Sukhan* 'ti sukhā eva; na dukkhaṇ. *Kāyasamphassajan* 'ti kāyasamphassajātaṇ. *Sātan*

<sup>1</sup> SH vaḍḍhetvā.<sup>2</sup> SH pasādakāyaṇ. Taṇ vinā.<sup>3</sup> SH, SM adhi-.



*sukhaṇ vedayitaṇ* 'ti sātaṇ vedayitaṇ, na asātaṇ vedayitaṇ, sukhāṇ vedayitaṇ, na dukkhaṇ vedayitaṇ. Parato tīni padāni itthiliṅgavasena vuttāni: *sātā* vedanā na asātā, *sukkhā vedanā* na dukkhā 'ti. Ayam eva pan' ettha attho.

*Cetasikasukha*-niddeso vuttapaṭipakkhanayena yojetabbo. *Te sukhā* 'ti liṅgavipallāso kato. Tāni sukhāni 'ti vuttaṇ hoti. Sesam ettha-catukke heṭṭhā paṭhamacatukke vuttanayen' eva veditabbaṇ. [189] Cattāri suttantikavatthūni dutiya-tatiya-catukkavasena veditabbāni 'ti.

Dutiyacatukka-Niddesa-Vaṇṇanā Niṭṭhitā.

58. Tatiyacatukkaniddese: *cittan* 'ti mūlapadaṇ, *viññāṇan* 'ti atthapadaṇ. *Yaṇ cittan* 'ti ādi pītiyaṇ vuttanayena yojetabbaṇ. Tattha: *cittan* 'ti ādisu cittatāya cittan. Ārammaṇaṇ minamānaṇ jānāti 'ti *mano*. *Mānasan* 'ti mano yeva.

“Antalikkhacarō poso  
Yvā<sup>1</sup> yaṇ carati mānaso,”

'ti hi ettha pana sampayuttakadhammo mānaso 'ti vutto.

“Kathaṇ hi Bhagavā tuyhaṇ  
Sāvako sāsane rato  
Appattamānaso sekkho  
Kālaṇ kayirā janesu tā?”

'ti arahattaṇ mānasan 'ti ettha<sup>2</sup> ca<sup>2</sup> vuttaṇ. Idha pana mano 'va mānasaṇ, byañjanavasena h' etaṇ padaṇ vaḍḍhitaṇ.<sup>3</sup> *Hadayan* 'ti: “cittaṇ vā te khipissāmi, hadayaṇ vā te phālessāmi” 'ti ettha uro hadayan 'ti vuttaṇ: “hadayā hadayaṇ maññe aññāya tacchati” 'ti ettha cittaṇ; “Vakkaṇ hadayan” 'ti ettha hadayavatthu. Idha pana cittam eva abbhantaratṭhena hadayan 'ti vuttaṇ. Tad eva parisuddha-

<sup>1</sup> B, SM Svā.-

<sup>2</sup> SH, SM *omit*.

<sup>3</sup> SM vaḍḍhati.

tthena paṇḍaraṇ. Bhavaṅgaṇ sandhāy' etaṇ vuttaṇ. Yath' āha: "Pabhassāram idaṇ bhikkhave cittaṇ. Tañ ca kho āgantukehi upakkilesehi upakkiliṭṭhaṇ" 'ti. Tato nikkhit-taṇ pana akusalam 'pi gaṅgāya nikkhittā nadī Gaṅgā viya, Godāvarito nikkhittā Godāvarī viya ca paṇḍaraṇ 't' eva vuttaṇ. Yasmā pana ārammaṇavijānana-lakkhaṇaṇ cittaṇ upakkilesena kilesa na hoti, sabhāvato parisuddham eva hoti, upakkilesayoge pana sati upakkiliṭṭhaṇ nāma hoti, tasmā 'pi paṇḍaraṇ 'ti vattaṇ yujjati.

[190] *Mano manāyatanaṇ* 'ti idha pana manogahaṇaṇ manass' eva āyatanabhāvadīpanatthaṇ. Ten' etaṇ dipeti: Na yidaṇ devāyatanaṇ viya manassa āyatanattā manāyata-naṇ. Atha kho mano eva āyatanaṇ manāyatanaṇ 'ti. Āya-tanattho heṭṭhā vutto yeva. Manate iti mano, vijānātī 'ti attho. Atṭhakathācariyā paṇ' āhu: "nāliyā minamāno viya, mahātulāya dhārayamāno viya ca ārammaṇaṇ jānātī 'ti mano. Tad eva mananalakkhaṇe indatṭhaṇ karotī 'ti indriyaṇ. Mano eva indriyaṇ *manindriyaṇ*. Vijānātī 'ti *viññānaṇ*. Viññānam eva khandho *viññāṇakkhandho*. Rūl-hito khandho vutto. Rāsatṭhena hi viññāṇakkhandhassa ekadeso ekaṇ viññāṇaṇ. Tasmā yathā rukkhassa ekadesaṇ chindanto rukkhaṇ chindatī 'ti vuccati, evam eva viññāṇa-kkhandhassa ekadesabhūtaṇ ekaṇ 'pi<sup>1</sup> viññāṇaṇ rūl-hito vi-ññāṇakkhandho 'ti vuttaṇ. Yasmā pana rāsatṭho yeva khandhatṭho na hoti koṭṭhāsattṭho 'pi khandhatṭho yeva, tasmā koṭṭhāsattṭhena viññāṇakotṭhāso 'ti 'pi attho. *Tajjā manoviññāṇadhātū* 'ti tesā phassādīnaṇ sampayuttadhammānaṇ anucchaviko<sup>2</sup> manoviññāṇadhātu. Imasmiṇ hi pade ekam eva cittaṇ minanatṭhena mano, vijānanatṭhena viññā-ṇaṇ, sabhāvattṭhena nissattattṭhena vā 'pi dhātū 'ti tīhi nāmehi vuttaṇ.

59. *Abhippamodo* 'ti adhikā tuṭṭhi.

60. [191] *Samādhi-niddese*: acalabhāvena ārammaṇe ti-tṭhatī 'ti *thitī*. Parato padadvayaṇ upasaggavasena vadḍhi-

<sup>1</sup> SH, SM omit.

<sup>2</sup> B -kā.

taṇ. Api ca sampayutte dhamme ārammaṇamhi sampiṇḍitvā tiṭṭhatī 'ti *saṇṭhiti*. Ārammaṇaṇ ogāhetvā anupavisitvā tiṭṭhatī 'ti *avatṭhiti*. Kusalapakkhasmiṇ cattāro dhammā ārammaṇaṇ ogāhanti: saddhā, sati, samādhi, paññā. Ten' eva saddhā okappanā 'ti vuttā, sati apilāpanā 'ti, samādhi avatṭhiti 'ti, paññā pariyogāhanā 'ti. Akusalapakkhe pana tayo dhammā ārammaṇaṇ ogāhanti: taṇhā, diṭṭhi, avijjā 'ti. Ten' eva te oghā 'ti vuttā. Uddhaccavicikicchāvasena pavattassa visāhārassa paṭipakkhato *avisāhāro*, *avisāharaṇa*<sup>1</sup> 'ti attho. Uddhaccavicikicchāvasen' eva gacchantāṇ cittaṇ vikkhipati nāma, ayaṇ pana tathā na hotī 'ti *avikkhepo*. Uddhaccavicikicchāvasen' eva cittaṇ visāhaṭaṇ<sup>2</sup> nāma hoti, ito c' ito ca hariyati, ayaṇ pana 'avisāhaṭassa manassa sabhāvo' 'ti *avisāhaṭamānasatā*.<sup>3</sup> *Samatho* 'ti tividho samatho: cittasamatho, adhikaraṇasamatho, sabbasaṅkhārasamatho 'ti. Tattha aṭṭhasu samāpattisu cittekkaggatā cittasamatho nāma, taṇ hi āgamma cittaṇ cittaṇ cittaṇ pphandanaṇ samati vūpasamati; tasmā so cittasamatho 'ti vuccati. Sammukkhāvinayādi sattavidho adhikaraṇasamatho nāma, taṇ hi āgamma tāni tāni adhikaraṇāni samanti ... .. adhikaraṇasamatho 'ti vuccati. Yasmā pana sabbe saṅkhārā nibbāṇaṇ āgamma samanti ... .. taṇ sabbasaṅkhārasamatho 'ti vuccati. Imasmiṇ atthe cittasamatho adhippeto. Samādhilakkhaṇe indaṭṭhaṇ karotī 'ti *samādhindriyaṇ*. Uddhaccena na kampatī 'ti *samādhibalaṇ*. *Sammāsamādhī* 'ti yathāvasamādhī, niyyānikasamādhī, kusalasamādhī.

61. *Rāgato vimocayaṇ cittaṇ* 'ti ādīhi dasahi kilesavatthūhi vimocanaṇ vuttaṇ. *Thīna-gaṇaṇ*' eva c' ettha middha-gaṇaṇ, *uddhacca-gaṇaṇ*' eva ca kukkuccagaṇaṇ kataṇ hotī 'ti? Aññesu pāṭhesu sahaṇāritā kilesavatthuto vimocanavacanaṇ' eva paṭhamajjhānādihi nīvaraṇādito vimocanaṇ, aniccānupassanādihi nīccasaññādito ca vimocanaṇ vu-

<sup>1</sup> SH -hā-.<sup>2</sup> B visaṭaṇ.<sup>a to b</sup> B *avisāhassa mānasassa bhāvo*.<sup>3</sup> *Text* -ta-.

ttam eva hoti 'ti. *Kathaṇ taṇ cittaṇ anupassatī*?\* 'ti ettha peyyāle ca aniccānupassanāya<sup>1</sup> niccasaññādināṇ paḥāṇaṇ vuttam eva. *Cattāri suttantīkavattāhūni* tatiya-catukkavasena veditabbāni 'ti.

Tatīyacatukka-Niddesa-Vaṇṇanā Niṭṭhitā.

62. Catutthacatukkaniddese: “Anidditṭhe napuṇsakan” 'ti vacanato asukan 'ti anidditṭhattā *aniccan 'ti kiṇ aniccan?* 'ti napuṇsakavacanena pucchā katā. *Uppādavayaṭṭhenā* 'ti uppādavaya-saṅkhātena aṭṭhena, uppādavayasabhāvenā 'ti attho. Ettha ca pañcakkhandhā sabhāvalakkhaṇaṇ, pañcannaṇ khandhānaṇ uppādavayā vikāralakkhaṇaṇ. Etena hutvā-abhāvena aniccan<sup>2</sup> 'ti vuttaṇ hoti. “Ten' eva ca Aṭṭhakathāya saṅkhatalakkhaṇavasena “aniccatā 'ti tesāṇ yeva uppāda-vaya-ññathattan” 'ti ca vatvā 'pi “hutvā-abhāvo cā” 'ti vuttaṇ. Etena hutvā-abhāvākāro aniccalakkhaṇaṇ 'ti vuttaṇ hoti.<sup>3</sup> [192] *Pañcannaṇ khandhānaṇ udāyabbayaṇ passanto imāni paññāsa lakkhaṇāni* 'ti peyyālaṇ katvā vuttaṇ. *Dhammā* 'ti saññākkhandhādayo yathāvutta-dhammā 'va.

63. Virāgānupassī-niddese<sup>3</sup> *Rūpe ādīnavaṇ disvā* 'ti bhaṅgānupassanato paṭṭhāya parato vuttehi aniccatṭhādīhi rūpakkhandhe ādīnavaṇ disvā. *Rūpavirāge* 'ti nibbāṇe, nibbāṇaṇ hi āgama rūpaṇ virajjati apunaruppattidhammataṇ āpajjanena nirujjhati. Tasmā nibbāṇaṇ rūpavirāgo ti vuccati. *Chandajāto hoti* 'ti anussavavasena uppanna-dhammacchando hoti. *Saddhādhimutto* 'ti tasmiṇ yeva nibbāṇe saddhāya ca adhimutto nicchito. *Cittaṇ c' assa svādhītṭhitan* 'ti assa yogissa cittaṇ khayavirāga-saṅkhāte rūpabhaṅge ārammaṇa-

\* *Text*, p. 100, l. 14.

<sup>1</sup> B -ssanādīhi; SM -ssanā-.

a to b B omits.

<sup>2</sup> SH aniccā.

<sup>3</sup> SH omits.

vasena accantavirāga-saṅkhāte rūpavirāge nibbāṇe anussavavasena suṭṭhu adhiṭṭhitaṇ, suṭṭhu patiṭṭhitaṇ<sup>1</sup> hoti 'ti sambandhato veditabbaṇ. *Rūpe virāgānupassī* 'ti rūpassa khayavirāgo rūpe virāgo 'ti pakatibhummavacanena vutto. Rūpassa accantavirāgo rūpe virāgo 'ti nimittatthe bhummavacanena vutto. Taṇ duvidhim 'pi virāgaṇ ārammaṇato ajjhāsayato ca anupassanasīlo rūpavirāgānupassī 'ti vutto. Esa nayo *vedanā*-disu.

64. *Nirodhānupassī*-padaniddese 'pi es' eva nayo.

65. *Katīh' ākārehi* 'ti adi pan' ettha viseso. Tattha *aviñjā*-dīnaṇ paṭiccasamuppādaṅgānaṇ ādīnavanīroddassanen' eva rūpādīnam 'pi ādīnavanīroddhā dassitā honti. Tesam 'pi paṭiccasamuppādaṅgānātivattanato. Iminā eva ca visesavacanena virāgānupassanato nirodhānupassanāya viṣiṭṭhabhāvo vutto hoti. [193] Tattha: *aniccatṭhenā* 'ti khayatṭhena, <sup>a</sup>huvā-abhāvatṭhena vā. *Dukkhatṭhenā* 'ti bhayatṭhena, paṭipīlanatṭhena vā. *Anattatṭhenā* 'ti asāra-katṭhena avasavattanatṭhena vā. *Santāpatṭhenā* 'ti kilesa-santāpanatṭhena. *Vipariṇāmatṭhenā* 'ti jarā-bhaṅgavasena dvidhā pariṇāmanatṭhena.<sup>b</sup>

*Nidānanīroddhenā* 'ti mūlapaccayābhāvena. *Nirujjhatī* 'ti na bhavati. *Samudayanīroddhenā* 'ti āsannapaccayābhāvena, mūlapaccayo hi byādhissa asappāyabhojanaṇ viya nidānan 'ti vutto. Āsannapaccayo byādhissa vātapittasemho viya samudayo 'ti vutto. Nidānaṇ hi nicchayena dadāti phalam iti ni-dānaṇ, samudayo pana suṭṭhu udeti etasmā phalam iti sam-udayo. *Jātinīroddhenā* 'ti mūlapaccayassa uppatti-abhāvena. *Pabhavanīroddhenā* 'ti āsannapaccayassa uppatti-abhāvena. Jāti yeva hi pabhavati<sup>2</sup> etasmā dukkhan 'ti pabhavo 'ti vattuṇ yujjati. *Hetunīroddhenā* 'ti janakapaccayābhāvena. *Paccayanīroddhenā* 'ti upatthambhaka-paccayābhāvena. Mūlapaccayo 'pi hi āsannapaccayo ca janakapaccayo

<sup>1</sup> B paṇidhitaṇ.

<sup>a to b</sup> B omits.

<sup>2</sup> SH bhavati.

ca upatthambhakapaccayo ca hoti yeva. Etehi tikkhavipassanākhane tadanānirodho, maggakkhane samucchedanirodho vutto hoti. *Ānāpādenā* 'ti tikkhavipassanānāpasa vā, maggañāpasa vā, uppādena. *Nirodhūpatthānenā* 'ti vipassanākhane paccakkhato khayanirodhassa anussavasena nirodha-saṅkhātassa nibbāpasa upatthānena. Etehi visaya-visayanīyamo 'va kato hoti, tadanāga-samucchedanirodho ca vutto hoti.

[194] 67. *Paṭinissaggānupassī*-niddese<sup>1</sup>: *Rūpaṇ pariccajati* 'ti ādīnavadassanena nirapekkhatāya rūpakkhandhaṇ pariccajati. *Pariccāgaṭṭhena* 'ti pariccāgaṭṭhena paṭinissaggo 'ti vuttaṇ hoti. Etena paṭinissagga-padassa pariccaṭṭho vutto. Tasmā kilesānaṇ pajahanan 'ti attho. Ettha ca vuṭṭhānagāminī vipassanā kilese tadanāvasena pariccajati, maggo samucchedavasena. *Rūpanirodhe nibbāne cittaṇ pakkhandati* 'ti vuṭṭhānagāminī tanninnatāya pakkhandati, maggo ārammaṇakaraṇena. *Pakkhandanaṭṭhena* 'ti pakkhandanaṭṭhena paṭinissaggo 'ti vuttaṇ hoti. Etena paṭinissagga-padassa pakkhandanaṭṭho vutto. Tasmā cittassa nibbāne vissajjanan 'ti attho. *Cattāri suttantikavattihūni* catutthacatukkavasena veditabbāni. Imasmiṇ catukke *jarāmarane* vattabbaṇ heṭṭhā vuttanayen' eva veditabbaṇ. Satipaṭṭhānesu ca, "kāye kāyānupassanā, citte cittānupassanā" 'ti kāya-cittānaṇ ekattavohāravaseṇa ekavacanāniddeso kato. "Vedanāsu vedanānupassanā, dhammesu dhammānupassanā" 'ti vedanā-dhammānaṇ nānattavohāravaseṇa bahuvacanāniddeso kato 'ti veditabbo 'ti.

Catutthacatukka-Niddesa-Vannaṇā Niṭṭhitā.

Niṭṭhitā ca Satokāriṇāṇa-Niddesa-Vannaṇā.

68. Idāni chahi rāsīhi uddiṭṭhañānesu catuvīsati-samādhinānaniddese tāva kāyānupassanādīnaṇ tinnāṇ catukkānaṇ vasena dvādasannaṇ vatthūnaṇ ekekasmiṇ *assāsavasena*

<sup>1</sup> B - padaniddese.



eko, *passāsavasena* eko 'ti dve dve *samādhī* 'ti dvādasasu vatthūsu catuvīsati samādhayo<sup>1</sup> hontī. Jhānakkhaṇe tehi sampayuttāni *catuvīsati samādhī*-vasena *ñāṇāni*.

Dvāsattativipassanā-ñāṇaniddese: *dīghaṇ* [195] *assāsā* 'ti dīghaṇ 'ti vutta-assāsato. Kiṇ vuttaṇ hoti?<sup>2</sup> Dīghaṇ assā-sahetu jhānaṇ paṭilabbhitvā samāhitena cittena vipassanā-kkhaṇe aniccato anupassanaṭṭhena *vipassanā* 'ti vuttaṇ hoti. Esa nayo uttaratrā<sup>3</sup>-pi. Tesā yeva dvādasannaṇ vatthūnaṇ ekekaṣmiṇ assāsavasena tisso, passāsavasena tisso 'ti cha anupassanā 'ti dvādasasu vatthūsu dvāsattati anupassanā hontī. Tā eva dvāsattati anupassanā *dvāsattati vipassanāvasena* *ñāṇāni*.

Nibbidāñāṇaniddese: *aniccānupassī assasan*<sup>4</sup> 'ti aniccānupassī hutvā assasanto, aniccānupassī hutvā vattanto 'ti attho. Assāsan 'ti ca idaṇ vacanaṇ hetu-atthe datṭhabbaṇ. *Yathābhūtaṇ jānāti passatī* 'ti *nibbidāñāṇan* 'ti kalāpasammasanato paṭṭhāya yāva bhaṅgānupassanā pavattavipassanāñāṇena saṅkhārānaṇ yathāsabhāvaṇ jānāti, cakkhunā diṭṭham iva ca ten' eva ñāṇacakkhunā passati. Tasmā nibbidāñāṇaṇ nāmā 'ti attho. Saṅkhāresu nibbidāñāṇaṇ nāmā 'ti vuttaṇ hoti. Upari bhayatūpaṭṭhānādīnaṇ, muñcitukamyatādīnaṇ ca nāṇānaṇ viṣuṇ āgatattā idha yathāvuttān' eva vipassanāñāṇāni nibbidāñāṇāni 'ti veditabbāni.

Nibbidānulomañāṇaniddese: *aniccānupassī assasan*<sup>4</sup> 'ti aniccānupassino assasantassa, sāmi-atthe paccattavacanaṇ. *Bhayatūpaṭṭhāne paññā* 'ti vacanen' eva bhayatūpaṭṭhānādīnavānupassanā-nibbidānupassanāñāṇāni vuttāni hontī. Tīṇaṇ ekalakkaṇaṭṭhā imāni tīṇi ñāṇāni anantarā vuttānaṇ nibbidāñāṇānaṇ anukūlabhāvena<sup>5</sup> anulomato nibbidānulomañāṇāni 'ti vuttāni.

Nibbidāpaṭippassaddhiñāṇa-niddese: *aniccānupassī assasan*<sup>4</sup> 'ti anantarasadisam eva. *Paṭisaṅkhā santitṭhāna paññā*

<sup>1</sup> B, SM -dhiyo.<sup>2</sup> B 'ti vuttaṇ hoti.<sup>3</sup> B, SM uttaratthā.<sup>4</sup> B, SH assāsan.<sup>5</sup> B kusalaḥbhāvena.

'ti vacanen' eva muñcitukamyatā-ṭṭisaṅkhānupassanā-saṅkhārūpekkhāñāṇāni vuttāni honti. Tiṇṇaṇ ekalakkaṇattā ṭṭisaṅkhā-santiṭṭhanā 'ti vacanen' eva anulomañāṇa-maggañāṇāni 'pi gahitāni honti. Saṅkhārūpekkhāñāṇa-anulomañāṇāni 'pi hi nibbidāya sikhāpattattā nibbidājanana-byāpārappahāṇena *nibbidāṭṭippasaddhi-ñāṇāni* nāma honti. Maggañāṇaṇa pana nibbidāṭṭippasaddhante uppajjanato nibbidāṭṭippasaddhiñāṇaṇa nāma hoti 'ti ativiya yujjati 'ti nibbidā-nulomañāṇesu viya ādibhūtaṇa muñcitukamyatā-ñāṇaṇa agahetvā ṭṭisaṅkhā-santiṭṭhanā 'ti ante ñāṇadvaya-gahaṇaṇa maggañāṇasaṅgahaṇatthaṇa. Muñcitukamyatā 'ti hi vutte anulomañāṇaṇa saṅgayhati, na maggañāṇaṇa. Maggañāṇaṇa hi muñcitukamyatā nāma na hoti, kiccasiddhiyaṇa santiṭṭhanato pana santiṭṭhanā nāma hoti. Atṭhakathāyam 'pi ca "phussanā 'ti appanā" 'ti vuttaṇa. Idaṇ ca maggañāṇaṇa nibbāṇe appanā 'ti katvā santiṭṭhanā nāma hoti 'ti. Santiṭṭhanā 'ti vacanena maggañāṇam 'pi saṅgayhati. Nibbidānulanomañāṇāni 'pi atthato nibbidāñāṇān' eva honti 'ti tāni 'pi nibbidāñāṇehi saṅgahetvā nibbidā-ṭṭippasaddhiñāṇāni 'ti nibbidāgahaṇam eva kattaṇa, na nibbidānulanoma-gahaṇaṇa.

Tisu 'pi c' etesu ñāṇatṭhakaniddesesu<sup>1</sup> catutthassa dhammānupassanācatukassa vasena vuttānaṇa catunnaṇa vatthūnaṇa ekekaṣmiṇ assāsavasena ekaṇa, passāsavasena ekaṇa 'ti dve dve ñāṇāni 'ti catūsu vatthūsu atṭha ñāṇāni honti.

Vimuttisukhañāṇa-niddese: *pahīṇattā* 'ti pahāṇaṇa dassetvā tassa pahāṇassa samucchedaṭṭhāṇatthaṇa dassento *samucchinnattā* āha. *Vimuttisukhe ñāṇan* 'ti phalavimuttisukhasampayutta-ñāṇaṇa ca phalavimuttisukh-ārammaṇapaccavekkhaṇa-ñāṇaṇa ca. Anusayavatthussa kilesassa pahāṇena pari-yutṭhāna-duccaritavatthupahāṇaṇa hoti 'ti dassanattthaṇa puna anusayānaṇa pahāṇaṇa vuttaṇa. [196] *Ekavīsati*-phalañāṇaṇa sandhāya pahāṇakilesagaṇanāya 'pi ñāṇagaṇanā katā hoti.

<sup>1</sup> B -ttika-.

Paccavekkhaṇāñāṇaṇ ca sandhāya pahīnakilesa-paccavekkhaṇaṇaṇāya phalapaccavekkhaṇāñāṇaṇaṇā katā hotī'ti.

Ñāṇarāsichakka-Niddesa-Vaṇṇanā Niṭṭhitā.

Saddhammappakāsinīyā Paṭisambhidāmagga-tṭhakathāya  
Ānāpānassatikathā-Vaṇṇanā Niṭṭhitā.\*

---

\* Here ends the corresponding Text of the Paṭisambhidāmagga, vol. i.

